

周書

唐 令狐德棻 等撰

中 華 書 局

卷三五至卷五〇(傳)

册

周書卷三十五

列傳第二十七

鄭孝穆 崔謙弟說 子弘度

崔猷

裴俠

薛端

薛善 弟慎

守,本邑中正。父瓊,范陽郡守,贈安東將軍、靑州刺史。 鄭孝穆字道和,日景陽開封人,魏將作大匠渾之十一世孫。祖敬叔,魏潁川、濮陽郡

司徒左長史,領臨洮王友,賜爵永寧縣侯。 元天穆討平|邢杲,進驃騎將軍、左光祿大夫、太師|咸陽|王長史。 及魏孝武西遷,從入關,除 屬盜賊蜂起,除假節、龍驤將軍、別將,屢有戰功。永安中,遷冠軍將軍、持節、都督。從 孝穆幼而謹厚,以淸約自居。年未弱冠,涉獵經史。父叔四人並早歿,昆季之中,孝穆 撫訓諸弟,有如同生,閨庭之中,怡怡如也。 魏孝昌初,解褐太尉行參軍,轉司徒主

列 僡 第二十 七 鄭 孝 穆

術。 部百 能名。 數年之內,有四萬家。 今,彼有慙德。」於是徵拜<u>京</u>兆尹 姓,久遭離亂,饑饉相仍,逃散殆盡。孝穆下車之日,戶止三千。 凋弊之俗,禮敎興行;厭亂之民,襁負而至。昔郭伋政成抖部,賈琮譽重冀方,以古方 就加 五年,行武功郡事,遷使持節、本將軍、三行岐州 通直散騎常侍。 每歲考績,爲天下最。 王羆時爲雍州 刺史,欽其善政,遺使貽書,盛相稱述。 太祖嘉之,賜書曰:「知卿莅職近畿,留 刺史、當州都督。 留情綏撫,遠近咸至, 在任未幾,有 先是,所

衆經略漢中,以孝穆爲梁州刺史,以疾不之部。拜中書令,賜姓宇文氏。 穆引接關東歸附人士,幷品藻才行而任用之。 孝穆撫納銓敍,咸得其宜。 大將軍達奚武 軍次潼關,命孝穆與左長史長孫儉、司馬楊寬、尚書蘇亮、諮議劉孟良等分掌衆務。 **儀同三司,加散騎常侍。** 無逾孝穆者。 十五年,梁雍州刺史、岳陽王蕭詧稱藩來附,時議欲遣使,盛選行人。 十六年,乃假孝穆散騎常侍,持節策拜爲深王。使還稱旨,進車騎大將軍、 是年,太祖總戎東討,除大丞相府右長史,封金鄉縣男,邑二百戶。 尋以疾免 太祖 歷 觀 仍令孝 內外,

牧,辟爲別駕,又以疾固辭。」武成二年,徵拜御伯中大夫,徙授御正。保定三年,出爲宜州 刺史,轉華州刺史。五年,除虞州刺史,轉陝州刺史。頻歷數州,皆有政績。復以疾篤,屢 孝閔帝踐阼,加驃騎大將軍、開府儀同三司,進爵爲子,增邑通一千戶。晉公護爲雍州

乞骸骨。 入爲少司空。卒於位,時年六十。贈本官,加鄭梁北豫三州刺史。 諡曰貞。

文帝有翊贊功,開皇初,又追贈孝穆大將軍、徐兗等六州刺史,改諡曰文。 子翮嗣。歷位納言,爲聘陳使。後至開府儀同三司、大將軍、邵州刺史。 |翻弟譯,於隋

督,稍遷御正下大夫,頗被顧待。東宮建,以譯爲宮尹下大夫,特被太子親愛。建德二年, 譴責, 譯坐除名。 爲聘齊使副。及太子西征,多有失德,王軌、宇文孝伯等以聞,高祖大怒,宮臣親幸者,咸被 輔少主。 爵沛國公。 夫,封歸昌縣公,邑千戶。旣以恩舊,任遇甚重,朝政機密,並得參詳。尋遷內史上大夫,進 譯幼聰敏,涉獵羣書,尤善音樂,有名於時。世宗詔令事輔城公。及高祖卽位,除都 隋文帝執政,拜柱國、大丞相府長史,內史如故。尋進位上柱國。 上大夫之官,自譯始也。及宣帝大漸,御正下大夫劉昉乃與譯謀,以隨公受遺 後例復官,仍拜吏部下大夫。宣帝嗣位,授開府儀同大將軍、內史中大

大夫、殷州刺史、贈侍中、 崔謙字士遜,急博陵安平人也。 都督冀定相三州諸軍事、驃騎大將軍、儀同三司、冀州刺史。 祖辯,魏平遠將軍、武邑郡守。父楷,散騎常侍、光祿

一块、破之、以功授輔國將軍、太中大夫、遷平東將軍、尚書殿中郎 經 「國緯民之事,心常好之,未嘗不撫卷歎息。 謙 幼聰 神彩嶷然。 及長,深沉有識量。 孝昌中,解褐著作佐郎。 歷觀經史,不持章句,志在博聞 從太宰元天穆討邢 而已。 每覽

何及。」 謙焉 勝等志節,並許其還國。 將麾下數百騎南奔於梁。 侯釋位; 韶勝引兵赴洛。 中,投身江 文之勳,復興於茲日矣。 勇之志,副遐邇之心,倍道兼行,謁帝關右。 也。公受方面之重,總宛、葉之衆,若杖義而動,首唱勤王,天下聞風,孰不感激。 金紫光祿大夫,賜爵千乘縣男。及勝至,拜太師,以謙有毗輔之功,又授太師長史。 質拔勝出鎭荆州,以謙爲行臺左丞。 勝不能用,而人情果大騷動。 謙 亦 漢道 外,今得生還本朝,豈非忠貞之報也。」太祖素聞謙名,甚禮之。 盡其智能,以相匡酮。 中微,列藩盡節。今皇家多故,主上蒙塵,寔忠臣枕戈之時,義士立功之日 軍至廣州,帝已西遷。 乃分謙先還,且通隣好。 捨此不爲,中道而退,便恐人皆解體,士各有心。 謙亦與勝俱行。 勝有聲南州,謙之力也。 還未至州,州民鄧誕引侯景軍奄至,勝與戰,敗績,遂 勝乃遲疑, 將旋所鎮。 勝雖居方岳之任,至於安輯夷夏,綱紀衆務,皆委 及至梁,每乞師赴援。 然後與宇文行臺,同心協力,電討不庭。 魏文帝見謙甚悦,謂之曰:「卿出萬死之 及魏孝武將備齊神武之逼, |謙謂勝日:「昔周室不造,諸 梁武帝雖不爲出軍,而 乃授征西將軍 失事機 誠 宜順義 门後悔 則桓、

加定州 遷哲於魏興,並 尚書右丞。 大統三年,從太祖擒竇泰,戰沙苑,並有功。 大中正、 謙明練 有功。 瀛州 時事,及居 刺史。 進驃騎大將軍、開府儀同三司、直州刺史,賜姓宇文氏。 十五年,授車騎大將軍、儀同三司,又破柳仲禮於隨郡,討平李 樞轄,時論以爲得 人。 進爵爲子,遷車騎大將軍、右光祿大夫,拜 四年,從太祖解洛陽圍,仍經 河橋

間,遂得安輯。 山三鎭諸軍事、安州刺史。 千許人,便率拒戰。 魏恭 吏民以是敬而 帝 初,轉利州刺 世宗初,進爵作唐縣公。保定二年,遷安州總管、隨應等十一州甑山上明魯 愛之。 會梁州援兵至,逐擒晃遷,餘人乃散。 。時有圈人賈晃遷舉兵作亂,率其黨圍逼州城。 史。 四年,加大將軍,進爵武康郡公。 謙性明悟,深曉政術,又勤於理務,民訟雖繁,未嘗有懈倦之 **謙誅其渠帥,餘竝原之。旬日之** 謙倉卒分部, 纔得

遇,而名位未顯。 大行,號稱良牧。 州 [刺史。州旣統攝遐長,俗兼夷夏,又南接陳境,東隣齊寇。 天和元年,授江陵總管。三年,遷荆州總管、荆淅等十四州南陽平陽等八防諸軍事、荆 子曠嗣 每年考績,常爲天下最,屢有詔襃美焉。 及踐其位,朝野以爲榮。四年,卒於州。 謙隨賀拔勝之在荆州 闔境痛惜之,乃共立祠堂,四時 謙外禦彊敵,內撫軍民,風化 也,雖 被

謙性至孝,少喪父,殆將滅性。 與弟(就)[說]特相友愛,四雖復年事竝高,名位各重,

列

傳

第

= +

七

崔

譧

六一四

所 有資產,皆無 曠 少溫 雅,仁而汎愛。 私 焉。 其居家嚴肅、動遵禮度。 釋褐中外府記室。 大象末,位至開府儀同大將軍 曠與說子弘度等, 並奉其遺訓 淅 州 刺史。

大將軍 子弘度,猛毅有父風。 長史。 遷 騎大將軍 都官尙書、定州大中正,改封安固 賀拔勝出 總管涼甘瓜三州 除京兆郡守。 都督,封安昌縣子,邑三百 說本名士約,少鯁直,有節槩,膂力過人,尤工騎射。 ,改封 軍還,除使持節、崇德安義等十三防熊和(忠)[中]等三州諸 牧 開府儀同 荆州 安平縣公。 以說爲假節、 累遷帥都督、 諸軍事、涼州 三司,加侍 大象末,上柱國、武鄉郡公。 建德四年卒,時年六十四。 中、公 戶。 冠軍將軍、防城都督。 撫軍將軍、通直散騎常侍、大都督、車騎大將軍、儀 刺 縣侯,至增邑三百戶,賜姓宇文氏,幷賜名說焉。 史。 從太祖復弘農,戰沙苑,皆有功。 進爵萬年縣公,增邑通前二千四百戶 說莅 政彊毅,百姓畏之。 贈慮延丹綏長五州刺史,諡曰壯。 又隨勝奔梁,復自梁歸國 釋褐領軍府錄事,轉諮議參軍。及 齊王憲東征,以說爲 軍 事,铝 進爵爲侯, 0 崇德防主, 除隴 增邑八百 州 同三司、 授衞 進 刺 加 爵 行 軍 將

輔國將軍、幽州刺史,諡曰景。父孝芬,左光祿大夫、儀同三司,兼吏部尚書,爲齊神武所 崔猷字宣猷,博陵安平人,漢尚書寔之十二世孫也。祖挺,魏光州刺史、泰昌縣子,贈

中郎。旣遭家難,遂間行入關。 及謁魏孝武,哀動左右,帝爲之改容。旣退,帝目送之曰: 吏部尚書李神儁所薦,拜通直散騎侍郎,攝尚書駕部郎中。普泰初,除征虜將軍、司徒從事 忠孝之道,萃此一門。」即以本官奏門下事。 歐少好學,風度閑雅,性鯁正,有軍國籌略。釋褐員外散騎侍郎,領大行臺郎中。 尋爲

史,加車騎大將軍、儀同三司。 焉。 太廟初成,四時祭祀,猶設俳優角抵之戲,其郊廟祭官,多有假兼。歐屢上疏諫,書奏,並納 擒竇泰,復弘農,破沙苑,猷常以本官從軍典文翰。 五年,除司徒左長史,加驃騎將軍。 時 遷京兆尹。時婚姻禮廢,嫁娶之辰,多舉音樂。又廛里富室,衣服奢淫,乃有織成文繡 歐又請禁斷,事亦施行。 與<u>盧</u>辯等剏修六官。十二年,除大都督、驃騎將軍、淅州刺 大統初,兼給事黃門侍郎,封平原縣伯,邑八百戶。 二年,正除黃門, 凸 加中軍將軍。

有應變之才,若有所疑,宜與量其可不。」思政初(領)[頓]兵襄城,[10]後欲於潁川爲行臺治 十四年,侯景據河南歸款,遣行臺王思政赴之。 太祖與思政書曰:「崔宣猷智略明贈,

列傳

第二十

七

崔猷

斷; 所, 遺使人魏仲奉啓陳之。 幷致書於歐論將移之意。 臺治所,潁川置州,遣郭賢鎭守。 旣隣寇境,又無山川之固,賊若充斥,徑至城下。 具以啓聞。 故能百戰百勝,以弱爲彊也。 正,賜姓宇文氏 陸攻,請三歲爲期。限內有事,不煩赴援。 賜以馬輿,命隨軍,與之籌議。十七年,進侍中、驃騎大將軍、開府儀同三司、本州大中 ,兼復固請,遂許之。 太祖卽遣仲還,令依猷之策。 及潁川沒後,太祖深追悔焉。十六年,以疾去職。 但襄城控帶京洛,寔當今之要地,如有動靜,易相應接。 則表裏膠固,人心易安,縱有不虞,豈能爲患。」仲見太祖, 思政 重啓,求與朝廷立約:賊若水攻,乞一 輒以愚情,權其利害,莫若頓兵襄城,爲行 過此以往,惟朝廷所裁。 猷復書曰:「夫兵者,務在先聲後實, 太祖以思政 屬 大軍東征, 周爲 既親

|州| **爵固安縣公,邑二千戶。** 及太祖 史崔 堙谷五 魏 恭帝元年,太祖欲開梁漢舊路,乃命猷督儀同劉道通、陸騰等五人,率衆開 謙 崩,始利 百餘里,至于梁州。 請援,猷遣兵六千赴之。 沙興等諸 猷深 別,阻 爲晉公護所重,護乃養賦第三女爲己女,自己封富平公主。 即以猷爲都督梁利等十二州白馬儻城二防諸 兵為逆,信合開楚四州亦叛,唯梁州 信州糧盡,猷又送米四千斛。 二鎭獲全,猷之力也。進 境內,民 軍 無貳心。利 事、梁州 通車路, 刺

世宗即位,徵拜御正中大夫。時依周禮稱天王,又不建年號,猷以爲世有澆淳,運有治

亂,故帝王以之沿革,聖哲因時制宜。今天子稱王,不足以威天下,請遵秦漢稱皇帝,建年

朝議從之。武成二年,除司會中大夫,御正如故。

梁利開等十四州白馬儻(成)[城]二防諸軍事、[三梁州刺史。尋復爲司會。 賢莫二,若行周公之事,方爲不負顧託。」事雖不行,當時稱其守正。保定元年,重授 輒違此義。」護曰:「天下事大,但恐畢公冲幼耳。」猷曰:「昔周公輔成王以朝諸侯,況明公親 奉遵遺旨,翊戴爲主,君以爲何如。」」猷對曰:「殷道尊尊,周道親親,今朝廷旣遵周禮,無容 世宗崩,遺詔立高祖。晉公護謂猷曰:「魯國公稟性寬仁,太祖諸子之中,年又居長。今 總管

傷過半,比雖加撫循,而瘡痍未復。近者長星爲災,乃上玄所以垂鑒誡也。誠宜修德以禳 定等遂沒江南 叛臣, 興無名之師, 利其土地。 詳觀前載, 非所聞也。」 護不從。 其後水軍果敗, 而裨將元 天變, 豈可窮兵極武而重其譴負哉? 今陳氏保境息民, 共敦隣好。 無容違盟約之重, 納其 天和二年,陳將華皎來附,晉公護議欲南伐,公卿莫敢正言。歐獨進曰:「前歲東征,死

歐前代舊齒,授大將軍,進虧汲郡公,增邑通前三千戶。 德四年,出爲同州司會。六年,徵拜小司徒,加上開府儀同大將軍。 開皇四年卒,諡曰 明。 隋文帝踐極,以

子仲方,字不齊,早知名,機神穎悟,文學優敏。大象末,儀同大將軍、司玉下大夫。 裴

列 傳

+

崔 猷

俠

六一八

裴俠字嵩和,河東解人也。 祖思齊,舉秀才,拜議郎。父欣,博涉經史,魏昌樂王府司

馬、西河郡守、贈晉州刺史。

道,庸 陽鄭偉謂俠曰:「天下方亂,未知烏之所集。[12]何如東就妻子,徐擇木焉。」俠曰:「忠義之 俠率所部赴洛陽。 脏嘉之,授輕車將軍、東郡太守,帶防城別將。及魏孝武與齊神武有隙,徵河南兵以備之, 中,解巾奉朝請。 恢幼而聰慧,有異常童。年十三,遭父憂,哀毀有若成人。州辟主簿,舉秀才。 可 忽乎 ,!吾旣食人之祿,寧以妻子易圖也。」遂從入關。 稍遷員外散騎侍郎、義陽郡守。元顯入洛,俠執其使人,焚其赦書。 授建威將軍,左中郎將。日三俄而孝武西遷,俠將行而妻子猶在東郡。 賜爵淸河縣伯,除丞相府士 魏正光 魏孝

幾爲 有勇 大統 了,因命改焉。 齊神武所攻。 三年,領鄉兵從戰沙苑,先鋒陷陣。 神武以書招思政,思政令恢草報,辭甚壯烈。 以功進爵爲侯,邑八百戶,拜行臺郞中。 俠本名協,至是,太祖嘉其勇決,乃曰「仁者必 王思政鎭玉壁,以俠爲長史。未 太祖善之、日:「雖魯連無

曹參軍

以加

也。」

祖。 人,供郡守役使。俠亦不以入私,並收庸直,爲官市馬。歲月旣積,馬遂成羣。去職之日, 制,有漁獵夫三十人以供郡守。 無所取。民歌之曰:「肥鮮不食,丁庸不取,裴公貞惠,爲世規矩。」俠嘗與諸牧守俱謁太 太祖命恢別立,謂諸牧守曰:「裴俠淸愼奉公,爲天下之最,今衆中有如俠者,可與之俱 除河北郡守。 俠躬履儉素,愛民如子,所食唯菽麥鹽菜而已。 吏民莫不懷之。 俠曰:「以口腹役人,吾所不爲也。」乃悉罷之。又有丁三十 此郡舊

此,竟欲何爲。]恢曰:「夫淸者莅職之本,儉者持身之基。 況我大宗,世濟其美,故能:存,見 者,咸付一通。從弟伯鳳、世彥,時並爲丞相府佐,笑曰:「人生仕進,須身名並裕。清苦若 稱於朝廷;沒,流芳於典策。今吾幸以凡庸,濫蒙殊遇,固其窮困,非慕名也。志在自修, 懼辱先也。 恢又撰九世伯祖貞侯潛傳,以爲裴氏清公,自此始也,欲使後生奉而行之,宗室中知名 飜被嗤笑,知復何言。」伯鳳等慙而退。

立。」衆皆默然,無敢應者。太祖乃厚賜俠。朝野歎服,號爲獨立君。

徵拜雍州別駕。 勵精發摘,數旬之內,姦盜略盡。 邑通前一 九年,入爲大行臺郞中。居數載,出爲郢州刺史,加儀同三司,尋轉(和)[拓]州刺史,[三] 千六百戶。 孝閔帝踐阼,除司邑下大夫,加驃騎大將軍、開府儀同三司,進爵爲公,增 遷民部中大夫。時有姦吏,主守倉儲,積年隱沒至千萬者,及恢在官, 轉工部中大夫。 有大司空掌錢物典字貴乃於府中悲泣。

列傳

其自首。

貴言隱

或 問 其 故。 對 曰:「所掌官物,多有費用,裴公淸嚴有名,懼遭罪責,所以泣耳。」俠聞之,許 費錢五百萬。 俠之肅遏姦伏,皆此類也

糧 屋 不不 粟,莫不備足。 初, 免 風 俠嘗遇疾沉頓, 霜,口心貴等還,言之於帝。 **搢紳咸以爲榮。** 吏民等,感俠遺愛,乃作頌 大司空許國公宇文貴、小司空北海公申徽並來伺候俠。 武成元年,卒於位。 帝矜其貧苦,乃爲起宅,幷賜良田十頃,奴隸 紀其淸德焉。 贈太子 少師、蒲州刺史、諡曰貞。 俠所居第 耕 河

中士。 憚 遷 子 稍 司 祥 倉下 性 遷御正大夫,二三賜 忠謹, 大夫。 有治劇 俠之終也,遂以 才。 爵胡原縣子。 少爲成都令,清不及俠,斷決過之。 、毁卒。 亮有才藝。 天和 後除長安令,為權貴所 中,舉秀才,拜給

北

郡

前

功曹

張

回及

著 魏 駒 舉秀才,拜中書博士,兼主客郎中,贈河東 文[成] 姓 薛 端 高 帝 祖 字仁直 謹 女西河 泰 ,河東汾陰 州 公主,二亞 刺 史、二公 人也,本名 有 內都 賜 田 在 坐大官、涪陵 馮 沙陁。 翊, 太守。 洪隆 魏雍州 公。 子 勝駒 父英集,通直散騎常侍 刺史、 曾祖 徙居之, 洪隆 汾陰侯辨之六世孫。 逐家 河 東 太守。 於 馮 翊 以隆 之 夏陽 代為 兄 焉 洪 阼 河 尙 麟

端 少有志操。 遭父憂,居喪合禮。 與弟裕,勵精篤學,不交人事。 年十七,司空高乾辟

爲參軍,賜爵汾陰縣男。 端以天下擾亂,遂弃官歸鄕里。

喻村民等,多設奇以臨之。一懿等疑有大軍,便即東遁,爭船溺死者數千人。端收其器械,復 意,遂拔還河東。 且戰且馳,遂入石城栅,得免。栅中先有百家,端與幷力固守。 議乃令其兵逼端等東度。方欲濟河,會日暮,端密與宗室及家僮等叛之。 循義遣騎追,端 遺行臺薛循義、都督乙干貴率衆數千西度,[ilo]據楊氏壁。 還楊氏壁。 魏孝武西遷,太祖令大都督薛崇禮據龍門,引端同行。 太祖遣南汾州刺史蘇景恕鎭之。降書勞問,徵端赴闕,以爲大丞相府戶曹參 東魏又遣其將賀蘭懿、南汾州刺史薛琰達守楊氏壁。〔三〕端率其屬,幷招 端與宗親及家僮等先在壁中,循 崇禮尋失守,遂降東魏。 貴等數來慰喻,知端無降 東魏

職。」太祖深然之。 遊子弟,才劣行薄者,未嘗升擢之。每啓太祖云:「設官分職,本康時務,苟非其人,不如曠 直,每有奏請,不避權貴。太祖嘉之,故賜名端,欲令名質相副。自居選曹,先盡賢能,雖貴 祭酒,加本州大中正,遷兵部郞中,改封文城縣伯,加使持節、平東將軍、吏部郞中。 從擒竇泰,復弘農,戰沙苑,並有功。加冠軍將軍、中散大夫,進爵爲伯。轉丞相東閤 大統十六年,大軍東討。 柱國李弼爲別道元帥,妙簡首僚,數日不定。太 端性彊

傳第

二 十

七

薛

爵爲侯。 |祖謂||丽日:「爲公思得一長史,無過||薛端。」||丽對日:「眞其才也。」乃遣之。 加授車騎大將軍 倫之鑒,其所擢用,咸得其才。六官建,拜軍司馬,加侍中、驃騎大將軍、開府儀同三司,進 儀同三司。 轉尙書左丞,曰司仍掌選事。 進授吏部尚書,賜姓宇文氏。端久處選曹,雅有人

端者千餘人。 州刺史。 將廢帝,召羣官議之,端頗有同異。護不悅,出爲蔡州刺史。 大將軍,追封文城郡公。 孝閔帝踐阼,除工部中大夫,轉民部中大夫,進爵爲公,增邑通前一千八百戶。 基州 至基州,未幾卒,時年四十三。 地接梁、陳,事藉鎭撫,總管史寧遣司馬梁榮催令赴任。 諡曰質。 遺誡薄葬,府州贈遺,勿有所受。 爲政寬惠,民吏愛之。 蔡州父老訴榮,請留 贈本官,加 尋轉基 晉公護

夫、徐州總管府長史、合州刺史。 子胄,字紹玄。 幼聰敏,涉獵羣書,雅達政事。 大象中,位至開府儀同大將軍。 起家帥都督。 累遷上儀同,歷司金中大

酒餚候之,談宴終日。 躭翫不倦。 弱冠,辟丞相參軍 夐遂以從孫女妻之。 事。 是時京兆章夐志安放逸,不干世務。 裕嘗謂親友曰:「大丈夫當聖明之運,而無灼然 初爲太學生,時費中多是貴遊,好學者少,唯俗 裕慕其恬靜, 數 載

守道,榮辱不及,何其樂也。」尋遇疾而卒,時年四十一。文章之士誄之者數人。太祖傷惜 文武之用,為世所知,雖復栖栖遑遑,徒爲勞苦耳。至如韋居士,退不丘壑,進不市朝,怡然

之,贈洛州刺史。

薛善字仲良,河東汾陰人也。祖瑚,[三]魏河東郡守。父和,南青州刺史。

(圍秦) [爲秦]州,以善爲別駕。[回]善家素富,僮僕數百人。 兄元信,仗氣豪侈,每食方丈,坐 善少爲司空府參軍事,遷儻城郡守,轉鹽池都將。 魏孝武西遷,東魏(攻)[改]河東

客恆滿,絃歌不絕。而善獨供己率素,〔三〕愛樂閑靜。

臨,而兄尙欲爲高氏盡力。若城陷之日,送首長安,云逆賊某甲之首,死而有靈,豈不歿有 |善密謂||崇禮曰:「|高氏戎車犯順,致令主上播越。與兄忝是衣冠緒餘,荷國榮寵。今大軍已 妹夫高子信爲防城都督,守城南面。遣馥來詣善云:「意欲應接西軍,但恐力所不制。」善即 餘愧!不如早歸誠款,雖未足以表奇節,庶獲全首領。」而崇禮猶持疑不決。 會善從弟 馥 令弟濟將門生數十人,與信、

馥等斬關引腕軍入。

時預謀者並賞五等爵,

善以背逆歸順,臣 大統三年,齊神武敗於沙苑,留善族兄崇禮守河東。 太祖遣李弼圍之,崇禮固守不下。

列

子常情,豈容闔門大小,俱叨封邑,遂興弟慎並固辭不受。 用彊明,一郡稱最。 太守王羆美之,令善兼督六縣事 太祖嘉之,以善爲汾陰令。

夫。 龍門縣子,遷黃門侍郎,加車騎大將軍、儀同三司。 甲兵精利,而皆忘其勞苦焉。加通直散騎常侍,遷大丞相府從事 又於夏陽諸山置鐵冶,復令善爲冶監,每月役八千人,營造軍器。 三司,賜姓|字文氏。 六官建,拜工部中大夫,進爵博平縣公。 尋徵爲行臺郞中。 時欲廣置屯田以供軍費,乃除司農少卿,領同州夏陽縣二十屯監。 除河東郡守,進驃騎大將軍、開府儀 尋除御正中大夫,轉民部中大 中鄓。 善親自督課,兼加 追論屯田 **山**功, 慰 賜 口

三州 乃殺 刺史。 出 動,以善忠於己,引爲中外府司馬。 時晉公護執政,儀同齊軌語善云:「兵馬萬機,須歸天子,何因猶在權門。」善白之。 爲隆州刺史,兼治益州總管府長 高祖以善告齊軌事,諡 日繆公。 史。 遷司會中大夫,副總六府事。 徵拜少傅。[云]卒於位,時年六十七。 子夏嗣。 官至高陽守。 善弟愼。 加授京兆尹,仍治司 贈清虞勳 護

李璨並相友善。 愼 字佛護,三三好學,能屬文,善草書。 起家丞相府墨曹參軍。 太祖於行臺省置學,取丞郎及府佐德行明敏者充 少與同郡裴叔逸、裴諏之、柳虬、范陽盧柔、隴

翡翠、 愼與李璨 論 并 悉令旦理公務,晚就講習,先六經,後子史。又於諸生中簡德行淳懿者,侍太祖讀書。 薛同,滎陽鄭朝等十二人,並應其選。 簡名僧深識玄宗者一百人,於第內講說。 及隴西李伯良、辛韶,武功蘇衡,譙郡夏侯裕,安定梁曠、梁禮,河南長孫璋, 又以慎爲學師,以知諸生課業。 又命慎等十二人兼學佛義,使內外俱通。由 太祖雅好談 河東

含人。 南縣子,邑八百戶。 數年,復以愼爲宜都公侍讀。 加 並居淸顯, 時人榮之。 通直 一散騎常侍,兼中書舍人,轉禮部郞中。六官建,拜膳部下大夫。 歷師氏、御伯中大夫。 孝閔帝踐阼,除御正下大夫,進車騎大將軍、儀同三司,封淮 轉丞相府記室。 魏東宮建,除太子舍人。遷庶子,仍領 愼兄善又任

是四方競爲大乘之學。

遣守令各喩所 有餘 **翕然從化。** 令首領每月 保定 娶妻, 初,出爲湖州刺史。 蠻俗,婚娶之後,父母雖 便與父 一參,或須言事者,不限時節。 諸蠻乃相謂曰:「今日始知刺 部。 母離析。 有 數戶蠻,別居數年,遂還侍養,及行得果膳,歸奉父母。 非唯氓俗之失,亦是牧守之罪。」愼乃親 州界旣雜蠻左,恆以叝掠爲務。愼乃集諸豪帥,具宣朝旨,仍 在,即 與別居。 史眞民父母也。」莫不欣悅。 愼 每引見,必殷勤勸誡,及賜酒食。 慎謂守令曰:「牧守令長 自 自是襁負而 誘導,示以孝慈, 是化民者也,豈有 慎感其從善之 一年之間, 至者,千

速,具以狀聞。 有詔蠲其賦役。於是風化大行,有同華俗。

薛善之以河東應李弼也,敬珍、敬祥亦率屬縣歸附。 專入爲蕃部中大夫。以疾去職,卒於家。 有文集,頗爲世所傳。

容儀,有氣俠,學業騎射,俱爲當時所稱。一样即珍從祖兄也,亦慷慨有大志,唯以交結英豪 敬珍字國寶,河東蒲坂人也,漢楊州刺史韶之十世孫。父伯樂,州主簿,安邑令。

解、安邑、溫泉、虞鄉等六縣戶十餘萬歸附。 之,遂與同郡豪右張小白、樊昭賢、王玄略等舉兵,數日之中,衆至萬餘。 爲務。 進而齊神武已敗。珍與祥邀之,多所剋獲。 招集義勇,斷其歸路,殲馘凶徒,使隻輪不反,非直雪朝廷之耻,亦壯士封侯之業。」祥深然 言甚悅,曰:「計將安出。」」珍曰:「宇文丞相寬仁大度,有霸王之略,挾天子而令諸侯,已數年 中。但力未能制耳。今復稱兵內侮,將逞凶逆,此誠志士効命之日,當與兄圖之。」祥聞其 觀其政刑備舉,將士用命,歡雖有衆,固非其儔。況逆順理殊,將不戰而自潰矣。 及齊神武趨沙苑,珍謂祥曰:「高歡迫逐乘輿,播遷關右,有識之士,孰不欲推刃於其腹 珍與之深相友愛,每同遊處。 及李弼軍至河東,珍與小白等率猗氏、南解、北 太祖嘉之,即拜珍平陽太守,領永寧防主;祥 將襲歡後 軍,兵未 我若

龍驤將軍、行臺郞中,領相里防主。 並賜鼓吹以寵異之。 太祖仍執珍手曰:「國家有河東之

地者,卿兄弟之力。還以此地付卿,我無東顧之憂矣。」

小白等旣與珍歸闕,太祖嘉其立効,並任用之。 久之,遷絳州刺史。 以疾免,卒於家。子元約,性貞正,有識學。 後咸至郡守、刺史。 位至布憲中大夫。

薛善任惟繁劇,以弘益流譽。 居家理治,以嚴肅見稱,莅職當官,以猛毅爲政;崔猷立朝贊務,則嘉謀屢陳,出撫宣 威恩具舉。 史臣曰:鄭孝穆撫寧離散,豳岐多襁負之人;崔謙鎭禦邊垂,江漢流載清之詠。 並當時之良將也。 而善陷齊諂護以要權寵,易名爲繆,斯不 薛端歷居顯要,以彊直 條,則 知名。 崔說

校勘記

謬乎。

鄭孝穆字道和 邕」,未舉字。 按道邕當是本名,晚年避周武帝諱,以字行。 北史卷三五鄭羲附從曾孫道邕傳作「道邕字孝穆」,魏書卷五六鄭義傳亦作「道 北周舊史又改「邕」爲「和」,以之爲

列傳第二十七 校勘記

字。

- 遷使持節本將軍 「不」原作「大」。諸本都作「本」。按下文|孝穆於|大統十六年,方進位車騎大
- 將軍,豈得先已爲大將軍。「大」字誤,今逕改。
- 崔謙字士遜 <u>世系表同。按崔辯傅和世系表稱其兄弟都以「士」字排行。下文也說其弟就當作說」本名</u>世約。 疑謙本名士謙,後改名謙,字士遜。 魏書卷五六、北史卷三二崔辯傳附孫士謙,都以「士謙」爲名,新唐書卷七二宰相
- 與弟(就)〔說〕特相友愛 碑、新唐書卷七二宰相世系表都作「說」。「訦」字誤,今據改。以下諸「訦」字逕改。 北史本傳「就」作「說」。按文苑英華卷九〇四庾信周大將軍崔說神道
- 五 改封安固縣侯 書卷三〇地理志中博陵郡義豐縣條云:「舊有安國縣,後齊廢。」地不屬周,但崔說是博陵人,故書 英華崔說碑作「安國縣侯」。按魏書卷一〇六上地形志上博陵郡有安國縣。 {肾

以本郡一縣爲封號。疑作「安國」是。

進臂驃騎大將軍開府儀同三司加侍中 于之寶鼎可致」,用的是車騎將軍典故,不像是傳刻之誤。 可能西魏時還未確立上述加官的制 儀同三司和侍中;車騎大將軍加儀同三司,散騎常侍,似碑誤。 然碑文此下云:「竇憲連官,單 英華崔説碑「驃」作「車」。按周制驃騎大將軍例加開府

- [P]熊和(忠)[中]等三州諸軍事 錢氏考異卷三二云:「『忠』當作『中』,隋志 卷三〇地理志河南郡
- 縣,後周置中州。」按英華崔說碑「忠」正作「中」。一錢說是,今據改。
- 諡日壯 北史本傳和英華崔說碑「壯」作「莊」,唐書卷七二下宰相世系表作「壯」,未知孰是。
- 「九」二年正除黄門 「正除」原倒作「除正」。諸本都作「正除」,局本同殿本。北史卷三二崔挺附孫

|鐵傳但作「正黃門」。 按上云「兼給事黃門侍郞」,「正除」或「正」均對「兼」而言,殿本誤倒,今逕

Z

- 思政初(領)[頓]兵襄城 宋本、汲本和北史本傳「領」作「頓」,是,今據改。
- 護乃養猷第三女爲己女 北史本傳作「猷第二女帝養爲已女」。
- 白馬儻(成)[城]二防 用,儻成郡見隋書卷二九地理志上漢川郡興勢縣條,本可不改,但上下文宜一致,下薛善傳亦見 張森楷云:「『成』當作『城』,上文是『城』字。」按當時地名「成」「城」常互
- [1] 左中郞將 _ 册府卷三七三四四三三頁「左」作「右」。「儻城郡」,今改作「城」。
- 未知鳥之所集 宋本、南本、北本、汲本和册府明本卷三七三四四三三頁「鳥」都作「鳥」宋本册府作 鳥爱止」語,而是「良禽擇木而樓」,作「鳥」未必誤。 「鳥」。殿本當依北史卷三八裴俠傳改,局本從殿本。按下有「徐擇木焉」語,本意恐非用詩經「瞻

- 二吾 **據**改。 零轉(m)(拓)州刺史 北史本傳「祏」作「拓」。 按「拓州」見隨書卷三一夷陵郡條,「祏」字誤,今
- **並來伺候俠俠所居第屋不発風霜** 作「茅」,疑北史、册府是。 北史本傳、册府卷七六八七六頁作「並來候|恢疾」,「第」 册府
- C1+3 稍遷御正大夫 北史本傳作「累遷御正下大夫」。
- 高祖謹泰州刺史 也。」按泰州治蒲坂,錢氏考異卷三〇有辯。 「泰」原作「秦」。 諸本都作「泰」。 今逕改。 張森楷云:「作『泰』是,此時固無『秦州』
- 二九 嫁。 以隆兄洪阼尚魏文〔成〕帝女西河公主 西河 依帝姊妹稱長公主之例推之,則當是文成帝女。」按北史卷三六薛辯傳明言洪祚尚文成女 長公主。 張說是。 **今**據補。 張森楷云:「據魏書薛辯傳卷四二皇興三年以長公主下
- 都督乙干貴 諸本「干」都作「千」。 殿本當從北史本傳改。
- 薛琰達 似「逵」,殿本因之而訛,今逕改 「達」原作「逵」。 諸本和北史本傳,册府卷七五八九〇二五頁都作「達」。 北本「達」字刊
- [II] 轉尙書左丞 北史本傳「左」作「右」。
- 呈 祖瑚 張森楷云一此即魏書薛辯傳卷四二之破胡也。 此作單名『瑚』,北史卷三六醛辯傳又作『湖』,

殊不畫一。」按魏書稱破胡弟破氐。 新唐書卷七三下宰相世系表稱「瑚字破胡」。 疑原名破胡,

單稱作「胡」,其後人又嫌不雅,乃加玉旁或水旁。

魏孝武西遷東魏(攻)(改)河東(圖秦) 〔爲泰〕州以善爲別駕 宋本「圍」作「爲」。 北史卷三六薛辯

附從孫善傳作「魏改河東爲秦州」。「秦州」與周書同爲「泰州」之訛,已見本卷校記第一八條。周

自明。東魏豈有「攻河東,圍泰州」之理。魏書卷一〇六下地形志下秦州 應作泰州 條云:「神廳元 書云東魏攻河東,北史則改郡置州。按這時河東爲東魏所有,薛善也是東魏所任別駕,觀下文書云東魏攻河東,北史則改郡置州。按這時河東爲東魏所有,薛善也是東魏所任別駕,觀下文

年置雍州,延和元年改,太和中罷,天平初復,後陷。」東魏天平改元五三四年即在永熙三年孝武西

作「攻」。後人又改「爲」作「圍」,以就文義,不知與事實大謬。今據北史改正。 遷後,云「天平初復」,與薛善傳所云「改河東爲泰州」,時間相符。宋本「爲」字尚不誤,「改」已訛

至 而善獨供己率素 北史本傳、册府卷八〇六九五八五頁「供」作「恭」。

[云] 徵拜少傅 <u>北史本傳作「徵拜武威少府」</u>。

〔七〕 愼字佛護 、 北史、 册府卷八八二一〇四四八頁「佛」作「伯」。

周書卷三十六

列傳第二十八

鄭偉楊纂

令狐整

司馬裔

裴果

劉志

段永

=

士良

~ 崔彦穆

降仲遠,又聞京師不守,衆遂潰。 洛,韶先護以本官假驃騎將軍、大都督,率所部與行臺楊昱及都督質拔勝同討之。 射,「三進爵郡公。尋入爲車騎將軍、左衞將軍。及爾朱榮死,徐州刺史爾朱仲遠擁 在藩,先護早自結託。及卽位,曰歷通直散騎常侍、平南將軍、廣州刺史,賜爵平昌縣侯。 悍, 元顥入洛,以禦扞之功,累遷都督二豫郢雍四州諸軍、征東將軍、豫州刺 仕

魏至直

閤將軍,贈

濟州刺史。

父先護,亦以

武勇聞。

起家員外散騎侍郎。

魏孝莊帝 鄭偉字子直,滎陽開封人也,小名闍提,魏將作大匠渾之十一世孫。 先護奔梁。 尋自梁歸,爲仲遠所害。 魏孝 史,兼尚書右僕 祖思明,二少勇 武 贈 兵將入 勝 使持 於陣

傳第二十八 鄭偉

列

節、都督、青齊兗豫四州刺史。日

拔梁州 碌為 乃謂 陳之間,相次降款。 不延首望風。 邑六百戶 散 儒 其 騎侍郎。 偉少倜儻 親 夫之事也」」於是與宗人際業,糺合州里,建義於陳留。信宿間,衆有萬餘人。 擒東魏刺史鹿永吉及鎭城令狐德, 并獲陳留郡守趙季和。 族曰:「今嗣主中興鼎業,據有崤、函。 況吾等世荷朝恩,家傳忠義,誠宜以此時効臣子之節,成富貴之資。 及孝武西遷,偉亦歸鄉里,不求仕進。大統三年,河內公獨孤信旣復洛陽,偉 一有大志,每以功名自許,善騎射,膽力過人。 偉馳入朝,太祖與語歎美之。 河內公親董衆軍,克復瀍、洛,率土之內,孰 拜龍驤將軍、北徐州刺史,封武陽縣伯, 爾朱氏滅後,自梁歸魏。 乃率衆來附。 因是梁、 豈可碌 起家通

叛, 公、邑二千戶、加車騎大將軍、開府 偉亦全軍 從戰 河橋及解玉壁圍, 而還。 錄前後 功, 偉常先鋒陷陣。 除中軍將軍、 儀同三司 侯景歸款,太祖命偉率所部應接之。 (全) 祭陽郡守,加散 ·騎常侍、大都督,進雷襄 及景後 城郡

除名。 眦之間,便行殺戮。 魏恭帝二年, 保定元年,詔復官爵,仍除宜州刺史。 進位大將軍,除江陵防主、都督十五州諸軍事。 朝廷以其有立義之効,每優容之。 **沃和六年,轉華州刺史。** 及在 |江陵,乃專戮副防主梠賓王,坐 l偉性蠢獷,不遵法度, 睚 偉前後莅職,皆以威

猛爲治,吏民莫敢犯禁,盜賊亦爲之休止。雖無仁政,然頗以此見稱。其年卒於州,時年五 贈本官,加少傅、都督司豫洛相冀五州諸軍事、司州 刺史。 諡日肅

己,逐射殺之。其忍暴如此。子大士嗣。 **|**偉性吃,少時嘗逐鹿於野,失之,遇牧豎而問焉。 牧豎答之,其言亦吃。 **偉怒**,謂其効

官,加郢鄯陝三州諸軍事、郢州刺史。子神符。 徐南兗三州刺史。〔F〕以立義及累戰功,授上開府、儀同大將軍,賜爵饒陽侯。〔C〕卒,贈本 少卿,轉衞尉少卿。歷職內外,並有恪勤之稱。尋卒官。 與偉同謀立義。 子常,字子元。 偉族人頂字寧伯,□ 少有幹用。 頗涉學,有當官譽。歷撫軍將軍、通直散騎常侍、司皮下大夫,遷信東 後隨偉入朝,賜爵魏昌縣伯,除太府少卿。 起家員外散騎侍郎,稍遷行臺左丞、陽城陳留二郡 贈儀同三司、豫州 出為扶風郡守,復爲 刺刺 史。 太府

楊纂,廣寧人也。父安仁,魏北道都督、朔州鎭將。

纂少習軍旅,慷慨有志略,尤工騎射,勇力兼人。年二十,從齊神武起兵於信都,以軍

興縣侯,邑八百戶,加通直散騎常侍。 所懼者危亡也,其能不憚危亡蹈茲忠義者,今方見之於卿耳。」即授征南將軍、大都督,封永 若以妻子撓懷,豈不沮人雄志!」大統初,乃間行歸款。 功稍遷安西將軍、武州刺史。 自以功高賞薄,志懷怨憤,每歎曰:「大丈夫富貴何必故鄉。 太祖執纂手曰:「人所貴者忠義也,

國大將軍,轉華州刺史。 軍,改封隴東郡公,除隴州刺史。 千戶。賜姓莫胡盧氏。 大將軍、儀同三司、散騎常侍,驃騎大將軍、開府儀同三司,加侍中,進爵爲公,增邑通 從太祖解洛陽圍,經河橋、邙山之戰,纂每先登,軍中咸推其敢勇。 俄授岐州 刺史。 三年,從隨公楊忠東伐,至幷州而還。 孝閔帝踐阼,進爵宋熈郡公。 保定元年,進位 天和六年, 進授柱 累遷使持節、車騎 大將 前

州,時年六十七。子濬嗣。 纂性質樸,又不識文字,前後莅職,但推誠信而已。 位至上柱國、漁陽郡公。 吏以其忠恕,頗亦懷之。 尋卒於

段永字永賓,其先遼西石城人,至晉幽州刺史匹磾之後也。 曾祖慢,仕魏,黃龍鎭將,

永 幼有志操,間里稱之。魏正光末,六鎭擾亂,遂攜老幼,避地中山。後赴洛陽。 拜殿

中將軍 抄爲 侯,除左光祿大夫。 足平殄。 騎討之。 魏孝武遣京畿大都督匹婁昭討之,昭請以五千人行。永進曰:「此賊旣無城棚,唯以寇 ,稍遷平東將軍,封沃陽縣伯,邑五百戶。 安則蟻聚,窮則鳥散,取之在速,不在衆也。 若徵兵而後往,彼必遠竄,雖有大衆,無所用之。」帝然其計,於是命永代昭,以五 永覘 知所在,倍道兼進,遂破平之。 時有賊魁元伯生,率數百騎,西自崤、潼,東至鞏、洛,屠陷塢壁,所在 青州人崔社客舉兵反,永討平之。 若星 馳電發,出其不虞,精騎五百,自 進爵 爲

大將軍 州 破 慕 沙苑 容顯 刺 轉文州 史。 帝 了並有 和,傳 西 **儀同三司、散騎常侍、驃騎大將軍、開府儀同三司、賜** 遷 于時朝貴多其部人,謁永之日, 刺史。 ,戰功。 首京師。 永 時不及從。 入爲工部中大夫,遷軍 進爵爲公。 以功 大統 別封昌平縣子,邑三百戶,除北徐州刺史。 河橋之役,永力戰先登,授南汾州 初,乃結宗人,潛謀歸款。 司 冠蓋 馬。 盈路。 保定四年,拜 當時榮之。 密與都督趙業等襲斬西中郎將 大將 姓爾綿氏。 孝閔 刺史。 軍 一帝踐阼, 從擒竇泰,復弘農, 魏廢 累遷大都督、車騎 帝元年,授恆 進 一
舒
廣 城郡

和 四年,授小司寇。[10]尋爲右二軍總管,[1]率兵北道講武。 永 歷任 內外,所在 頗 有聲稱。 輕財好士,朝野以 此 重 焉。 遇疾,卒於賀葛城,年六十八。 前後累 增 凡三千 九百戶。

、兵部下大夫。[1]

喪還, 高祖 親臨。 贈使持節、柱國大將軍、同華等五州刺史、諡曰基。 子岌嗣, 官至儀同三

仁歸魏,爲燉煌鎮將。 王士良字君明,其先太原晉陽人也。 祖公禮,平城鎭司馬,因家於代。父延,蘭陵郡守。 後因晉亂,避地涼州。 魏太武平沮渠氏,曾祖景

統豆陵伊利欽其才,擢授右丞,妻以孫女。 夫,封石門縣男,邑二百戶。 右將軍,出爲殷州車騎府司馬。 並卽歸附。 士良少修謹,不妄交遊。 朝廷嘉之。 太昌初,進爵晉陽縣子,邑四百戶。 後與紇豆陵步藩交戰,軍敗,爲步藩所擒,遂居河 魏建明初, 爾朱仲遠啓爲府參軍 士良旣爲姻好,便得盡言,遂曉以 尋進爵琅邪縣侯,授太中大夫、 事。 歷大行臺郎中、 7禍福, 右。 爲行 伊利等 諫議大

叉轉, 軍。 臺右丞,自己加鎭西將軍,增邑一千戶,進爵爲公,令輔其弟演於幷州居守。 大將軍府屬、從事中郎,仍攝外兵事。 專遷長史,加安西將軍,徙封符壘縣侯,增邑七百戶。 武定初,除行臺左中 東魏徙鄴之後,置京畿府,專典兵馬。時齊文襄爲大都督,以士良爲 王思政鎭潁川,齊文襄率衆攻之。 司馬,領 兵郞 授士良大行 外兵參 中

除侍中,轉太常卿,尋加開府儀 高叡、太常卿崔昂 爲侍中,除吏部尚書。 書左丞 新豐縣子, 三不許,方應命。 乾明 士良少孤,事繼母梁氏以孝聞。 齊文宣卽位,入爲給事黃門侍郎,領中書舍人,仍總知幷州兵馬事,加征西將軍, 一,統留 初, 邑三百戶。 1後事。 徵還鄴,授儀同三司。 文宣見其毀瘠,乃許之。 分行郡國,但有一 仍 遷御史中丞,轉七兵尙書。 俄除 士良頓首固讓,文宣不許。 、驃騎將軍、尚書吏部郎中。 同三司,出爲豫州道行臺,豫州刺 介之善者,無不以聞。 孝昭 及卒,居喪合禮。 即位,遣三道使 因此臥疾歷年,文宣每自臨視。 久之,還爲侍中,又攝度支、五兵二曹尙 未幾,入爲侍中,轉殿 文宣尋起令視事、士良屢表陳誠 齊文宣自晉陽赴鄴宮,復 搜揚人物。 齊武成初,除太子少傅、少師,復 史。 士良 中尚 與尚書令趙郡 疾愈,除 . 書。 士良 頃之, 滄州 別封 爲 再 復 倘 刺

七州 爵廣 年八十二。 猶 有 存 昌 保定 諸 郡 者。 軍 事 四年,晉公護東伐,權景宣以山 公。 遠近 子德衡,大象末,儀同大將軍 金州 **尋除荆州總管,行荆州** 咸以爲榮。 刺史。 建德六年,授幷州 加授上大將軍。 刺史。 [南兵圍豫州, 刺史。仁善士良去鄉旣久, 復入爲小司徒。 以老疾乞骸骨,優韶許之。 士良畢城降。 俄除 鄜 授大將軍、 孙 忽臨本州 刺 隋開皇元年卒,時 史,轉 耆舊 小司徒, 金州 故 總 管、 賜

初,復歸於魏,拜潁川郡守,因家焉。後終於郢州刺史。父稚,篤志經史,不以世事嬰心。 起家秘書郎,稍遷永昌郡守。隋開皇初,以獻后外曾祖,追贈上開府儀同三司、新州刺史。 祖蔚,遭從兄司徒浩之難,南奔江左。仕宋爲給事黃門侍郎,汝南、義陽二郡守。 崔彦穆字彥穆,淸河東武城人也,魏司空、安陽侯林之九世孫。 曾祖顗,魏平東府諮 延興

末、除司徒府參軍事、轉記室、遷大司馬從事中郎。 伏膺儒業,爲時輩所稱。魏吏部尚書隴西李神儁有知人之鑒,見而歎曰:「王佐才也。」永安 **彥穆幼明悟,神彩卓然。年十五,與河間邢子才、京兆韋孝寬俱入中書學,偏相友愛。**

軍、金紫光祿大夫、榮陽郡守。四年,兼行右民郎中、潁川邑中正,賜爵千乘縣侯。十四年, 穆入幕府,兼掌文翰。及于謹(平)[伐]江陵,[15]彥穆以本官從平之。 郡守蘇淑。「云仍與鄉郡王元洪威攻潁川,斬其刺史李景(道)[遺]。「己 孝武嘉之,拜鎭東將 加使持節、車騎大將軍、儀同三司、散騎常侍、司農卿。時軍國草剏,衆務殷繁,太祖乃詔彥 魏孝武西遷,彥穆時不得從。大統三年,乃與兄彥珍於成皐畢義,因攻拔榮陽,擒東魏

入爲御正中大夫。陳氏請敦鄰好,詔彥穆使焉。 世宗初,進驃騎大將軍、開府儀同三司,俄拜安州總管、十一州諸軍事、[14]安州刺史。 <u>彦</u>穆風韻閑曠,器度方雅,善玄言,解談

謔,甚爲江陵所稱。[10]轉民部中大夫,進爵爲公。 天和三年,復爲使主,聘於齊。 使還,除

金州總管、七州諸軍事、金州刺史,進位大將軍。 尋徵拜小司徒。

大象二年,宣帝崩,隋文帝輔政,三方兵起。以彥穆爲行軍總管,率兵與襄州總管王誼

徵王誼入朝,即以彥穆爲襄州總管、六州諸軍事、襄州刺史,加授上大將軍,進爵東郡公,邑 討司馬消難。軍次荆州,彥穆疑荆州總管獨孤永業有異志,遂收而戮之。 及事平, 隋文帝

一千戶。頃之,永業家自理得雪,彥穆坐除名。 尋復官爵。 隋開皇元年,卒。 子君綽嗣

君綽性夷簡,博覽經史,有父風。 大象末,丞相府賓曹參軍。 君綽弟君肅,解巾爲道王

侍讀。大象末,潁川郡守。

末,卒於家。太祖傷悼之,遣使者監護喪事,又勑鄕人爲營墳壟。贈龍驤將軍、瓜州刺 良二千石。父虬,早以名德著聞,仕歷瓜州司馬、燉煌郡守、郢州刺史,封長城縣子。 令狐整字延保,燉煌人也,本名延,世爲西土冠冕。 會祖嗣、祖韶安,並官至郡守,咸爲 史。

簿,三二加盪寇將軍。 整幼聰敏,沉深有識量。 整進趨詳雅,對揚辯暢,謁見之際,州府傾目。上榮器整德望,嘗謂僚屬 學藝騎射,並爲河右所推。 刺史魏東陽王元榮辟整 爲主

委以庶務,書諾而已。」

六四二

曰:「令狐延保西州令望,方城重器,豈州郡之職所可絷維。但一日千里,必基武步,寡人當

行。整至玉門郡,召集豪傑,說保罪逆,馳還襲之。先定晉昌,斬呂興。進軍擊保。州人素 之,遂不敢害。 服整威名,並棄保來附。保遂奔吐谷渾。 才堪統御,若使爲將,蔑不濟矣。」保納其計,具以整父兄等並在城中,曰三弗之疑也,遂令整 所任。整又令說保曰:「歷觀成敗,在於任使。所擇不善,旋致傾危。令狐延保兼資文武, 分遣銳師,星言救援。二州合勢,則東軍可圖。然後保境息人,計之上者。」保然之,而未知 殺刺史成慶,與涼州刺史宇文仲和搆逆,規據河西。晉昌人呂興等復害郡守郭肆,以郡應 整與開府張穆等密應使者申徽,執彥送京師。 ·君與仲和結爲脣齒,今東軍漸逼凉州,彼勢孤危,恐不能敵。 若或摧衂,則禍及此土。 宜 初,保等將圖爲亂,慮整守義不從,旣殺成慶,因欲及整。以整人之望也,復恐其下叛 頃之,魏孝武西遷,河右擾亂,榮仗整防扞,州境獲寧。及鄧彥竊瓜州,曰曰拒不受代, 雖外加禮敬,內甚忌整。 整亦僞若親附,而密欲圖之。 陰令所親說保曰: 太祖嘉其忠節,表爲都督。尋而城民張保又

戮力,務在除兇,若其自相推薦,復恐効尤致禍。」於是乃推波斯使主張道義行州事。 具以 衆議推整爲刺史。整曰:「本以張保肆逆,毒害無辜,闔州之人,俱陷不義。今者同心

狀聞。 謂整曰:「卿少懷英略,早建殊勳,今者官位,未足酬賞。方當與卿共平天下,同取富貴。」遂 韶以申徽爲刺史。徵整赴闕,授壽昌郡守,封(驤)[襄]武縣男,[晉]邑二百戶。

立爲瓜州義首。仍除持節、撫軍將軍、通直散騎常侍、大都督。

宇文氏,幷賜名整焉。宗人二百餘戶,並列屬籍。 漢建威將軍邁,不爲王莽屈,其子稱避地河右。故太祖稱之云。尋除驃騎大將軍、開府儀 常從容謂整曰:「卿遠祖立忠而去,卿今立忠而來,可謂積善餘慶,世濟其美者也。」整遠祖 同三司,加侍中。」太祖又謂整曰:「卿勳同樓、頂,義等骨肉,立身敦雅,可以範人。」遂賜姓 同豐約,是以人衆並忘羈旅,盡其力用。遷使持節、車騎將軍、儀同三司、散騎常侍。 |整以國難未寧,常願舉宗効力。遂率鄕親二千餘人入朝,隨軍征討。||整善於撫馭,躬

傾身撫接,數月之間,化洽州府。 爲,多虧治典。 孝閔帝踐阼,拜司憲中大夫。處法平允,爲當時所稱。進爵彭陽縣公,增邑一千戶。 初,梁興州刺史席固以州來附,太祖以固爲豐州刺史。固莅職旣久,猶習梁法,凡所施 朝議密欲代之,而難其選。 於是除整豐州刺史,以固爲湖州。 遂令<u></u>整權鎭豐州,委以代固之略。 豐州 舊治,不居人 整廣布威恩,

列傳第二十八 令狐整

城府周備

固之遷也,其部曲多願留爲整左右,整論以朝制,弗之許也,流涕而

整請移治武當,詔可其奏。

獎勵撫導,遷者如

歸

,旬月之間,

及整秩

民,[三] 賦役參集,勞逸不均。

滿,故歷居內外,所在見稱。「天和六年,進位大將軍,增邑通前二千一百戶。 大夫,出爲中華郡守,轉同州司會,遷始州刺史。 滿代至,民吏戀之,老幼送整,遠近畢集,數日停留,方得出界。 其得人心如此。 整雅識情偽,尤明政術,恭謹廉慎,常懼盈 拜御正中

會者咸伏法,而整獨保全。時人稱其先覺。建德二年卒,時年六十一。贈本官,加鄭宜豳 晉公護之初執政也,欲委整以腹心。整辭不敢當,頗迕其意,護以此疎之。及護誅,附

鹽四州諸軍事、鄜州刺史,諡曰襄。子熈嗣。

射,解音律,涉羣書,尤明三禮。累遷居職任,並有能名。大象中,位至吏部中大夫、儀同大 熈字長熈。性方雅,有度量,雖在私室,容止儼然。非一時賢俊,未嘗與之遊處。善騎

望,應得本州,但朝廷藉公委任,無容遠出。然公門之內,須有衣錦之榮。」乃以休爲燉惶郡 督、樂安郡守。 入爲中外府樂曹參軍。 在郡十餘年,甚有政績。進位儀同三司,遷合州刺史。尋卒官。 整弟休,幼聰敏,有文武材。 起家太學生。後與整同起兵逐張保,授都督。 累遷大都 時諸功臣多爲本州刺史,晉公護謂整曰:「以公勳

司馬裔字遵胤,河內溫人也,晉宣帝弟太常馗之後。曾祖楚之,屬宋武帝誅晉氏戚屬

避難歸魏。 位至使持節、侍中、鎭西大將軍、開府儀同三司、朔州刺史,封琅邪王。

員外散騎常侍。 裔 少孤,有志操,州郡辟召,並不應命。起家司徒府參軍事。 及魏孝武西遷,裔時在鄴,潛歸鄉里,志在立功。 後以軍功,授中堅將軍、

戰。 舊,乃授前將軍、太中大夫,領河內郡守,令安集流民。十三年,攻拔東魏平齊、柳泉、廖塢 史。 叔。 三城,獲其鎭將李熙之。加授都督。 八年, 率其義衆入朝。 自此頻與東魏交戰,每有克獲。六年,授河內郡守。 衆寡不敵,義徒死傷過半。及大軍東征,裔率所部從戰河橋,又別攻懷縣,獲其將吳輔 大統三年,大軍復弘農,乃於溫城起義,遣使送款。 與東魏將高永洛、王陵等畫夜 交 太祖嘉之,特蒙賞勞。頃之,河內有四千餘家歸附,並裔之鄉 尋加持節、平東將軍、北徐! 州刺

襄城郡公主。十六年,大軍東伐,裔請爲前鋒。遂入建州,破東魏將劉雅興,拔其五城。 之乎。今以封裔,便是賣義士以求榮,非所願也。」太祖善而從之。授帥都督,拜其妻元爲 欲以封裔。 裔固辭曰:「立義之士,辭鄉里,捐親戚,遠歸皇化者,皆是誠心內發,豈裔能率 十五年,「云」太祖令山東立義諸將等能率衆入關者,並加重賞。裔領戶千室先至,太祖

魏廢帝元年,徵裔,令以本兵鎭漢中。 除白馬城主,帶華陽郡守,加授撫軍將軍、大都

傳

第二十八

傑於槐林,平鄧朏於梓潼。 督、通直散騎常侍。 。二年,轉鎭宋熙郡。 以功賜爵龍門縣子,〔三〕行蕭州刺史。 尋率所部兵從尉遲迥伐蜀,與叱羅協破叛兵趙雄 專行新城郡事。[IC] 魏恭

帝元年,授使持節、車騎大將軍、儀同三司、散騎常侍、本郡中正。

公。大軍東討,裔率義兵與少師楊檦守軹關,即授懷州刺史、東道慰勞大使。 百戶。「豆」保定二年,入爲御伯中大夫,增邑通前一千五百戶。四年,轉御正中大夫,進爵爲 孝閔帝踐阼,除巴州刺史,進使持節、驃騎大將軍、開府儀同三司,進爵琅邪縣伯,邑五 五年,轉始州

出師 實勝糧仗俱竭,力屈乃降。時尚有籠東一城未下,尋亦拔之。又獲賊帥冉西梨、向天王等。 種落,據險自固。向天王之徒,爲其外援。裔晝夜攻圍,腹背受敵。自春至秋,五十餘戰。 入,先遣使宣示禍福。 蠻酋冉三公等三十餘城皆來降附。[10]進次雙城,蠻酋向寶勝等率其 未及之部,卒於京師。 再碁,羣蠻率服。拜信州刺史。五年,遷潼州刺史。六年,徵拜大將軍,除西寧州刺 天和初,信州蠻酋冉令賢等反,連結二千餘里。商隨上庸公陸騰討之。 裔自開州道

所,有韶爲起祠堂焉。贈大將軍,加懷邵汾晉四州刺史。諡曰定。[三]子倡嗣。 裔性清約,不事生業,所得俸祿,並散之親戚,身死之日,家無餘財。 宅宇卑陋,喪庭無

騎大將軍、開府儀同三司。遷兗州刺史。 授使持節、車騎將軍、儀同三司。又從平持、鄴,除樂安郡守。 爲 |倡字道遷,少敢勇,未弱冠,便從戎旅。 未之部而卒。贈本官,加豫州刺史,諡曰惠。 保定四年,隨少師楊檦東征。與齊人交戰,捌 後更論晉州及平齊勳, 加 驃 功

裴果字戎昭,河東聞喜人也。祖思賢,魏青州刺史。父遵,齊州刺史。

與果相遇。 每先登陷陣,時人號爲「黃驄年少」。 果少慷慨,有志略。 果知非常人,密託附焉。 魏太昌初,起家前將軍、乾河軍主,除陽平郡丞。 永熙中,授河北郡守。 永安末,盜賊蜂起。果從軍征討,乘黃驄馬,衣青袍, 太祖曾使幷州,

陷陣,生擒 督,遷平東將軍。 從戰河橋,解玉壁圍,並摧鋒奮擊,所向披靡。大統九年,又從戰邙山, 及齊神武敗於沙苑,果乃率其宗黨歸闕。 東魏 都督賀婁烏蘭。〔三〕勇冠當時, 後從 開 府楊忠平隨郡、安陸,以功加大都督,除正平郡守。 人莫不歎服。 太祖嘉之,賜田宅、奴婢、牛馬、衣服、什物 以此太祖 愈親待之,補帳 於太祖前 正平, 挺身 內

列

戰破之。 旬月之間,州境淸晏。 侍、司農卿。 也。 姓、「三」圍逼州城。 皆有功。 以威猛 魏廢帝三年,授龍州刺史,封冠軍縣侯,邑五百戶。 爲政,百姓畏之,盜賊亦爲之屛息。 又從大將軍尉遲迥伐蜀。果率所部爲前軍,開劍閣,破李慶保,〔三〕降楊乾運, 時糧仗皆闕,兵士又寡,果設方略以拒之,賊便退走。 轉陵州刺史。 遷使持節、車騎大將軍、儀同三司、散騎常 俄而州民張道、李祏驅率百 於是出兵追擊,累

千戶。 子孝仁嗣。 理屈滯,歷牧數州,號爲稱職。 孝閔帝踐阼,除隆州刺史。 武成末,轉眉州刺史。 保定五年,授復州刺史。 天和二年,卒於位。 加使持節、驃騎大將軍、開府儀同三司,進爵爲公,增邑一 贈本官,加絳晉建三州刺史。諡曰質。 果性嚴猛,能斷決,每抑挫豪右,申

寧鎭將。 孝仁幼聰敏,涉獵經史,有譽於時。 扞禦齊人,甚有威邊之略。 建德末,遷建州刺史,轉譙州刺史。 起家舍人上士。 累遷大都督、儀同三司。 大象末,又遷亳州 出爲長

鄭偉等之以梁州歸款,時劉志亦以廣州來附。

刺史。

志,弘農華陰人,本名思,漢太尉寬之十世孫也。 高祖隆、宋武帝平姚泓,以宗室首望,

才、〔壹〕拜中書博士。 召拜馮翊郡守。 後屬赫連氏入寇,避地河洛,因家于汝潁。 後至弘農郡守、北雍州刺史。父躟,汝南郡守,贈徐州 祖善,魏(大)[天]安中,舉秀 刺 史。

北將 郎中。 志力屈城陷,潛遯得免。 魏,潛遣間使,奉表長安。 軍、銀青光祿大夫、廣州 志少好學,博涉羣書,植性方重,兼有武略。 永安初,加宣威將軍、給事中。 魏孝武嘉之,授缺二字長史、〔云〕襄城郡守。 別駕。 三年,齊神武舉兵入洛,魏孝武西遷。 二年,轉東中郞府司馬、征虜將軍。 魏正光中,以明經徵拜國子助教,除行 後齊神武遣兵攻圍, 永熙二年,除安 志據城不從東

祿大夫、車騎大將軍、儀同三司,進爵<u>武鄉縣公,增邑通前一千戶,仍賜姓宇文氏。</u>高祖時 於宜州賜田宅,令徙居之。世宗遷蒞岐州,又令志以本官翊從。及世宗卽位,除右金紫光 謹慎,甚得匡贊之體。」太祖嘉之,嘗謂之曰:「卿之所爲,每會吾志。」於是遂賜名志焉。仍 牧宜州,太祖以志爲幕府司錄。世宗雅愛儒學,特欽重之,事無大小,咸委於志。志亦忠恕 曹參軍,封華陰縣男,邑二百戶。 大統三年,太祖遣領軍將軍獨孤信復洛陽。志糺合義徒,舉廣州歸國。拜大丞相府墨 加大都督、撫軍將軍,轉中外府屬,遷國子祭酒。世宗出

高祖嗣位,進授驃騎大將軍、開府儀同三司,拜刑部中大夫。

志執法平允,甚得時譽。

爲魯公,韶又以志爲其府司馬。

盜相 相 成州刺史。 蓮芍界內,數有羣盜攻劫行旅,郡縣不能制。乃以志爲延壽郡守以督之。志示以恩信,羣 率請罪。 政存寬恕,民吏愛之。天和五年卒。贈大將軍、揚州刺史,諡曰文。子子明嗣。 志表陳其狀,韶並免之。自是郡界肅淸,寇盜屛息。 遷使持節、成州諸軍事、

郡守。 歷衞州蔚州長史、幽州總管府〔司馬、朔州總管府〕長史。〔計〕 子明弘雅有父風。歷官右侍上士、大都督、絳州別駕。隋文帝踐極,除行臺郎中、順陽 子明弟子陵,司右中士、帥都督、凉州別駕。 隋開皇初, 拜姑臧郡守。 尋加儀同三

終吉。不如是,亦何以立韙名、取高位乎。 鄭偉、崔彥穆等之在山東,並以不羈之才,邅回於灩雀,終能翻然豹變,自致龜組,其知機之 狐整器幹確然,雅望重於河右,處州里則勳著方隅,升朝廷則績宣中外。 以運屬旣安,君道已著,則狥利忘德者,罪也;時逢擾攘,臣禮未備,則轉禍爲福者,可也。 士歟。王士良之仕于齊,班職上卿,出爲牧伯,而臨危苟免,失忠與義,其背叛之徒歟。令 史臣曰:昔陽貨外叛,庶其竊邑,而春秋譏之;韓信背項,陳平歸漢,而史遷美之。蓋 而畏避權寵,克保

祖思明 文苑英華卷九四七庾信鄭偉墓誌銘作「祖徹」。 或是名「徹」字「思明」。

(三) 及即位 宋本此下缺四字。

累遷都督二豫郢雍四州諸軍征東將軍豫州刺史兼尚書右僕射 穎四州行臺」。 作「又轉都督二豫東雍三州諸軍事、征東將軍、豫州刺史、餘官如故、又兼尚書右僕射 問書乃合都督之三州和行臺所治之四州,而又以「東雍」爲「雍」,舉「郢 魏書卷五六鄭義傳附從孫先護 一豫、郢 」遺「潁」,

٣ .29 贈使持節都督青齊兗豫四州刺史 魏書鄭義傳所督州作靑、齊、濟、克。

恐是

刑倂之疏。

五 序。 加 信鄭偉墓誌銘云 車騎大將軍開府儀同三司 北史略去車騎一 「仍除使持節、車騎大將軍 官可也,周書以車騎合於開府,實誤。 北史卷三五鄭義附偉傳「車騎」作「驃騎」。 、儀同三司, 餘 如故, 遷驃騎大將軍 文苑英華卷九四七庾 、開 府」,升遷有

偉族 人頂 文苑英華卷九一九庾信字文常碑、卷九四七鄭常墓誌銘「頂」作「頊」。

疑本作「四 史。」按遷州見隋書卷二九地理志上房陵郡。 遷信東徐南 州 兗三州刺史 一,後 人誤 解「遷」字, 英華鄭常墓誌銘云: 以爲只有信、東徐、南兗三州, 則「遷」是州名。 「保定三年, 授使持節 這 就改「四」爲「三」。 裏旣稱三 都督遷州 州 則 諸軍 遷」作 然信州不見 事 遷 遷州刺 轉解

列

傳

第

+

八

校

勘

記

宇文常碑誌,而碑又稱「保定三年授都督據傅校本加督字羅州諸軍事、羅州刺史」,又和誌不同。

賜爵饒陽侯 英華宇文常碑稱常以永安縣男襲父封魏昌縣伯,進爵廣饒郡開國公,墓誌同,均

不載封「饒陽侯」,且碑誌題皆稱「廣饒公」,疑傳誤。

ハ ル リ 其先遼西石城人 文苑英華卷九〇五庾信爾綿永碑云:「東燕遼東郡石城縣零泉里人也。」 按

魏書卷一〇六地形志上石城屬營州建德郡,建德與遼東相鄰,或曾隸遼東。 遼西郡遠在其南,

地形志屬平州,所屬無石城縣。疑傳誤。

||〕 尋爲右二軍總管 英華爾綿永碑作「左廂第三軍總管」。

(1三) 子岌嗣官至儀同三司兵部下大夫 英華爾綿永碑作「使持節、儀同大將軍、領兵部大夫」。 疑

碑是。

[三]除行臺左中兵郞中 北史卷六七王士良傳「左」作「右」。

[12] 授士良大行臺右丞 北史本傳「右」作「左」。

〔三〕建德六年授幷州刺史 按卷四〇字文神舉傳稱「抖州平,即授抖州刺史」,又云「宣政元年,轉司

之」。據紀、傳,自建德五年十二月北周佔領井州後,宇文神舉即任刺史,至宣政元年始內召。 武上大夫」。卷六武帝紀建德六年十二月稱東壽陽土人襲幷州城,「刺史東平公宇文神舉破平

士良安得於建德六年任此官。然下云「去鄉既久,忽臨本州」,又似確任幷州。

- 擒東魏郡守蘇淑 卷二文帝紀下宋本「淑」作「宿」,殿本作「定」。 參卷二校記第一二條。
- [二] 斬其刺史李景(道)(遺) 張森楷云:「北齊書李元忠傳卷三二作『李景遺』。」按北齊書稱景遺爲前 預川太守元洪威所襲殺,與此傳合,作「景道」誤,今據改。
- 及于謹(平)〔伐〕江陵 宋本、汲本和、北史本傳「平」作「伐」,是,今據改。
- [1元] 俄拜安州總管十一州諸軍事 北史本傳作「十二州」。
- (三0) 甚爲江陵所稱 北史本傳、册府卷六五四七八三六頁「陵」作「表」。按彥穆乃出使於陳,作「表」

刺史魏東陽王元榮 作「元榮」,是雙名單稱。 魏書卷一一孝莊紀永安二年閏七月「封瓜州刺史元太榮爲東陽王」。這裏

及鄧彥竊瓜州 卷三七三四四三三頁「竊」下有「據」字,疑是。 卷三二,中徽傳「鄧」作「劉」,見卷三二校記第二條。、北史卷六七令狐整傳、册府

具以整父兄等並在城中 說是。但作「具」亦可通,今不改。 張森楷云:「『具』當作『且』」。按北史本傳、册府同上卷頁正作「且」,張

封(驤) 〔襄〕武縣男 北史本傳、册府同上卷頁、通鑑卷一五九四九三八頁「驤」都作「襄」。按襄武

縣見魏書卷一〇六下地形志下、隋書卷二九地理志上隴西郡,又見隋志武威郡姑臧縣條。 「驤」

字誤,个據改。

(三) 豐州舊治不居人民 北史本傳作「豐州舊不居民中」。按這裏是說豐州治所偏僻北史避諱省「治」

字,不是地方中心的意思,故下云「賦役參集,勞役不均」。若言「不居人民」,則是於無人之地建

治,恐非。疑北史是。

□式 十五年 文苑英華卷九〇四庾信司馬裔碑作「十三年」。

[三十]以功賜爵龍門縣子 英華卷九四七庾信司馬裔墓誌「子」作「伯」,碑作「子」。

[1]<] 專行新城郡事,英華司馬裔碑作「仍領新州」。按隋書卷二九地理志上新城郡條云:「梁末置新

州」,則本是一地,但行郡、領州,不知孰是。

(1式) 進鹤琅邪縣伯邑五百戶 英華司馬裔碑「伯」作「公」。墓誌亦作「公」,而云「食邑一千五百戶」, 則是舉其最後食戶數。傳下稱保定二年「增邑通前一千五百戶」,四年,「轉御正中大夫,進爵爲

碑則云:「尋轉大御正,邑一千一百戶」。此一千一百戶若指食戶全數,則保定四年食邑尙

不足一千五百戶; 若是增邑,則通前爲一千六百戶。紀載參差,碑誌皆庾信文而亦自相牴牾,

無從取正。

CMOD 蠻會冉三公等三十餘城皆來降附 卷四九蠻傳稱:「司馬裔又別下其二十餘城,獲蠻帥冉三公

- [1] 諡曰定 英華司馬裔墓誌「定」作「莊」,碑亦作「定」。
- 生擒東魏都督賀婁烏蘭 北史卷三八裴果傳作「賀婁焉邏蘭」。
- (三) 破李慶保 北史本傳、册府卷三九五四六八九頁作「季慶堡」,册府卷三五五四三四頁作「李慶

堡」。按「季」「李」不知孰是,「保」疑當作「堡」。

- 俄而州民張道李而驅率百姓
- w卷六○字文貴傳亦有紛歧。「祏」與「拓」「道」與「遁」形近,未知孰是。參卷一九校記第三四條。
- [l吾]魏(大)(天)安中舉秀才 宋本「大」作「天」。按「天安」爲魏獻文帝年號,「大」字訛,今改正。
- 授缺二字長史 張森楷云:「據通鑑卷一五七,四八八九頁作『廣州長史』,則缺二字是廣州也。」
- 幽州總管府〔司馬朔州總管府〕長史 按總管府下北本、汲本、殿本脫「司馬朔州總管府」七字。

个 據宋本、南本、局本補。

周書卷三十七

列傳第二十九

寇儁

韓襃 趙肅 張軌

郭彦

裴文舉

高賓

寇儁字祖儁, 上谷昌平人也。 祖讚,魏南雍州刺史。 父臻,安遠將軍、 郢州 刺史。

絹五 所不取。」遂訪主還之。 之事,必先啓告,遠行往返,亦如之。 父亡雖久,而猶於平生所處堂宇,備設帷帳几杖,以時節列拜,垂涕陳薦,若宗廟焉。 而。<a>三鷹於後知之,乃曰:「惡木之陰,不可暫息;盜泉之水,無容悞飮。 **憔性寬雅,幼有識量,好學強記。** 其雅志如此。 性又廉恕,不以財利爲心。 兄祖訓、祖禮及儁,並有志行。 家人曾賣物與 **閨門雍睦**,白首同居 得財失行,吾 人,而剩得 以早

以選 爲 魏孝文帝挽郎, 除奉朝請。 大乘賊起,燕齊擾亂,回騰參護軍事東討,以功授

列

傳

第 _ +

九

宼 儁

六五七

以國用不足,乃置鹽池都將,秩比上郡。 將軍、司空府功曹參軍,轉主簿。 **資費巨萬,主吏不能欺隱。** 寺成,又極壯麗。 時靈太后臨朝,減食祿官十分之一,造永寧佛寺,令儁 前後居職者,多有侵隱。 靈太后嘉之,除左軍將軍。 乃以[[爲之。 孝昌中,朝議 加龍驤將

[備曰:「史底窮民,楊公横奪其地。若欲損不足以給有餘,見使雷同,未敢聞命。」遂以地還 永安初,華州民史底與司徒楊椿訟田。長史以下,以椿勢貴,皆言椿直,欲以田給椿。 孝莊帝後知之,嘉儁守正不撓,即拜司馬,賜帛百匹。 其附椿者,咸譴責焉。

場,邊人患之。騰遣長史杜休道率兵攻克其城,幷擒琰之。 琰之卽梁大將軍景宗之季弟 滿,其子等並徒步而還。 吏人送儶,留連於道,久之乃得出界。 也。[云] 於是|梁人憚焉。屬|魏室多故,州又僻遠,|梁人知無外援,遂遣大兵頓魏興,志圖攻 其耕桑,敦以禮讓,數年之中,風俗頓革。梁遣其將曹琰之鎭魏興,繼日版築。琰之屢擾疆 [儁撫勵將士,人思効命。梁人知其得衆心也,弗之敢逼。儁在州清苦,不治產業。秩 二年,出爲左將軍、(涼)〔梁〕州刺史。〔邑〕民俗荒獷,多爲盜賊。」儁乃令郡縣立庠序,勸

|大統二年,[v] 東魏授儁洛州刺史,儁因此乃謀歸闕。 五年,將家及親屬四百餘口入

年老乞骸骨,太祖弗許。 鎭東將軍,封西安縣男,邑二百戶。 十七年,除車騎大將軍、儀同三司,加散騎常侍。 關 ,拜祕書監。 時軍國草創,墳典散逸,儋始選置令史,抄集經籍,四部羣書,稍得周備 逐稱疾篤,不復朝覲。魏恭帝三年,賜姓若口引氏 |儁以 加

刺史、諡曰元。 人咸 前乘出。 手曰:「公年德俱尊,朕所欽尙,乞言之事,所望於公。 之,數加恩錫,思與相見。 幷前二千戶。 八尺,鬚鬢皓然,容止端詳,音韻淸朗。 以爲榮。 孝閔 帝踐阼,進虧爲子,增邑五百戶。 顧謂左右曰:「如此之事,唯積善者可以致之。 保定三年卒,時年八十。云高祖歎惜之,贈本官,加冀定瀛三州諸軍事、冀州 **儁年齒雖邁,而志識未衰,敎授子孫,必先禮典。** 儁不得已,乃入朝。 帝與之談論,不覺屢爲前膝。 武成元年,進驃騎大將軍、開府儀同三司,增邑 世宗與同席而坐,因顧訪洛陽故事。 宜數相見,以慰虛想。」以御 何止見重於今,亦將傳之萬古。」時 世宗尚儒重道,四特欽賞 及儒辭還,帝親 輿 令於帝 儁 執 身長 其

輒詣儁讌語彌日。 儁 結 友。 **騰篤於仁義,期功之有孤者,衣食豐約,**俱與之同。 **儁每造光,常清言移日。** 恆謂人曰:「不見西安君,煩憂不遣。」其爲通人所敬重如此 小宗伯盧辯以儁業行俱崇,待以師友之禮。 少爲司徒崔光所知,光命其子勵與 每有閑暇

子奉,位至儀同三司、大將軍、順陽郡守、洵州刺史、昌國縣公。[10]奉弟顒,少好學,最

列傳

第二十

九

寇

鵂

韓変

知名。 居喪哀毀。 歷官儀同大將軍,掌朝、布憲、典配下大夫,自己小納言,濩澤郡公。

大大〇

韓襃字弘業,其先潁川潁陽人也。 徙居昌黎。 祖壞,魏鎭西將軍、平涼郡守,安定郡

公。父演、征虜將軍、中散大夫、恆州刺史。

較異同,請從所好。」師因此大奇之。 裹少有志尚,好學而不守章句。 其師怪而問之。 及長,涉獵經史,深沉有遠略。 對曰:「文字之間,常奉訓誘。 魏建明中,起家奉朝 至於商

請。加彊弩將軍,遷太中大夫。

易失,誠願使君圖之。」太祖納焉。 遁逃,屯營洛水。[lē] 斯乃井中蛙耳,使君往必擒之。不世之勳,在斯一舉。時者,難得而 陳悅所害,諸將遣使迎太祖。太祖問以去留之計。廖曰:「方今王室凌遲,海內鼎沸。 兵權,據有關中之地,此天授也,何疑乎!且侯莫陳悅亂常速禍,乃不乘勝進取平涼,反自 天資英武, 恩結士心。 屬魏室喪亂,裹避地於夏州。時太祖爲刺史,素聞其名,待以客禮。及賀拔岳爲侯莫 賀拔公奄及於難,物情危駭。 寇洛自知庸懦,委身而託使君。 若總 使君

太祖爲丞相,引裹爲錄事參軍,賜姓侯呂陵氏。〔三〕大統初,遷行臺左丞,賜爵三水縣

是以 伯。
 專轉丞相府屬,加中軍將軍、銀青光祿大夫。
 居二年,徵拜丞相府司馬,進虧爲侯 二年,梁人北寇商洛,東魏復侵樊鄧,於

僕隸。 莫不惶懼。 驃騎大將軍、開府儀同三司,進虧爲公。 |武成三年,徵拜御伯中大夫。 大都督、涼州諸軍事。 財物以振給之。每西域商貨至,又先盡貧者市之。於是貧富漸均,戶口殷實。 之,一無差異。 盡个月不首者,顯戮其身,籍沒妻子,以賞前首者。」旬日之間,諸盜咸悉首盡。 點少年素爲鄕里患者,署爲主帥,分其地界。 亦悉言其所在。 不之知,厚加禮遇。 十二年,除都督、西涼州刺史。 | 芜湖之俗,輕貧弱,尙豪富。 出 故貧者日削,豪者益富。 爲 北雍州 皆首伏曰:「前盜發者,並某等爲之。」所有徒侶,皆列其姓名。 並原其罪,許以自新。由是羣盜屛息。入爲給事黃門侍郞。 裹乃取盜名簿藏之。因大牓州門曰:「自知行盜者,可急來首,即除其罪。 刺 史,加衞大將軍。 謂之曰:「刺史起自書生,安知督盜,所賴卿等共分其憂耳。」乃悉詔桀 魏廢帝元年,轉會州刺史。二年,進位車騎大將軍、儀同三司。 。慶乃悉募貧人,以充兵士,優復其家,蠲免徭賦。 州帶北山,多有盜賊。 有盜發而不獲者,以故縱論。 襃密訪之,並豪右所爲也,而陽 豪富之家,侵漁小民,同於 或亡命隱匿者, 於是諸被署者, 九年,遷侍中。 褒取名簿勘 十六年,加 又調富人 尋加

保定二年,轉司會。三年,出爲汾州刺史。 州界北接太原,當千里徑。先是齊寇數入,

其衆。 懈,不爲營壘。。襃已先勒精銳,伏北山中,分據險阻,邀其歸路。 事、自己河州總管。天和三年,轉鳳州刺史。尋以年老請致仕,詔許之。五年,拜少保。 被抄掠。 民廢耕桑, 故事,獲生口者,並囚送京師。 齊人喜相謂曰:「汾州不覺吾至,先未集兵。 今者之還,必莫能追躡我矣。」由是益 請一切放還,以德報怨。」有詔許焉。自此抄兵頗息。 前後刺史,莫能防扞。 高祖深相敬重,常以師道處之。每入朝見,必有詔令坐,然 裹至,適會寇來, 裹乃不下屬縣。 乘其衆怠,縱伏擊之,盡獲 四年,遷河洮封三州諸軍 人旣不及設備,以故多

後始與論政事。[1五]七年,卒。贈涇岐燕三州刺史。諡曰貞。子繼伯嗣。

祖興,中書博士。父申侯,舉秀才,後軍府主簿。 趙肅字慶雍,河南洛陽人也。世居河西。及沮渠氏滅,曾祖武始歸於魏,賜爵金城侯。

侍御史,加威烈將軍、奉朝請、員外散騎侍郎。尋除直後,轉直寢。 永安初,授廷尉(天)平, 二年,轉監。後以母憂去職,起爲廷尉正。[lk] 以疾免。久之,授征虜將軍、中散大夫,遷左 | 廟早有操行,知名於時。 魏正光五年, 鄭元爲河南尹,辟肅爲主簿。 孝昌中,起家殿中

將軍、太中大夫。 東魏天平初,除新安郡守。 秩滿,還洛

匱。 仍別駕。 太祖聞之,謂人曰:「趙肅可謂洛陽主人也。」七年,加鎮南將軍、金紫光祿大夫、都督, 大統三年,獨孤信東討,肅率宗人爲鄕導。 領所部義徒,據守大塢。 又兼行臺左丞,東道慰勞。 授司州治中,轉別駕。 九年,行華山郡事 監督糧儲,軍用不

弗氏。 戶。十六年,除廷尉卿,加征東將 也。」於是令肅自選封名。 左僕射長孫儉白太祖請之。 自居,不營產業。 十三年,除廷尉少卿。 時人以此稱之。 肅曰:「河淸乃太平之應,竊所願也。」於是封淸河縣子,邑三百 明年元日,當行朝禮,非有封爵者,不得預焉。 太祖乃召肅謂曰:「歲初行禮,豈得使卿不預,然何爲不早言 十七年,進位車騎大將軍、儀同三司、 軍。 肅久在理官,執心平允。 凡所處斷,咸得其情。 散騎常侍,賜姓乙 肅時未有茅土。 廉愼

屬、大都督、新安郡守。[18] 先是,太祖 命肅撰定法律。 肅積思累年,遂感心疾。 去職、卒於家。 子正禮,齊王 憲府

武入關,爲給事黃門侍郎、尙書右丞。 論者稱之。 時有高平徐招少好法律。 尋遷侍中、度支尙書。 發言措筆,常欲辨析秋毫。 大統初,卒。 時朝廷播遷,典章有闕,至於臺閣軌儀,多招所參定。 歷職內外,有當官之譽。 從魏孝

列傳

張軌字元軌,濟北臨邑人也。父崇,高平令。

所服衣物,糴粟以賑其乏。 者。」爾朱氏敗後,遂杖策入關。 時穀糴湧貴,或有請貸官倉者。 見稱。永安中,隨爾朱榮擊元顥,除討寇將軍、奉朝請。,軌常謂所親曰:「秦雍之間,必有王 軌少好學,志識開朗。 初在洛陽,家貧,與樂安孫樹仁爲莫逆之友,每易衣而出。 ・軌日:「以私害公,非吾宿志。濟人之難, 詎得相違。」乃賣 質拔岳以軌爲記室參軍,典機務。 尋轉倉曹,加鎭遠將軍。 以此

甚著。 作佐郎,修起居注。 授軌郞中。 經國,武可定亂。至於高識遠度,非愚管所測。」椿曰:「誠如卿言,眞可恃也。」太祖爲行臺, 「高歡逆謀,已傳行路。人情西望,以日爲年。未知宇文何如賀拔也。」・軾曰:「宇文公文足 及岳被害,太祖以軌爲都督,從征侯莫陳悅。悅平,使於洛陽。見領軍斛斯椿, 臨人治術,有循吏之美。大統間,宰人者多推尙之。入爲丞相府從事中郎,行武功 章武公導出鎭(泰)[秦]州、江公以軌爲長史。加撫軍將軍、大都督、通直散騎常侍。魏 魏孝武西遷,除中書舍人,封壽張縣子,邑三百戶,加左將軍、濟州大中正,兼著 遷給事黃門侍郞,兼吏部郞中。六年,出爲河北郡守。在郡三年,聲績 椿日

廢帝元年,進車騎大將軍、儀同三司、散騎常侍。二年,賜姓宇文氏,行南秦州 二年,徵拜度支尚書,復除隴右府長史。 卒於位,時年五十五。 諡曰質。 **軌性清素**, 臨終之 事。 魏恭帝

日,家無餘財,唯有素書數百卷。

時人比之魏諷。 子肅,世宗初,爲宣納上士,轉中外府記室參軍、中山公訓侍讀。 卒以罪考竟終。 早有才名,性頗輕猾,

掌留 曹郎 大夫。 武入關,兼著作佐郎,修起居注。 十五年,進 臺 中、左民郎中。 彦 李彥字彥士,梁郡下邑人也。祖先之, [元]魏淮南郡守。 少有節操,好學慕古,爲鄕閭之所敬憚。 大統初,除通直散騎侍郎。 事 號 魏廢 中軍將軍,兼尚書左丞,領選部。 帝 初,拜尙書右丞,轉左丞。〔10〕 十二年,省三十六曹爲十二部,改授民部郞中,封平陽縣子,邑三百戶。 加寧朔將軍,進號冠 三年,拜安東將軍、銀青光祿大夫、太保轉太傅長 大軍 孝昌 東討, 中,解褐 (軍將軍、中散大夫,遷平東將軍、太中 加持節、大都督、通直散騎常侍, 奉朝 父靜,南靑州 請,加輕車 刺 · 將軍 從魏孝 ノ史、儀

彦在尚 列 傳 第 書 7 + 有五 九 載,屬軍 李 彦 國 郭 草創, 彦 庶務殷繁,留心省閱,未嘗懈怠。 六六五 断決如流,略無疑

大將軍、開府儀同三司,仍兼著作。六官建,改授軍司馬,進爵爲伯。 司,賜姓宇文氏。 臺閣莫不歎其公勤,服其明察。 出爲鄜州刺史。彥以東夏未平,固辭州任,詔許之。 遷給事黃門侍郎,仍左丞。 尋進車騎大將軍、**儀同三** 拜兵部尚書,加驃騎

敬。 此稱之。 **彦性謙恭,有禮節。** 然素多疾而勤於莅職,雖沉頓枕席,猶理務不輟,遂至於卒。 雖居顯要,於親黨之間,恂恂如也。 輕財重義,好施愛士。 時年四十六。 時論以 諡日

生之志也。 儀衞等。 **|彥臨終遺誡其子等日:「昔人以窾木爲櫝,葛蘗爲緘,下不亂泉,上不泄臭。** 爾其念之。」朝廷嘉焉,不奪其志 但事旣矯枉,恐爲世士所譏。 今可斂以時服,葬於蟯墳之地,勿用明器、芻塗及 此實吾平

子昇明嗣。 少歷顯職。 大象末,太府中大夫、儀同大將軍。

郭彦,太原陽曲人也。 其先從宦關右,遂居馮翊。父胤,郡功曹、靈武 令。

遷虞部郞中。 **彦少知名,太祖臨雍州,辟爲西曹書佐。** 大統十二年,初選當州首望,統領鄉兵,除帥都督、持節、平東將軍。 專除開府儀同主簿,轉司空記室、太尉府屬, 以居郎

羌酋 伯。 書。 官著稱,封龍門縣子,邑三百戶,進大都督,遷車騎大將軍、儀同三司、司農卿。 .傍乞鐵忽與鄭五醜等寇擾西服。 仍以 一本兵從柱國于謹南伐江 陵。 彥從大將軍宇文貴討平之。 進驃騎大將軍、開府儀同三司,增邑五百戶,進 魏恭 帝元年,除兵 是時 ,岷 、部尚 爲

六官建,拜民部中大夫

以澧州 不營農業。 孝閔帝 糧儲乏少,每令荆州遞送。 **彥勸以耕稼,禁共遊獵,**[三]] 踐祚,出爲澧州刺史。 蠻左生梗,未遵朝憲。 自彥蒞職,倉庾充實, 民皆務本,家有 徐糧。 無復轉輸之勞。 至於賦稅,違命者多。 亡命之徒,咸從賦役。 聚散 無恆, 先是

擊,並虜獲之。 顯 公護嘉之,進爵懷德縣公,邑一千戶。 遂夜至城下,令紹詐稱顯 一百餘里。 率所部送糧南 齊南安城主 尋爲東道大使,觀省風 以南安無備, 下, 馮顯密遣使歸降,其衆未之知也。 **彥懼其衆不從命,乃於路邀之。** 歸。 卽引軍掩襲。 門者開門待之,彥引兵而 俗。 以南安懸遠,尋令班師。 除瀟州總管府長史,入爲工部中大夫。 顯外兵參軍鄒紹旣爲彥所獲,因請 柱國字文貴令彥率兵應接。 顯因得自拔。 入,遂有其城。 及秩滿還朝,民吏號泣送彥 其衆果拒戰, 俘獲三千餘 爲 彦縱 鄕 齊人先令 導。 兵奮 彦

彥請攻之。 保定四年,護東討。 景宣以城守既嚴,卒難攻取,將欲南轅,更圖經略。 彦從尉遲 迴攻洛陽。 迴復 令彦 與權景宣 **彦以奉命出師,須與大軍相** 南 出 |汝)源。 及軍次豫 州

列 傳

第

+

九

郭

彦

裴 文

舉

騷然。 洛陽班師,亦棄而不守。 秀密遣送款,景宣乃從。 若向江畔立功,更非朝廷本意。固執不從,兼畫攻取之計。 朝議以彥威信著於東南,便令鎭撫。 於是引軍圍之,士良遂出降。 屬純州刺史樊舍卒,其地既東接陳境,俗兼蠻左,初喪州將,境內 彥至, 吏人畏而愛之。 仍以彥鎭豫州,增邑六百戶。 會其刺史王士良妻弟董遠 尋以

天和元年,除益州總管府長史,轉隴右總管府長史。四年,卒於位。 贈小司空、宜鄺丹

三州刺史。

許爲內應。期日未至,

恭知之,乃棄城夜走。因是東雍遂內屬。

及李弼略地東境,邃爲之 將司馬恭鎭之。每遣間人,扇動百姓。邃密遣都督韓僧明入城,喻其將士,即有五百餘人, 郎。大統三年,東魏來寇,邃乃糾合鄕人,分據險要以自固。時東魏以正平爲東雍州,遣其 夫,加散騎常侍、太尉府司馬,除正平郡守。 鄉導,多所降下。 父邃,性方嚴,爲州里所推挹。 太祖嘉之,特賞衣物,封澄城縣子,邑三百戶,進安東將軍、銀靑光祿大 解褐散騎常侍、奉車都尉,累遷諫議大夫、司空從事中 尋卒官。 贈儀同三司、 定州刺史。

幼,盛簡賓友。文舉以選與諸公子遊,雅相欽敬,未嘗戲狎。遷威烈將軍、著作郞、中外府 參軍事。 文舉少忠謹,涉獵經史。大統十年,起家奉朝請,遷丞相府墨曹參軍。時太祖諸子年 魏恭帝二年,賜姓賀蘭氏。 孝閔帝踐阼,襲爵澄城縣子。

貨之謂。 沃饒,商販百倍。 <u>劍</u>南,復以文舉爲益州總管府中郎。」武成二年,就加使持節、車騎大將軍、儀同三司。 齊公憲初開幕府,以文舉爲司錄。世宗初,累遷帥都督、寧遠將軍、大都督。及憲出鎭 是以不爲,非惡財也。」憲矜其貧窶,每欲資給之。文舉恆自謙遜,辭多受少。 或有勸文舉以利者,文舉答之曰:「利之爲貴,莫若安身。 身安則道隆,非 蜀土

爵爲公,[言]增邑通前一千戶。 天和初,進驃騎大將軍、開府儀同三司。 文舉臨州,一遵其法。百姓美而化之。 保定三年,遷絳州刺史。 遼之往正平也, [三]以廉約自守, 每行春省俗, 單車而已。 俄轉軍司馬。 總管韋孝寬特相欽重。 尋爲孝寬柱國府司馬。 建德二年,又增邑七百戶。 六年,入爲司憲中大夫,進 每與談論,不覺膝前於 席。

文舉少喪父,其兄又在山東,唯與弟璣幼相訓養,友愛甚篤。 屬東西分隔,韋氏墳職在齊境。及文舉在本州,每加賞募。 時人以此稱之。 初,文舉叔父季和 爲曲沃令,卒於聞喜川,而叔母韋氏卒於 璣又早亡,文^異撫 齊人感其孝義,潛相 視遺

列傳第二十九 裴文舉

要結,以韋氏

柩西歸,竟得合葬。

六年,除南青州刺史。 宣政元年,卒於位。 子胄嗣。 官至大都督,早卒。

時有高賓者,歷官內外,亦以幹用見稱。

賓 ,渤海修人也。 其先因官北邊,遂沒於遼左。 祖暠,以魏太和初,自遼東歸魏。 官至

安定郡守、衞尉卿。父季安,〔三〕撫軍將軍、兗州刺史。

信。 軍、銀青光祿大夫。 焉。 惠,甚得民和。 能者,譖之於齊神武。 乃於所賜 |賓 加 少聰穎,有文武幹用。仕東魏,歷官至龍驤將軍、諫議大夫、立義都督。同列有忌其 使持節、 田內,多蒔竹木,盛構堂宇,并鑿池沼以環之,有終焉之志。 世宗聞其能,賜田園於郡境。 車騎大將軍、儀同三司、散騎常侍,賜姓獨孤氏。 稍遷通直散騎常侍、撫軍將軍、大都督。世宗初,除咸陽郡守。政存簡 實懼及於難,大統六年,乃棄家屬,間行歸闕。 濱旣覊旅歸國,親屬在齊,常慮見疑,無以取 太祖嘉之,授安東將 朝廷以此知 、無質

儀同三司,治<u>襄</u>州總管府司錄。六年,卒於州。 夫,治中外府從事 太府中大夫、齊公憲府長史。 武 成元年, 除御 中郎, 芷 下大夫, 賜爵武陽縣伯。 天和二年,除都州 兼小載師,出爲益州總管府長史。 賓敏於從政, 果敢決斷, 案牘 時年六十八。子願,爲隋文帝佐命。 諸 軍 事、郑州 刺史,進位驃騎大將軍、開 保定初,徵拜計部中大 雖繁,綽有餘裕。 開皇 轉 府

中,贈賓禮部尚書、武陽公。諡曰簡。

內史下大夫、儀同大將軍。 三司、工部尙書、臨涇縣公,賜姓字文氏。失其事,故不爲傳。 又有安定寮允,本姓牛氏,行三亦有器幹,知名於時。 大象末,復姓牛氏。 歷官侍中、驃騎大將軍、開府儀同 **允子弘**,博學洽聞。 宣政中,

州,世載清德。 辭多受少,有廉讓之風焉。[l+] 軌循良播美。 史臣曰:寇儁委質兩朝,以儒素見重。 韓襃奉事三帝,以忠厚知名。趙肅平允當官。張 李彥譽流省閣。郭彥信著蠻陬。 歷官外內,「EK」並當時之選也。文學之在降

校勘記

[1] 父臻安遠將軍郢州刺史 ·墓誌,「驪驤將軍、幽州刺史」 是贈官。 同書窓遵考墓誌圖版三六三云:「祖臻,聽即龍 墓誌集釋寇臻墓誌圖版二〇六稱臻以沘陽鎭將、遷假節、建威將軍、鑒安遠府諸軍事 魏書卷四二寇讚附子臻傳作「遷建威將軍、郢州刺史」。 這裏所云「安遠將軍」,據墓誌乃是「鑒 驟將軍、監安遠府諸軍事、幽郢二州刺 盥 、、野州刺史」。 史。」據寇臻 漢魏南北朝 安遠府諸軍

列

傳第

二 十

九

校勘

記

將軍監府事。 事」,其本號是建威將軍。 魏書卷一一三官氏志安遠將軍是第四品,建威將軍是從第四品下階,所以沒有逕 或前任郢州刺史的軍號是安遠將軍,其軍府爲安遠府,寇臻乃是以本

而剩得絹五匹

授安遠,當是班階未到,不能驟遷之故。據此,傳作「安遠將軍」微誤。

北史卷二七經讚附孫儁傳作「而利得絹一匹」。

大乘賊起燕齊擾亂 北史本傳「齊」作「趙」。按大乘教徒起義在冀州,作「趙」是。

拜輕(騎)(車)將軍 宋本、南本、局本「騎」作「車」。 按魏書卷一一三官氏志輕車將軍在從第五

品、無「輕騎」。 个據改。

广五 出為左將軍(凉)〔梁〕州刺史 興,繼日版築。琰之屢擾疆場。」魏興與梁州近,故能「屢擾疆場」,若是涼州,不應涉及魏興。 宋本及北史本傳「涼」作「梁」。按下文云:「梁遣其將曹琰之鎭魏

梁大將軍景宗 北史本傳「將」下無「軍」字。 張森楷云:「景宗未嘗爲大將軍,此非實錄。」按

「軍」字疑衍。

「梁」是,今據改。

大統二年 宋本和北史本傳「二」作「三」。

世宗尚儒 重道 宋本及北史本傳「道」作「德」。

「九」時年八十 北史本傳作「八十二」。

子奉位至儀同三司大將軍順陽郡守洵州刺史昌國縣公 漢魏南北朝墓誌集釋有寇奉叔墓誌

多夸飾,而此乃低於本傳。當是唐初修史所據,乃唐時後人所上家狀之類,墓誌乃隋時所撰,距 後遷別駕、長史。據卷四四泉企傳巴州改洵州後,其刺史仍是自稱巴州刺史之蠻帥杜清和。 版三六二,奉叔即奉,傳當是雙名單稱。 誌稱奉叔周時終官和隋初贈官都是儀同大將軍。 按卷六 之刺史或爲長史之誤。又誌稱奉叔由昌國縣男,進封子、伯,未嘗封公。碑誌於父祖官爵,類 無加儀同三司之理。這裏「三司」二字衍。又傳稱洵州刺史,據誌則奉叔初官洵州贊治兼司馬, 武帝紀建德四年十月改「儀同三司爲儀同大將軍」,是周末已無儀同三司之號。且大將軍亦決 傳

奉弟願至歷官儀同大將軍掌朝布憲典祀下大夫 官爲「翊師大將軍扶風郡守」。院志卷二八百官志翊師將軍在正六品,當是隋初改制,以儀同大 遵考卽願。 誌記歷官略有異同,遵考曾官鄉伯、司成、典祀等中大夫,則非終於下大夫。其最終 漢魏南北朝墓誌集釋圖版三六三有寇遵考墓誌,

奉叔之死不久,尚難增高官爵,所述當得其實。

屯營洛水 按卷一文帝紀稱侯莫陳悅「屯兵永洛」,「永洛」乃「水洛」之訛。此「洛水」疑亦是「水

洛」誤倒

將軍轉。

賜姓侯呂陵氏 列 傳第二十九 元和姓纂緝本卷六、通志氏族略五、古今姓氏書辨證卷二二「侯」作「俟」。然北 校 勘 記

史卷九八高車傳見侯呂鄰部,螺螺傳見豆崙可汗妻侯呂陵氏。 北朝胡姓考呂氏條一一八——二二〇

頁引孝文弔比干文碑碑陰有「俟呂阿倪」,以爲「當以比干碑爲正」。

〇〇 遷河洮封三州諸軍事 按封州不見地志,疑誤

二吾 然後始與論政事 宋本及北史卷七〇韓褒傳「然」下無「後」字。 按唐時「然始」連文,乃習用語

法,疑「後」字乃後人妄加。

二 永安初授廷尉(天)平二年轉監後以母憂去職起爲廷尉正 官,下文不得云「天平初」。 魏,又安得於天平二年轉監也。『天』字誤衍無疑。」按魏書卷一一三官氏志第六品有 監、評,和趙肅歷官相合。 爲句,是官名。平卑於監,故二年轉監。設如本文,則已爲廷尉矣,安得轉監! 且下文又云:「東魏天平初,除新安郡守。」如果上文已紀天平二年歷 張說是,今據刪 張森楷云:「『天』字符,『平』字屬廷尉 且其時未仕東 廷 尉正、

口 己子正禮齊王憲府屬大都督新安郡守 北史本傳作「子」軌」,在周只是「蔡王引爲記室」,

人

「八〕章武公導出鎭 (泰) (秦)州 局本和北史卷七〇張軌傳「泰」作「秦」。 局本當依北史改。 按卷

□□□ 祖先之 、北史卷七○李彦傳「先」作「光」。 ○字文導傳,導是秦州刺史,「泰」字誤,今據改。

- 拜尚書右丞轉左丞 「右」原作「左」。諸本及北史本傳,無府卷四六七五五五八頁都作「右」。 殿
- 本刻誤,今逕改。
- (三) 禁共遊獵 宋本「共」作「其」,兩通。
- CIED 邃之往正平也 北史卷三八裴文舉傳「往」作「任」,較長。
- □□〕 進爵爲公 北史本傳「公」作「伯」。
- 口巴 父季安 北史卷七二高頻傳「季」作「孝」。
- 气 又有安定尞允本姓牛氏 隋書卷四九件弘傳云:「本姓原氏。……父允,魏侍中、工部尚書、臨涇

公,賜姓爲牛氏。」北史卷七二件弘傳大體採周書之說,以爲「本姓牛氏」,但訛「允」爲「元」,「尞」

- 爲「遼」。
- 三合 歷官外內 內」。卷三七傳論稱傳中諸人「歷官出內」,北史卷七〇傳論前半卽採潤書此傳論作「出納」。 內』,以爲「外」字誤。按卷三〇寶熾附兄子毅傳 宗本有「任兼出納」語,北史卷六一本傳作「出 宋本、南本、北本、汲本「外」都作「出」。 張元濟云「傳三六郎卷四四陽雄傳『任衆出
- 有廉讓之風焉 不必有贊,个削之。」 宋本、南本、北本、汲本「焉」字下注「附高寶傳缺」。 殿本考證云:「按賓乃附傳,

這裏自應作「出內」。但「出內」也卽是「外內」之意,今不回改。

「納」疑是「內」之訛。

列傳第二十九 校勘記

周書卷三十八

列傳第三十

蘇亮 ^{弟湛} 柳虯

元偉

呂思禮

薛憕

薛寘

李昶

蘇亮字景順,武功人也。 祖權,自魏中書侍郎、玉門郡守。 父祐,泰山郡守。

物無忤。 謀議,皆以委之。 府主簿。 專典文翰。 人曰:「秦中才學可以抗山東者,將此人乎。」魏齊王蕭寶夤引爲參軍。 **院少通敏,博學,好屬文,善章奏。** 及寶夤敗,從之者遇禍,唯亮獲全。及長孫稚、爾朱天光等西討,並以亮爲郞中, 從寶夤西征,轉記室參軍。 累遷鎭軍將軍、光祿大夫、散騎常侍、岐州大中正。 專行武功郡事,甚著聲績。 寶夤作亂,以<u></u>院爲黃門侍郞。 寶夤遷大將軍,仍爲之掾。 初舉秀才,至洛陽,遇河內常景。 賀拔岳爲關西行臺,引亮爲 寶夤雅知重亮,凡有文檄 後寶夤開府,復爲其 景深器之,退而謂 亮善處人間,與

列

傳第

三 十

蘇亮

六七七

左丞,典機密。

卒於位。贈本官。 領著作,修國史。院有機辯,善談笑。太祖甚重之。有所籌議,率多會旨。記人之善,忘人 之過。薦達後進,常如弗及。故當世敬慕焉。十四年,除秘書監、車騎大將軍、儀同三司, 驃騎將軍。八年,遷都官尚書、使持節、行北華州刺史,封臨涇縣子,邑三百戶。除中書監, 書舍人。 魏文帝子宜都王式爲秦州刺史,以亮爲司馬。帝謂亮曰:「黄門侍郞豈可爲秦州 士三千。列羽儀,遊鄉黨,經過故人,歡飲旬日,然後入州。世以爲榮。十七年,徵拜侍中。 尋拜大行臺尚書,出爲<u>岐州</u>刺史。朝廷以其作牧本州,特給路車、鼓吹,先還其宅,并給騎 司馬,直以朕愛子出蕃,故以心腹相委,勿以爲恨。」臨辭,賜以御馬。七年,復爲黃門郎,加 魏孝武西遷,除吏部郎中,加衞將軍、右光祿大夫。大統二年,拜給事黃門侍郎,領中

篇,頗行於世。子師嗣。以亮名重於時,起家爲黃門侍郞。 · 院自大統以來,無歲不轉官,一年或至三遷。 愈日才至,不怪其速也。 所著文筆數十 · 院少與從弟|綽俱知名。 然||掉文章少不逮|院,至於經畫進趣, 院又減之。 故世稱二蘇

· 院弟湛,字景儁。少有志行,與亮俱著名西土。年二十餘,舉秀才,除奉朝請,領侍御

疾於家 人,賴 也。 史,加員 不能以積世忠貞之基,一旦爲王族滅 問 荆棘生王戶庭 湛復日:「 **遂聽還武** 鼎之心乎。 闔 興 ,朝廷假王羽翼,遂得榮寵至此。 卿 門百口 外散騎侍郎。 寶夤 功。 凡舉大事,當得天下奇士。 死生榮辱,方當共之,故以相 也。 乃令湛 今魏德雖衰,天命未改。 卽 寶夤後果敗 時屠滅,云何不哭。」哭數十聲, 願賜骸骨還舊里,庶歸全地下,無愧先人。」寶夤素重之,知必不爲己用 從母弟天水姜儉謂湛 蕭寶夤西討,以湛爲行臺郎中,深見委任。 也。」 今但共長安博徒小兒輩 報。」湛聞之,舉聲大哭。儉遽止之曰:「何得便 旣屬國步多虞,不能竭 王之恩義,未洽於民,破亡之期,必不旋 寶夤復 日:「吾不能坐受死亡,今便爲身計,不復 ·令儉謂湛曰:「此是救命之計,不 徐謂儉曰:「爲我白齊王,王本以 爲此計 誠報德, 豈可乘 及寶夤將謀叛逆,湛 一, 豈 有辦哉。 人間 踵 湛不 ·得不 隙, 爾門湛 蘇 窮 作 時 忍見 爾 湛 便 魏 而 臥 臣 終 有

湛頓 言得 盡心 首 孝莊 謝 而 帝 目:「臣 卽 不能令其守節,此臣之罪也。」 位,徵拜尙書郞。 自惟言辭不如 伍被遠矣,然始終不易,竊謂 帝嘗謂之曰:「聞卿答蕭寶夤, 孝莊 大悅,加授散騎侍 過之。 甚有美辭,可 郎。 但臣 尋遷中書侍郞 與 寶 爲我說之也。 旋契闊

温弟讓 初,以 ,字景恕。 疾還鄉里,終於家。 幼聰敏,好學,頗有人倫鑒識。 贈散騎 常侍、鎭西將軍、雍州 初爲本州主簿,稍 刺 史。

列

傳

第

 \equiv

+

蘇

亮

柳

遷別駕、

武都郡守、

鎮遠將軍、金紫光祿大夫。及太祖爲丞相,引爲府屬,甚見親待。[I] 出爲衞將軍、南汾州刺 治有善政。 尋卒官。 贈車騎大將軍、儀同三司、涇州刺史。

判事,我不復 唯 唯 孤 語曰:「北府靈諏,南省柳虯。」時軍旅務殷,虯勵精從事,或通夜不寢。 城,裴諏在潁川。至后等乃俱徵之,以虯爲行臺郞中,諏爲都督府屬,並掌文翰。 中,加鎭遠將軍,回非其好也,遂棄官還洛陽。 李憲舉糾秀才,兗州刺史馮儁引糾爲府主簿。 在 信開府從事中郎。 州不 事容 飾。 信 大統三年,馮翊王元季海、領軍獨孤信鎭洛陽。 柳虯字仲蟠,司會慶之兄也。年十三,便專精好學。時貴遊子弟就學者,並車服華盛, 左右談論而已。 重看。」四年,入朝,太祖欲官之,斟辭母老,乞侍醫藥。 遍(授)[受]近經,[三路通大義,兼博涉子史,雅好屬文。 信出鎭隴右,因爲秦州刺史,以此爲二府司 因使見太祖,被留爲丞相府記室。 既而樊子鵠爲吏部尚書,其兄義爲 屬天下喪亂,乃退耕於陽城,有終焉之志。 于時舊京荒廢,人物罕極,唯有 追論歸朝功,封美陽縣男,邑二 馬。 雖處元僚,不綜府事 太祖許焉。 季海嘗云:「柳郎中 孝昌中,揚州刺史 湯州。 時人爲之 久之爲獨 | 蚪在陽 治

救其惡者也。且著述之人,密書其事,縱能直筆,人莫之知。 筆於朝,其來久矣。而漢魏已還,密爲記注,徒聞後世,無益當時,非所謂將順其美,匡 後代紛紜,莫知准的。 互起。故班固致受金之名,陳壽有求米之論。 著漢魏者,非一氏;造晉史者,至數家。 之,彰善癉惡,以樹風聲。故南史抗節,表崔杼之罪;董狐書法,明趙盾之愆。 古者人君立史官,非但記事而已,蓋所以爲監誡也。動則左史書之,言則右史書 何止物生橫議,亦自異端 是知直

懼。敢以愚管,輕冒上聞。乞以瞽言,訪之衆議。 當朝顯言其狀,然後付之史閣。庶令是非明著,得失無隱。使聞善者日修,有過者知 伏惟陛下則天稽古,勞心庶政。開誹謗之路,納忠讜之言。諸史官記事者,請皆

事遂施行。

古,乃爲文質論。文多不載。魏廢帝初,遷祕書監,加車騎大將軍、儀同三司。 書侍郎,修起居注,仍領丞事。時人論文體者,有古今之異。 | | 以以爲時有今古,非文有今 十四年,除祕書丞。秘書雖領著作,不參史事,自此爲丞,始令監掌焉。十六年,遷中

禮

列

傳第三十

柳虯

呂思

充饑。 有文章數十篇行於世。 孜孜營求,徒勞思慮耳。」魏恭帝元年冬,卒,時年五十四。 子鴻漸嗣 贈兗州刺史。 諡日孝。

中。「天」尋以地寒被出,兼國子博士。乃求爲關西大。行臺質拔岳所重。「ヤ」專掌機密,甚得 鄴,思禮有守禦勳,賜爵平陸縣伯,除欒城令。 生爲之語曰:「講書論易,其鋒難敵。」十九,舉秀才,對策高第。 |呂思禮,東平||壽張人也。性溫潤,不雜交遊。年十四,受學於徐遵明。 普泰中,僕射司馬子如薦爲尚書二千石郎 除相州功曹參軍。 長於論難。 葛榮圍 誻

竇泰,進爵爲侯,邑八百戶。 拜黃門侍郎。 以 思禮 岳 爲府長史,尋除行臺右丞。以迎魏孝武功,封汝陽縣子,日是四百戶,加冠軍將軍, 爲侯莫陳悅所害,趙貴等議遣赫連達迎太祖,思禮預其謀。及太祖爲關西大都督, 魏文帝即位,領著作郎,除安東將軍、都官尚書,兼七兵、殿中二曹事。 大統四年,以謗訕朝政,賜死

時譽。

燼夜有數升。 思禮好學,有文才。雖務兼軍國,而手不釋卷。 沙苑之捷,命爲露布,食頃便成。太祖歎其工而且速。所爲碑誄表頭,並傳 晝理政事,夜則讀書。 令蒼頭執燭,燭

於世。 七年,追贈車騎大將軍、定州 刺史。子亶嗣。 大象末,位至駕部下大夫。

俱以投書謗議,賜死。 時 有 博陵崔騰、 新蔡董紹竝早有名譽,歷職淸顯。 騰爲丞相府長史,紹爲御史丞。〔五〕

薛憕字景猷,河東汾陰人也。曾祖弘敞,值赫連之亂,率宗人避地襄陽。

族。 「君門地非下,身材不劣,何不嫳裾敷參吏部。」憕曰:「『世胄躡高位, 英俊沉下僚』, 古人以 . 燈旣羇旅, 不被擢用。 | 怪早喪父,家貧,躬耕以養祖母,有暇則覽文籍。 然負才使氣,未嘗趣世祿之門。左中郎將京兆韋潛度謂燈曰 時人未之奇也。 江表取人,多以世

爲歎息。 竊所未能也。」潛度告人曰:「此年少極慷慨,但不遭時耳。」

乎?」憕亦恬然自處,不改其舊。 唯郡守元襲,時相要屈,與之抗禮。 相親善。 孝昌中,杖策還洛陽。 屬爾朱榮廢立,遂還河東,止懷儁家。 先是,燈從祖眞度與族祖安都擁徐、克歸魏,其子懷儁見憕,甚 普泰中、拜給事中,加伏波將軍。 懷儁每曰:「汝還鄉里,不營產業,不肯取妻,豈復欲南 不交人物,終日 讀書,手自抄略,將二百卷。

及齊神武起兵,燈乃東遊陳、梁間,謂族人孝通曰:「高歡阻兵陵上,喪亂方始。 關中形

列

傳

第三十

薛憕

戶。[10]魏文帝卽位,拜中書侍郞,加安東將軍,增邑百戶,進虧爲伯 之事,其則不遠。吾屬今卽爲人所虜,何慶慰之有乎!」聞者以憕言爲然,乃有憂色。 步兵校尉。 勝之地,必有霸王居之。」乃與孝通俱遊長安。侯莫陳悅聞之,召爲行臺郎中,除鎭遠將軍、 太祖平悦,引燈爲記室參軍。 及悅害賀拔岳,軍人咸相慶慰。燈獨謂所親曰:「悅才略本寡,輒害良將,敗亡 魏孝武西遷,授征虜將軍、中散大夫,封夏陽縣男,邑二百

頌。 器,煙氣通發山中,謂之仙人欹器。 方,中有人,言三才之象也。 注荷,則出於蓮而盈乎器,爲鳬鴈蟾蜍以飾之,謂之水芝欹器。 同 .處一盤,鉢蓋 大統四年,宣光、清徽殿初成,燈爲之頌。 |有山,山有香氣,〔1〕||仙人又持金瓶以臨器上,以水灌山,則出於瓶而 皆置淸徽殿前。 一爲二荷同處一盤,相去盈尺,中有蓮下垂器上,以水 魏文帝又造二欹器。 器形似觥而方,滿則平,溢則傾。 二盤各處一 一爲二仙人共持一 牀,鉢圓 燈各為作 注乎 而 鉢, 牀

幽室獨處,嘗有感容。 大統 初,儀制多闕。 後坐事死。 太祖令憕與盧辯、 子舒嗣,官至禮部下大夫、儀同大將軍、聘陳使副 檀翥等參定之。 自以流離世故,不聽音樂。

郎、清河廣平二郡守。

修國 大夫。 行周禮,乃令寘與小宗伯盧辯斟酌古今,共詳定之。六官建,授內史下大夫。 以寘爲司錄。 史。 **寘幼覽篇籍,好屬文。年未弱冠,爲州主簿、郡功曹。** 從魏孝武西遷,封郃陽縣子,邑四百戶,進號中軍將軍。 **尋拜中書侍郎,修起居注。** 軍中謀略,寘竝參之。 江陵平,進爵爲伯,增邑五百戶。 遷中書令、車騎大將軍、儀同三司。 起家奉朝請。 魏廢帝元年,領著作佐郎, 朝廷方改物剏 燕公于謹征江陵, 稍遷左將軍、太中 制、欲

州刺史。 西京記三卷,引據該洽,世稱其博聞 藻華贍,而寘與之方駕,故世號曰盧、薛焉。 孝閔帝踐阼,進爵爲侯,增邑五百戶,轉御正中大夫。時前中書監盧柔,學業優深,文 卒於位。吏民哀惜之。 贈虞州 焉 刺史、諡曰理。 久之,進位驃騎大將軍、開府儀同三司,出爲浙 所著文筆二十餘卷,行於世。 又撰

嗣。 大象末,儀同大將軍、淸水郡守。 寘 性至孝,雖 年齒已衰,職務繁廣,至於溫凊之禮,朝夕無違。 當時以此稱之。 子明

當世所稱。 遊兄志,爲南荆州刺史,遊隨從至州。屬爾朱之亂,與志俱奔江左。 頓丘臨黃人也,小名那。祖彪,名重魏朝,爲御史中尉。父遊,亦有才行,爲

德公陸通盛選僚案,請以昶爲司馬,太祖許之。 郎,修國史。轉大行臺郞中、中書侍郞。 給,令入太學。 銀青光祿大夫。 又兼二千石郞中,典儀注。 雖優治未足,而才制可觀。見者咸曰「有家風矣」。 太祖每見學生,必問才行於昶。 累遷都官郞中、相州大中正、丞相府東閤祭酒、中軍將軍 頃之,轉黃門侍郎,封臨黃縣伯,邑五百 於是以昶爲丞相府記室參軍、著作 初謁太祖,太祖 深奇之,厚加資

驃騎 昌公元則、中都公陸逞、臨淄公唐瑾等並爲納言。 餘,加使持節、車騎大將軍、儀同三司,賜姓宇文氏。 尉 彈劾之官,愛憎所在,故未即授卿耳。 大將軍 太祖嘗謂昶曰:「卿祖昔在中朝,爲御史中尉。 戶,遷內史中大夫。 、開府儀 同三司。 世宗初,行御伯中大夫。 二年,轉御正中大夫。 然此職 久曠,無以易卿。」 專進**留**爲公,增邑通前一千三百戶。 卿操尙貞固,理應不墜家風。 武成 時以近侍清要,盛選國 六官建,拜內史下大夫, 元年,除中外府司 乃奏昶爲御史中尉。 錄 華,乃以昶及安 進爵 保定初,進 但孤 爲侯,增 以中 歲

二州刺史。

子丹嗣 草。唯留心政事而已。又以父在江南,身寓關右,自少及終,不飲酒聽樂。 委任如舊。」昶常曰:「文章之事,不足流於後世,經邦致治,庶及古人。」故所作文筆,了無藁 一般於太祖世已當樞要,兵馬處分,專以委之,詔册文筆,皆
一般所作也。 時論以此稱焉。 及晉公護執政,

史,加鎭軍將軍。 除西兗州錄事參軍,歷司空田曹參軍,加鎭遠將軍,兼殿中侍御史。臺中表奏,皆翥爲之。 魏孝明帝挽郎。其後司州牧、城陽王元徽以蠹爲從事,非其好也。 毛(遯)[遐]爲行臺,鎭北雍州,[三表 爲爲行臺郎中。 毛鴻賓鎭潼關,加前將軍、太中大夫。魏孝武西遷,賜爵高唐縣子,兼中書舍人,修國 時有高平檀叢,字鳳翔。好讀書,善屬文,能鼓瑟。[18]早爲琅邪王誦所知。年十九,爲 後坐談論輕躁,爲黃門侍郎徐招所駁,死於廷尉獄。 會爾朱天光東拒齊神武,翥隨赴洛。 尋謝病,客遊三輔。

列

通 直 散騎常侍,城陽公。〔11〕父順,以左衞將軍從魏孝武西遷,拜中書監、雍州刺史、開府儀 元偉字猷道,江江河南洛陽人也。 魏昭成之後。 曾祖忠,尚書左僕射,城陽王。 祖盛,

同三司,封濮陽王。

增邑五百戶。 年,除幽州 伏波將軍、度支郞中,領太子舍人。十一年,遷太子庶子,領兵部郞中。 十六年,進位車騎大將軍、儀同三司。 偉少好學,有文雅。弱冠,授員外散騎侍郎。以侍從之勞,賜爵高陽縣伯。 都督府長史。及尉遲迥伐蜀,以偉爲司錄。 六官建,拜師氏下大夫,爵隨例降,改封淮南縣公。 以魏氏宗室,進爵南安郡王,邑五百戶。 書檄文記,皆偉之所爲。蜀平,以功 尋拜東南道行臺右 大統初,拜

隨州 州刺史,進位大將軍。 遂 百姓悅附,流民復業者三千餘 除隴右總管府長 中大夫,兼民部中大夫,遷小司寇。 爲 齊 刺 孝閔帝踐祚,除晉公護府司錄。 史。 人所執。 偉解以母老,不拜。 六年,齊平,偉方見釋。 史,加驃騎 大將軍、開府儀同三司。 口。 還爲司宗。 天和元年,入爲匠師中大夫,轉司宗中大夫。六年,出爲 四年,以偉爲使主,報聘于齊。 世宗初,拜師氏中大夫。受韶於麟趾殿刋正經籍。 高祖以其久被幽繁,加授上開府。 尋以母憂去職。 保定二年,遷成州刺史。 建德 二年,復爲司宗,轉司 是秋 高高 大象二年,除襄 祖 偉政尙淸靜, 親 戎 東討,偉 會

無忤。 偉性溫柔,好虛靜。 時人以此稱之。 初自鄴還也,庾信贈其詩曰:「號亡垂棘反,齊平寶鼎歸。」其爲辭人 居家不治生業。篤學愛文,政事之暇,未嘗棄書。 謹愼小心,與物

所重如此。後以疾卒。

替前緒。明、武纘業,亦遵先志。 太祖天縱寬仁,性罕猜忌。一元氏戚屬,並保全之,內外任使,布於列職。 雖天厭魏德,鼎命已遷,枝葉榮茂,足以逾於前代矣。 孝閔踐祚,無 然

簡牘散亡,事多湮沒。今錄其名位可知者,附於此云。

柱國大將軍、太傅、大司徒、廣陵王元欣,

柱國大將軍、特進、尚書令、少師、義陽王元子孝,

尙書僕射、馮翊王 元季海,

七兵尚書、陳郡王元玄,

大將軍、淮安王元育,

大將軍、梁王元儉,

大將軍、尚書令、少保、小司徒、廣平郡公元贊,

侍中、驃騎大將軍、開府儀同三司、少師、韓國公元羅,大將軍、納言、小司空、荆州總管、安昌郡公元則,

列傳第三十 元偉 校勘記

侍中、驃騎大將軍、開府儀同三司、鄯州刺史、安樂縣公元壽 侍中、驃騎大將軍、開府儀同三司、中書監、洵州刺史、宜都郡公元顏子, 侍中、驃騎大將軍、開府儀同三司、武衞將軍、逐州刺史、房陵縣公元審。 侍中、驃騎大將軍、開府儀同三司、吏部尙書、魯郡公元正,

言:「古今文人,類不護細行。」其呂思禮、薛憕之謂也。 孫,可謂野無遺才,朝多君子。蘇亮等並學稱該博,文擅雕龍,或揮翰鳳池,或著書麟閣,咸 居祿位,各逞琳琅。 史臣曰:太祖除暴寧亂,創業開基, 昃食求賢, 共康庶政。 擬彼陳、徐,慙後生之可畏; 論其任遇,實當時之良選也。 既焚林而訪阮,亦牓道以求 魏文帝有

校勘記

[1] 祖權 北史卷六三蘇綽附從兄亮傳作「祖稚,字天祐」。

(二) 甚見親待 「待」原作「侍」。宋本、南本、汲本、局本和北史卷六三蘇綽附族人讓傳都作

是,个逕改。

ハヨリ 遍(授)(受)五經 宋本和北史本傳、冊府卷七六八九一二五頁「授」作「受」。 按糾時方求學,作

「受」是。

旣而樊子鵠爲吏部尙書其兄義爲揚州治中加鎭遠將軍 刺史,乃以則爲揚州中從事』,此挩去數字,遂合二官爲一人,謬甚。」按張說是,「揚州」下當脫 張森楷云:「據北史作『其兄義爲揚州

「刺史乃以」與爲揚州」八字。治中即中從事。

/ 五 裴諏 張森楷云:「北齊書卷三五裝職之傳作『裴諏之』。」按此雙名單稱。

(六) 司馬子如薦爲尚書二千石郞中 「石」原作「戶」。諸本和北史卷七〇呂思禮傳都作「石」,今逕

다

[4] 乃求爲關西大行臺賀拔岳所重 文就俱入關,爲行臺賀拔岳所重。』此脫十五字。」 殿本考證云:「北史云:『乃求爲關西大行臺郞中,與姚幼瑜、姑

[八] 封汝陽縣子 「汝陽」北史本傳作「汶陽」。

[元] 紹爲御史丞 張森楷云:「『丞』上當有『中』字,見趙剛傳。」按卷三三趙剛傳稱「御史中尉董紹」。

元魏之御史中尉即中丞,張說是。

[10] 邑二百戶 汲本、局本「二」作「三」。

山有香氣 張森楷云:「『氣』當作『器』,下文所謂『以臨器上』,即指此。」 按張說可通,但北史卷

列傳第三十 校勘記

三六薛憕傳亦作「氣」。

祖遵彦 北史卷三六薛寘傳「彦」作「顏」。

李昶 班府卷四五七五四二九頁、卷五一二六二三三頁,御覽卷六〇二二七二三頁都作「李旭」。按北

火卷四○李彪傳也作「昶」,似無可疑。然冊府、御覽都作「旭」。 疑當時有作「旭」的一種傳本。

能鼓瑟 宋本、南本及北史卷七〇檀藏傳「瑟」作「琴」。

(三) 時毛(遯)(遐)為行臺鎭北雍州 北史檀翥傳「遯」作「遐」、「北雍州」作「北維」。按北史卷四九毛

遐傳云:「万俟醜奴陷秦州,韶以遐兼尚書二州行臺」,又稱「中書郎檀翥、尚書郎公孫範等常依 託之」。「遯」爲「遐」之訛無疑,今據改。 北史「北維」自是「北雍」之訛。

口心 字猷道 北史卷一五常山王遵傳「猷道」作「大猷」。

[1七] 曾祖忠尚書左僕射城陽王祖盛通直散騎常侍城陽公 前後二「城陽」原皆倒作「陽城」,諸本都

作「城陽」。張元濟以爲作「陽城」誤,云見「北史常山王遵傳」卷一五。按遵傳稱忠「累遷尚書右僕

射,賜爵城陽公」,又云:「子盛,字始興,襲爵。」「陽城」爲「城陽」誤倒,今逕乙。又據北史元忠未

封王,同卷高涼王孤附曾孫那傳云:「高祖時,諸王非太祖子孫者例降爵爲公。」元忠是昭成之

後,一般不得封王。但八瓊室金石補正卷二七太僕元公墓誌銘稱曾祖忠「城陽宣王」,或是西魏

追贈。

周書參三十九

列傳第三十一

章璵 梁昕

皇甫璠

辛慶之族子昂

I F

杜杲

州刺史。 仕宋爲鎭西府司馬、順陽太守,行南雍州事。 章璵字世珍,京兆杜陵人也。世爲三輔著姓。曾祖惠度,姚泓尙書郞。 祖千雄,略陽郡守。父英,代郡守,贈兗州刺史。 後於襄陽歸魏,拜中書侍郎,贈安西將軍、洛 隨劉義眞 過江,

府法曹參軍。 **璵幼聰敏,有夙成之量,閻里咸敬異之。** 稍遷直後,除明威將軍、雍州治中,假鎭遠將軍、防城州將。累遷諫議大夫、 篤志好學,兼善騎射。 魏孝昌三年,起家太尉

冠軍將軍。

太祖爲丞相,加前將軍、太中大夫,封長安縣男,食邑三百戶。 列 傳 第三十 韋 璵 轉行臺左丞,加撫軍將 六九三

蒲津關,帶中潬城主。 進爵爲子,增邑二百戶。 軍、銀青光祿大夫,遷使持節、都督南郢州諸軍事、南郢州刺史。 有幹局,再居左轄,時論榮之。 遷大都督、通直散騎常侍,行京兆郡事,進車騎大將軍、儀同三司、散騎常侍。 **尋除瀟州總管府長史。頃之,徵拜鴻臚卿。** 大統八年,齊神武侵汾、絳,與從太祖禦之。軍還,令與以本官鎮 從復弘農,戰沙苑,加衞大將軍、左光祿大夫。 復入爲行臺左丞。 以望族,兼領鄉兵,加 又從戰河橋, 與明察

胡人畏威,不敢爲寇。公私安靜,夷夏懷之。 後刺史,多受賂遺。胡寇犯邊,又莫能禦。 魏恭帝二年,賜姓宇文氏。三年,除瓜州諸軍事、瓜州刺 **璌雅性清儉**, 兼有武略。 史。 州通 蕃夷贈遺, 西域, 蕃夷往來,前 無所受。

峻襲。 六十一。 日,方得出境。世宗嘉之,進授侍中、驃騎大將軍、開府儀同三司。 孝閔帝踐阼,進爵平齊縣伯,增邑五百戶。 贈岐宜二州刺史。諡曰惠。 天和二年,又追封爲公,增邑通前三千戶。 秩滿還京, 吏民戀慕, 老幼追送, 留連十數 武成三年,卒,〇〇 仍韶其子 一時年

德末,蒲州總管府中郎,行河東郡事。

峻後位至車騎大將軍、儀同三司。

|峻弟師,起家中外府記室,歷兵部小府下大夫。

建

梁盺字元明,安定烏氏人也。 世爲關中著姓。其先因官,徙居京兆之盩厔焉。祖重耳,

漳縣令。父勸儒,州主簿、冠軍將軍、中散大夫,贈涇州刺 史。

前後數十戰,以功(封)[進]征西將軍。[三爾朱天光入關,復引爲外兵參軍。 右將軍、太中大夫。 參軍。 孝昌初,拜盪寇將軍,稍遷驤威將軍、[三]給事中。仍從寶夤征万俟醜奴。相持二年, **盺少溫恭,見稱州里。正光五年,秦隴搆亂,蕭寶夤爲大都督,統兵出討,** 從天光征討,拜 以昕爲行臺

|苑,皆有功。除車騎將軍、丞相府主簿。出爲

洛安郡守,徵拜大將

軍行臺兵部郎中,加帥 督、車騎大將軍、散騎常侍、儀同三司。 史。
断撫以仁惠,蠻夷悅之,流民歸附者,相繼而至。 都督。十二年,除河南郡守,鎭大塢。尋又移鎭閻韓。 右府長流參軍。大統初,加鎮南將軍、金紫光祿大夫,轉丞相府戶曹參軍。從復弘農,戰沙 太祖迎魏孝武,軍次雍州。昕以三輔望族上謁。太祖見昕容貌瓌偉,深賞異之。 封安定縣子,邑三百戶。 累遷大都 式遏邊壘,甚著誠信。 遷東荆 州刺 即授

除九曲 孝閔帝踐阼,進位驃騎大將軍、開府儀同三司。世宗初,進爵胡城縣伯,邑五百戶。三 城主。 保定元年,遷中州刺史,增邑八百戶,轉邵州刺史。二年,以母喪去職。

列傳

第三十

梁昕

皇甫

尋起復本任。 天和初, 徵拜工部中大夫。 出爲陝(西)[州]總管府長史。[四] 昕性溫裕,有幹

能。 歷官內外,咸著聲稱。 尋卒於位。 贈大將軍,諡 日貞。

司, 朝那縣伯,贈涇寧豳三州刺史,諡曰靜。 |断弟||榮,歷位匠師下大夫,中外府中郎,蕃部、郡伯、司倉、計部下大夫, (三) 開府儀同三

統末,追贈散騎常侍、儀同三司、涇州刺史。 皇甫璠字景瑜,安定三水人也。世爲西州著姓,後徙居京兆焉。 父和,本州治中。

都水使者,歷蕃部、兵部、虞部、民部、東部等諸曹郎中。六官建,拜計部下大夫。 大統四年,引爲丞相府行參軍。 蹯少忠謹,有幹略。 永安中, 辟州都督。
 專轉田曹參軍、東閤祭酒,加散騎侍郎。稍遷兼太常少卿、
 太祖爲牧,補主簿。以勤事被知,每蒙襃賞。

復出爲隴右總管府長史。」蹯性平和,小心奉法,安分守志,[云]恆以清白自處。 除隴右總管府司馬,轉陝州總管府長史。徵拜蕃部中大夫,進驃騎大將軍、開府儀同三司。 司,封長樂縣子,邑五百戶。出爲玉壁總管府長史。保定中,遷鴻州刺史,入爲小納言。俄 孝閔帝踐阼,轉守廟下大夫。以選爲東道大使,撫巡州防。尋加車騎大將軍、儀同三 當時號爲

善人。

大夫。

二千戶。六年,卒於位。 建德元年,除民部中大夫。三年,授隨州刺史。 贈交渭二州刺史。 諡曰恭。子諒,少知名。大象中,位至吏部下 政存簡惠,百姓安之。其年,增邑幷前

崩,遂出克、冀間,謀結義徒,以赴國難。尋而節閔帝立,乃還洛陽。普泰二年,遷平北將軍、 爲北道行臺,節度山東諸軍以討之。津啓慶之爲行臺左丞,典參謀議。 太中大夫。 慶之少以文學徵詣洛陽,對策第一,除祕書郞。 辛慶之字慶之,行隨西狄道人也。世爲隴右著姓。父顯崇,公馮翊郡守,贈雍州刺史。 及賀拔岳爲行臺,復啓慶之爲行臺吏部郞中、開府掾。 屬爾朱氏作亂,魏孝莊帝令司空楊津 尋除雍州別駕 至鄴,聞孝莊帝暴

勇。六年,行河東郡事。九年,入爲丞相府右長史,兼給事黃門侍郞,除度支尚書。 乃引軍退。河橋之役,大軍不利,河北守令棄城走,慶之獨因鹽池,抗拒彊敵。 初復河東,以本官兼鹽池都將。 大統初,加車騎將軍,俄遷衞大將軍、左光祿大夫。後太祖東討,至為行臺左丞。 四年,東魏攻正平郡,陷之,遂欲經略鹽池,慶之守禦有備 時論稱其仁 復行河

列傳

東郡事。遷通直散騎常侍、南荆州刺史,加儀同三司。

時所重。又以其經明行修,令與盧誕等教授諸王。魏廢帝二年,拜祕書監。尋卒於位。子 加陵,主寢上士。慶之族子昂。 慶之位遇雖隆,而率性儉素,車馬衣服,亦不尚華侈。 志量淹和,有儒者風度。 特爲當

鎭遠將軍。 然名德富貴,莫有及此兒者。」一个略亦重昂志氣,深以爲然。年十八,侯景辟爲行臺郎中,加 縣男,邑二百戶,轉丞相府田曹參軍 昂字進君。 景後來附,昂遂入朝。 年數歲,便有成人志行。 除丞相府行參軍。 有善相人者,謂其父仲略曰:「公家雖世載冠冕, 大統十四年,追論歸朝之勳,封裏城

違之。」於是井邑肅然,咸從其化。 勉,克成令譽。」昂言切理至,諸生等並深感悟,歸而告其父老曰:曰「辛君敎誡如此,不可 謂諸生曰:「子孝臣忠,師嚴友信,立身之要,如斯而已。 俗舛雜。 長 史,領龍安郡事。 及尉遲迥伐蜀,昂召募從軍。〔10〕蜀平,以功授輔國將軍,魏都督。〔1〕〕迥仍表昂爲龍州 迥以昂達於從政,復表昂行成都令。 州帶山谷,舊俗生梗。昂威惠洽著,吏民畏而愛之。 遷梓潼郡守,進位帥都督,加通直散騎常侍。六官建,入 昂到縣, 即與諸生祭文緣學堂, 因共歡宴。 若不事斯語,何以成名。 成都一方之會,風 各宜自

爲司隸上士,襲爵繁昌縣公。

布帛

二百匹

進車 ·騎大 世宗 八將軍 初 ,授天官府 、儀 同三司,轉小吏部。 上士,加大都督。 四年, 武成二年,授小職方下大夫,治小兵部。 大軍東討,昂與大將軍權景宣下豫州,以功賞 保定二年,

驃騎 有大軍 攻圍 赴者 史。 州,得三千人,倍道兼行, 昂撫導荒梗,安置城鎮 中賞昂 城無援, 韶昂便於通、 大將軍 昂 郡城,遏絕山路。 如 時 推 奴婢二十口 赴救,於是望風 歸。 益州殷阜,軍國所資。 必淪寇黨。 誠 布信, 開 乃令老弱 展等諸州運糧饋之。[三時臨、信、楚、合等諸州民庶,亦多從逆。 昂諭 府 儀同 甚得 「、網綵 欲救近溺, 負糧,壯夫拒戰, |昂謂: 三司 ,數年之中, 瓦解,郡境獲寧。 夷獠歡 四百 出其不意。 其同 匹。 經塗艱險,每苦叝盜。 心 寧暇 |侶日:「凶奴狂悖,〔1四〕| 頗得 **亮又以昂威信布於宕渠,遂表爲渠州** 秩滿還京,首領皆隨昂詣闕朝覲。 遠求越人。 又令其衆皆作中 咸願 等靜。 朝廷嘉其權以濟事 爲用, 天和 荷利 莫有怨者。 初, 韶昂使於梁、益,軍民之務,皆委決焉。 國 百 陸騰討信州 歌 姓, 至於此! ,韶梁州 直 專之可也。」於是遂募 使還,屬巴州萬榮郡 趣賊 若待 羣蠻, 壘。 總管 以昂化洽夷華 上聞,或淹 刺 賊旣 一、
相 史。 歷時未克。 國 不 俄 公亮 以 轉 爲 開 旬月, 民反 以 通 刨 通 虞, 禍 高祖 進 於 孙 謂 位 刺 軍 孤

七00

魏隴州刺史、宋陽公。「云神景年十八,舉文學,對策高第。 昂族人仲景,好學,有雅量。其高祖欽,後趙吏部尚書、雍州刺史,子孫因家焉。父歡, 時晉公護執政,昂稍被護親待,高祖以是頗銜之。及護誅,加之捶楚,日司因此遂卒。 拜司空府主簿,遷員外散騎侍

鄓。

建德中,位至內史下大夫、開府儀同三司。卒於官。子衡。

王子直字孝正,京兆杜陵人也。世爲郡右族。父琳,州主簿、東雍州長史。

男,邑二百戶。 將軍、太中大夫。 咸來復業,自合肥以北,安堵如舊。永安初,拜員外散騎常侍、鴻臚少卿。普泰初,進後軍 威將軍。 主夏侯景超,梁人乃退。江沿淮南民庶因兵寇之後,猶聚爲盜。感令子直招撫之,旬日之間, 子直性節儉,有幹能。。魏正光中,州辟主簿,起家奉朝請。除太尉府水曹行參軍,加明 時梁人圍壽春,臨淮王元彧率軍赴援,子直以本官參彧軍事。與梁人戰,斬其軍 質拔岳入關,以子直爲開府主簿,遷行臺郞中。魏孝武西遷,封山北縣

破之,南山平。太祖嘉之,賜書勞問。除尚書左外兵郞中。三年,進車騎將軍,兼中書舍人。 大統初,漢熾屠各阻兵於南山,與隴東屠各共爲唇齒。 太祖令子直率涇州步騎五千討

和據 齊王廓出牧秦隴,復以子直 年, 進車騎將軍、左光祿大夫,[15]除太子中庶子,領齊王友。 渾寇西平,以子直 四年,從太袒解洛陽圍,經河橋戰,兼尙書左丞,出爲秦州總管府司馬。 州逆命, 轉幷州長 子直從隴右大都督獨孤信討平之。 兼尚書兵部郞中,出隴右 爲秦州別駕,仍領王友。 經略之, 復入爲大行臺郞中,兼丞相府記室。 隨、陸初平,授安州長史,領別駕,加 大破渾衆於長寧川,渾賊遁走。 尋行馮翊郡 時凉州刺史宇文仲 事 十六年, 吐谷 魏 帥

魏恭 帝初,徵拜黃門侍郎。 魏 廢 帝元年,拜使持節、大都督,行瓜州事。 卒於位。 子宣禮,柱國 府參軍 子直性清靜,務以德政化民,西土悅附。 都督。

史。

杜杲字子暉,京兆杜陵人也。 祖建,魏輔國將軍,贈豫州刺史。「己父皎,儀同三司、 斌

都 郡 守。

於朝 也。」 瓚 廷。 杲 時仕魏 學 涉經史,有當世幹略。 永熙三年,起家奉朝請,〔三〕累遷輔國將軍、成州長史、漢陽郡 爲黃門侍郎,兼度支尚書、衞大將軍、西道行臺, 其族父瓚,回司清貞有識鑒,深器重之。 尚孝武 妹新豐 守。 常日:「吾家千 世宗初,轉脩城 公主, 因 薦之 里駒

郡守。屬鳳州人仇周貢等搆亂,攻逼脩城,杲信洽於民,部內遂無叛者。 軍進討,杲率郡兵與|昶合勢,遂破平之。 入爲司(命)[會]上士。[三] 尋而開府趙昶諸

果爲府司馬、州治中、兼知州府事。加使持節、車騎大將軍、儀同三司。 之,魯山自合歸國。云以尋常之土,易己骨肉之親,使臣猶謂不可,何以聞諸朝廷。」陳文帝 蓋爲此也。若知止侔魯山,固當不貪一鎭。況魯山梁之舊地,梁卽本朝蕃臣,若以始末言 其價豈止一城。本朝親睦九族,恕己及物,上遵太祖遺旨,下思繼好之義。所以發德音者, 不還彼魯山,亦恐未能及此。」杲答曰:「安成之在關中,乃咸陽一布衣耳。 然是陳之介弟, 帝乃拜項柱國大將軍,韶杲送之還國。陳文帝謂杲曰:「家弟今蒙禮遣,實是周朝之惠。然 遣。至是,帝欲歸之,命杲使焉。陳文帝大悅,卽遣使報聘,幷賂黔中數州之地。仍請畫野 別。朝廷嘉之,授大都督、小載師下大夫,治小納言,復聘於陳。中山公訓爲淸州總管,以 慚恧久之,乃曰:「前言戱之耳。」自是接遇有加常禮。 及杲還,命引升殿,親降御座,執手以 分疆,永敦隣好。以杲奉使稱旨,進授都督,治小御伯,更往分界焉。陳人於是以魯山歸我。 初,陳文帝弟安成王頊爲質於梁,及江陵平,頊隨例遷長安。 陳人請之,太祖 許而未

連兵不息,東南騷動。高祖患之,乃授杲御正中大夫,曰司〔使於陳,論保境息民之意。陳宣 及華皎來附,韶令衞公直督元定等援之。與陳人交戰,我師不利,元定等並沒。自是,

|帝遣其黃門侍郞|徐陵謂|杲曰:「兩國通好,本欲救患分災,彼朝受我叛人,何也。」 杲答曰:

非恩。 角,以取齊氏。非唯兩主之慶,實亦兆庶賴之。」陵具以聞,陳宣帝許之。遂遣使來聘。日於己 與心忿悔禍,遷慮改圖,陳國息爭桑之心,本朝弘灌瓜之義,張旃拭玉,脩好如初,共爲掎 事,遂爲仇敵,構怨連兵,略無寧歲,鷸蚌狗兔,勢不俱全。若使齊寇乘之,則彼此危矣。孰 各圖進取,苟有釁隙,實啟敵心。本朝與陳,日敦鄰睦,輶軒往返,積有歲年。比爲疆場之 怨繇彼國,恩起本朝,以怨酬恩,未之聞也。」陵乃笑而不答。〔三〕杲因謂之曰:「今三方鼎立, 恩之與怨,亦足相埓。」杲曰:「元定等兵敗身囚,其怨已滅。陳主負扆馮玉,其恩猶在。 |郝烈一百許戶,脫身逃竄。大小有異,豈得同年而語乎。] |杲曰:「大小雖殊,受降一也。 在本朝。」陵曰:「彼納華皎,志圖吞噬。此受郝烈,容之而已。且華皎方州列將,竊邑叛亡。 論先後,本朝無失。」陵曰:「周朝送主上還國,旣以爲恩;衞公共元定渡江,孰云非怨。 ,陳主昔在本朝,非慕義而至,上授以柱國,位極人臣,子女玉帛,備禮將送,遂主社稷,孰謂 郝烈之徒,邊民狂狡,曾未報德,自己而先納之。今受華氏,正是相報。過自彼始,豈

以元定軍將士易王褒等。乃答之曰:「長湖總戎失律,臨難苟免,旣不死節,安用以爲。〔云〕 然恐不能無北風之戀。王褒、庾信之徒旣覊旅關中,亦當有南枝之思耳。」杲揣陳宣意,欲 武帝建德初,爲司城中大夫,行已使於陳。陳宣帝謂杲曰:「長湖公軍人等雖築舘處之,

傳第三十一

杜 杲

校 勘 記

利。 且獨牛之一毛,何能損益。本朝之議,初未及此。」陳宣帝乃止,杲還至石頭,行立又遣謂之 曰:「若欲合從,共圖齊氏,能以樊、鄧見與,方可表信。」杲答曰:「合從圖齊,豈唯弊邑之 必須城鎭,宜待之於齊。先索漢南,使者不敢聞命。」「圖〕還,除司倉中大夫。「圖〕」

以疾卒。子運,大象末,宣納上士。杲兄長暉,位至儀同三司。 以果爲同州總(管)〔監〕、〔三〕進爵爲公。俄遷工部尚書。二年,除西南道行臺兵部尚書。 年,除申州刺史,加開府儀同大將軍,進爵爲侯,邑一千三百戶。 後四年,遷溫州刺史,〔三〕賜爵義興縣伯。 大象元年,徵拜御正中大夫,復使於陳。二 除同州司會。隋開皇元年,

有專對之才。 史臣曰:"韋、辛、皇甫之徒,並關右之舊族也。 既茂國猷,克隆家業。美矣夫! 或紆組登朝,獲當官之譽;或張旃出境,

校勘記

武成三年卒 **踰年改元,與其他之未改元以前可猶稱數年者不同。『三』字斷當爲『二』之誤無疑。」按張說** 張森楷云:「『三』當作『二』,武成無三年也。且世宗以二年八月遇弑,武帝卽位,

「三」字誤是對的,但也可能是「元年」之誤,今不改。

ヘニン 稍遷驤威將軍 卷三八後魏官品,卷三九後周官品同。「驤」當作「襄」。但當時常有此類,如上引寇遵考墓誌卷 按魏書卷一一三官氏志從第六品,周書卷二四盧辯傳末四命有襄威將軍,通典

三七校記第一條龍驤將軍作「驢驤」,今不改。

以功(封)[進]征西將軍 宋本「封」作「進」。按將軍不當云「封」,今據改。

出爲陝(西)[州]總管府長史 宋本、南本、局本及北史卷七○梁昕傳「西」作「州」。按總管例繋

於州,作「西」誤,今據改。

蕃部郡伯司倉計部下大夫 伯、小稍伯、小縣伯、小畿伯,却沒有郡伯,「郡」疑爲「鄕」之訛 按通典卷二九後周官品正四命地官所屬諸下大夫有小鄉伯、小遂

「六」安分守志 宋本及冊府卷八〇六九五八五頁「分」作「貧」。北史卷七〇皇甫璠傳作「貞」。 張元濟 云:「貞亦『貧』之訛。」按張說是,但「安分」亦可通,今不改。

〔七〕字慶之 北史卷七○辛慶之傳作「字餘慶」。

「スン父顯崇 北史本傳「崇」作「宗」。

後太祖東討 北史本傳「後」作「從」。按「從太祖東討」一語屢見他傳,疑作「從」是。

昂召募從軍 北央卷七○辛慶之附昂傳「召」作「占」。按「占募」見三國志卷五八陸抗傳、亦屢

見南北諸史,疑作「占」是。

- 以功授輔國將軍魏都督 <u>經際</u>末輔國將軍和都督同在七命。下文說「遷<u>梓</u>潼郡守,進位帥都督」,帥都督是正七命,升遷 張森楷云:「『魏』字於文無施,疑誤。」按「魏」字疑是衍文。 卷二四盧
- 歸而告其父老日 |宋本、南本、北本、汲本「父」下無「老」字。 疑殿本據北史補。局本從殿本。

次序正合。

- 便於通渠等諸州運糧饋之 冊府卷六五六七八六二頁「便」作「使」。
- [12] 凶奴狂悖 宋本及册府卷六五六七八五七頁「奴」作「狡」。
- 及護誅加之捶楚 殿本、局本都是依、北史補,然無此二字,文義不順。 宋本、南本、北本、汲本無「護誅」二字。 北史本傳作「誅護」,局本同北史。 疑
- **父歡魏隴州刺史宋陽公** 廢。」疑作「朱」是。 下地形志下析州有朱陽郡。 北史卷七〇辛慶之傳附見族人仲景,「宋」作「朱」。 隋書卷三〇地理志中<u>弘</u>農郡有朱陽縣,云:「舊置朱陽郡, 按魏書卷一〇六 後周郡
- 時梁人圍壽春至梁人乃退 至梁攻壽春,在次年七月,十一月魏揚州刺史李憲降梁,壽春爲梁佔領,並無「梁人乃退」的事。 正月臨淮王彧與李憲爲都督從東道行臺元延明「俱討徐州」,六月守徐州之梁豫章王琮降魏。 「夏侯景超」,宋本「超」作「起」。按魏書卷九肅宗紀孝昌元年五二五年

本傳所述,當是攻徐州事而誤以爲援壽春。

十五年進車騎將軍左光祿大夫 『車』或當是『驃』字之誤。」按張說是,但諸本皆同,今不改。 張森楷云:「三年已進車騎矣,此不應復加故號,以他傳例之,

[1九] 贈豫州刺史 北史卷七〇杜杲傳「豫」作「蒙」。

C110〕 其族父瓚 、北史本傳「瓚」作「攢」。

(三) 永熙三年起家奉朝請 「三」原作「二」。諸本及北史本傳都作「三」。按杜杲是京兆人,入仕當

是在永熙三年魏孝武帝入關之初,所以本傳沒有從孝武入關語。殿本刻誤,今逕改。

(三) 入爲司(命)(會)上士 十一月稱「司會上士|杜杲來聘」。 冊府卷六五三七八三三頁、卷六六〇七八九八頁作「司倉上士」。按 北史本傳「命」作「會」。通鑑卷一六八五二一七頁陳文帝天嘉二年 五六一年

通典卷三九後周官品,司會、司倉上士都在正三命,無司命。今從北史、通鑑改。

高祖患之乃授杲御正中大夫。張森楷云:「本文語氣,不甚了斷。據北史則『大夫』下有使陳與

至言

五七 徐陵論答一段。此誤挽漏,當依補正。」按張說是,但北史有刪節,冊府卷六六〇七八九九頁、卷六 七八七一頁所載杜杲和徐陵的論答乃是周書本文,今據補。

曾未報德 「報」冊府卷六六〇作「執」,此據北史本傳改

全 陵乃笑而不答 從「使於陳」至此據冊府卷六六〇和北史本傳補。

列傳第三十一 校勘記

- **遂遣使來聘** 從「果因謂之日」至此據冊府卷六六〇補。北史無。
- 至 爲司城中大夫 冊府卷六五七無「城」字,此據北史本傳增。
- (三〇) 安用以為 、北史本傳「以」作「此」。
- (三元) 杲還至石頭 、北史本傳「杲」上有「及」字。
- 使者不敢聞命 「使者」北史作「使臣」。從「武帝建德初」至此據冊府卷六五七和北史本傳補。
- []]] 還除司倉中大夫 此句據<u>北</u>史本傳補。
- 後四年遷溫州刺史 也有脫文。但不能斷言北史所述和爲書完全相同,今不補。 敍「又使於陳」,陳送開府賀拔華和元定棺歸周,「除河東郡守」等事皆不見問書。 宋本「遷」下尙有「溫州諸軍事」五字。、北史本傳於「還除司倉中大夫」下接 疑「後四年」下
- 皇言 除同州司會隋開皇元年以杲爲同州總(管)(監) 恐都是後人妄改,李延壽不會不知道問、隋有此官。 史改,局本從殿本。張元濟云:「按隋朝有總監之職。」按隋書卷二八百官志下有同州總監,張說 蓋隋改同州司會爲總監,杜杲仍留任職,非遷官。 宋本、南本、北本、汲本「管」作「監」,殿本當依北 北史「司會」作「刺史」、「總監」作「總管」、

列傳第三十二

尉遲運 王軌 宇文神舉 字文孝伯 顏之儀

樂運

將斛律明月寇汾北,運從齊公憲禦之,攻拔其伏龍城。 右武伯。六年,遷左武伯中大夫。 將軍、開府儀同三司。三年,從楊忠攻齊之幷州,以功別封第二子端保城縣侯,邑一千戶。 世宗,乃令運奉迎於岐州。以預定策勳,進爵周城縣公,增邑五百戶。保定元年,進驃騎大 四年,出爲隴州刺史。 縣侯,邑一千戶。孝閔帝踐阼,授使持節、車騎大將軍、儀同三司。俄而帝廢,朝議欲尊立 尉遲運,大司空、吳國公綱之子也。少彊濟,志在立功。魏大統十六年,以父勳封安喜 地帶汧、渭,民俗難治。 尋加軍司馬,武伯如故。 運垂情撫納,甚得時譽。 天和五年,入爲小 進爵廣業郡公,增邑八百戶。 運旣職棄文武,甚見委任。

建德元年,授右侍伯,轉右司衞。 列 傳 第 三 十 二 尉 運 運 時宣帝在東宮,親狎諂佞,數有罪失。 高祖於朝臣內

閉。 油灌之,火勢轉熾。久之,直不得進,乃退。運率留守兵,因其退以擊之,直大敗而走。是 運時偶在門中,直兵奄至,不暇命左右,乃手自闔門。直黨與運爭門,斫傷運手指,僅而得 選忠諒鯁正者以匡弼之。於是以運爲右宮正。(三)[三]年,帝幸雲陽宮,〔三又令運以本官 可勝數。 日微運,宮中已不守矣。高祖嘉之,授大將軍,賜以直田宅、妓樂、金帛、車馬及什物等,不 **兼司武,與長孫覽輔皇太子居守。** 直旣不得入,乃縱火燒門。運懼火盡,直黨得進,乃取宮中材木及牀等以益火,更以膏 俄而衛刺王直作亂,率其黨襲肅章門。覽懼,走行在所。

軍事。高祖崩於雲陽宮,祕未發喪,運總侍衞兵還京師。 底定,頗有力焉。五年,拜柱國,進爵盧國公,邑五千戶。宣政元年,轉司武上大夫,總宿衞 四年,出爲同州、蒲津、潼關等六防諸軍事、同州刺史。 高祖將伐齊,召運參議。 東夏

諸軍事、秦州刺史。然運至州,猶懼不免。大象元年二月,遂以憂薨於州,時年四十一。贈 <u>軌被誅,運懼及於禍,問計於宇文孝伯。語在孝伯傳。尋而得出爲秦州總管,秦渭等六州</u> 與王軌、宇文孝伯等皆爲高祖所親待,軌屢言帝失於高祖。帝謂運預其事,愈更銜之。及 大後丞、秦潤河鄯成洮文等七州諸軍事、秦州刺史。諡曰(忠)〔中〕。〔三子歸嗣。大象末,儀 宣帝即位,三授上柱國。運之爲宮正也,數進諫於帝。 帝不能納,反疎忌之。時運又

氏。父光,少雄武,有將帥才略。每從征討,頻有戰功。 王軌,太原祁人也,小名沙門,漢司徒允之後。 世爲州郡冠族。 太祖知其勇決,遇之甚厚。位至驃 累葉仕魏,賜姓烏丸

騎大將軍、開府儀同三司、平原縣公。

以可否。鼽贊成之。 彌重,遂處腹心之任。時晉公護專政,高祖密欲圖之。以賦沉毅有識度,堪屬以大事,遂問 下士。俄轉左侍上士,頗被識顧。累遷內史上士、內史下大夫,加授儀同三司。自此親遇 、軟性質直、慷慨有遠量。 臨事殭正,人不敢干。 起家事輔城公。及高祖即位,授前侍

爵郯國公,邑三千戶。 擒其城主特進、海昌王尉相貴,俘甲士八千人。於是遂從平持、鄴。以功進位上大將軍,進 夜中密遣送款。韶令軌率衆應之,未明,士皆登城鼓噪。齊人駭懼,因卽退走。遂克晉州, 千戶,軍國之政,皆參預焉。五年,高祖總戎東伐,六軍圍晉州。刺史崔景嵩守城北面, 建德初,轉內史中大夫,加授開府儀同三司,又拜上開府儀同大將軍,封上黃縣公,邑 徐州總管、七州十五鎭諸軍事。軌性嚴重,多謀略,兼有呂梁之捷,威振敵境。陳人甚憚之。 將士三萬餘人,幷器械輜重,並就俘獲。陳之銳卒,於是殲焉。高祖嘉之,進位柱國,仍拜 礙於車輪,不復得過。,軌因率兵圍而蹙之。唯有騎將蕭摩訶以二千騎先走,得免。明徹及 知之,懼,乃破堰遽退,冀乘決水之勢,以得入淮。比至清口,川流已闊,水勢亦衰,船艦竝 冰入淮口,多竪大木,以鐵鏁貫車輪,橫截水流,以斷其船路。方欲密決其堰以斃之,明徹 遂堰清水以灌之,列船艦於城下,以圖攻取。 韶以軌爲行軍總管,率諸軍赴救。 **軌**潛於淸 及 陳將吳明徹入寇呂梁,徐州總管梁士彥頻與戰不利,乃退保州城,不敢復出。明徹

武奇才,識度宏遠,而關比每對臣,深以此事爲慮。」高祖召關問之。關乃詭對曰:「皇太子 个者對揚,何得乃爾翻覆:

」剛曰:「此公之過也。皇太子,國之儲副,豈易攸言。事有蹉跌, 養德春宮,未聞有過。未審陛下,何從得聞此言。」旣退,軌謂弼曰:「平生言論,無所不道, 仁孝無聞,復多涼德,恐不了陛下家事。愚臣短暗,不足以論是非。 事,且言皇太子必不克負荷。關深以爲然,勸軌陳之。,軌後因侍坐,乃謂高祖曰:「皇太子 宮尹鄭譯、王端等並得幸帝。帝在軍中,頗有失德,譯等皆預焉。軍還,軌等言之於高祖。 宣帝之征吐谷渾也,高祖令軌與宇文孝伯並從,軍中進取,皆委軌等,帝仰成而已。時 陛下恆以賀若酮有文

弱耳。」高祖深以爲然。但漢王次長,又不才,此外諸子並幼,故不能用其說。 存私計。 便至滅門之禍。本謂公密陳臧否,何得遂至昌言。」、軾默然久之,乃曰:「吾專心國家,遂不 向者對衆,良寔非宜。」後則因內宴上壽,又捋高祖鬚曰:「可愛好老公,但恨後嗣

於此待死,義不爲他計。冀千載之後,知吾此心。」 之節,不可虧違。況荷先帝厚恩,每思以死自効,豈以獲罪於嗣主,便欲背德於先朝。 社稷至計。今日之事,斷可知矣。此州控帶淮南,隣接彊寇,欲爲身計,易同反掌。 及宣帝即位,追鄭譯等復爲近侍。,則自知必及於禍,回謂所親曰:「吾昔在先朝,寔申 但忠義

献立朝忠恕,兼有大功,忽以無罪被戮,天下知與不知,無不傷惜。 大象元年,帝令內史杜虔信就徐州殺軌。[E] 御正中大夫顏之儀切諫,帝不納,遂誅之。

鎭遠將軍、兗州刺史、安吉縣侯。 宇文神舉,太祖之族子也。 高祖晉陵、「K」曾祖求男,「P」仕魏,位並顯達。 祖金殿,魏

之在藩也,顯 父顯和, [5] 少而襲爵,性矜嚴,頗涉經史,膂力絕人,彎弓數百斤,能左右馳射。魏孝武 和早蒙眷遇。 時屬多難,嘗問計於顯和。 顯和具陳宜杜門晦迹,相時而動。

孝武深納焉。及卽位,擢授冠軍將軍、閤內都督,封城陽縣公,邑五百戶。 時顯和所居宅隘陋,乃撤殿省,賜爲寢室。 其見重如此。 孝武以顯和藩邸

公,邑一千五百戶。 帝以顯和母老,家累又多,令預爲計。對曰:「今日之事,忠孝不可並立。然臣不密則失身, 安敢預爲私計。」帝愴然改容曰:「卿即我之王陵也。」遷朱衣直閤、閤內大都督,改封長廣縣 若擇善而從之。」因誦詩云:「彼美人兮,西方之人兮。」 帝曰:「是吾心也。」遂 定入 關之策。 及齊神武專政,帝每不自安。謂顯和曰:「天下洶洶,將若之何。」對曰:「當今之計,莫

太祖笑曰:「我知卿工矣。」其後,引爲帳內大都督。俄出爲持節、衞將軍、東夏州刺史。以 延丹|綏三州諸軍事、延州刺史。 年五十七。 疾去職,深爲吏民所懷。尋進位車騎大將軍、儀同三司,加散騎常侍。魏恭帝元年,卒,時 從帝入關。至溱水,太祖素聞其善射而未之見也。俄而水傍有一小鳥,顯和射而中之。 太祖親臨之,哀動左右。建德二年,追贈使持節、驃騎大將軍、開府儀同三司、

神舉雅好篇什。帝每有遊幸,神舉恆得侍從。保定元年,襲爵長廣縣公,邑二千三百戶。尋 目疎朗,儀貌魁梧。 神舉早歲而孤,有夙成之量。族兄安化公深器異之。〔5〕及長,神情倜儻,志略英贍,眉 有識欽之,莫不許以遠大。世宗初,起家中侍上士。 世宗留意翰林,而

府儀 |齊人甚憚之。五年,攻拔齊陸渾等五城 授帥都督,遷大都督、使持節、車騎大將軍、儀同三司,拜右大夫。 誅晉公護也,神舉得預其 同 三司,治小宮伯。 天和元年,遷右宮伯中大夫,進爵淸河郡公,增邑一千戶。 謀。 建德元年,遷京兆尹。 三年,出爲熊州刺史。 四年,進驃騎大將軍、開 神舉威名素重 高祖將

月之間,遠邇悅服。 神舉以州兵討平之。 平郡公,增邑通前六千九百戶。 別都,控帶要重。 及高祖東伐,詔神舉從軍。 平定甫爾,民俗澆訛,豪右之家,多爲姦猾。 尋加上大將軍,改封武德郡公,增邑二千戶。 所部東壽陽縣土人,相聚爲盜,率其黨五千人,來襲州城。 **幷州平**,即授并州刺史,加上開府儀同大將軍。 神舉勵精爲治,示以 俄進柱國大將軍,改封康 州既 威恩,旬 齊氏

時突厥與稽胡連和,遣騎赴救。 之。齊黃門侍郞盧思道亦在反中, 石等四州十二鎭諸軍〔事〕、〔三〕幷州總管。 即令草露布。 入。[10] 高祖至雲陽,疾甚,乃班師 宣政元年,轉司武上大夫。 其待士禮賢如此。 高祖親戎北伐,令神舉與原國公(如)[姬]願等率兵五道俱 神舉以奇兵擊之,突厥敗走,稽胡於是款服。 屬稽胡反叛,入寇西河。 賊平見獲,解衣將伏法。神舉素欽其才名,乃釋而禮之, 。幽州人盧昌期、祖英伯等聚衆據范陽反,詔神舉率兵擒 神舉又率衆與越王盛討平。[1] 即授幷潞肆

列

傳

第三十二

其名望,兼以宿憾,遂使人齎鴆酒賜之,薨於馬邑。時年四十八。 焉。及宣帝即位,荒淫無度,神舉懼及於禍,懷不自安。初定范陽之後,威聲甚振。 初,神舉見待於高祖,遂處心腹之任。王軌、宇文孝伯等屢言皇太子之短,神舉亦頗與 帝亦忌

先輩舊齒至于今而稱之。 官,每著聲績。 神舉偉風儀,善辭令,博涉經史,性愛篇章,尤工騎射。臨戎對寇,勇而有謀。 兼好施愛士,以雄豪自居。故得任兼文武,聲彰中外。 子同嗣。位至儀同大將軍 百僚無不仰其風則, 莅職當

|神舉弟||神慶,少有壯志,武藝絕倫。 大象末,位至柱國、汝南郡公。

高祖 内。 是晉公護弗之猜也,得入爲右侍上士,恆侍讀書。 即位,欲引置左右。時政在冢臣,不得專制,乃託言少與孝伯同業受經,思相啓發。 及長,又與高祖同學。武成元年,拜宗師上士。時年十六。孝伯性沉正謇諤,好直言。 宇文孝伯字胡三,[11] 吏部安化公深之子也。 其生與高祖同日,太祖甚愛之,養於第 由

「公之於我,猶漢高之與盧綰也。」乃賜以十三環金帶。 天和元年,遷小宗師,領右侍儀同。及遭父憂,詔令於服中襲爵。 自是恆侍左右,出入臥內,朝之機 高祖嘗從容謂之曰:

|舉等頗得參預。||護誅,授開府儀同三司,歷司會中大夫、左右小宮伯、東宮左宮正。 深委信之,當時莫與爲比。及高祖將誅晉公護,密與衞王直圖之。唯孝伯及王軌、宇文神 務,皆得預焉。。孝伯亦竭心盡力,無所廻避。至於時政得失,及外間細事,皆以奏聞。 高祖

乃曰:「朕已委公矣,公其勉之。」 之不善,帝罷酒,責孝伯曰:「公常語我,云太子無過。今,朝有此言,公爲誑矣。」孝伯再拜 之。軍中之事,多決於孝伯。俄授京兆尹,入爲左宮伯,轉右宮伯。嘗因侍坐,帝問之曰: 於是以尉遲運爲右宮正,孝伯仍爲左宮正。尋拜宗師中大夫。及吐谷渾入寇,詔皇太子征 質,獨望日就月將。如或不然,悔無及矣。」帝歛容曰:「卿世載鯁直,竭誠所事。觀卿此言, 德聲未聞。臣忝宮官,寔當其責。且春秋尙少,志業未成,請妙選正人,爲其師友,調護聖 曰:「臣聞父子之際,人所難言。臣知陛下不能割情忍愛,遂爾結舌。」帝知其意,默然久之, 有家風矣。」|孝伯拜謝曰:「非言之難,受之難也。深願陛下思之。」帝曰:「正人豈復過君。」 「我兒比來漸長進不。」答曰:「皇太子比懼天威,更無罪失。」及|王軌因內宴捋帝鬚,言太子 建德之後,皇太子稍長,旣無令德,唯昵近小人。孝伯白高祖曰:「皇太子四海所屬,而

是加授大將軍,進虧廣陵郡公,邑三千戶,幷賜金帛及女妓等。六年,復爲宗師。 五年,大軍東討,拜內史下大夫,令掌留臺事。軍還,帝曰:「居守之重,無忝戰功。」於 毎車駕巡

自量必無濟理,以後事付君。」是夜,授司衞上大夫,總宿衞兵馬事。又令馳驛入京鎮守,以 其後高祖北討,至雲陽宮,遂寢疾。 驛召孝伯赴行在所。帝執其手曰:「吾

臣,棟梁所寄。陛下若妄加刑戮,微臣又順旨曲從,則臣爲不忠之臣,陛下爲不孝之子也。」 帝不懌,因漸疎之。乃與于智、王端、鄭譯等密圖其事。後令智告憲謀逆,遺孝伯召憲入, 官位相授。」孝伯叩頭曰:「先帝遺詔,不許濫誅骨肉。齊王,陛下之叔父,戚近功高,社稷重 宣帝即位,授小冢宰。帝忌齊王憲,意欲除之。謂孝伯曰:「公能爲朕圖齊王,當以其

孝伯曰:「吾徒必不免禍,爲之奈何。」孝伯對曰:「今堂上有老母,地下有武帝,爲臣爲子,知 也。」譯答曰:「事由字文孝伯及王軌。」譯又因說王軌捋鬚事。 行其志。 欲何之。 數十,仍除譯名。至是,譯又被帝親昵。帝旣追憾被杖,乃問譯曰:「我脚上杖痕,誰所爲 遂誅之。 切諫,皆不見從。 帝之西征也,在軍有過行,鄭譯時亦預焉。軍還,孝伯及王軌盡以白,高祖怒,曰望達帝 運尋出 且委質事人,本狥名義,諫而不入,將焉逃死。足下若爲身計,宜且遠之。」於是各 爲秦州總管。 由是益疎斥之。後稽胡反,令孝伯爲行軍總管,從越王盛討平之。及軍 然帝荒淫日甚,誅戮無度,朝章弛紊,無復綱紀。 帝乃誅軌。 尉遲運懼,私 孝伯又頻 謂

陛下,今諫而不從,寔負顧託。以此爲罪,是所甘心。」帝大慙,俛首不語。乃命將出,賜死 忠於社稷,爲羣小媒孽,加之以罪。臣以言必不用,所以不言。且先帝付屬微臣,唯令輔導 還,帝將殺之,乃託以齊王之事,謂之曰:「公知齊王謀反,何以不言。」孝伯對曰:「臣知齊王

于家。時年三十六。

孝伯寔有周之良臣,若使此人在朝,我輩無措手處也。」子歌嗣。 及隋文帝踐極,以孝伯及王軌忠而獲罪,並令收葬,復其官爵。 又嘗謂高頻曰:「字文

稱歎之。父協,以見遠蹈義忤時,遂不仕進。 恨之,謂朝臣曰:「我自應天從人,何預天下人事,而顏見遠乃至於此。」當時嘉其忠烈,咸 朝,有當官之稱。及梁武帝執政,遂以疾辭。 不得已,乃應命。梁元帝後著懷舊志及詩,並稱贊其美。 顏之儀字子升, [1三) 琅邪臨沂人也,晉侍中含九世孫。祖見遠,齊御史治書。[15]正色立 梁元帝爲湘東王,引協爲其府記室參軍。 專而齊和帝暴崩,見遠慟哭而絕。 梁武帝深 協

|元帝手勑報曰:「枚乘二葉,俱得遊梁; 應貞兩世,並稱文學。 我求才子, 鯁慰良深。 | 之儀幼穎悟,三歲能讀孝經。及長,博涉羣書,好爲詞賦。 嘗獻神州頌,解致雅膽。 梁

傳第三十二 顏之儀

列

其諒直無私,乃舍之。 累諫獲賞。即拜小宮尹,封平陽縣男,邑二百戶。宣帝即位,遷上儀同大將軍、御正中大夫, 師傅,以之儀爲侍讀。太子後征吐谷渾,在軍有過行,鄭譯等並以不能匡弼坐譴,唯之儀以 深爲帝所忌。然以恩舊,每優容之。及帝殺王軌,之儀固諫。帝怒,欲幷致之於法。 進臂爲公,增邑一千戶。 帝後刑政乖僻,昏縱日甚,之儀犯顏驟諫,雖不見納,終亦不止。 江陵平,之儀隨例遷長安。

世宗以爲麟趾學士,稍遷司書上士。

高祖初建儲宮,盛選

宗英。方今賢戚之內,趙王最長,以親以德,合膺重寄。公等備受朝恩,當思盡忠報國,奈 行之。隋文帝後索符璽,之儀又正色曰:「此天子之物,自有主者,宰相何故索之。」於是隋 何一旦欲以神器假人!之儀有死而已,不能誣罔先帝。」於是昉等知不可屈,乃代之儀署而 等草詔署記,[1也]逼之儀連署。之儀厲聲謂昉等曰:「主上升遐,嗣子冲幼,阿衡之任,宜在 文帝大怒,命引出,將戮之,然以其民之望也,乃止。出爲西疆郡守。 宣帝崩,劉昉、鄭譯等矯遺詔,以隋文帝爲丞相,輔少主。之儀知非帝旨,拒而弗從。昉

之曰:「見危授命,臨大節而不可奪,古人所難,何以加卿。」乃賜錢十萬、米一百石。十一年 之。明年代還,遂優遊不仕。十年正月,之儀隨例入朝。隋文帝望而識之,命引至御坐,謂 隋文帝踐極,韶徵還京師,進爵新野郡公。開皇五年,拜集州刺史。在州淸靜,夷夏悅

冬,卒,年六十九。有文集十卷行於世。

時京兆郡丞樂運亦以直言數諫於帝。

籍,而運積年爲人傭保,皆贖免之。又事母及寡嫂甚謹。由是以孝義聞。梁故都官郞琅邪 運少好學,涉獵經史,而不持章句。年十五而江陵滅,運隨例遷長安。 運字承業,南陽淯陽人,晉尙書令廣之八世孫。祖文素,齊南郡守。父均,梁義陽郡守。 其親屬等多被

王澄美之,爲次其行事,爲孝義傳。性方直,未嘗求媚於人。

官,以匡弼之。仍超拜運京兆郡丞。太子聞之,意甚不悅。 |祖謂運曰:「卿來日見太子不。」運曰:「臣來日奉辭。」|高祖曰:「卿言太子何如人。」 |運曰:「中 相之則霸,豎貂輔之則亂。謂可與爲善,亦可與爲惡也。」高祖曰:「我知之矣。」遂妙選宮 獨云中人,方驗運之忠直耳。」於是因問運中人之狀。運對曰:「班固以齊桓公爲中人,管仲 人也。」時齊王憲以下,並在帝側。 高祖顧謂憲等曰:「百官佞我,皆云太子聰明睿知,唯運 嘉之,特許通籍,事有不便於時者,令巨細奏聞。高祖嘗幸同州,召運赴行在所。旣至,高 前後犯顏屢諫高祖,多被納用。建德二年,除萬年縣丞。抑挫豪右,號稱彊直。高祖 天和初,起家夏州總管府倉曹參軍,轉柱國府記室參軍。 **尋而臨淄公唐瑾薦爲露門學**

凶;如以玄冠對使,未知此出何禮。進退無據,愚臣竊所未安。」書奏,帝不納。 促,事訖便除,文軌之內,奔赴未盡, 隣境遠聞,使猶未至。 若以喪服受弔,不可旣 吉 更 喪,自天子達于庶人。 先王制禮,安可誣之。禮,天子七月而葬,以俟天下畢至。 今葬期旣 及高祖崩,宣帝嗣位。葬訖,詔天下公除。帝及六宮,便議卽吉。運上疏曰:「三年之

者非明世之所宜』。豈可數施非常之惠,曰以肆姦宄之惡乎。」帝亦不納,而昏暴滋甚。 古始,無益於治,未可則之。故管仲曰:『有赦者,奔馬之委轡。不赦者,痤疽之礪石。』又 免。論語曰:『赦小過,舉賢才。』謹轉經典,未有罪無輕重,溥天大赦之文。逮茲末葉,不師 市者交利之所,君子無故不遊觀焉。若遊觀,則施惠以悅之也。尚書曰:『眚災肆赦。』此謂 曰:『惠者,民之仇讐。 法者,民之父母。』 吳漢遺言,猶云 『唯願無赦』。 |王符著論,亦云 『赦 過誤爲害,罪雖大,當緩赦之。。呂刑云:『五刑之疑,有赦。』此謂(敖)〔刑〕疑從罰,〔八〕罰疑從 自是德政不修,數行赦宥。 運又上疏曰:「臣謹案問官曰:『國君之過市,刑人赦。』此謂

運乃輿櫬詣朝堂,陳帝八失。

麂舜至聖,尙資輔弼,比大尊未爲聖主,而可專恣己心? 凡諸刑罰爵賞,爰及軍國 大 一曰:內史御正,職在彌諧,皆須參議,共治天下。大尊比來小大之事,多獨斷之。

事,請參諸宰輔,與衆共之。

宮;又詔儀同以上女,不許輒嫁。 二曰: 內作色荒,古人重誠。 貴賤同怨,聲溢朝野。 請姬勝非幸御者,放還本族。 大尊初臨四海,德惠未洽,先搜天下美女,用實後

欲嫁之女,勿更禁之。

高祖,居外聽政。

數日不出。所須聞奏,多附內豎。傳言失實,是非可懼。事由宦者,亡國之徵。請准 三曰:天子未明求衣,日旰忘食,猶恐萬機不理,天下擁滯。 大尊比來一入後宮,

兆之民,手足有所措矣。 若天下皆散,將如之何。秦網密而國亡,漢章疎而祚永。請遵輕典,並依大律。則億 籍沒。此則大逆之罪,與十杖同科。雖爲法愈嚴,恐人情愈散。一人心散,尙或可止, 令不定,乃至於是。今宿衞之官,有一人夜不直者,罪至削除; [lo]因而逃亡者,遂便 皆懼,政無常法,則民無適從。豈有削嚴刑之詔未及半祀,便卽追改,更嚴前制?政 四曰:變故易常,乃爲政之大忌;嚴刑酷罰,非致治之弘規。 若罰無定刑,則天下

而遽窮奢麗,成父之志,義豈然乎。請興造之制,務從卑儉。雕文刻鏤,一切勿營。 五曰:高祖斵雕爲朴,本欲傳之萬世。大尊朝夕趣庭,親承聖旨。豈有崩未逾年,

六曰:都下之民,徭賦稍重。必是軍國之要,不敢憚勞。 豈容朝夕徵求,唯供魚龍

列

爛漫,士民從役,祇爲俳優角觝。 紛紛不已,財力俱竭,業業相顧,無復聊生。凡此無

益之事,請並停罷。

詔,猶懼未來,更加刑戮,能無鉗口! 字非工,不密失身,義無假手,脫有舛謬,便陷嚴科。嬰徑尺之鱗,其事非易,下不諱之 此韶,則天下幸甚。 七曰:近見有韶,上書字誤者,卽治其罪。 假有忠讜之人,欲陳時事,尺有所短,文 大尊縱不能採誹謗之言,無宜杜獻書之路。請停

除,鼎業方固。大尊若不革茲八事,臣見周廟不血食矣。 懸,未盡銷譴之理。 誠願諮諏善道,修布德政,解兆民之慍,引萬方之罪, 八曰: 昔桑穀生朝, 殷王因之獲福。今玄象垂誠, 此亦興周之祥。 大尊雖減膳撤 則天變可

朝之公卿,初見帝盛怒,莫不爲運寒心。後見獲宥,皆相賀以爲幸免虎口。 所奏,寔是忠臣。先皇明聖,卿數有規諫。朕旣昏暗,卿復能如此。」乃賜御食以賞之。〔三〕 陛下若殺之,乃成其名也。」帝然之,因而獲免。翌日,帝頗感悟。召運謂之曰:「朕昨夜思卿 帝大怒,將戮之。內史元巖紿帝曰:「樂運知書奏必死,所以不顧身命者,欲取後世之名。

運爲廣州滍陽令。開皇五年,轉毛州高唐令。頻歷二縣,並有聲績。運常願處一諫官,從 內史鄭譯嘗以私事請托運而弗之許,因此銜之。及隋文帝爲丞相,譯爲長史,遂左遷

六百三十九條,合四十一卷,名曰諫苑。奏上之。隋文帝覽而嘉焉。 容諷議。 而性計直,爲人所排抵,遂不被任用。乃發憤,錄夏殷以來諫諍事,集而部之,凡

時之恩,至若尉遲運者,可謂位以才升,爵由功進。美矣哉。 子者,豈非社稷之臣歟。或人以爲不忠,則天下莫之信也。自古以外戚而居重任,多藉一 隋文之將登庸,人懷去就。顏之儀風烈懍然,正辭以明節,崎嶇雷電之下,僅而獲濟。 者,人子之行也;致身以事其君者,人臣之節也。 東朝,凶德方兆,王軌、宇文孝伯、神舉志惟無隱,盡言於父子之間。淫刑旣逞,相繼夷滅。 史臣曰: 士有不因學藝而重,不待爵祿而貴者何? 亦云忠孝而已。若乃竭力以奉其親 斯固彌綸三極,囊括百代。當宣帝之在 斯數

校勘記

(二)(三)(二)年帝幸雲陽宮 衛王直反在建德三年五七四年七月,張說是,今據改。 段採北史。張森楷云:「據下文衞王直事,則是三年,非二年也。『二』字刻誤。」按卷五武帝紀 北史卷六二尉遲迴附從子運傳「一」作「三」,册府卷四六六五五五〇頁此

- ヘニン 運總侍衞兵還京師宣帝即位 宋本、南本、北本、汲本「總」作「持」,「還京」下無「師宣」二字。 殿
- 本當依北史改補,局本從殿本。
- 諡日(忠)[中] 會給予「忠」字之諡。 今回改。 諸本「忠」都作「中」。 殿本當依北史改。 按尉遲運爲周宣帝所憾,幸免於禍,不
- 29 軌自知必及於禍 宋本、南本、北本、汲本皆無「必」字。 殿本當依北史補,局本從殿本。
- 五 帝令內史杜虔信就徐州殺軌 七三四四三五頁作「虔」。册府 檢宋本同 諸本和通鑑卷一七三五三九四頁「虔」都作「慶」。北史及册府卷三 此節出於周書,則北宋舊本也有作「虔」的。 然殿本當依北
- 史改,局本從殿本,非別有據。
- [代]高祖晉陵 北史卷五七東平公神舉傳「晉」作「普」。
- -L 曾祖求男 文苑英華卷九四七庾信字文顯墓誌單稱作「求」。
- 祖 定州 軍、定州刺史」。 金殿魏鎭遠將軍兗州刺史安吉縣侯父顯和 中山 郡有安喜縣, 「顯和」單稱作「顯」。「安吉」、北史本傳作「安喜」。 安吉縣不見紀載。 然墓誌亦作「安吉」。 「鎭遠將軍、兗州 刺史」字文顯墓誌作「征南將 按魏書卷一〇六上地形志上
- . ナ. Ц 神舉早 年四十八。 歲 而 逆數至顯和卒年,共廿四當云廿五年,則于時當得廿四歲,不得云早歲而孤矣。」按張 孤 有夙成之量族兄安化公深器異之 張森楷云:「據下文神舉以宣帝立之年遇耽,

說似是,然卷二七字文測附弟深傳稱「從弟神譽「譽」當作「舉」神慶幼孤,深撫訓之」,和本傳合,也

可能年四十八有誤。

原國公(如)[姬]願 按本書卷六武帝紀宣政元年五月,「如願」作「姬願」,北史卷一〇周本紀下

亦作「姬願」,今據改。

神舉又率衆與越王盛討平 宋本及北史本傳、册府卷二九一三四二七頁「平」作「之」。

即授幷潞肆石等四州十二鎮諸軍〔事〕 張森楷云:「『軍』下例當有『事』字,此誤挽文。」按册府

卷二九一三四二七頁有「事」字、張說是、今據補。

字胡三 北史卷五七字文測附從子孝伯傳「三」作「王」,册府卷二六九三二八五頁作「玉」。 張森

楷云:「『王』字是,作『三』無義。」按周書中所謂字,多鮮卑名,不能以音譯之有義無義斷是非。

孝伯及王軌盡以白高祖怒 册府卷四六六五五五〇頁「高祖」下重「高祖」二字。按北史本傳亦重

「武帝」二字,疑傳本憑書脫去。

字子升 北史卷八三文苑顏之推附弟之儀傳無「子」字。

齊御史治書 梁書卷五〇顏協傳稱見遠官「治書侍御史,俄兼中丞」。南史卷七二顏協傳亦稱

見遠官至「御史中丞」。按史例應稱其最終或最高官,且治書御史亦不當倒作「御史治書」,疑

有誤。

- 二世 昉等草詔署記 北史本傳、册府卷四六六五五五一頁「記」作「訖」,是說劉昉等署名訖,故下云「逼
- 此謂(並)〔刑〕疑從罰 之儀連署」,作「訖」似較長。 按尚書呂刑:「五刑之疑有赦,五罰之疑有赦,其審克之」,偽孔傳云:「刑
- 疑赦從罰,罰疑赦從免。」樂運是用偽孔傳義,「赦」是「刑」之訛。通鑑卷一七三五三九二頁節錄樂

運疏,正作「刑」,全據改。

- 王符著論亦云赦者非明世之所宜豈可數施非常之惠 去。 字,册府卷五三〇六三三七頁多「有大之尊」四字。 · 液載樂運事採自周書,而此句却和北史相符,但衍一「之」字。 疑周書本文亦有此三字,傳本脫 按「有」字屬上讀,大尊指宣帝,後文屢見。 册 北史卷六二樂運傳「宜」下多「有大尊」三
- 有一人夜不直者罪至削除 法云:「宿衞之官,一日不直,罪至削除」,這裏的「人」字疑衍。 北史本傳、無府卷五四二六四九六頁無「人」字。按隋書卷二五刑法
- 乃賜御食以賞之 宋本、南本、北本、汲本及通鑑卷一七三五三九三頁「賞」作「罷」。

周書卷四十

列傳第三十三

土襃 庾信

光祿大夫、南昌安侯。父規,梁侍中、左民尚書、南昌章侯。並有重名於江左。 王慶字子淵,琅邪臨沂人也。曾祖儉,齊侍中、太尉、南昌文憲公。祖騫,梁侍中、金紫

|侯。 爲文學。 雲,奧之姑夫也,特善草隸。 廖少以姻戚,去來其家,遂相模範。 俄而名亞子雲,並見重於 梁武帝喜其才藝,遂以弟鄱陽王恢之女妻之。起家秘書郎,轉太子舍人,襲爵南昌縣 稍遷祕書丞。宣成王大器,三簡文帝之冢嫡,即裹之姑子也。于時盛選僚佐,乃以裹 慶識量淵通,[1] 志懷沉靜。美風儀,善談笑,博覽史傳,尤工屬文。梁國子祭酒肅子 轉遷安成郡守。〔□及侯景渡江,建業擾亂,**慶輯寧所部,見稱於時**。

梁元帝承制,轉智武將軍、四南平內史。及嗣位於江陵,欲待慶以不次之位。 裹時猶

列

第三十三

王窭

尙書、左僕射。 而 郡,敕王僧辯以禮發遣。 裹愈自謙虚,不以位地矜人,時論稱之。 慶乃將家西上。 元帝與慶有舊,相得甚歡。 位升端右。 拜侍中,累遷吏部 寵遇日

衆中謂慶曰:「卿昨日勸還建業,不爲無理。」襃以宣室之言,豈宜顯之於衆。 若有不虞,悔無及矣。 太府 也,於是止不復言。 其故府臣寮,皆楚人也,並願即都荆郢。 天時人事, 徵祥如此。 後因淸閒密諫,言辭甚切。 謂慶等曰:「卿意以爲何如?」。慶性謹愼,知元帝多猜忌,弗敢公言其非。 卿黃羅漢、御史中丞劉瑴等曰:「建業雖是舊都,王氣已盡。 初,元帝平侯景及擒武陵王紀之後,以建業彫殘,方須修復;、江陵殷盛,便欲安之。 臣等又嘗聞之,開南之地,有天子氣。今陛下龍飛續業,其應斯乎。 臣等所見,遷徙非宜。」元帝深以爲然。 元帝頗納之。 嘗召羣臣議之。 然其意好荆、楚,已從僧祐等策。 領軍將軍胡僧酤、吏部尚書宗懔、 時裹及尚書周弘正咸侍座。 且與北寇鄰接,止隔一江。 知其計之不用 當時唯唯 明日,乃於 。 又 而

與王師戰,買臣大敗。慶督進不能禁,乃貶爲護軍將軍。王師攻其外棚,城陷,廢從元帝入 勵,盡忠勤之節。 及大軍征江陵,元帝授慶都督城西諸軍事。 被圍之後,上下猜懼,元帝唯於慶深相委信。朱買臣率衆出宣陽之西門, 裹本以文雅見知,一旦委以總戎,深自勉

妙盡關塞寒苦之狀,元帝及諸文士並和之,而競爲凄切之詞。 子城、猶欲固守。俄而元帝出降,襃遂與衆俱出。見柱國于謹,謹甚禮之。 至此方驗焉 裹曾作燕歌行,

常從容上席,資餼甚厚。 舅氏。 个定楚之功,羣賢畢至。 **| 褒與王克、劉瑴、宗懍、殷不害等數十人,俱至長安。** 當以親戚爲情,勿以去鄉介意。」於是授慶及克、殷不害等車騎大將軍、儀同三司。 裹等亦並荷恩眄, 忘其羈旅焉 可謂過之矣。」又謂襃及王克曰:「吾卽王氏甥也,卿等並吾之 太祖喜曰:「昔平吳之利,二陸而

大夫。 東爲宰輔,高祖亦以此重之。建德以後,頗參朝議。 太子少保,遷小司空,仍掌綸誥。 加親待。 孝閔帝踐阼,封石泉縣子,邑三百戶。 高祖作象經,令襃注之。 帝每遊宴, 命裹等賦詩談論,常在左右。 引據該洽,甚見稱賞。 乘輿行幸,褒常侍從。 世宗卽位,篤好文學。 尋加 凡大韶册,皆令襃具草。 開府儀同三司。 | 裹有器局,雅識 時聚與庾信才名最高,特 治體。 保定中,除 東宮旣建,授 既累世 內 . 史中

初,襃與梁處士汝南周弘讓相善。 。及弘讓兄弘正自陳來聘,高祖許襃等通親 知音問

樹冬榮。 嗣宗窮途,楊朱歧路。征蓬長逝,流水不歸。 想攝衞惟宜,動靜多豫。賢兄入關,敬承款曲。 舒慘殊方,炎涼異節,木皮春厚,桂 猶依杜陵之水, 尚保池陽之

田,鏟迹幽蹊,銷聲穹谷。何期愉樂,幸甚!幸甚!

遒盡,容髮衰謝,芸其黃矣,零落無時。 還念生涯,繁憂總集。 援筆攬紙,龍鍾橫集。 弟昔因多疾,亟覽九仙之方;晚涉世途,常懷五嶽之舉。 同夫關令,物色異人;

弘讓復書日:

曹,更多悲緒。丹經在握,貧病莫諧;芝术可求,恆爲採掇。昔吾壯日,及弟富年,俱 鎬京,致書於穹谷。故人之跡,有如對面,開題申紙,流臉沾膝。江南燠熱,橘柚冬 生之魂,來依舊壤;射聲之鬼,無恨他鄉。白雲在天,長離別矣,會見之期,邈無日矣。 年,負杖行吟,同劉琨之積慘。河陽北臨,空思鞏縣;霸陵南望,還見長安。所冀書 譬彼客卿,服膺高士。上經說道,屢聽玄牝之談;中藥養神,每禀丹沙之說。頃年事 老。不虞一旦,翻覆波瀾。吾已愒陰,弟非茂齒。禽、尚之契,各在天涯,永念生平, 值邕熙,並歡衡泌。 南風雅操,清商妙曲,絃琴促坐,無乏名晨。 <<>> 玉瀝金華,冀獲難 青;渭北冱寒,楊楡晚葉。 土風氣候,各集所安,餐衞適時,寢興多福。 甚善! 甚善! 與弟分袂西陝,言反東區,雖保周陵,還依蔣徑,三姜離耕,至二仲不歸。 糜鹿爲 甚矣悲哉!此之爲別也。雲飛泥沉,金鑠蘭滅,玉音不嗣,瑤華莫因。家兄至自 視陰惕日,猶趙孟之徂

反。 難爲胷臆。且當視陰敷箭,排愁破涕。人生樂耳,憂戚何爲。 蒼(膺)[雁]顏鯉,〔凸時傳尺素,清風朗月,俱寄相思。 遠「傷 [金](產)[彥],骸柩無託。[ē] 但願愛玉體,珍金箱,[c] 保期頤,享黃髮。 子淵,子淵,長爲別矣!握管操 豈能遽悲次房,遊魂不 **猶**冀

鄭寸為(宣)[宜]州训史。[10]內(觚)聲淚俱咽。

尋出爲(宣)<u>[宜]</u>州刺史。[10]卒於位,時年六十四。 子鼒嗣。

累遷尙書度支郎中、通直正員郞。 徐摛爲左衞率。 令,盛爲鄴下所稱。 有盛才,文並綺豔,故世號爲徐、庾體焉。當時後進,競相模範。 然,有過人者。 信幼而俊邁,聰敏絕倫。 庾信字子山,南陽新野人也。祖易,齊徵士。父肩吾,梁散騎常侍、中書令。 起家湘東國常侍,轉安南府參軍。 | 摛子陵及信, 並爲抄撰學士。父子在東宮, 出入禁闥, 恩禮莫與比隆。 還爲東宮學士,領建康令。 博覽羣書,尤善春秋左氏傳。 身長八尺,腰帶十圍,容止頹 出爲郢州別駕。 時肩吾爲梁太子中庶子,掌管記。 尋兼通直散騎常侍,聘于東魏。 文章辭 每有一文,京都莫不傳誦。 東海

侯景作亂,梁簡文帝命信率宮中文武千餘人,營於朱雀航。及景至,信以衆先退。

騎常侍,來聘于我。屬大軍南討,遂留長安。 城陷後,信奔于江陵。 梁元帝承制,除御史中丞。及卽位,轉右衞將軍,封武康縣侯,加散 江陵平,拜使持節、撫軍將軍、右金紫光祿大

夫、大都督,尋進車騎大將軍、儀同三司。

高祖唯放王克、殷不害等,信及襃並留而不遣。尋徵爲司宗中大夫。 安之。時陳氏與朝廷通好,南北流寓之士,各許還其舊國。 開府儀同三司、司憲中大夫,進爵義城縣侯。 孝閔帝踐阼,封臨淸縣子,邑五百戶,除司水下大夫。 俄拜洛州刺史。 出爲弘農郡守,遷驃騎大將軍、 陳氏乃請王慶及信等十數人。 信多識舊章,爲政簡靜,吏民

公碑誌,多相請託。唯王慶頗與信相埓,自餘文人,莫有逮者。 世宗、高祖並雅好文學,信特蒙恩禮。至於趙、滕諸王,周旋款至,有若布衣之交。

信雖位望通顯,常有鄕關之思。乃作哀江南賦以致其意云。其辭曰:

世德。信年始二毛,即逢喪亂,藐是流離,至于暮齒。燕謌遠別,悲不自勝;楚老相逢, 事,杜元凱之生平,並有著書,咸能自序。潘岳之文彩,始述家風;陸機之詞賦,多陳 極不反。傅燮之但悲身世,無所求生;袁安之每念王室,自然流涕。 昔桓君山 之志 奔命,有去無歸,中興道消,窮於甲戌。三日哭於都亭,三年囚於別館。天道周星,物 粤以戊辰之年,建亥之月,大盜移國,金陵瓦解。余乃竄身荒谷,公私塗炭。

泣將何及。畏南山之雨,忽踐秦庭;讓東海之濱,遂飡周粟。下亭漂泊,臯橋羈旅,楚 歌非取樂之方,魯酒無忘憂之用。追(惟)〔爲〕此賦,〔三聊以記言,不無危苦之辭,唯以

悲哀爲主。

之可望; 華亭唳鶴, 豈河橋之可聞。 連城而見欺;載書橫階,捧珠盤而不定。鍾儀君子,入就南冠之囚;季孫行人,留守 西河之館。 日暮途遠,人間何世。將軍一去,大樹飄零,壯士不還,寒風蕭瑟。 荆璧睨柱,受 申包胥之頓地,碎之以首,蔡威公之淚盡,加之以血。 釣臺移柳,非玉關

宰割天下。 舟檝路窮,星漢非乘槎可上; 頹,旣履危亡之運;春秋迭代,必有去故之悲。 無藩籬之固。 三百年乎?是知幷吞六合,不免軹道之災,混一車書,無救平陽之禍。 孫策以天下爲三分,衆裁一旅;項羽用江東之子弟,人唯八千。 遂乃分裂山河, 陸士衡聞而撫掌,是所甘心;張平子見而陋之,固其宜矣。 豈有百萬義師,一朝卷甲,芟夷斬伐,如草木焉。 江、淮無涯岸之阻,亭壁 頭會箕歛者,合從締交;鉏耰棘矜者,因利乘便。 風飈道阻,蓬萊無可到之期。 天意人事,可以悽愴傷心者矣。 窮者欲達其言,勞者須歌 將非江表王氣,應終 嗚呼!山嶽崩 況復

我之掌庾承周,以世功而爲族,經邦佐漢,用論道而當官。 禀嵩、華之玉石,潤

書筠。 河南 於吾祖。 倚於墻壁,路交橫於豺虎。 河、洛之波瀾。 山川崩竭。 有麟。 有胡書之碣。 降生世德,載誕貞臣。文詞高於甲觀,模楷盛於漳濱。嗟有道而無鳳,歎非時 分南陽而賜田,裂東嶽而胙土。 旣姦回之贔匿,終不悅於仁人。 家有直道, 人多全節。 居負洛而重世,邑臨河而晏安。 況乃少微眞人, 天山逸民。 值五馬之南奔,逢三星之東聚。彼凌江而建國,自己此播遷 訓子見於純深,事君彰於義烈。 。 誅茅宋玉之宅,穿徑[臨江之府。 階庭空谷,門巷蒲輪。 逮永嘉之艱虞,始中原之乏主。 新野有生祠之廟, 。移談講樹,就簡 水木交運, 民枕

論兵於江漢之君,拭圭於西河之主。 帳,聽雅曲於文絃。乃解懸而通籍,遂崇文而會武。居笠轂而掌兵,出蘭池而典午。 明離之冑筵。 旣傾蠡而酌海,遂側管以窺天。[1三]方塘水白,釣渚池圓。 侍戎韜於武 王子洛濱之歲,蘭成射策之年,始含香於建禮,仍矯翼於崇賢。游洊雷之講肆,齒

東門則鞭石成橋,南極則鑄銅爲柱。樹則園植萬株,竹則家封千戶。[12]西賮浮玉,南 琛沒羽。 王歙爲和親之侯,班超爲定遠之使。馬武無預於兵甲,馮唐不論於將帥。 于時朝野歡娛,池臺鐘鼓。里爲冠蓋,門成鄒魯。 吳歈越吟,荆豔楚舞。草木之藉春陽,魚龍之得風雨。五十年中,江表無事 連茂苑於海陵,跨橫塘於江浦。

然,江湖潛沸。漁陽有閭左戍卒,離石有將兵都尉。

以清談爲廟略。 鷗,宮鳴野雉。 鶴。弊箄不能救鹽池之鹹,阿膠不能止黃河之濁。旣而魴魚頳尾,四郊多壘。 地平魚齒,城危獸角。 天子方删詩書, 定禮樂。設重雲之講, 開士林之學。談劫燼之灰飛, 辯常星之夜 湛盧去國,餘皇失水。見被髮於伊川,知其時爲戎矣。[18] 乘漬水而膠船,[三]馭奔駒以朽索。小人則將及水火,君子則方成猨 臥刀斗於滎陽,絆龍媒於平樂。宰衡以干戈爲兒戲,縉紳 殿狎江

琉璃之酒,賞其虎豹之皮。見胡桐於大夏,識鳥卵於條支。豺牙密厲,虺毒潛吹。 九鼎而欲問,聞三川而遂窺。〔18〕 凶其水草之性。非玉燭之能調,豈璿璣之可正。值天下之無爲,尚有欲於羈縻。 彼姦逆之熾盛,久遊魂而放命。 大則有鯨有鯢,小則爲梟爲獍。 負其牛羊之力,

南之窮寇。 飛|狄泉之蒼鳥,起|横江之困獸。 地則石鼓鳴山,天則金精動宿。 白馬如練。天子履端廢朝,單于長圍高宴。兩觀當戟,千門受箭。白虹貫日,蒼鷹擊 吟,東陵麟鬭。爾乃桀黠構扇,憑陵畿甸。 競遭夏臺之禍,「己遂視堯城之變。官守無奔問之人,干戚非平戎之戰。 始則王子召戎,姦臣介胄。旣官政而離遏,遂師言而泄漏。 擁狼望於黃圖,塡盧山於赤縣。 望廷尉之逋囚,反淮 青袍如草, 北闕龍 陶侃則

列

趙裂,鼓臥旗折。失羣班馬,迷輪亂轍。 空裝米船,顧榮則虛搖羽扇。將軍死綏,路絕重圍。烽隨星落,書逐鳶飛。 猛士嬰城,謀臣卷舌。昆陽之戰象走林,常山 遂乃韓分

之陣虵奔穴。五郡則兄弟相悲,三州則父子離別。

乃有 寡。 勇氣 怨酷。三三晉鄭靡依,魯衞不睦。 碎於長平之瓦。於是桂林顚覆,長洲麋鹿。 天枉,身名埋沒。 聲俱唱。 可拒,地道能防。 、咆勃。 聞鶴 車側郭門,筋懸廟屋。 護軍慷慨,忠能死節。三世爲將,終於此滅。濟陽忠壯,身參末將。兄弟三人,義 . 唳而虛驚,聽胡笳而淚下。 主辱臣死,名存身喪。狄人歸元,三軍悽愴。尚書多算,日む守備是長。雲梯 實總元戎,身先士卒。 或以隼翼鷃披,虎威狐假。 有齊將之閉壁,無燕師之臥墻。〔三〕入事去矣,人之云亡。 鬼同曹社之謀,人有秦庭之哭。 競動天關,爭回地軸。 **青落魚門,兵塡馬窟。屢犯通中,頻遭刮骨。** 據神亭而亡戟,臨橫江而棄馬。 潰潰沸騰,茫茫慘黷。〔三〕 霑漬鋒鏑,脂膏原野。 探雀鷲而未飽,待熊蹯而詎熟。 兵弱虜彊,城孤氣 天地離阻,人神 崩於鉅鹿之沙, 申子奮發, 功業

流。 而不前,策青騾而轉礙。 排青龍之戰艦,鬬飛鶇之船樓。張遼臨於赤壁,王濬下於巴丘。乍風驚而射火, 余乃假刻璽於關塞,[inii]稱使者之酬對。 吹落葉之扁舟,飄長颿於上游。彼鋸牙而勾爪,又巡江 逢鄂坂之譏嫌,值耏門之征稅。 乘白馬 而習

分於湘漢,星猶看於斗牛。 或箭重而回舟。 未辨聲於黃蓋,已先沈於杜侯。落帆黃鶴之浦,藏船鸚鵡之洲。路已 若乃陰陵失路,釣臺斜趣。 望赤岸而霑衣,艤鳥江而不度。

雷池栅浦, 鵲陵焚戍。 旅舍無烟,巢禽失樹。謂荆、衡之杞梓,庶江、漢之可恃。淮海

維揚,三千餘里。 過漂渚而寄食,ᠬ園託蘆中而度水。屆于七澤,濱于十死。嗟天保之

未定,見殷憂之方始。 信生世等於龍門,辭親同於河洛。 泣風雨於梁山,惟枯魚之銜索。 入欹斜之小徑,掩蓬藋 之荒扉。 本不達於危行,又無情於祿仕。 奉立身之遺訓,受成書之顧託。昔三世而無 謬掌衞於中軍,濫尸丞於御史。

就汀洲之杜若,待蘆葦之單衣。

慙, 今七葉而始落。

侯則鄭伯前驅,盟主則荀罃暮至。 隨狐兔而窟穴,與風 而誓衆,負黃龍而度湘。至三海潮迎艦,江萍送王。 于時西楚霸王, 劔及繁陽。 然腹爲燈,飲頭爲器。 塵而殄瘁。 直虹貫壘,長星屬地。 鏖兵金匱,校戰玉堂。 剖巢燻穴,奔魑走魅。 戎車屯于石城,戈船掩乎准、泗。 昔之虎據龍盤,加以黃旗紫氣,莫不 蒼鷹赤雀, 鐵舳牙檣。 埋長狄於駒門,斬蚩尤於中 沈白馬 諸

仁壽之鏡徒懸,茂陵之書空聚。若夫立德立言,謨明夤亮。 西瞻博望,北臨玄圃。 月榭風臺,池平樹古。 倚弓於玉女牕扉,繫馬於鳳凰樓柱。 聲超於繫表,道高於河上。

列

雲臺之仗。司徒之表裏經綸,狐偃之惟王實勤。〔云〕横琱戈而對霸主,執金鼓而 旣不遇於浮丘,遂無言於師曠。 指愛子而託人,知西陵而誰望。 非無北闕之兵,猶有 問 賊

南陽校書,去之已遠。上蔡逐獵,知之何晚。鎭北之負譽矜前,風飈懍然。水神遭箭, 臣。平吳之功,壯於杜元凱;王室是賴,深於溫太眞。始則地名全節,終以山稱枉人。

山靈見鞭。是以蟄熊傷馬,浮蛟沒船。才子幷命,俱非百年。

冤禽之能塞海,非愚叟之可移山。 況以沴氣朝浮, [云]妖精夜殞。 赤鳥則三朝夾 殘。但坐觀於時變,本無情於急難。地爲黑子,城猶彈丸。其怨則黷,其盟則寒。豈 餘風於正始。沉猜則方逞其欲,藏疾則自矜於己。天下之事沒焉,諸侯之心搖矣。旣 而齊交北絕,秦患西起。況背關而懷楚,異端委而開吳。驅綠林之散卒,拒驪山之叛 日,自己蒼雲則七重圍軫。亡吳之歲旣窮,入郢之年斯盡。 五難,先自擅於二端。[lif] 登陽城而避險,臥底柱而求安。旣言多於忌刻,實志勇於刑 營軍梁溠,蒐乘巴渝。問諸淫昏之鬼,求諸厭劾之巫。荆門遭廩延之戮,夏首濫 中宗之夷凶靜亂,大雪寃耻。去代邸而承基,遷唐郊而纂祀。 反舊章於司隸,歸

周含鄭怒,楚結秦冤。有南風之不競,值西隣之責言。俄而梯衝亂舞,冀馬雲屯。

骨,君子吞聲。章華望祭之所,雲夢偽遊之地。荒谷縊於莫敖,冶父囚乎羣帥。 棧秦車於暢戰,「圖己省漢鼓於雷門。下陳倉而連弩,度臨晉而橫船。雖復楚有七澤,人 見燒牛之兵。章曼支以轂走,宮之奇以族行。 旗,貞風兮害蠱。乃使玉軸揚灰,龍文斫柱。下江餘城,長林故營。徒思箝馬之秣,未 稱三戶。箭不麗於六麋,雷無驚於九虎。辭洞庭兮落木,去涔陽兮極浦。 河無冰而馬度,關未曉而雞鳴。 熾火兮焚 忠臣解 硎穽

摺拉,鷹鸇批攢。寃霜夏零,憤泉秋沸。城崩杞婦之哭,竹染湘妃之淚。

別之賦,臨江王有愁思之歌。 在淸波。 赴洛之陸機,見離家之王粲。莫不聞隴水而掩泣,向關山而長歎。 上泥青。于時瓦解冰泮,風飛電散。渾然千里,溫、澠一亂。 李陵之雙鳧永去,蘇武之一鴈空飛。 水毒秦涇,山高趙陘。十里五里,長亭短亭。 石望夫而逾遠,山望子而逾多。 別有飄颻武威,羈旅金微。 才人之憶代郡,公主之去淸河。 。饑隨蟄鷦,闇逐流螢。 班超生而望反,溫序死而思 **雪暗如沙,冰横似岸。** 況復君在交河,妾 秦中水黑,關 栩陽亭有離 逢

亂於平林,殤魂驚於新市。 中興之宗不祀。 昔江陵之中否,乃金陵之禍始。雖借人之外力,實蕭墻之內起。 伯兮叔兮,同見戮於猶子。 梁故豐徙,楚實秦亡。不有所廢,其何以昌。 荆山鵲飛而玉碎,隨岸虵生而珠死。 撥亂之主忽焉, 有嬀之後,遂 鬼火

列

舉江東而全棄。惜天下之一家,遭東南之反氣。以鶉首而賜秦,天何爲而此醉! 育于姜。 輸我神器,居爲讓王。天地之大德曰生,聖人之大寶曰位。 用無賴之子孫,

絃謌於許、史。豈知灞陵夜獵,猶是故時將軍; 咸陽布衣,非獨思歸王子。 |大象初,以疾去職,卒。 隋文帝深悼之,贈本官,加荆淮二州刺史。子 | | | | | | | | | 於天門,驪山回於地市。幕府大將軍之愛客,丞相平津侯之待士。見鐘鼎於金、張,聞 日窮于紀,歲將復始。逼切危慮,端憂暮齒。踐長樂之神阜,望宣平之貴里。渭水貫 遭時而北遷。提挈老幼,關河累年。死生契闊,不可問天。況復零落將盡,靈光巍然。 且夫天道回旋,民生預焉。「三」余烈祖於西晉,始流播於東川。 泊余身而七葉,又

道,修六經以維其末。故能範圍天地,綱紀人倫。窮神知化,稱首於千古,經邦緯俗,藏用 所紀,莫得而云,典謩以降,遺風可述。是以曲阜多才多藝,鑒二代以正其本;闕里性與天 史臣曰:兩儀定位,日月揚暉,天文彰矣,八卦以陳,書契有作,人文詳矣。若乃墳索

逮乎兩周道喪,七十義乖。淹中、稷下,八儒三墨,辯博之論蜂起,漆園、黍谷,名法兵

於百代。至矣哉!斯固聖人之述作也。

農,宏放之詞霧集。 雖雅誥奧義,或未盡善,考其所長,蓋賢達之源流也。

其迹。 其 竝陶 、後逐臣屈平,作離騷以叙志,宏才豔發, 鑄性靈,組織 荀況,賦禮智以陳其情,含章鬱起, 風雅,詞賦之作,實爲其冠。 有惻隱之美。 有諷論之義。 賈生,洛陽才子,繼淸景而 宋玉,南國詞人, 追逸轡而亞

凑,易俗之用 麗之才, 金行勃興,無替前烈。 東京之朝,茲道愈扇,咀徵含商者成市,而班、傅、張、蔡爲之雄。 自 是著述滋繁,體制匪一。。孝武之後,雅尙斯文,揚葩振藻者如林,而二馬、王、楊 飾羽儀於鳳穴。 無爽; 九流競逐,一致之理 斯並高 曹、汪、陳、阮,負宏衍之思,挺棟幹於鄧林; . 視當世,連衡孔門。 同歸。 歷選前英,於茲爲盛 雖時運推移,質文屢變,譬猶六代並 潘、陸、張、左,擅 當塗受命,尤 好 爲之 侈 蟲

之邑, 頌 翰於鋒鏑 國 朱彤、 都,足 體物緣情 旣 必有忠 而 中州 之下,亦往 梁讜 稱宏麗 信」, 版蕩,戎狄交侵,僭僞相屬,士民塗炭,故文章黜焉。 之屬,見重於燕、秦。 則 党徒 寂 往而 區 寥於世。 品 間 河右, 出矣。 非其 而學者埓於中原, 才 若乃魯徽、杜廣、徐光、尹弼之疇,知名於 有優劣,時運然 然皆迫於倉卒, 劉延明之銘酒泉,可謂清典。 也。 牽於 至朔漠之地,蕞爾 戦争。 競奏符檄,[言] 其潛思於戰爭之間 三趙 夷俗 則 子曰「十室 ,胡義周之 宋諺 粲 然 対封 可

列

傳

第

雅,方驂竝路,多乖往轍,涉海登山,罕值良寶。其後袁翻才稱澹雅,常景思摽沉鬱,彬彬 閻、游雅等,先後之間,聲實俱茂, 詞義典正, 有永嘉之遺烈焉。 洎乎|有魏,定鼎沙朔,南包河、淮,西吞關、隴。當時之士,有許謙、崔宏、崔浩、高允、高 及太和之辰,雖復崇尚文

瑾、元偉、

李昶之徒,咸奮鱗翼,自致青紫。

然綽建言務存質朴,

逐糠粃魏、晉,憲章虞、夏。 雖屬詞有師古之美,矯枉非適時之用,故莫能常行焉。 周氏創業,運屬陵夷。纂遺文於旣喪,至司聘奇士如弗及。 是以蘇亮、蘇綽、盧柔、唐 焉,蓋一時之俊秀也。

岱,川流之宗溟渤也。 要、庾信奇才秀出,牢籠於一代。 是時,世宗雅詞雲委,滕、趙二王雕章間發。 咸築宮虛館, 有如布衣之交。由是朝廷之人,閭閻之士,莫不忘味於遺韻,眩精於末光。猶丘陵之仰嵩、 既而革車電邁,渚宮雲撤。 爾其荆、衡杞梓,東南竹箭,備器用於廟堂者衆矣。唯王

若以庾氏方之,斯又詞賦之罪人也。 誇目侈於紅紫,蕩心逾於鄭、衞。 昔楊子雲有言:「詩人之賦,麗以則; 詞人之賦,麗以淫。」 然則子山之文,發源於宋末,盛行於梁季。其體以淫放爲本,其詞以輕險爲宗。故能

原夫文章之作,本乎情性。覃思則變化無方,形言則條流遂廣。 雖詩賦與奏議異軫,

摭六經 麗 也欲巧。 銘 而能典,煥乎若五色之成章,紛乎猶八音之繁會。 宗誄與書論殊塗,而撮其指要,舉其大抵,莫若以氣爲主,以文傳意。 百氏之英華,探屈、宋、卿、雲之祕奧。 然後瑩金璧,播芝蘭,文質因其宜,繁約適其變,權衡輕重,斟酌古今,和而能壯, 其調也尚遠,其旨也在深,其理也貴當,其辭 夫然,則魏文所謂通才足以備體矣,士 考其殿最,定其區域,

校勘記

衡所謂難能足以逮意矣。

- 襃識| 淹」是。 量淵通 上云「字子淵」,也是後人追改,北史諱作「子深」。 宋本及北史卷八三文苑王襃傳「淵」作「淹」。按唐人諱「淵」,史臣豈得故犯,作
- ._ __ {傳 宣成王大器 郡守」、地志亦作「安城」。今不改。 見「宣成公主」,亦作「成」。 按「宣成」北史本傳作「宣城」,宣城是郡名,似作「城」是。 當時郡縣名「城」者常通作「成」、不止宣城一地、如本傳下文「安成 但卷四八蕭詧附蔡大寶
- 三 J {王 尋遷安成 (導 安成是梁武 郡守 帝弟秀封 梁書卷四一王規附子襃傳、北史本傳「郡守」作「內史」。按梁書卷二二太祖五 國 ,子孫傳襲至**梁末,未嘗爲郡。作「內史」是**。 北史「成」作「城」、通。
- 29 轉智武將 軍 張 森楷 云:「梁書卷四一汪聚傳作『忠武將軍』。」按梁書卷五元帝紀大寶三年正月亦

列

傳

第三

十 三

校勘

記

作「智武」。未知孰是。

五〕三姜離枌 册府卷九〇五 1○七二六頁「梤」作「析」,藝文類聚卷三〇周弘讓答王褒書作「三荆離

析」。按「枡」即「析」,「柝」字誤。「三姜」用後漢書姜肱傳兄弟三人友愛事。「三荆」,御覽卷九

五九四二五六頁引周景式孝子傳曰:「古有兄弟,忽欲分異,出門見三荆同株,接葉連陰。歎曰:

『木猶欣然聚,況我而殊哉』,遂還爲雍和。」二事都是兄弟典故,借喻二人交好,都可通,不知孰

是。周景式孝子傳不見隋、唐經籍、藝文諸志,周弘讓雖不一定直接用此書,也當是用此典故。

[\] 無乏名晨 「名」,册府同上卷頁作「昏」,類聚卷三〇作「夕」。按「名」字疑誤,「昏」「夕」未知孰是。

[+] 遠[傷金](産)[彥] 諸本缺「傷金」二字,據册府同上卷頁補。「產」乃「彥」之訛。後漢書獨行王

爲「金彥」。按此一聯上句「遠悲次房」,「次房」是溫序字,溫序也在獨行傳中,此用「金彥」事無

疑,个據改。

「ハ」珍金箱 册府 同上卷頁、類聚卷三〇「箱」作「相」,疑是。

九〕猶冀蒼(膺)[雁]赬鯉 諸本「膺」都作「鷹」,册府、類聚作「雁」。按這裏是說通信,作「雁」是,今

據改。

[10] 尋出爲(宣)[宜]州刺史 |宋本、南本、北本和、北史本傳「宣」作「宜」。 按後周無宣州。 隋書卷二

九地理志上京兆郡華原縣云「後魏置北雍州,西魏改爲宜州」,王褒當即官此州。 **今據改。**

(二) 追(惟)(爲)此賦 宋本、汲本和文苑英華卷一二九庾信哀江南賦「惟」作「爲」,較長,今據改。 英

華異同頗多,其義可兩通而不會有相異的解釋者不一一列舉。

彼凌江而建國 |宋本作「被原作被了刻製江漢而建國」,汲本、局本同殿本,而注云:「一作被江漢。」

按周書此句原文當如宋本,他本依文苑英華或傳本庾集改。

遂側管以窺天 英華「側」作「測」。

樹則園植萬株竹則家封千戶 英華「樹」作「橘」。<u>倪注庾子山集引漢書貨殖傳:「蜀漢江陵千樹</u>

橘」「渭川千畝竹」句。疑作「橘」是。

こき 乘漬水而膠船 |宋本「漬」作「賁」,汲本作「潰」。 張元濟云:「賁水猶言奔流之水。」英華作「漬」,

注云:「一作海。」

知其時爲戎矣 英華作「知百年而爲戎矣」。

聞三川而遂窺 宋本「聞」作「間」。宋本、南本、北本、汲本「川」作「山」。按戰國策秦策秦武王

謂甘茂曰:「寡人欲車通三川,以窺周室」,這裏用此典故,「山」字誤,不待言。「間」有通義,若

「聞」字則與武王語意不合,疑作「間」是。

競遭夏臺之禍 傳第三十三 英華「競」作「竟」,較長。 校 込 勘 記

列

- (14) 尚書多算 宋本「算」作「方」。 按此句轉韵。 · 哀江南賦於轉韵處一聯的上句雖不盡用韵,而用
- 無燕師之臥艪「師」原作「帥」。諸本及英華皆作「師」,今逕改。

韵者多,疑作「方」是。

○□ 茫茫慘黷

字,故又改作「怨」。

与 人神怨酷 英華「怨」作「慘」。 疑問書於上句「墋」既作「慘」,後人以爲不應於下句卽重出「慘」

英華「慘」作「慘」。倪注庾子山集引陸機功臣贊「茫茫宇宙,上墋下黷」,當作「墋」。

- (三) 余乃假刻璽於關塞 人以罕見改作「璽」。 |宋本「璽」作「蜜」。 晉書卷四三山濤傳云:「贈司徒蜜印。」 疑本作「蜜」,後
- (三) 過漂渚而寄食 子瀨水之上。 原注: 古漂、瀬同字子胥跪而乞餐,女子食之。 既去,自投於水。 後子胥欲報之,乃 投白金於此水,今名其處爲投金瀨。』金陵志曰:『江上有渚,曰瀨渚』,是也。」 至於陵水。』原注:戰國策作變水索隱曰:『陵水卽栗水也。』吳越春秋云:『子胥奔吳,至溧陽,逢女 是溧渚之誤。張勃吳錄曰:『子胥乞食處在丹陽溧陽縣。』史記范睢傳:『伍子胥橐載而出昭關, 殿本考證引日知錄以爲漂渚當作溧渚。按日知錄卷二六後問書條云:「漂渚當
- (三) 負黃龍而度湘 春秋卷四原文作「周濟江南,省水理,黃龍負舟」。 疑作「江」是**。** 英華「湘」作「江」。倪注庾子山集引吳越春秋「禹南渡江,黃龍負舟」。按吳越

- 全 合 狐偃之惟王實勤 未必是脫文。這一節是敍王僧辯;下節敍鄱陽王節,起句是「鎭北之負譽矜前,風飈凛然」;又 下節敍梁元帝,起句云:「中宗之夷凶靜亂,大雪寃恥」;都是上七下四句,也不以古人作對。疑 宋本無「狐偃之」三字,「惟」作「勤」。按「勤」字不當重,宋本誤,無此三字却
- 本無此三字,或後人於「惟王實勤」旁注狐偃,而淆入正文。
- 生 先自擅於二端 荆楚。 端,文士筆端,勇士鋒端,辯士舌端。此是一說,但「二端」也可以說譏元帝不肯力救建康,自安 事相合。 史記卷七七信陵君傳魏王使晉鄙救趙「使人止晉鄙留軍壁獸,名爲救趙,實持兩端」,情 英華「二」作「三」,注云:一作「二」。 倪注庾子山集引韓詩外傳卷七云:君子避三
- CICJ 況以診氣朝浮 | 宋本「朝」作「霄」。
- 二型 棧秦車於暢轂 赤鳥則三朝夾日 倪注庾子山集「棧」作「後」。 倪注庾子山集引左氏傳哀元年「赤烏夾日以飛」語,應作「烏」。 注云「詩經秦風小戎之詩云:『小戎俴收。』匡傳云:
- 『小戎,兵車也;後,淺;收,軫也。』又云:『文茵暢轂。』|匡傳云:『暢轂,長轂也。』 正義曰:『此言 也作「棧」,當是倪璠據小戎詩改作「俴」。「俴車」「暢轂」同在一詩,此賦即在一句,疑作「俴」是。 後收,下言暢歡,皆謂兵車也。 兵車言淺軫長轂者,對大車平地載任之車爲淺爲長也。』」按 英華
- 且夫天道回旋民生預焉 「旋」原作「旅」,諸本及英華都作「旋」,殿本刻誤,今逕改。「民生」,英

列

傳第三十三

校

勘記

華作「生民」。「預」,諸本作「賴」,英華及庾集作「預」,疑殿本據英華或傳世庾集改。

[lin] 競奏符檄 諸本「競」都作「竟」。張元濟云:「按『竟』疑『章』之訛。羣臣上書於天子者有四名,

一日章,見獨斷。」按張說是,殿本當是以「竟」字不可解,臆改作「競」。

[三] 纂遺文於旣喪 「文」原作「變」。 宋本、南本、汲本、局本都作「文」。 按「遺變」無義,今逕改。

周書卷四十二

列傳第三十四

蕭 撝 蕭 世怡 蕭 圓肅 蕭大圜

宗懍

劉璠 柳霞

黄門侍郎。 國學,博觀經史,雅好屬文。在梁,封永豐縣侯,邑一千戶。 東魏遣李諧、盧元明使於梁,梁武帝以撝辭令可觀,令兼中書侍郎,受幣於賓館。 蕭撝字智遐,蘭陵人也。[1]梁武帝弟安成王秀之子也。性溫裕,有儀表。 出爲寧遠將軍、宋寧宋興二郡守,轉輕車將軍、巴西梓潼 初爲給事中,歷太子洗馬、中舍 二郡守。 年十二,入 尋遷

衆東下,以撝 刺 史軍防事。 及侯景作亂,武陵王紀承制授撝使持節、忠武將軍。 爲(中)〔尚〕書令、[三]征西大將軍、都督益梁秦潼安瀘青戎寧華信渠萬江新邑 紀稱尊號於成都,除侍中、中書令,封秦郡王,邑三千戶, 又遷平北將軍、散騎常侍,領 給鼓吹 部。 益州 紀率

七五二

列

傳

第

Ξ

十四四

贈り

|楚義十八州諸軍事、[m]||益州刺史,守成都。又令梁州刺史楊乾運守潼州。[m]

遂請降,迥許之。 撝於是率文武於益州城北,共迥升壇,歃血立盟,以城歸國 無復抗拒之志。」迥長驅至成都,撝見兵不滿萬人,而倉庫空竭,軍無所資,遂爲城守之 迴圍之五旬,撝屢遣其將出城挑戰,多被殺傷。外援雖至,又爲迴所破。語在迴傳。撝 太祖知蜀兵寡弱,遣大將軍尉遲迴總衆討之。及迥入劒閣,乾運以州降。 蜀中因是大

亦預 授禮部中大夫。又以將有歸款之功,別賜食多陵縣五百戶,收其租賦。 阼,進爵黃臺郡公,增邑一千戶。武成中,世宗令諸文儒於麟趾殿校定經史,仍撰世譜,撝 焉。 魏恭帝元年,授侍中、驃騎大將軍、開府儀同三司,封歸善縣公,邑一千戶。孝閔帝踐 尋以母老, 兼有疾疹, 五日番上, 便隔晨昏, 請在外著書。有詔許焉。 保定元年,

導民 惠化。 聽三日,然後赴獄。 ,以信,方自此始。以之獲罪,彌所甘心,幸勿慮也。」諸囚荷恩,並依限而至。 三年,出爲上州刺史。 秩滿當還,部民李漆等三百餘人上表,乞更留兩載。 主者固執不可。 爲政仁恕,以禮讓爲本。嘗至元日,獄中所有囚繫,悉放歸家, 撝曰:「昔王長、虞延見稱前史,吾雖寡德,竊懷景行。 韶雖弗許,甚嘉美之。

老,表請歸養私門,曰:「臣聞出忠入孝,理深人紀,昏定晨省,事切天經。 伏惟陛下握鎭臨 及撝 入朝,屬置露門學。 高祖以撝與唐瑾、元偉、王褒等四人俱爲文學博士。 撝以母

不逮。然進思盡忠,退安侍養者,義在公私兼濟。豈容全欲狥己,虧此至公,乖所望也。」尋 祖未許,詔曰:「開府梁之宗英,今則任等三事。所謂楚雖有材,周實用之。方藉謀猷,匡朕 禮,竟無稱職;)淅隈督察,至安妨能官。方辭違闕庭,屛迹間里,低佪係慕,戀悚兼深。」高 侍奉私庭。伏願天慈,特垂矜許。 朝,垂衣御宇,孝治天下,仁覃草木。是以微臣冒陳至願。臣母妾褚年過養禮,乞解今職, 臣披款歸朝,十有六載,恩深海岳,報淺涓埃。 肆師掌

年卒,時年五十九。高祖舉哀於正武殿,賜穀麥三百石、布帛三百匹,贈使持節、大將軍、大 都督、少傅、盆新始信四州諸軍事、盆州刺史,諡曰襄。 天和六年,授少保。建德元年,轉少傅。後改封蔡陽郡公,增邑通前三千四百戶。 以母憂去職

| 搊善草隸,名亞於|王褒。算數醫方,咸亦留意。所著詩賦雜文數萬言,頗行于世。子

阼,除中外府記室參軍。 濟字德成,少仁厚,頗好屬文。蕭紀承制,授貞威將軍、蜀郡太守,遷東中郎將。 至巴東,聞迴圍成都,紀命濟率所部赴援。 後至蒲陽郡守、車騎大將軍、儀同三司。 比至,撝已降。仍從撝入朝。孝閔帝踐

從紀

梁大同元年,封豐城縣侯,邑五百戶。 出爲持節、仁威將軍、譙州刺史。及侯景爲亂,路由城下,襲而陷之,世怡遂被執。 蕭世怡,梁武帝弟鄱陽王恢之子也。以名犯太祖諱,故稱字焉。 除給事中,轉太子洗馬。 **尋入直殿省,轉太子中舍** 幼而聰慧,頗涉經史。

遁逃得免,至于江陵。

于齊。 刺史王琳率舟師襲世怡,世怡以州輸琳。時陳武帝執政,徵爲侍中。 軍、桂陽內史。 梁元帝承制授侍中。 承聖二年,授使持節、平西將軍、臨川內史。旣以陸納據湘川,道路擁塞,改授平南將 除車騎大將軍、散騎常侍。 未至郡,屬于謹平江陵,遂隨兄修在郢州。 及平侯景,以世怡爲兼太宰、太常卿,與中衞長史樂子雲拜謁山 尋出爲永州刺史。 及修卒,即以世怡爲刺史。 世怡疑而不就,乃奔 湘州

歸款。 年,授蔡州 三州刺史。 保定四年,晉公護東伐,大將軍權景宣略地河南。 五年,拜使持節、 刺史。 子子寶 政存簡惠,不尚苛察,深爲吏民所安。 嗣 驃騎大將軍、開府儀同三司,封義興郡公,邑一千三百戶。 世怡聞豫州刺史王士良已降,遂來 三年,卒於州。 贈本官、加幷洛永 天和二

子寶美風儀,善談笑,年未弱冠,名重一時。 隋文帝輔政,引爲丞相府典籤,深被識遇。

都郡王,邑三千戶,於除侍中、寧遠將軍。紀率兵下峽,令蕭撝守成都,以圓肅爲之副。 蕭 圓肅字明恭,梁武帝之孫,武陵王紀之子也。 風度淹雅,敏而好學。 紀稱尊號,封宜 及

租 年,遷陵州刺史,尋韶令隨衞國公直鎭襄陽,遂不之部。 尉遲迥至,圓肅與撝俱降。授驃騎大將軍、開府儀同三司、侍中,封安化縣公,邑一千戶。 .賦。保定三年,除畿伯中大夫。五年,拜咸陽郡守。 圓肅寬猛相濟,甚有政績。 世宗初,進封棘城郡公,增邑一千戶。以圓肅有歸款之勳,別賜食思君縣五百戶,收其 天和四

稱明兩, 建德三年,授太子少傅,增邑九百戶。圓肅以任當師傅,調護是職。乃作少傳箴曰: 惟王建國,辨方正位。左史記言,右史記事。莫不援立太子,爲皇之貳。是以赐 禮云上嗣。 東序養德,震方主器。束髮就學,宵雅更肄。 朝讀百篇,乙夜乃

對疑 寐。 於鄴城。 丞。 愛 日惜力,寸陰無棄。 前 安樂必敬,無忘戰兢。 史攸載,後世揚名。 視膳再飯,寢門三至。小心翼翼,大孝蒸蒸。謀謨計慮,問 三善旣備,萬國以貞。 夫天道益謙,人道惡盈。 姬周長久,實賴元良。 漢嗣不絕乎馳道,魏儲回環 嬴秦短

列傳第三十四 蕭圓肅 蕭大團

七五六

敬之,天惟顯思。 祚,誠由少陽。 雖卜年七百,有德過歷而昌;數世[一]萬(一),無德不及而亡。〔+〕敬之 光副皇極,永固洪基。觀德審諭,授告職司。

太子見而悅之,致書勞問。

廣堪十卷,淮海亂離志四卷,行於世。 歸就養,隋文帝許之。四年,卒,時年四十六。有文集十卷,又撰時人詩筆爲文海四十卷, 爲司宗中大夫,俄授洛州刺史。大象末,進位大將軍。 六年,授<u>豐州</u>刺史,增邑通前三千七百戶。 尋進位上開府儀同大將軍。 宣政元年,入 隋開皇初,授貝州刺史。以母老請

甚悅,賜以越衫胡帶等。改封晉熙郡王,邑二千戶,除寧遠將軍、琅邪彭城二郡太守。 陽尹。屬侯景肆虐,簡文見弒,大圓潛遁獲免。明年,景平,大圓歸建康。時旣喪亂之後, 無所依託,乃寓居善覺佛寺。人有以告王僧辯者。僧辯乃給船餼,得往江陵。梁元帝見之 蕭大圜字仁顯,梁簡文帝之子也。幼而聰敏,神情俊悟。年四歲,能誦三都賦及孝經、 七歲居母喪,便有成人之性。梁大寶元年,封樂梁郡王,邑二千戶,除宣惠將軍、丹

時梁元帝旣有克復之功,而大圜兄汝南王大封等猶未通謁。

梁元帝性既忌刻,甚恨望

之。乃謂大圓曰:「汝兩兄久不出,汝可以意召之。」大圓卽日曉諭兩兄,相繼出謁,元帝乃 明,應答無滯。元帝甚歎美之。因曰:「昔河間好學,爾旣有之,臨淄好文,爾亦兼之。 之間,止牋疏而已。恆以讀詩、禮、書、易爲事。元帝嘗自問五經要事數十條,大圜辭約指 東平爲善,彌高前載,吾重之愛之,爾當效焉。」及于謹軍至,元帝乃令大封充使請和,大圜 大圜以世多故,恐讒愬生焉,乃屛絕人事。 出至軍所,信宿,元帝降。 門客左右不過三兩人,不妄遊狎。 然有 兄姊

祕閣。 趾殿,招集學士。 副焉,其實質也。 邑各一千戶。」尋加大圓車騎大將軍、儀同三司。幷賜田宅、奴婢、牛馬、粟帛等。俄而開麟 大圓等,梁國子孫,宜存優禮,式遺茅土,寔允舊章。大封可封晉陵縣公,大圓封始寧縣公, 魏恭帝二年,客長安,太祖以客禮待之。保定二年,詔曰:「梁汝南王蕭大封、晉熙王蕭 大圖旣入麟趾,方得見之。乃手寫二集,一年並畢。 大圜預焉。 梁武帝集四十卷,簡文集九十卷,各止一本,江陵平後,並藏 識者稱歎之。

大 圆深信因果,心安閑放。嘗言之曰:

佩之累,蓋由來久矣。 拂衣褰裳,無吞舟之漏網;挂冠懸節,慮我志之未從。儻獲展禽之免,有美慈明 如蒙北叟之放,實勝濟南之徵。其故何哉。夫闆閻者有優遊之美,朝廷者有簪 留侯追蹤於松子,陶朱成術於辛文,良有以焉。況乎智不逸羣,

傳第三十四 蕭大圜

列

行不高物,而欲辛苦一生,何其僻也。

門,趨宰衡之勢。不知飄塵之少選,寧覺年祀之斯須。萬物營營,靡存其意,天道昧 昧,安可問哉。 隨,歌纂纂,唱鳥鳥,可以娛神,可以散慮。 草以蔭長松,結幽蘭而援芳桂。仰翔禽於百仞,俯泳鱗於千潯。〔5〕果園在後,開窻以 帶流水,倚郊甸而枕平臯,築蝸舍於叢林,構環堵於幽薄。近瞻煙霧,遠睇風雲。 菽尋

氾氏之書,

露葵徵

尹君之錄。

烹羔豚而介春酒,

迎伏臘而候歲時。 充絍織;家僮數四,足代耕耘。沽酪牧羊,協潘生之志;畜鷄種黍,應莊叟之言。穫 臨花卉;蔬圃居前,坐簷而看灌甽。〔5〕二頃以供饘粥,十畝以給絲麻。侍兒五三,可 斯亦足矣,樂不可支。永保性命,何畏憂責。豈若蹙足入絆,申脰就羈,遊帝王之 豈如知足知止,蕭然無累。 北山之北,棄絕人間,南山之南,超踰世網。 有朋自遠, 揚摧古今。 田畯相過, 劇談稼 披良書,探至 面修原而 藉纖

年何幾,擎跽曲拳,四時如流,俛眉躡足。出處無成,語默奚當。非直上明所恥,抑亦 嗟乎!人生若浮雲朝露,寧俟長繩繫景,寔不願之。[10]執燭夜遊,驚其迅邁。百

建德四年,除滕王逌友。 這嘗問大圖曰:「吾聞湘東王作梁史,有之乎? 餘傳乃可抑

揚,帝紀奚若?隱則非實,記則攘羊。」對曰:「言者之妄也。如使有之,亦不足怪。昔漢明 而隱之? 爲世祖紀,章帝爲顯宗紀,殷鑒不遠,足爲成例。且君子之過,如日月之蝕,彰於四海,安得 如有不彰,亦安得而不隱。蓋子爲父隱,直在其中;諱國之惡,抑又禮也。」追乃

文集二十卷。大封位至開府儀同三司。大象末,爲陳州刺史。 今本旣拔矣,能無亡乎。所謂以此始者必以此終也。」居數日,齊氏果滅。[II] 聞者以爲知 宣政元年,增邑通前二千二百戶。 其後大軍東討,攻拔晉州。或問大圜曰:「齊遂克不?」對曰:「高歡昔以晉州肇基偽迹, [性好學,務於著述。撰梁舊事三十卷,寓記三卷、士喪儀注五卷、要決兩卷,
>[三并 隋開皇初,拜內史侍郎,出爲西河郡守。 尋卒。

郡守。 宗懔字元懔,南陽涅陽人也。八世祖承,永嘉之亂,討陳敏有功,封柴桑縣侯,除宜都 零卒官,子孫因居<u>江陵。父高之,梁山陰</u>令。

秀才,以不及二宮元會,例不對策。 懷少聰敏,[三]好讀書,晝夜不倦。 及梁元帝鎭荆州,謂長史劉之遴曰:「貴鄉多士,爲舉一 語輒引古事,鄕里呼爲小兒學士。梁普通六年,舉

就, 詰朝呈上。梁元帝歎美之。 廬舍,[三侯哭而來,哭止而去。 時論稱之,以爲孝感所致。 廣晉三縣令。遭母憂去職。哭輒嘔血,[四]兩旬之內,絕而復蘇者三。 有意少年。」之遴以懷應命。 即日引見,令兼記室。嘗夕被召宿省,使制龍川廟碑,一夜便 及移鎭江州,以懷爲刑獄參軍,兼掌書記。 每有羣烏數千,集於 歷臨汝、 建成

故也。 中、五兵尚書、吏部尚書。初侯景平後,梁元帝議還建業,唯慎勸都渚宮,以其鄉里在荆州 幄之謀,誠深股肱之寄。從我于邁,[18]多歷歲時。可封信安縣侯,邑一千戶。」累遷吏部郞 |柳開國,止日故人,西鄉胙土,本由賓客。 況事涉勳庸,而無爵賞。 尚書侍郞宗懍,亟有帷 |梁元帝重牧||荆州,以懔爲別駕、江陵令。及帝即位,擢爲尚書侍郎。又手詔曰:「昔扶

儀同三司。世宗即位,又與王慶等在麟趾殿刊定羣書。數蒙宴賜。 及江陵平,與王襃等入關。太祖以懷名重南土,甚禮之。 孝閔帝踐阼,拜車騎大將軍、 保定中卒,年六十四。

有集二十卷,江艺行於世。

劉璠字寶義,沛國沛人也。六世祖敏,以永嘉喪亂,徙居廣陵。父臧,性方正,篤志好

學,居家以孝聞。梁天監初,爲著作郞。

其好也 乃退。 遂感風 去。 士。」蹯本意在館,而 張綰,梁之外戚,才高口辯,見推於世。 而 不爲之屈。 家 信至,云其母病。 曄辭謝之,乃止。 梁簡 九歲 氣。 網嘗於新渝侯坐,因酒後詬京兆杜騫曰:「寒士不遜。」 蹯厲色曰:「此坐誰非 文時在 服闋後一 而 孤,居喪合禮。 東宮,遇曄素重,諸不送者皆被劾責,唯蹯獨被優賞。 **曄以爲屬己,辭色不平。** 年,猶杖而後起,及曄終於毗陵,故吏多分散,璠獨 後隨曄在淮南,璠母在 璠卽號泣戒道,絕而 少好 讀書,兼善文筆。 以曄之懿貴,亦假借之。 又蘇。 建康遘疾,璠弗之知。 蹯曰:「何王之門不可曳長裾也」」遂拂 當身痛之辰,即母死之日 年十七,爲上黃侯蕭曄所器重。 璠年少未仕,而負才使氣, 嘗忽一 奉曄喪還都,墳成 解褐王 也。 日舉身楚痛,尋 國常侍,非 居 喪 段瘠 范陽 衣 寒 而

興, 請 用,徒然慕昔風。」循開 板為中 爲 未有 其 璠 記 少 輕 所定。 室, 車府 ,慷慨,好功名,志欲立事 補華陽太守。 主簿,兼記室參軍,又領刑 璠乃 門然賦詩以見志。 府,置佐史,以蹯爲諮議參軍,仍領記室。 屬侯景度江,梁室大亂, 邊城,不樂隨牒平進。 其末章曰:「隨會平王室, 獄。 循 爲梁州,除信武府記室參軍,領南 循以璠 會宜豐侯蕭循出爲北徐州 有 ?才略, 梁元帝承制,授樹功將軍、 夷吾匡覇 甚 親委之。 功。 鄭令。 虚 時 刺 寇難繁 薄 史,即 無 又 時

列

傳

第

鎮西府諮議參軍。賜書曰:「鄧禹文學,尚或執戈; 葛洪書生,且云破賊。前修無遠,屬望 良深。」梁元帝尋又以循紹鄱陽之封,且爲雍州刺史,口心復以蹯爲循平北府司馬。

郎,令長史劉孝勝深布腹心。使工畫陳平度河歸漢圖以遺之。蹯苦求還。 險,易其心乎?丈夫立志,當死生以之耳。殿下方布大義於天下,終不逞志於一人。」紀知 大厦,使身名俱美哉。」 蹯正色曰:「卿欲緩頫於我耶。 我與府侯,分義已定。 曰:「殿下忍而蓄憾,足下不留,將(至)〔致〕大禍。[元]脫使盜遮於葭萌,則卿殆矣。 奉揚威靈,尅剪姦宄。」紀於是遣使就拜循爲益州刺史,封隨郡王,以蹯爲循府長史,加蜀郡 必不爲己用,乃厚其贈而遣之。臨別,紀又解其佩刀贈蹯曰:「想見物思人。」蹯對曰:「敢不 及武陵王紀稱制於蜀,以璠爲中書侍郎,屢遣召蹯,使者八返,乃至蜀。 又以為黃門侍 中記室韋登私 豈以寵辱夷 孰若共構

守未下,達奚武請屠之,太祖將許焉,唯令全蹯一家而已。蹯乃請之於朝,太祖怒而不許。 「蟠泣而固請,移時不退。柳仲禮侍側曰:「此烈士也。」太祖曰:「事人當如此。」遂許之。城 古人何以過之。」徽曰:「昔晉主滅吳,利在二陸。明公今平梁漢,得一劉璠也。」時南鄭尚拒 日:「勿使劉璠死也。」故武先令璠赴闕。璠至,太祖見之如舊。謂僕射申徽曰:「劉璠佳士, 還至白馬西,屬達奚武軍已至南鄭,璠不得入城,遂降於武。太祖素聞其名,先誠武

竟獲全,蹯之力也。

於古誰比?對曰:「常以公命世英主,湯、武莫逮;今日所見,曾齊桓、晉文之不若。」太祖 太祖不許。 信於伐原。」語未終,太祖撫掌曰:「我解爾意,欲激我耳。」於是卽命遣循。 日:「我不得比湯、武,望與伊、周爲匹,何桓、文之不若乎。」對日:「齊桓存三亡國,晉文不失 太祖旣納蕭循之降,又許其反國。循至長安累月,未之遣也。 以蹯爲中外府記室,尋遷黃門侍郎、儀同三司 璠因侍宴,太祖曰:「我 循請與璠俱還,

嘗臥疾居家,對雪興感,乃作雲賦以遂志云。其詞曰:

天地否閉,凝而成雪。應乎玄冬之辰,在於沍寒之節。 蒼雲暮同,嚴風曉別。 散

亂徘徊,雰霏皎潔。 違朝陽之暄煦,GIOJ就陵陰之惨烈。

沒河山之上,籠罩寰宇之中。 而 為同。 若乃雪山峙於流沙之右,雪宮建於碣石之東。混二儀而竝色,覆萬有而皆空。 日馭潛於濛氾,地險失於華、嵩。 既奪朱而成素,實矯異 埋

渢渢 始飄 因高兮累仞, 藉少兮成豐。 錮 而稍落,遂紛糅而無窮。 曉分光而映淨,夜合影而通朧。 縈回兮瑣散,暠皓兮溟濛。 綏綏兮颯颯, 瀌瀌兮 似北荒之明月,若

西崑之閬風。

列傳第三十四 劉璠

綸而 於海陰。 霙與雲合,唯有變白作泥沉。 長衆川之魄。 而沒馬,又冰木而凋林。已墮白登之指,實愴黃竹之心。楚客埋魂於樹裏,漢使遷飢 體不常消,質無定白。 交四海, 爾乃憑集異區 斃雲中之狡獸,落海上之驚禽。 庚辰有七尺之厚,甲子有一丈之深。 大壑所以朝宗,洪波資其消釋。家有趙王之璧,人聚漢帝之金。旣藏牛 小則淅瀝而緣間隙。 一,遭隨所適。 深谷夏凝,小山春積。 遇物淪形,觸途湮跡。 淺則不過二寸,大則平地一尺。 偶仙宮而爲絳, 值河濱而成赤。 何淨穢之可分,豈高卑之能擇。 乃爲五穀之精,寔 廣則彌 無復垂

陽 而 委絕。 本爲白雪唱,翻作白頭吟。吟曰:昔從天山來,忽與狂風閱。遡河陰而散漫,望衡 朝朝自消盡,夜夜空凝結。徒云雪之可賦,竟何賦之能雪。

世宗初,授內史中大夫,掌綸誥。 初,蕭循在漢中與蕭紀牋及答國家書、移襄陽文,皆蹯之辭也。 尋封平陽縣子, 邑九百戶。

在職清白簡亮,不合於

前後郡守多經營以致

時,左遷同和

郡守。

詣璠 貲產,唯ा 秋毫無所取,妻子並隨,光俗,食麥衣皮,始終不改。 訟 理焉。 其德化爲他界所歸 仰如此。 蔡公廣時鎭隴右,嘉璠善政。 陳公純作鎭隴右,引為總管府司錄,甚禮敬 洮陽、洪和二郡羌民,常越境 及遷鎭陝州,欲取

天和三年卒,時年五十九。著梁典三十卷,有集二十卷,行於世。子祥嗣。

門鄓璆有名江左,在嶺南,聞而奇之,乃令名祥字休徵。 祥字休徵。幼而聰慧,占對俊辯,賓客見者,皆號神童。事嫡母以至孝聞。其伯父黃 後以字行於世。年十歲能屬文,十

通五經。解褐梁宜豐侯主簿,遷記室參軍。

以去官,領萬年令,未朞月,轉長安令。頻宰二縣,頗獲時譽。大象二年,卒於官,時年四十 高祖東征,休徵陪侍帷幄。平齊露布,卽休徵之文也。累遷車騎大將軍、儀同大將軍。尋 督,封漢安縣子,食邑七百戶,轉從事中郎。憲進爵爲王,以休徵爲王友。俄除內史上士。 江陵平,隨例入國。齊公憲以其善於詞令,召爲記室。府中書記,皆令掌之。尋授都

徵(始)[治]定繕寫,[三]勒成一家,行於世。 初,璠所撰梁典始就,未及刋定而卒。〔三〕臨終謂休徵曰:「能成我志,其在此書乎。」休

柳霞字子昇,[三]河東解人也。 曾祖卓,晉汝南太守,始自本郡徙居襄陽。 祖叔珍,宋

員外散騎常侍、義陽內史。父季遠,梁臨川王諮議參軍、宜都太守。

異之。 位,當復及吾。特宜勉勵,以應嘉祥也。」 [霞幼而爽邁,神彩嶷然, 髫歲便有成人之量。 汝後名宦必達,恨吾不及見耳。』吾向聊復晝寢,又夢將昔時座席還以賜汝。汝之官 謂霞曰:「吾昔逮事伯父太尉公,嘗語吾云:『我昨夢汝登一樓,樓甚峻麗,吾以 篤好文學,動合規矩。 其世父慶遠特器

簿。 遺左右踐霞衣裾,欲觀其舉措。霞徐步稍前,曾不顧眄。廬陵王續爲雍州刺史,辟霞爲主 起家平西邵陵王綸府法曹參軍,仍轉外兵,除尚書工部郎。謝舉時爲僕射,引霞與語, 梁西昌侯深藻鎮雍州,霞時年十二,以民禮修謁,風儀端肅,進止詳雅。深藻美之,試 顧謂人曰:「江漢英靈,見於此矣。」

舊楚。 甚嘉之。 使不違此志。今襄陽旣入北朝,臣若陪隨鑾蹕,進則無益塵露,退則有虧先旨。伏願曲垂 開府儀同三司。及蕭詧踐帝位於江陵,以襄陽歸于我。霞乃解詧曰:「陛下中興鼎運,龍飛 太尉、世父儀同、從父司空,並以位望隆重,遂家于金陵。 唯留先臣,獨守墳栢。 俄遷車騎大將軍、儀同三司、大都督,賜爵聞喜縣公。 尋進位持節、侍中、驃騎大將軍、 岳陽王蕭詧在雍州,選爲治中,尋遷別駕。及詧於襄陽承制,授霞吏部郎、員外散騎常 臣昔因幸會,早奉名節,理當以身許國,期之始終。 自晉氏南遷,臣宗族蓋寡。 常誠臣等,

照鑒,亮臣此心。」營重違其志,遂許之。因留鄕里,以經籍自娛。

德,再三不用命者,乃微加貶異,示之耻而已。其下感而化之,不復爲過。咸曰:「我君仁惠 如此,其可欺乎!天和中,卒,時年七十二。宣政初,贈(盬)〔金〕、安二州刺史。〔言〕 始入朝。 太祖、世宗頻有徵命、霞固辭以疾。 授使持節、驃騎大將軍、開府儀同三司、霍州諸軍事、霍州刺史。 霞導民務先以

之間,風浪止息。其母嘗乳間發疽,醫云:「此病無可救之理,唯得人吮膿,或望微止其痛。」 不可識。後奉喪泝江西歸,中流風起,舟中之人,相顧失色。[霞抱棺號慟,愬天求哀,俄頃 霞有志行。 尤好施與,家無餘財。臨終遺誡薄葬,其子等竝奉行之。有十子,靖、莊最知名。 初爲州主簿,其父卒於揚州,霞自襄陽奔赴,六日而至。哀感行路,毀瘁殆

定初,除尚書度支郎,遷正員郞。 所居皆有治術,吏民畏而愛之。 隋文帝踐極,特詔徵之,靖遂以疾固辭。 靖字思休。 少方雅,博覽墳籍。梁大同末,釋褐武陵王國左常侍,轉法曹行參軍。 然性愛閑素,其於名利澹如也。 隨霞入朝,授大都督,歷河南、德廣二郡守。 優游不仕,閉門自守,所對惟琴書而已。 及秩滿還,便有終焉 靖雅 達政事, 之志。

列傳第三十四 柳霞

時論方之王烈。前後總管到官,皆親至靖家問疾,遂以爲故事。 於庭,靖然後見之,勗以禮法。鄉里亦慕而化之。 歷園庭,殆將十載。子弟等奉之,若嚴君焉。其有過者,靖必下帷自責,於是長幼相率拜謝 或有不善者,皆曰:「唯恐柳德廣知也。」 開皇中,以壽終。 秦王俊臨州,賚以几杖,幷

倚書吏部郎中、鴻臚太府卿。 入隋,位至開府儀同三司、給事黃門侍郎、饒州刺史。 莊字思敬。器量貞固,有經世之才。 初仕梁,歷中書舍人、尚書右丞、給事黄門侍郎、

之情亦隆。 湯而不守,舉庸蜀而來王。 基,夙懷文質,亦何能至於此乎。方武陵擁衆東下,任撝以蕭何之事,君臣之道旣篤,家國 史臣曰:蕭撝、世怡、圓肅、大圓並有梁之令望也。雖羈旅異國,而終享榮名。 金石不足比其心,河山不足盟其誓。及魏安之至城下,旬日而智力俱竭。 若乃見機而作,誠有之矣。守節沒齒,則未可焉。 非有茲

好士之日,在朝不預政事,就列纔忝戎章。 宗懍幹局才辭見稱於梁元之世。逮乎俘囚楚甸,播越秦中,屬太祖思治之辰,遇世宗 **豈懷道圖全,優遊卒歲,將用與不用,留滯當年**

梁氏據有江東,五十餘載。挾策紀事,勒成不朽者,非一家焉。 劉璠學思通博,有著述

之譽,雖傳疑傳信,頗有詳略,而屬辭比事,足爲清典。蓋近代之佳史歟。

柳霞立身之道,進退有節。 夫能推此類以求賢,則知人幾於易矣。 觀其眷戀墳隴,其孝可移於朝廷,盡禮舊主,其忠可事於

校勘記

新君。

蘭陵人也 宋本作「蘭陵蘭陵人也」。 張元濟云:「蘭陵縣屬蘭陵郡, 見魏書地形志。」按宋書卷

三五州郡志南蘭陵郡亦有蘭陵縣,疑宋本重「蘭陵」是。

以撝爲(中)[尙]書令 宋本及北史本傳「中」作「尙」。 按上已云「除侍中、中書令」,這時自應遷

尚書令,今據改。

都督益梁秦潼安瀘青戎寧華信渠萬江新邑楚義十八州諸軍事 錢氏考異卷三二云:「『邑』疑

『巴』字之譌。梁置北巴州於閬中,而淸化郡舊亦爲巴州也。」按錢說據隋書卷二九地理志上,疑

CBU又令梁州刺史楊乾運守潼州 卷二文帝紀下、梁書卷五五武陵王紀傳並作「潼州刺史楊乾運」。

參卷二一校記第六條。

列 傳第三十 四 校 勘 記

- 万五 淅隈督察 「淅」原作「浙」。按這一句是說蕭撝爲上州刺史。 隋書卷三〇上洛郡上津縣云:「西
- 魏又改爲上州。」其地去淅水不遠,所以謂之「淅隈」。今逕改。
- 封宜都郡王邑三千戶 諸本「三」都作「二」,疑殿本刻誤。
- 雖卜年七百有德過歷而昌數世〇一」萬〇〇無德不及而亡 御覽卷二四四一一五七頁「萬一」作「一
- 萬」。 按上句用「周過其歷」語,下句用秦始皇「自二世以至萬世」語。「萬一」倒誤,今據改
- 俯泳鱗於干潯 百仞」,「尋」與「仞」對,疑作「尋」是。 北史卷二九蕭大圜傳、册府卷七八五九三三頁「潯」作「尋」。按上句「仰翔禽於
- 八 九 凵 果園在後開窻以臨花卉蔬圃居前坐簷而看灌甽 册府卷七八五九三三頁「窗」下有「牗」字,
- 寧俟長繩繫景寔不願之 北史本傳、册府卷七八五九三三頁作「實所願言」、册府「俟」上無「寧」

簷」下有「楹」字。

- 居數日齊氏果滅 滅齊在次年正月,疑作「數月」是。 北史本傳「日」作「月」。按卷六武帝紀周攻拔晉州在建德五年五七六年十月,
- 士喪儀注五卷要決兩卷 册府卷六〇六七二七五頁作「喪服儀注五卷、要訣二卷」。
- [三] 懍少聰敏 |宋本「敏」作「令」。

- 哭輒嘔血 「嘔」原作「毆」。北史卷七〇宗燣傳百衲本作「歐」,殿本作「嘔」。按「歐」「嘔」通,
- 「殿」字誤,今依北史殿本逕改。
- 二吾 每有羣烏數千集於廬舍 北史本傳、御覽卷九二〇四〇八一頁「每」下有「旦」字,疑是。
- (1六) 從我于邁 「于」原作「於」。宋本、南本、北本「於」作「于」。張元濟以爲作「於」誤,云「見詩經魯
- 頌」。按張說是,今逕改。
- (1七) 有集二十卷 隋書卷三五經籍志四作「十二卷」,舊唐書卷四七經籍志作「三十卷」,新唐書卷六
- 〇藝文志作「十卷」。
- 梁元帝尋又以循紹鄱陽之封且爲雍州刺史 侯蕭循襲封鄱陽王」,則蕭循襲爵不在元帝時。 按梁書卷六敬帝紀太平元年五五六年「以太保宜豐 南史卷五二鄱陽王恢附子修傳 修即循 稱:「徙爲

循降周時仍是深、秦二州刺史,未嘗移鎭。 |梁、秦二州刺史,在漢中七年。」直到魏廢帝元年亦卽梁元帝承聖元年五三年達奚武攻南鄭,蕭 且雍州刺史是蕭詧,其地亦非元帝所有。 這裏紀述

有誤。

- (1九) 將(至)(致)大禍 |宋本和北史卷七〇劉璠傳「至」作「致」,是,今據改。
- 達朝陽之暄煦 「煦」原作「照」。諸本都作「煦」,殿本刻誤,今逕改。
- (三) 未及刋定而卒 宋本「及」作「啓」,無「而」字,其他各本作「及」,也無「而」字。

列傳第三十四 校勘記

[三] 休徴(始)[治]定繕寫 宋本、汲本、局本「始」作「治」。 張元濟以爲「始」字誤,云「北史卷七〇作

『脩』」。按批史避唐諱、「治」和「脩」義同。張說是,今據改。

柳霞字子昇、北史卷七〇傳目和此句「霞」作「遐」。下「霞」字同。

[HE] 贈(贈)[金]安二州刺史 宋本「魌」作「賹」,北史本傳作「金」。張元濟云:「按金州即東梁州。字 書無『賹』『賹』字。」按金州見隋書卷二九地理志上西城郡。「賹」「賹」當是涉上「贈」字而誤,今據

改。

用書卷四十二

列傳第三十五

李延孫 章施 韓雄 陳忻 魏玄

陷,遂遇害。 拒東魏。 捕諸賊,頻有功。 乃授持節、大都督,轉鎭張白塢。 督,給其鼓節,以慰其意。 長壽冀因此遂得任用,亦盡其智力,防遏羣蠻。 伊川左右,寇盜 爲之稍息。 有武藝。 李延孫,伊川人也。祖伯扶,魏太和末,從征懸瓠有功,爲汝南郡守。父長壽,性雄豪, 少與蠻會結託,屢相招引,侵滅關南。孝昌中,朝議恐其爲亂,乃以長壽爲防蠻都 孝武嘉之,復授潁川郡守,遷廣州刺史。 永安之後,盜賊蜂起,長壽乃招集叛亡,徒侶日盛。魏帝藉其力用,因而撫之。 大統元年,追贈太尉、使持節、侍中、驃騎大將軍、冀定等十二州諸軍事、定州 授衞大將軍、北華州刺史,賜爵淸河郡公。及魏孝武西遷,長壽率勵義士 後爲河北郡守、轉河內郡守。所歷之處,咸以猛烈聞。 東魏遣行臺侯景率兵攻之,長壽衆少,城 討

列

傳

第

三 十

五.

李延孫

韋

祐

刺史。

刺 史,表延孫爲都督。 延孫亦雄世,有將帥才略。少從長壽征討,以勇敢聞。 肅清鷗路,頗有功力焉。及長壽被害,延孫乃還,收集其父之衆。 廣陵王欣、錄尚書長孫稚、潁川王斌之、安昌王子均及 初爲直閤將軍。 賀拔勝為荆州

關中。 斬其揚州刺史薛喜。 建寧、江夏、隴東諸王幷百官等擕持妻子來投延孫者,延孫卽率衆衞送,幷贈以珍玩,咸 進車騎大將軍、儀同三司、大都督,賜爵華山郡公。延孫旣荷重委,每以剋淸伊、洛爲己任。 自魏孝武西遷之後,朝士流亡。 齊神武深患之,遺行臺慕容紹宗等數道攻之。延孫獎勵所部出戰,遂大破之,臨 於是義軍更振。 乃授延孫京南行臺、節度河南諸軍事、廣州刺史。 陣 達

風。 官至開府儀同三司、和州刺史,改封潁川郡公。 大統四年,爲其長史楊伯蘭所害。[1]後贈司空、冀定等六州刺史。 延孫弟義孫,亦官至開府儀同三司。 子人傑,有祖、父 頻以

、少擊衆,威振敵境。

才,拜中書博士。父義,前將軍、上洛郡守。魏大統時,以法保著勳,追贈秦州刺史。 章祐字法保,京兆山北人也。少以字行於世。世爲州郡著姓。 祖駢,雍州主簿。

法保少好遊俠,而質直少言。所與交遊,皆輕猾亡命。人有急難投之者,多保存之。 父沒,事母兄以孝敬聞。 慕李長壽之爲人,遂娶長壽女,因寓居

關南 散騎侍郎,加輕車將軍。 雖屢被追捕,終不改其操。 正光末,四方雲擾。 及魏孝武西遷,法保從山南赴行在所。 王公被難者或依之,至多得全濟,以此爲貴遊所德。 除右將軍、太中大夫,封固 乃拜員外

安縣男,邑二百戶

甚厚。 從口中出,當時氣絕。輿至營,久之乃蘇。 頻與敵人交兵,每身先士卒,單馬陷陣,是以戰必被傷。 且前 難以吉還也。」法保曰:「古人稱不入虎穴,不得虎子。 亦非所恨。」 東洛州刺史,配兵數百人,以援延孫。 及侯景以豫州來附,法保率兵赴景。 及長壽被害,其子延孫收長壽餘衆,守禦東境。 乃授法保大都督。〔三四年,除河南尹。及延孫被害,法保乃率所部,據 數日,得與延孫兵接,乃幷勢置栅於伏流。 遂倍道兼行。 東魏陝州刺史劉貴以步騎千餘邀之。 法保至潼關,弘農郡守章孝寬謂法保曰:「恐子此役, 景欲留之,法保疑其有貳心,乃固辭還所鎭。 九年,拜車騎大將軍、儀同三司,鎭九曲 未幾,太祖追法保與延孫率衆還朝,賞勞 朝廷恐延孫兵少不能自固,乃除法保 安危之事,未可預量。 嘗至關南,與東魏人戰,流矢中頸 法保 命所部爲圓 縱為國殞身, 延孫 陣, 且戰

五年,加驃騎大將軍、開府儀同三司,尋進爵爲公。會東魏遣軍送糧饋宜陽,法保潛邀之。

將軍、閻韓防主。

轉戰 數十里,兵少不敵,爲流矢所中,卒於陣。 諡曰莊。 子初嗣。 建德末,位至開府儀同大

韓雄字木蘭,河南東垣人也。 祖景,魏孝文時爲赭陽郡守。

大統 軍司 乃遣人告避曰:「若雌至,皆免之。」雄與其所親謀曰:「奮不顧身以立功名者,本望 義,下榮親戚。 每抄掠東魏, · 慕容紹宗率兵與賢合勢討雄 初,遂與其屬六十餘人於洛西舉兵,數日間,衆至千人。 雄少敢勇,膂力絕 所向剋獲。 **今若忍而不赴,人謂我何。** 人, 四工騎射,有將率材略。 徒衆日盛,州縣不能禦之。東魏洛州 戰數十合,雄兵略盡,兄及妻子皆爲賢所獲,將以爲戮。 既免之後, 更思其計, 未爲晚也。」於是, 事泄,遁免。 及魏孝武西遷,雄便慷慨有立功之志。 與河南行臺楊琚共爲掎角。至 刺史韓賢以狀聞,鄴乃遣其 上 逐詣賢 申忠

取。 而領軍獨孤信大軍繼至,雄遂從信入洛陽。 時太祖 雄乃招集義衆,進逼 在弘農, 雄至 洛州 上謁。 東魏洛州刺史元湛委州奔河陽,其長史孟彥舉城款附 太祖嘉之,封武陽縣侯,邑八百戶。 時東魏將侯景等圍寥塢,雄擊走之。 遣雄還鄉里, 又從太祖 更圖 俄 進

軍,即隨賢還洛。

乃潛引賢黨,謀欲襲之。

衆邀 戰於 次河橋。 齊神武於隘道。 軍還,仍鎭洛西。 神武怒,命三軍併力取 拜假平東將軍、東郡守,遷北中郞將。 雄。 雄突圍得免。 除東徐州刺史。 邙山之役,太祖命雄率 太祖以雄

劬勞積年,乃徵入朝,屢加賞勞。

復遣還州

常侍。 道側 公,[K] 增邑通前三千八百戶,賜姓宇文氏。世宗二年,除使持節、都督、中徐虞洛四州諸軍 射之,再發咸中,逐斬略首。 事、中州刺史。 東魏東雍州刺史郭叔略與雄接境,頗爲邊患。 遣都督韓仕於略城東,服東魏人衣服,許若自河陽叛投關 專進驃騎大將軍、開府儀同三司、侍中、河南邑
中正。 除河南尹,進虧爲公,加車騎大將軍、儀同三司、大都督、散騎 雄密圖之,乃輕將十騎,夜入其境,伏於 孝閔帝 西者。 踐 略出馳之,雄 阼,進爵 新 義郡 自後

刺史。 雄志氣益壯。 |雄久在邊,具知敵人虛實。 每率衆深入,不避艱難。 前後經四十五戰,雖時有勝負,而 諡曰威。子禽嗣。 東魏深憚之。天和三年,卒于鎭。贈大將軍、中華宜義和五州諸軍事、中州

陳忻字永怡, 宜陽 人也。 少驍勇,有氣俠,姿貌魁岸,同類咸敬憚之。

列傳第三十五 陳忻

魏孝武西遷之

後,忻 乃於 羽 7林監、 辟惡山招集勇敢少年數十人,寇掠東魏,仍密遣使歸附。 一、立義大都督,賜爵霸城縣男。 三年,太祖復弘農,東魏揚州刺史段琛拔城 大統元年, 授持節、伏

復行 縣 遁走。 波將軍 事。 新 [4] 忻率義徒於九曲道邀之,殺傷甚衆, 及獨孤信 安縣 事。 入洛,忻舉李延孫爲前鋒,公 東魏遣土人牛道恆爲(揚)[陽]州刺史, 日 忻率兵擊破之,進爵爲子。 仍從信守金墉城。 擒其新安令張祗。 及河橋戰不利,隨軍 太祖嘉其忠款,使行新安 西還, 常隨

魏復遣 與韓雄 等依 劉 盆 生 山合勢,破東魏三城,斬其金門郡守方臺洛。 爲金門郡守,忻又斬之。 除鎭遠將軍、魏郡守。 增邑六百戶。 俄授使持節、平 尋行宜陽郡事。 東將軍、顯州

崤東諸

將鎭

遏伊、洛間,每有功効。

九年,與李遠迎高仲密,仍從戰邙山。

及大軍西還,復

刺 宜陽郡 史。 守趙嵩、金門郡守樂敬賓。 太祖 以忻威著敵境,仍留靜邊,弗令之任。 十三年,從李遠平九曲城,授帥都督。 十年,侯景築九曲城, 忻率衆邀之,擒其 東魏將爾朱 渾

都督、 率精騎三千來向 撫 軍 一將軍 宜(城)[陽]、[10]忻與諸將輕兵邀之,願遂退走。 十六年,進車騎大將軍、儀同三司、散騎常侍。 十五年,除宜陽郡 與齊將 東方老 戰於石泉 守,加

破之,俘獲甚衆。 時東魏每歲遣兵送米饋宜陽,忻輙與諸軍邀擊之,每多剋獲

將軍、開府儀同三司,加侍中。 魏恭帝元年,又與開 府斛斯璉等,共齊將段孝先戰于九曲,大破之。 其年,授宜陽邑大中正,賜姓尉遲氏。 太祖以忻著績累載, 二年,進位

有智謀,往來境上,倚伏難測。 贈其祖昆及父興孫俱爲儀同三司,昆齊州刺史,興孫徐州刺史。 忻與韓雄等恆令間諜覘其動靜,齊兵每至,輙擊破之。 東魏洛州刺史獨 孤永業號

業深憚忻等,不敢爲寇。

石泉城。

天和元年,卒於位。

年,除熊州刺史,增邑通前二千六百戶。又與開府敕勒慶破齊將王鸞嵩。 孝閔帝踐阼,徵忻入朝,進簡爲伯,尋又進虧許昌(郡)〔縣〕公,〔三增邑一千戶。 仍從柱國 武成元 陸通復

衆心,則雄不如忻。身死之日,將吏荷其恩德,莫不感慟焉。子萬敵嗣。 心,還令萬敵領其部曲。 故得數對勍敵,而常保功名。 |忻與韓雄里閈姻婭,少相親昵。 雖並有武力,至於挽彊射中,忻不如雄,散財施惠,得士 俱總兵境上三十餘載,每有禦扞,二人相赴,常 若 影 朝廷以忻雅得士

魏玄字僧智,任城人也。 六世祖休, 仕晉爲魯郡守。 永嘉南遷,遂居江左。 父承祖,魏

景明中,自梁歸魏,二三家於新安。

玄少慷慨, 有膽略。 普泰 中,除奉朝請。 頻從軍與梁人交戰。 永安初,以功授征虜將

列傳第三十五 魏玄

高

敖

曹接戰。

南,即 軍、中散大夫。 從章法保與東魏司徒高敖曹戰於關口。及獨孤信入洛陽,隸行臺楊琚防馬渚。 自是每率鄉兵,抗拒東魏。前後十餘戰,皆有功。 及魏孝武西遷、東魏北徙,人情騷動,各懷去就。 玄遂率募鄉曲, 立義於關 復與

伏流。 子,邑 討平之。 外叛,率步騎 在 宜陽。 回百戶。 山之役,大軍不利,宜陽、洛州皆爲東魏守。 崤東立義者,咸懷異望。 十四年,授帥都督、東平郡守,轉河南郡守,加大都督。十六年,洛安民雍方雋據郡 玄以 魏恭帝二年,拜車騎大將軍、儀同三司。 一千, 爲忠孝不兩立,乃率義徒還關南鎭撫。 十三年,與開府李義孫攻拔伏流城,自己又剋孔城,即與義孫鎭之。尋移鎮 自號行臺,攻破郡縣,囚執守令。 玄率弘農、九曲、孔城、伏流四城士馬 太祖手書勞之,除洛陽令,封廣宗縣 而玄母及弟竝

業遂退。 遣玄 軍、 轉和州刺史、伏流防主,進爵爲公。 一萬餘 開 率 孝閔 府儀同三司, 儀同宇文能、趙乾等步騎五百於鹿盧交南、邀擊東魏洛州 人,二吾 帝 二年,進 踐 《阼,進爵爲伯,增邑通前九百戶。 保定元年,移鎭蠻谷。 玄輕將五騎行前覘之,卒與之遇,便即交戰,殺傷數 爵 徙鎭閶韓。 爲侯。 除白超 仍從尉遲迴圍洛陽。 防主。 五年,齊將斛律明月率衆向宜陽,兵威甚盛,玄率兵禦 三年,遷熊州 天和元年,陝(西)[州]總管尉遲綱 刺 史。 政 刺 存簡惠,百 史獨 十人,獲馬幷甲 四年,進位驃騎大將 孤永業。 姓 悦 之。 永業 · 稍等,永 四年, 有衆

寄。 人沮西略之謀,周朝緩東顧之慮,皆數將之力也。 灌瓜贈藥,雖有愧於昔賢,禦侮折衝,足方駕於前烈。 史臣曰:二國爭彊,四郊多壘,鎭守要害,義屬武臣。李延孫等以勇略之姿,受扞城之 用能觀兵伊、洛,保據崤、函,齊

校勘記

- △ □ □ 為其長史楊伯蘭所害 卷三三趙剛傳作「楊伯簡」。參卷三三校記第一〇條。
- [1] 王公被難者或依之 宋本及北史卷六六章祐傳「被」作「避」。
- [三]乃授法保大都督 宋本「乃」作「仍」,疑是。
- CBJ雄少敢勇膂力絕人 御覽卷三八六一七八五頁「敢勇」下有「魁岸」二字。
- 万五 共爲掎角 原作「犄」,宋本、南本作「椅」,北史卷六八韓雄傳百衲本作「掎」,張元濟云:「『椅』乃
- 『掎』之訛,見北史。」按張說是,今逕改。
- (人) 進爵新義郡公 「新」原作「親」。諸本及北史本傳都作「新」,殿本刻誤,今逕改。

- [4] 琛,「陽」也訛「揚」,據通鑑改。 東魏揚州刺史段琛拔城遁走 見第九條。 按戰事在弘農附近,「揚」當作「陽」。下陽州刺史牛道恆即代段 此處諸本皆同,通鑑無文,故不改。
- [八] 忻舉李延孫爲前鋒 殿本考證云:「舉」疑當作「與」。

三一校記第一〇條。

- 東魏遣土人牛道恆爲(揚)(陽)州刺史 通鑑卷一五八四九〇一頁「揚」作「陽」。是,今據改
- 東魏將爾朱渾願率精騎三千來向宜(城)(陽) 宋本「城」作「陽」。 張元濟以爲「城」字誤,云:「時 陽。 忻行宜陽郡事。」 按忻本宜陽人, 這時雖授顯州刺史,傳稱「仍留靜邊,弗令之任」,即是留在宜 宜城渺不相涉,今據改。
- 尋又進爵許昌(郡)〔縣〕公 宋本及北史卷六六陳欣傳 成即析「郡」作「縣」。按魏書卷一〇六中 據改。 置。陳忻封爵在周初,郡旣不在周境內,卽使是遙封,也不會承認東魏的建置。 汝陰郡,一屬潁州北陳留、潁川二郡,一屬揚州潁川郡。 地形志中鄭州有許昌郡,云「天平元年置」,領有許昌縣。此外又有三個許昌縣;一屬北揚州 據此知北魏無許昌郡,東魏天平初始 當作「縣」是,今
- 父承祖魏景明中自梁歸魏 永元二年,即魏景明元年五〇〇年,「梁」當作「齊」。 按魏書卷七一裴叔業傳附載魏承祖事,承祖隨叔業降魏,事在南齊

不書大統者,闕文也。」

[18] 陝(西)[州]總管尉遲綱 作「州」。張元濟以爲「西」字誤,云:「見傳十二即卷二〇。」按張說是,今據改。 宋本、南本、局本及本書卷二〇尉遲綱傳、册府卷四一九四九九六頁「西」

[三] 永業有衆二萬餘人 册府卷四一九四九九六頁「萬」作「千」。

周書卷四十四

列傳第三十六

泉企 李遷哲

席固

任果

楊乾運

扶猛

陽雄

襲本縣令,封丹水侯。父安志,復爲建節將軍、宜陽郡守,領本縣令,降爵爲伯。 泉企字思道,上洛豐陽人也。〔一〕世雄商洛。 曾祖景言,魏建節將軍,假宜陽郡守,世

任,加討寇將軍。 之。魏宣武帝詔曰:「企向成立,且爲本鄕所樂,何爲捨此世襲,更求一限。」遂依所請。 雖童幼,而好學恬靜,百姓安之。 |企爲縣令。 州爲申上,時吏部尚書|郭祚以||企年少,未堪宰民,請別選遣,終此一限,令企代 <u>企</u>九歲喪父,哀毀類於成人。 服闋襲爵。年十二,鄉人<u>皇</u>平、陳合等三百餘人詣州請 尋以母憂去職。縣中父老復表請殷勤,詔許之。 起復本 企

列 傳 第三十 六 泉

恢 企與刺史董紹宗潛兵掩襲、「三二姓散走,寶夤軍亦退。遷左將軍、淅州刺史,別封涇陽縣 征虜將 襲據潼關。 軍。 初, 寶夤又遺兵萬人趣靑泥,誘動巴人,圖取上洛。 又加龍驤將軍、假節、防洛州別將,尋除上洛郡守。及蕭寶夤反,遣其黨郭子 企率鄉兵三千人拒之,連戰數日,子弟死者二十許人,遂大破子恢。以功拜 上洛豪族泉、杜二姓密應之。

伯

,邑五百戶

納之。 是楊氏 破之。 唐聚黨剽劫,州郡不能制,企命收而戮之,闔境清肅。 五 從弟,恃託椿勢,侵害百姓。 年, 永安中,梁將王玄眞入寇荆州。加企持節、都督,率衆援之。遇玄眞於順陽,與戰,大 除撫軍將軍、使持節,假鎭南將軍、東雍州刺史,進虧爲侯。 慚懼,宗族詣閤請恩。 每於鄉里運米以 大行臺賀拔岳以企昔莅東羅,為吏民所懷,乃表企復 自給。 守宰多被其凌侮,皆畏而不敢言。 自此豪右屛迹,無敢犯者。 梁魏興郡與洛州接壤,表請與屬。 魏孝武 性又清約,纖毫不擾於民。 爲 初, 企收而治之,將加極法,於 刺 加車騎(大)將軍、左光祿 詔企爲 史,詔 部民楊羊皮,太保椿之 許之。 行 臺 尙 蜀民 書 在 以 張 撫 州 返

帝西遷,齊神武率衆至潼關,企遣其子元禮督鄉里五千人,北出大谷以禦之。 及 齊神武 專政,魏帝有西顧之心,欲委企以山南之事,乃除洛州刺 史、當州 都 督。 齊神武

統初,加開府儀同三司,兼尚書右僕射,進爵上洛郡公,增邑通前千戶。 知之,殺岳及猛畧等,傳首詣闕,而窋亡投凍魏。 不敢進。 上洛人都督泉岳、其弟猛畧與(順)[拒]陽人杜窋等謀翻洛州、四以應東軍。 錄前後勳,授車騎大將軍、儀同三司。 企志尚廉慎,每除

官,憂見顏色。

至是頻讓,魏帝手詔不許。

勉之!乃揮涕而訣,餘無所言,聞者莫不憤歎。尋卒於鄴。 爲身計,勿相隨寇手。但得汝等致力本朝,吾無餘恨。不得以我在東,遂虧臣節也。 年齒又暮,前途夷險,抑亦可知。汝等志業方彊,堪立功効。且忠孝之道,不可兩全,宜各 發,密誡子元禮、仲遵曰:「吾生平志願,不過令長耳。幸逢聖運,位亞台司。今爵祿旣隆, 敖曹曰:「泉企力屈,志不服也。」及竇泰被擒,敖曹退走,遂執企而東,以窋爲刺史。 三年,高敖曹率衆圍逼州城,杜窋爲其鄕導。企拒守旬餘,矢盡援絕,城乃陷焉。

散騎侍郎、洛州大中正、員外散騎常侍、安東將軍、持節、都督,賜爵臨洮縣伯,進征東將軍、 史,然巴人素輕杜而重泉。及元禮至,與仲遵相見,感父臨別之言,潛與豪右結託。 金紫光祿大夫,加散騎常侍。及洛州陷,與企俱被執而東。元禮於路逃歸。時杜窋雖爲刺 <u>元禮少有志氣,好弓馬,頗閑草隸,有士君子之風。</u> 釋褐奉朝請、本州別駕。累遷員外

間,遂率鄉人襲州城,斬窋,傳首長安。 從太祖戰於沙苑,爲流矢所中,遂卒。子貞嗣,官至儀同三司。 朝廷嘉之,拜衞將軍、車騎大將軍,世襲洛州刺史。

史。 陽縣伯,邑五百戶。 卒歎曰:「若二郎不傷,豈至於此。」企之東也,仲遵以被傷不行。後與元禮斬窋,以功封豐 敵,乃退入城,復與企力戰拒守。矢盡,以杖棒扞之,遂爲流矢中目,不堪復戰。及城陷,士 世 一離亂,每從父兄征討,以勇決聞。 仲遵宿稱幹畧,爲鄉里所歸。 |仲遵少謹實,涉獵經史。年十三,州辟主簿。[ā]十四,爲本縣令。及長,有武藝。遭 加授征東將軍、豫州刺史。「太」及一禮於沙苑戰沒,復以仲遵爲洛州刺 及爲本州,頗得嘉譽。 高敖曹攻洛州,企令仲遵率五百人出戰。 時以衆寡不

遵行 力戰先登,擒其將王顯明。 荆州 東魏 北豫州刺史高仲密舉成皐入附,太祖率軍應之,別遣仲遵隨于謹攻栢谷塢。 刺史事。 十五年,加授大都督,俄進車騎大將軍、儀同三司 陌谷既拔,復會大軍戰於邙山。十三年,王思政改鎭潁川,以<u>仲</u> 仲遵

守不降。 桓和可不攻自服。諸君以爲何如。」仲遵對曰:「蜂蠆有毒,何可輕也。 梁 忠謂諸將曰:「本圖仲禮,不在隨郡。 州 刺史柳仲禮每爲邊寇, 太祖令仲遵率鄉兵從開府楊忠討之。 如卽攻守,恐引日勞師。 若棄和深入,遂擒仲 个若先取 梁隨郡守桓和拒 仲禮,則

剋 擊仲禮,又獲之。 和之降不,尚未可知。 剋和而進,更無反顧之憂。」忠從之。 進驃騎大將軍、開府儀同三司,領本州大中正,復爲三荆二廣南雍 如仲禮未獲,和爲之援,首尾受敵,此危道也。 仲遵以計由己出,乃率先登城,遂擒和 若先攻和,指麾可 仍從忠 平信江

隨二郢淅等十三州諸軍事,行荆州刺史。 尋遭母憂,請終喪制,不許。

雄討 遵。 史、江北 刺 平之。 史。 朝議以 大將軍王雄南征上津、魏興,仲遵率所部兵從雄討平之。 以 仲遵留 州入附。 改巴州爲洵州, 山川非便,弗之許也。 情撫接,百姓安之,流民歸附者,相繼而至。 朝廷因其所據授之,仍隸東梁州都督。清和以仲遵善於撫御,請 隸於仲遵。 清和遂結安康會帥黃衆寶等,舉兵共圍東梁州。 先是,東梁州刺史劉孟良在職貪婪,民多背叛。 遂於上津置南洛州,以仲**遵** 初,蠻帥杜淸和自稱巴州刺 復遣王 隸 伸 |仲

遵以廉簡處之,羣蠻率服。

乃令襲爵上洛郡公,舊封聽 軍 仲遵 事、金州 雖出自巴夷,而有方雅之操,歷官之處,皆以清白見稱。朝廷又以其父臨危抗節, 刺史。 武成初,卒官,時年四十五。 回授一子。 魏恭帝初,徵拜左衞將軍。 贈大將軍、華洛等三州刺史。 尋出為都督金興等六州 諡 百莊

子 晒 嗣 起家本縣令, 入爲左侍上士。 保定中,授帥都督,累遷儀同三司,出爲純州防

主。建德末,位至開府儀同大將軍。

十六 泉企 李遷哲

列

傳

第

Ξ

李遷哲字孝彦,安康人也。 世爲山南豪族,仕於江左。祖方達,齊末,爲本州治中。父

元眞、「八」仕梁,歷東宮左衞率、東梁衡二州刺史、散騎常侍、沌陽侯。

守。 侯,邑一千五百户。 爲衡州,留遷哲本鄉,監統部曲 三年,加超武將軍。 遷哲少修立,有識度,慷慨善謀畫。 四年,遷持節、信武將軍、「九」散騎常侍、都督東梁洵興等七州諸軍事 太清二年,移鎭魏興郡,都督魏興、上庸等八郡諸軍事,襲爵沌陽 事。 時年二十,撫馭羣下,甚得其情。 起家文德主帥,轉直閤將軍、武賁中郎將。及其父 大同二年,除安康 郡

然猶 節、車騎大將軍、散騎常侍,封沌陽縣伯,邑千戶。 愧乎。」答曰:「世荷梁恩,未有報効,又不能死節,實以此爲愧耳。」」太祖深嘉之,即拜使持 意氣 大統 八自若。 十七年,太祖遣達奚武、王雄等略地山南,遷哲率其所部拒戰,軍敗,遂降於武。 武乃執送京師。 太祖謂之曰:「何不早歸國家,乃勞師旅。 今爲俘虜,不亦

東梁州刺史。

及侯景篡逆,諸王爭帝,遷哲外禦邊寇,自守而已。

出梁漢,開府賀若敦趣直谷。 魏恭帝初,直州 人樂熾、洋州人田越、金州人黃國等連結爲亂。 熾聞官軍至,乃燒絕棧道,據守直谷,敦衆不得前。 (10)太祖遣鴈門公田弘 太祖以遷

以所服紫袍玉帶及所乘馬以賜之,曰司並賜奴婢三十口。加授侍中、驃騎大將軍、開府儀同 哲,遷哲進擊,破之,遂屠其城,虜獲千餘口。自此巴、濮之民,降款相繼。 曰:「納降如受敵,吾觀其使視瞻猶高,得無詐也。」遂不許之。 深人果於道左設伏以邀遷 城,自己招諭不下。 先至巴州,入其郛郭。 哲信著山南,乃令與敦同往經畧。熾等或降或獲,尋竝平蕩。 州刺史,即本州也。仍給軍儀鼓節。令與田弘同討信州 遷哲攻而剋之,斬獲九百餘人。軍次鹿城,城主遣使請降。 梁巴州刺史牟安民惶懼,開門 請 降。 []]安民子宗徹等 猶 仍與賀若敦南出狗 軍還,太祖嘉之, 遷哲 地。 謂 據 遷哲 其衆 琵琶

7,除直

冉助 根造 遷哲 以 軍,太祖 ル軍 殺獲甚多。 國等。 粉,兼米以 魏 《恭帝三年正月,軍次幷州。 中感之, 令遷 時 狼狽遁 信 遷哲每率驍勇爲前鋒,所在攻戰,無不身先士卒,凡下十八州,拓地三千餘 哲留鎭白帝,更配兵千人、馬三百匹。 州爲蠻脅向五子王等所圍,弘又遭遷哲赴援。比至,信州已陷。五子王等聞 紹之。 人思效命。 走。 由是諸 遷哲 遷哲亦自取供食。 蠻畏威, 入據白帝。 黔陽 各送糧餼。 蠻 田鳥度、 梁幷州刺史杜滿各望風送款。進圍疊州,剋之,獲刺史 賀若敦等復至,遂共追擊五子王等,破之。及田弘旋 時有異膳,即分賜兵士。 又遣子弟入質者,千有餘家。 田都唐等每抄掠江中, 信州先無倉儲,軍糧匱乏。遷哲乃收葛 爲百 有疾患者,又親加醫藥。 姓 恵。 遷哲乃於白帝城 遷哲隨機出

外 築城以處之。 並置四鎭,以靜峽路。 自此寇抄頗息,軍糧贍給焉。

哲將討之,諸將以途路阻遠,並不欲行。 遷哲怒曰:「蒲微蕞爾之賊,勢何能爲。 其五城,虜獲二千餘口。 二年,進爵西城縣公,增邑通前二千五百戶。 武成元年,朝于京 已在吾度中矣。諸君見此小寇,便有憚心,後遇大敵,將何以戰」。遂率兵七千人進擊之,拔 世宗初,授都督信臨等七州諸軍事、信州刺史。時蠻脅蒲微爲隣州刺史,舉兵反。遷 。擒獲之畧,

年,卒於襄州,時年六十四。 其營,陳人大亂,殺傷甚衆。 城」,登者已數百人。 勇出 程文季交戰,兵稍却,遷哲乃親自陷陣,手殺數人。會江陵總管陸騰出助之,陳人乃退。陳 師。 自 人又因水汎長,壞龍川寧朔隄,口司引水灌城。城中驚擾。遷哲乃先塞北堤以止水,又募驍 逼 北門出,兩軍合勢,首尾邀之,陳人復敗,多投水而死。 江 陵。 [擊之,頻有斬獲,衆心稍定。 俄而敵入郭內,焚燒民家。 遷哲自率騎出南門,又令步兵 世宗甚禮之,賜甲第一區及莊田等。保定中,授平州刺史。 天和三年,進位大將軍。四年,詔遷哲率金、上等諸州兵鎭襄陽。五年,陳將章昭達攻 梁主蕭巋告急於襄州,衛公直令遷哲往救焉。遷哲率其所部守江陵外城,與陳將 [16] 遷哲又率驍勇扞之,陳人復潰。 贈金州總管。 陸騰復破之於西限,陳人乃遁。 諡日壯武 是夜,陳人又竊於城西堞以梯〔登 俄而大風暴起,遷哲乘闇出兵擊 建德二年,進爵安康郡公。三

哲每鳴笳導從,往來其間。 緣漢千餘里間,第宅相次。姬人之有子者,分處其中,各有僮僕、侍婢、奄閽守之。 遷哲累世雄豪,爲郷里所率服。 縱酒飮醮,[1世]盡生平之樂。子孫參見,或忘其年名者,披簿以 性復華侈,能厚自奉養。妾媵至有百數,男女六十九 遷

胡有功,進爵儀同大將軍。 長子敬仁,先遷哲卒。 第六子敬猷嗣,還統父兵,起家大都督。 [15]遷哲弟顯,位至上儀同大將軍 建德六年,從譙王討稽

審之。

楊乾運字玄邈,儻城興勢人也。 爲方隅豪族。父天興,齊安康郡守。

之。以是漢中遂陷,乾運亦入梁。梁大同元年,除飄武將軍、江西益潼刺史,尋轉信武將 州治中,轉別駕,除安康郡守。 軍、黎州刺史。 乾運少雄武,爲鄉閻所信服。 太清末,遷潼南梁二州刺史,加鼓吹一 大統初,梁州民皇甫圓、姜晏聚衆南叛,梁將蘭欽率兵 弱冠,州辟主簿。孝昌初,除宣威將軍、奉朝請,尋爲本 部。 、應接

服巴、渝、欲委方面之任,乃拜車騎將軍、十三州諸軍事、梁州刺史,鎮潼州、四引封萬春縣 及達奚武圍南鄭,武陵王蕭紀遣乾運率兵援之,爲武所敗。 紀時已稱尊號,以乾運威

列傳第三十六 楊乾運

囚,邑四千户。

乾運遂降迥。 城。 閣。 騰。 禮迎接。」會太祖令乾運孫法洛及使人牛伯友等至,畧卽夜送〔之〕。 今若適彼樂土,送款關中,必當功名兩全, 貽慶於後。」 入關送款。〔三〕太祖乃密賜乾運鐵券,授使持節、驃騎大將軍、開府儀同三司、侍中、梁州 史、安康郡公。 可謂朽木不雕,世衰難佐。 又遣其婿樂廣鎭安州。 時紀與其兄湘東王繹爭帝,逐連兵不息。 今大賊初平,生民離散,理宜同心戮力,保國寧民。

今乃兄弟親尋。[三]取敗之道也。 恐其軍將任電等不同,先執之,然後出城見始。始乃入據安州,令廣、畧等往報乾運。 迥因此進軍成都,數旬尅之。 及尉遲迥令開府侯呂陵始爲前軍,曰至劍南,回恩即退就樂廣,謀欲翻 古人有言 仍誡畧等曰:「吾欲歸附關中,但未有由耳。 『危邦不入,亂邦不居』,又云『見機而作,不俟終日』, 乾運兄子畧說乾運日:「自侯景逆亂,江左沸 乾運深然之,乃令畧將二千人鎭劔 乾運乃令使人李若等 若有使來,即宜 刺 盡

魏廢帝三年,乾運至京師。 太祖嘉其忠款,禮遇隆渥。 尋卒於長安,贈本官,加直巴集

三州刺史、尙書右僕射。

と書亦以歸附功,拜車騎大將軍、儀同三司。頻從征討。」建德末,位至開府儀同大將軍, 子端嗣。 朝廷以乾運歸附之功,即拜端梁州刺史、車騎大將軍、儀同三司

直後出爲持節、厲鋒將軍、靑州刺 <u>扶猛字宗畧,上甲黄土人也。</u> 史,轉上庸新城二郡守、南洛北司二州刺 其種落號(日)[白]獸蠻,[三]世爲渠帥。 史,封宕渠縣男。 猛、梁大同 中以

及侯景作亂,猛乃擁衆自守,未有所從。

師浮江東下,欲歸於梁。 猛 歷艱阻。 從開府賀若敦南討信州。 軍、儀同三司,加散騎常侍,復爵宕渠縣男。 廢帝元年,魏興叛,雄擊破之,猛遂以衆降。 而信州蠻反,猛復從質若敦討平之。又率水軍破蠻帥文子榮於汶陽。 猛與戰,破之,乘勝而進,遂入白帝城。 魏 大統十七年,大將軍王雄拓定魏興,猛率其衆據險爲堡,時遣使微通餉 雪深七尺,糧運不繼,猛獎勵士卒,兼夜而行,遂至白帝城。 猛與敦等邀擊,破之。 敦令猛別道直趣白帝。 撫慰民夷, 莫不悅附。 太祖以其世據本鄉,乃厚加撫 割二郡為羅州 語在敦傳。 所由之路,人跡不通。 ,以猛 師還,以功進開府儀同三司。俄 爲刺史。 譙淹與官軍戰敗,率舟 進爵臨江縣公,增邑 刺史向鎮侯列陣拒 猛乃梯山捫葛,備 納,授車騎大將 令率所部千人, 饋 而已。

千戶

刺 田 弘 史。 破漢南諸蠻,前後十餘戰,每有功。 武 保定三年, 成 中,陳將侯瑱等逼湘州,又從賀若敦赴救,除武州刺史。 轉級州 刺史,從衞公直援陳將華皎。 進位大將軍。 後以疾卒。 時大軍不利,唯猛所部獨全。 後隨敦自拔還,復爲羅州 又從

陵王 元 醜 **尋轉安西** 顥 奴 作亂 恭 入洛 陽 雄字元畧,上洛邑陽人也。 僞 [將軍 關 瘖 魏孝 疾 右, ・、華山 復來 莊帝度河 朝 廷以 郡守。 歸猛 猛 猛 ,范陽王誨脫身投猛,猛保藏之。 商洛首望,乃擢 頻典(三)[二]郡、三型頗有聲績 亦深相保護。 [ED世爲豪族。 爲襄威將軍、大谷鎭將, 魏孝武 祖斌,上庸太守。 即位,甚 及孝莊反正,由 嘉之,授征 帶胡城令,以 父猛 虜將軍 ,魏正光中,万俟 是知名。 行 禦 河北郡守, 醜奴。 俄 而 廣

谷立 泰所 竇泰,猛 栅 襲 ,收集義徒。 亦別 猛 脫 獲東魏 身得 免。 授征 弘農郡守淳于業。 太祖 東將軍 以衆 寡不敵, 揚州 刺 後以 史、大都督、武衞將軍,仍鎭善渚 弗之責 疾卒。 也。 贈 華、洛、 仍配兵千人,守牛尾堡。 揚三 州 刺 史。 大統 尋而 三年,爲寶 太祖、

及孝武

西

[遷,猛

率所領,移鎮

潼關。

封郃陽縣伯

,邑七百戶。

俄而潼關

不守,

猛於善渚

雄

起家奉朝請,累遷至都督、直後、明威將軍、積射將軍

從于謹攻盤豆栅,復從李遠

郡守。 經沙苑陣,並力戰有功。 爲載師中大夫,遷西寧州總管,以疾不拜。除通洛防主。 百戶,加驃騎大將軍、開府儀同三司。時寇亂之後,戶多逃散,雄在所慰撫,民並安輯。徵 **|若敦、潘招等討平之。** [云]即以其地置 洛陽,戰河橋,解玉壁圍,迎高仲密,援侯景,並預有戰功。 夷夏安之。蠻帥文子榮竊據荆州之汝陽郡,又侵陷南郡之當陽、臨沮等數縣。 純陁寇江陵、「云」雄從豆盧寧擊走之。除洵州刺史。 從大將軍宇文虬攻尅上津,遷通直散騎常侍、大都督,進儀同三司。陳將侯方兒、潘 封安平縣侯,邑八百戶,加冠軍將軍、中散大夫,賞賜甚厚。 三平州,以雄爲刺史。進爵玉城縣公,增邑通前一千六 俗雜竇、渝,民多輕猾。 前後增邑四百五十戶,世襲邑陽 雄威惠相濟, 韶遣開府賀 後入

戶 子長寬嗣 書稱美之。入爲京兆尹,尋拜民部中大夫,進位大將軍,俄轉中外府長史。遷江陵總管、四 州五防諸軍事,改封魯陽縣公。 厂,贈 雄 陳曹宮汴四州 處疆場,務在保境息民,接待敵人,必推誠仗信。 官至儀同大將軍。 刺史。 諡 日懷。 宣政元年,卒於鎭。 |雄善附會,能自謀身,故得任兼出納,C■O〕保全爵祿。 大象初,追封魯陽郡公,邑三千五百 齊洛州刺史獨孤永業深相欽尚,移

七九八

席固 字子堅,其先安定人也。 高祖衡,因後秦之亂,寓居於襄陽。 **仕晉**,爲建威將軍

遂爲襄陽著姓。

固 少有遠志,內明敏而外質朴。 梁大同中,爲齊興郡守。 屬侯景渡江,梁室大亂,固久

居郡職,士多附之,遂有親兵千餘人。

復 以 貴。」左右聞固言,未有應者。 讎 觀時變。 梁元帝嗣位江陵,遷興州刺史。於是軍民慕從者,至三五千餘人。固遂欲自據一州, .雪恥,而骨肉相殘。 後懼王師進討,方圖內屬。密謂其腹心曰:「今梁氏失政,揚都覆沒,湘東不能 宇文丞相剏啓霸基,招攜以禮。 固更諭以禍福,諸人然後同之。 吾欲決意歸之,與卿等共圖富

於州,時年六十一。贈大將軍、裏唐豐郢復五州刺史,諡曰肅。 憲三州諸軍事、昌州刺史。固居家孝友,爲州里所稱,蒞官之處,頗有聲績。保定四年,卒 之。及固至,太祖與之歡醺,賞賜甚厚。 公,邑二千戶。後轉湖州刺史。 乃遣使就拜使持節、驃騎大將軍、開府儀同三司、大都督、侍中、豐州刺史,封新豐縣 <u>魏大統十六年,[mī]以地來附。是時太祖方欲南取江陵,西定蜀、漢,聞固之至,甚禮遇</u> 固以未經朝謁,逐蒙榮授,心不自安,啓求入覲。 進爵靜安郡公,增邑並前三千三百戶。尋拜昌歸 仍勅襄州賜其墓田。子世 太祖許

雅嗣。

〔三〕累遷開府儀同三司、順直二州刺史。 世雅字彥文。 性方正,少以孝聞。 初以固功,授車騎大將軍、儀同三司,除贊城郡 大象末,位至大將軍。 世雅弟世英,亦以固功

授儀同三司。後至上開府儀同大將軍。

閬中伯。父褒,龍驤將軍、新巴南安廣漢三郡守、沙州刺史、新巴縣公。 任果字靜鸞,南安人也。世爲方隅豪族,仕於江左。祖安東,梁益州別駕、新巴郡守、

陳 史、南安縣公,邑一千戶。 取蜀之策,太祖深納之。乃授使持節、車騎大將軍、儀同三司、大都督、散騎常侍、沙州刺 果性勇決,志在立功。 魏廢帝元年,率所部來附。太祖嘉其遠至,待以優禮。 果因面

許之。 駟馬及儀衞等以光寵之。 率衆三萬來援成都,果從大軍擊破之。及成都平,除始州 歸南安,率鄉兵二千人,從迴征蜀。尋進授驃騎大將軍、開府儀同三司。 及尉遲迥伐蜀,果時在京師,乃遣其弟侶及子悛從軍。太祖以益州未下,復令果乘傳 以其方隅首望,早立忠節,乃進爵安樂郡公,「圖」賜以鐵券,聽世相傳襲。 [三]專爲刺客所害,時年五十六。 刺史。在任未久,果請入朝,太祖 蕭紀遣趙拔扈等 並賜路車、

列傳

無月旦之譽,而臨難慷慨,有人臣之節,豈非蹈仁義歟。元禮、仲遵聿遵其志,卒成功業, 史臣曰:古人稱仁義豈有常,蹈之則爲君子,背之則爲小人,信矣。泉企長自山谷,素

不可同年而語矣。陽雄任兼文武,聲著中外,抑亦志能之士乎。 始。觀遷哲之對太祖,有尚義之辭;乾運受任武陵,乖事人之道。若乃校長短,比優劣,故 庶乎克負荷矣。李遷哲、楊乾運、席固之徒,屬方隅擾攘,咸飜然而委質,遂享爵位,以保終

校勘記

(一) 上洛豐陽人也 東上洛郡,永平中始改上庸,史從其初書之。」 錢氏考異卷三二云:「按魏志魏書卷一〇六下地形志下豐陽爲上庸郡治,而上庸本名

CIJ 企與刺史董紹宗潛兵掩襲 四條作「董紹。」 張森楷云:「『宗』字衍文,事並見魏書董紹傳卷七九。」按魏書之董紹自與本條之 「董紹宗」北史卷六六泉企傳周書、北史「企」「命」互見、見卷二文帝紀下校記第

(三)加車騎(大)將軍左光祿大夫 按魏書卷一一三官氏志驃騎、車騎將軍和左右光祿大夫同在第二

董紹宗爲一人,但也可能魏書、北史爲雙名單稱。

將軍,則例 品,周書卷二四處辯傳末同在正八命。 加儀同三司。 本傳下文又云:「錄前後勳,授車騎大將軍、儀同三司」,可證這裏「大」 故左右光祿大夫是驃騎、車騎將軍的加官。 若是車騎大

字是衍文。今據刪。

(順)[拒]陽人杜窋等謀翻洛州 是。 拒陽人。 按魏書卷一〇六下地形志下洛州上洛郡有拒陽縣。 若順陽則是荆州屬郡,安能「謀翻洛州」。 諸本「順」都作「拒」。殿本當是依北史改。 知作「拒」是。 上云「上洛豪族泉杜二姓」, 今據諸本回改。 「杜窋」,卷二 二張都以爲作「順」 杜窋 應爲

「五」州辟主簿 北央卷六六泉金附子仲遵傳作「爲郡主簿」。

文帝紀下作「杜密」。

≺ 加授征東將軍豫州刺史 「豫州刺史」北史本傳作「東豫州刺史」,不知孰是。 按這時豫、東豫

二州都屬東魏,應是僑置或遙領。

-**納** 蠻 元濟云:當作『靑』,見蠻傳 帥 朝墓誌集釋寇奉叔墓誌 杜清和 北史本傳「清」作「靑」。 卷四九。」 圖版三六二 也作「清」。 按蠻傳宋本、殿本作「靑」,而汲本也是「靑」「淸」並見,漢魏 疑舊本就「靑」「淸」雜出,今皆不改。 張

[八] 父元眞 北史卷六六李遷哲傳「眞」作「直」。

列

傳

第三

+

六

校勘

記

. ≯i ∐ 四年遷持節信武 將 軍 張森楷云:「此四年是承上太清文,而太清無四年,太清後, 大寶亦只二

清年號,到太清六年十月才改年承聖,遷哲官或爲元帝承制所授,則「四年」未必誤。 年,遷哲遂降,此間未得有四年也。『四』字定誤。」按張說似有理,然梁元帝在江陵承制,仍用太

[10] 直州人樂熾洋州人田越金州人黃國等連結爲亂 北史本傳、通鑑卷一六五五二三頁作「直州

人樂熾、洋州人黃國等」。

梁巴州刺史牟安民惶懼開門請降 史牟安平』,今從問書、北史。」 通鑑卷一六五五二三頁本條考異云:「典略云『斬梁巴州刺

[1]] 以所服紫袍玉帶及所乘馬以賜之 按下「以」字疑行。

拓地三千餘里

二吾 壞龍川寧朔隄 卷二八陸騰傳「朔」作「邦」。參卷二八校記第一六條。

[1六] 陳人又竊於城西堞以梯〔登城〕登者已數百人 按無「登城」二字,不可通,今據北史本傳、通鑑 卷一七〇五二八八頁補。又「數百人」,北史倒作「百數人」。

[17] 縱酒飲讌 宋本及北史本傳「飲」作「歡」。

進爵儀同大將軍 北史本傳「爵」作「位」。 張森楷云:「此官、非爵也、『爵』字誤。」

(1九) 除飄武將軍 · 通典卷三七載梁將軍號無「飄武」,第十二班有「飇武」,「飄」應是「飇」之訛。

- 乃拜車騎將軍十三州諸軍事梁州刺史鎭潼州 紀傳都作「潼州刺史」。卷二一尉遲迥傳、卷四二蕭撝傳作「梁州刺史」。參卷二一校記第六條 卷二文帝紀及梁書卷五五、南史卷五三武陵王
- (三) 今乃兄弟親尋 通鑑卷一六五五一〇〇頁載楊略語作「兄弟尋戈」。按「兄弟親尋」,語氣不完,下
- ⊆□ 畧卽夜送⊆之〕乾運乃令使人李若等入關送款 當脫「干戈」二字。 北史卷六六楊乾運傳、册府卷一六四一九七六頁

「送」下有「之」字,「乾運」屬下讀。按文義當有「之」字,册府此節出問書,這裏却同处改,个據補

- 侯呂陵始 卷二一尉遲迴傳有「萬俟呂陵始」,「萬」字衍,「俟」「侯」不知孰是。參卷二一校記第
- 至劔南 尚未越劔閣,豈得卽至劔南。疑「南」字誤。 通鑑卷一六五五一〇〇頁「南」作「閣」。按上云乾運「令略將二千人鎭劔閣」。 周軍這時
- 其種落號(目)[白]獸蠻 「白虎」。「曰」爲「白」之訛無疑,今據改。 即白虎,避唐諱改。華陽國志卷一巴志稱實人爲「白虎復夷」,太平寰宇記卷一二〇黔州蕃部有 宋本、南本、汲本、局本及、北史卷六六扶猛傳「曰」都作「白」。按「白獸」
- 上洛邑陽人也 下朱陽郡有邑陽縣。」按潼關之南,上洛、朱陽二郡相鄰,邑陽地在其間,或曾改屬。 錢氏考異卷三二云:「魏志卷一〇六下地形志下上洛郡無邑陽縣。 隋志 卷三〇地理志

列

傳

第三十六

校勘

記

- (三)頻典(三)(二)郡 |宋本「三」作「二」。 張元濟云:「按二郡指河北、華山言」,以爲「三」字誤。 按張
- 說是,今據改。
- CICI 陳將侯方見潘純陁寇江陵 琳的部將。南史卷六四、北齊書卷三二王琳傳「侯方見」作「侯平」。王琳是梁元帝的將領,未嘗 仕陳,則其部將也不得稱之爲陳將。 按卷二文帝紀下、卷一九豆盧寧傳、卷四八蕭詧傳都說侯、潘是王
- [1元] 詔遣開府賀若敦潘招等討平之 卷二八賀若敦傳宋本、南本、北本、汲本「招」都作「詔」。參卷二 八校記第二三條。
- (三) 於是軍民慕從者 任兼出納、宋本及北史卷六六陽雄傳「納」作「內」。按「出內」猶言「中外」,疑作「內」是。 北史卷六六席固傳「慕」作「募」。
- CMI) 魏大統十六年 「十六年」宋本作「十五年」。
- (三)除贊城郡守 時地名常用同音字,今不改。 隋書卷三一地理志下襄陽郡陰城縣下云「西魏置酇城郡」。「贊」當作「酇」,但當
- 乃進爵安樂郡公 北史卷六六任果傳「安樂」倒作「樂安」。
- CIED 路車駟馬 諸本「駟」都作「四」。殿本當依北史改。

周書卷四十五

列傳第三十七

儒林

盧誕 盧光 沈重 樊深 熊安生 樂遜

莫高於內、一葉類於文、武。是以聖人祖述其道,垂文於六學,憲章其敎,作範於百王。 流之殿最,校四代之興衰,正君臣,明貴賤,美敎化,移風俗,莫尙於儒。故皇王以之致刑措 無尺土之業,崇經術而長久。彫蟲是貴,魏道所以陵夷;玄風旣興,晉綱於焉大壞。考九 自茲以降,三微驟遷,五紀遞襲,損益異術,治亂殊塗。。秦承累世之基,任刑法而殄滅,漢 自書契之興,先哲可得而紀者,莫不備乎經傳。若乃選君德於列辟,觀遺烈於風聲,帝

自 「有魏道消,海內版蕩,彝倫攸斁,戎馬生郊。 先王之舊章,往聖之遺訓,掃地盡矣。 而反淳朴,賢達以之鏤金石而彫竹素。儒之時義大矣哉!

傳第三十七 儒林

列

學。袒割以食之,奉觴以酳之。斯固一世之盛事也。其後命輶軒以致玉帛,徵沈重於南 定三年,乃下詔尊太傅燕公爲三老。帝於是服袞冕,乘碧輅,陳文物,備禮容,清蹕而臨太 間出於朝廷,圓冠方領執經負笈之生,著錄於京邑。濟濟焉足以踰於向時矣。洎高祖保 者向風。 世宗纂曆,敦尚學藝。內有崇文之觀,外重成均之職。握素懷鈆重席解頤之士, 遺風盛業,不逮魏、晉之辰,而風移俗變,抑亦近代之美也。 挾先王之道, 開黌舍延學徒者比肩; 勵從師之志, 守專門之業, 辭親戚甘勤苦者成市。 雖 荆。及定山東,降至尊而勞萬乘,待熊生以殊禮。是以天下慕嚮,文敎遠覃。衣儒者之服, **盧景宣學通羣藝,修五禮之缺;長孫紹遠才稱洽聞,正六樂之壞。由是朝章漸備,學** 及太祖受命,雅好經術。求闕文於三古,得至理於千載,黜魏、晉之制度,復姬旦之茂

其儒者自有別傳及終於隋之中年者,則不兼錄。 自餘撰於此篇云。

舉秀才,除員外郎。以親老,乃辭歸就養。父母旣歿,哀毀六年,躬營墳壟,遂有終焉之志。 郎、營丘成周二郡守。祖壽、太子洗馬。 |盧誕,||范陽||涿人也,本名||恭祖。 曾祖|晏,博學善隸書,有名於世。 仕||燕爲給事黃門侍 燕滅入魏,爲魯郡守。父叔仁,年十八,州辟主簿。

魏景明中,被徵入洛,授威遠將軍、武賁中郎將,非其好也。 並稱疾不朝。 乃出爲幽州司馬,又辭歸鄉 里。 當時咸稱其高尚焉 尋除鎭遠將軍、通直散騎常侍,

百戶。 軍赴援,誕與文武二千餘人奉候大軍。 魏恭帝二年,除秘書監。 散騎常侍。 欲令卿爲師。」於是親幸晉王第,敕晉王以下,皆拜之於帝前。 太中大夫、幽州別駕、北豫州都督府長史。 誕幼而通亮,博學有詞彩。 尋加散騎侍郎,拜給事黃門侍郎。 太祖又以誕儒宗學府,爲當世所推,乃拜國子祭酒。 後以疾卒。 郡辟功曹, 以功授鎭東將軍、金紫光祿大夫,封固安縣伯,邑五 魏帝詔曰:「經師易求,人師難得。 時刺史高仲密以州歸朝,朝廷遣大將軍李遠率 州舉秀才,不行。 起家侍御史,累遷輔國將軍、 因賜名曰 進車騎大將軍,儀同三司。 誕。 **股諸兒稍長** 加 征 東 將軍、

律,又好玄言。孝昌初,釋褐司空府參軍事,稍遷明威將軍、員外侍郎。及魏孝武西遷,光 於山東立義,遙授大都督、晉州刺史、安西將軍、銀靑光祿大夫。 盧光字景仁,小字伯,范陽公辯之弟也。 性溫謹,博覽羣書,精於三禮,善陰陽,解鐘

大統六年, 携家西入。 太祖深禮之,除丞相府記室參軍,賜爵范陽縣伯。 俄拜行臺郎

卒,時年六十二。 出爲虞州刺史,尋治陝州總管府長史。 蘭 所討 吐谷渾,以光爲長史,進爵燕郡公。 大夫, 進授開府儀同三司、匠師中大夫, 進爵爲侯, 增邑五百戶, 轉工部中大夫。 魏廢帝元年,加車騎大將軍、儀同三司,除京兆郡守,遷侍中。 十年,改封安息縣伯,邑五百戶。遷行臺右丞,出爲華州長史,尋徵拜將作 高祖少時,嘗受業於光,故贈賻有加恆典。 重論討渾之功,增邑幷前一千九百戶。 武成二年,詔光監營宗廟,旣成,增邑四百戶。 贈少傅。 六官建,授 諡日簡 大司馬賀 小匠 天和二年 師下

此。 幾,光所乘馬忽升廳事,登牀南首而立;又食器無故自破。 令

光於桑門立處

造浮圖,掘基一丈,得瓦鉢、錫杖各一。

太祖稱歎,因立寺焉。 曰:「公等有所見不。」咸曰:「無所見。」 光獨曰:「見一 而郡舍先是數有妖怪,前後郡將無敢居者。 光性崇佛道,至誠信敬。 撰道德經章句,行於世。子賁嗣。 嘗從太祖狩於檀臺山。 大象中,開府儀同大將軍。 光曰:「吉凶由人,妖不妄作。」遂入居之。 桑門。」太祖曰:「是也。」即解圍而還。 時獵圍旣合,太祖遙指山上謂羣公等 光並不以介懷。 其精誠守正如 及爲京兆,

散騎常侍、都官尚書,領羽林監。營又令重於合歡殿講周禮。 事梁主蕭詧,除中書侍郎,兼中書舍人。累遷員外散騎侍郎、廷尉卿,領江陵令。還拜通直 博士。梁元帝之在藩也,甚歎異之。及卽位,乃遣主書何武迎重西上。及江陵平,重乃留 梁武帝欲高置學官,以崇儒教。 心儒學,從師不遠千里,遂博覽羣書,尤明詩、禮及左氏春秋。梁大通三年,起家王國常侍。 。中大通四年,乃革選,以重補國子助敎。大同二年,除五經

高祖以重經明行修,廼遣宣納上士柳裘至梁徵之。仍致書曰:

<u></u>典午,抑抑之旨無聞。 有周開基,爰蹤聖哲,拯蒼生之已淪,補文物之將墜。 天爵具 修,人紀咸理。 運舛,大禮存於玉帛之間,至樂形於鐘鼓之外。雖分蛇、聚緯,郁郁之辭蓋闕; 由。莫不趣大順之遙塗,履中和之盛致。及青緗起焰,素篆從風,曰文逐世疎,義隨 皇帝問梁都官尙書沈重。 觀夫八聖六君,七情十義,殊方所以會軌,異代於是率 當塗、

俗,九變未叶於移風。欲定畫一之文,思杜二家之說。 寶復潤於荆陰,隨照更明於漢浦。是用寤寐增勞,瞻望軫念。 之招。所望鳳舉鴻翻,俄而萃止。 朕寅奉神器,恭惟寶闕。[三]常思復禮殷周之年,遷化唐虞之世。懼三千尙乖於治 明斯隱滯, 合彼異同。 知卿學冠儒宗,行標士則。卞 上庠弗墜於微言,中經罔闕 **爰**致束帛之聘, 命翹車

八一〇

於逸義。 近取無獨善之譏,遠應有兼濟之美。可不盛歟。

者一徵,諒兼其二。若居形聲而去影響,尙迷邦而忘觀國,非所謂也。 昔申涪鮐背, [5] 方辭東國;公孫黃髮,始造西京。遂使道爲藝基,功參治本。今

經,幷校定鐘律。天和中,復於紫極殿講三敎義。朝士、儒生、桑門、道士至者二千餘人。至 重辭義優洽,樞機明辯,凡所解釋,咸爲諸儒所推。六年,授驃騎大將軍、開府儀同三司、國 又敕襄州總管、衞公直敦喻遣之,在途供給,務從優厚。保定末,重至于京師。 韶令討論近

門博士。仍於露門館爲皇太子講論。云 建德末,重自以入朝旣久,且年過時制,表請還梁。 高祖優韶答之曰:「開府漢南杞梓,

固請,乃許焉。遣小司門上士楊(注)[汪] 送之。[主] 梁主蕭巋拜重散騎常侍、太常卿。大象 榮光,祗承寵渥,不忘戀本,深足嘉尙。而|楚材|晉用,豈無先哲。方事求賢,義乖來肅。」|重 每軫虛衿;江東竹箭,亟疲延首。故束帛聘申,蒲輪徵伏。加以梁朝舊齒,結綬三世,沐浴 二年,來朝京師。開皇三年,卒,年八十四。隋文帝遣舍人蕭子寶祭以少牢,贈使持節、上

指要。 重學業該博,爲當世儒宗。 至於陰陽圖緯,道經釋典,靡不畢綜。 又多所撰述,咸得其 其行於世者,周禮義三十一卷、公儀禮義三十五卷、公禮記義三十卷、(10)毛詩義

開府儀同三司、許州刺史。

講習五經,晝夜不倦。 樊深字文深,河東猗氏人也。早喪母,事繼母甚謹。弱冠好學,負書從師於三河,曰己 魏永安中,隨軍征討,以功除蕩寇將軍,累遷伏波、征虜將軍,中散大

嘗讀書見吾丘子,遂歸侍養。

更得逃隱 及算曆之術。 夜中匍匐尋母,偶得相見,[18]因以饋母。還復遁去,改易姓名,遊學於汾、晉之間,習天文 墜崖傷足,絕食再宿。 魏孝武西遷,樊、王二姓舉義,為東魏所誅。深父保周、叔父歡周並被害。 後爲人所告,囚送河東。屬魏將韓軌長史張曜重其儒學,自己延深至家,因是 於後遇得一簞餅,欲食之;然念繼母年老患痹,或免虜掠,乃弗食。 深因避難,

引 拜司空,以深爲諮議。 爲 [其府參軍,令在館教授子孫。 太祖 平河東,贈保周南郢州刺史,歡周儀同三司。深歸葬其父,負土成墳。尋而于謹 大統十五年,行下邽縣事 除撫軍將軍、銀青光祿大夫,遷開府屬,轉從事中郞。 |謹

太祖置學東館,教諸將子弟,以深爲博士。深經學通贍,每解書,嘗多引漢、魏以來諸

列

家 不改。後除國子博士,賜姓万紐于氏。[18]六官建,拜太學助教,遷博士,加車騎大將軍、儀 同三司。天和二年,遷縣伯中大夫,加開府儀同三司。建德元年,表乞骸骨,詔許之。朝廷 儒者推其博物。性好學,老而不怠。朝暮還往,常據鞍讀書,至馬驚墜地,損折支體,終亦 義而說之。 故後生聽其言者,不能曉悟。皆背而譏之曰:「樊生講書多門戶,不可解。」然

卷,口也並行於世。 深旣專經,又讀諸史及蒼雅、篆籀、陰陽、卜筮之書。學雖博贈,訥於辭辯,故不爲當時 撰孝經、喪服問疑各一卷,撰七經異同說三卷、義(經)〔綱〕畧論幷(月)〔目〕錄三十一

有疑議,常召問焉。後以疾卒。

以三禮教授。 並通大義。後事徐遵明,服膺歷年。 齊河淸中,陽休之特奏爲國子博士。 熊安生字植之,長樂阜城人也。少好學,勵精不倦。初從陳達受三傳,又從房虬受問 弟子自遠方至者,千餘人。 東魏天平中,受禮於李寶鼎。 乃討論圖緯,捃摭異聞,先儒所未悟者,皆發明 遂博通五經。 然專

時朝廷旣行潤禮,公卿以下多習其業,有宿疑礩滯者數十條,皆莫能詳辨。天和三年,

齊請通好,兵部尹公正使焉。 與齊人語及周禮,齊人不能對。乃令安生至賓館與公正言。 昇堂觀奧,寧可汩其先後。

但能留意,當為次第陳之。」

公正於是具問所疑,安生皆為一一 公正有口辯,安生語所未至者,便撮機要而驟問之。安生曰:「禮義弘深,自有條貫。必欲

演說,咸究其根本。公正深所嗟服,還,具言之於高祖。高祖大欽重之。日公

所在供給。 伐紂,縣首白旗;陛下平齊,兵不血刃。愚謂聖畧爲優。」高祖大悅,賜帛三百匹、米三百 散應臺之財,發與橋之栗。陛下此詔,異代同美。」高祖又曰:「朕何如武王。」安生曰:「武王 焚拯溺,思革其弊。欲以府庫及三臺雜物散之百姓,公以爲何如。」安生曰:「昔武王克商, 俄而高祖幸其第,韶不聽拜,親執其手,引與同坐。謂之曰:「朕未能去兵,以此爲愧。」安生 八十餘。尋致仕,卒於家。 石、宅一區,幷賜象笏及九環金帶,自餘什物稱是。 又詔所司給安車駟馬,隨駕入朝,幷敕 日:「<u>黄帝</u>尚有<u>阪</u>泉之戰,况陛下襲行天罰乎。」高祖又曰:「齊氏賦役繁興,竭民財力。 及高祖入鄴,安生遽令掃門。家人怪而問之,安生曰:「周帝重道尊儒,必將見我矣。」 至京,敕令於大乘佛寺參議五禮。宣政元年,拜露門學博士、下大夫,其時年已

炫等,皆其門人焉。所撰周禮義疏二十卷、禮記義疏四十卷、口也孝經義疏一卷,並行於世。 安生旣學爲儒宗,當時受其業擅名於後者,有馬榮伯、張黑奴、竇士榮、孔籠、劉焯、劉

列傳

聞 碩 儒徐遵明領徒趙、魏,乃就學孝經、喪服、論語、詩、書、禮、易、左氏春秋大義。 樂遜字遵賢,河東猗氏人也。年在幼童,便有成人之操。 弱冠,爲郡主簿。 魏正光中, 尋而山

東寇亂,學者散逸,遜於擾攘之中,猶志道不倦。

有牧民之才。 旣 而 太祖盛選賢良,授以守令。相府戶曹柳敏、行臺郎中盧光、河東郡丞辛粲相繼舉遜,稱 永安中,釋褐安西府長流參軍。大統七年,除子都督。九年,太尉李弼請遜教授諸子。 弼請留不遣。 。十六年,加授建忠將軍、左中郞將,遷輔國將軍、中散大夫、都

督,歷一所府西閤祭酒、功曹諮議參軍。

府上士。其年,治太學博士,轉治小師氏下大夫。 以 及 經術 服虔所注春秋左氏傳。 魏廢帝二年,太祖召遜教授諸子。 **教授,甚有訓導之方。** 魏恭帝二年,授太學助教。孝閔帝踐阼,以遜有理務材,除秋官 及衞公直鎮蒲州,以遜爲直府主簿,加車騎將軍、左光祿大 在館六年,與諸儒分授經業。 自譙王儉以下,並束脩行弟子之禮。 遜講孝經、論語、毛詩 遜

|武成元年六月, 以霖雨經時, 詔百官上封事。 遜陳時宜一十四條, 其五條切於政要。

奔,楚子誨之曰「無適小國」。言以政狹法峻,將不汝容。敬仲入齊,稱曰「幸若獲宥, 衷,不使勞擾。頃承魏之衰政,人習逋違。先王朝憲備行,民咸識法。但可宣風正俗, 薄,傷緩則弛慢。是以周失舒緩,秦敗急酷。民非赤子,當以赤子遇之。宜在舒疾得 責有成。CIOD蓋謂猛濟爲賢,未甚優養。此政旣代,後者復然。夫政之於民,過急則刻 將何以使彼勞民,歸就樂土。 及於寬政」。 非在倉卒。 納民軌訓而已。自非軍旅之中,何用過爲迫切。至於興邦致治,事由德敎,漸以成之, 竊惟今之在官者,多求淸身克濟,不至惠民愛物。 何者。 比來守令年期旣促,歲 竊謂姬周盛德,治興文、武,政穆成、康。自斯厥後,不能無事。昔申侯將 然關東諸州,淪陷日久,人在塗炭,當幕息肩。若不布政優優,聞諸境外,

其二,省造作,日:

臣誠恐物逐好移, 人習澆薄,終使禍亂交興,天下喪敗。比來朝貢,器服稍華,回回百工造作,務盡奇巧。 稱「宮室崇侈,民力彫弊」。 頃者魏都洛陽,一時殷盛,貴勢之家,各營第宅,車服器玩,皆尚奢靡。 有損政俗。 漢景有云:「黃金珠玉,饑不可食,寒不可衣。」「彫文刻鏤, 如此等事,頗宜禁省。記言「無作淫巧,以蕩上心」。 世逐浮競, }傳

用、時事要須而造者,皆徒費功力,損國害民。未如廣勸農桑,以衣食爲務,使國儲豐 傷農事者也。 錦繡纂組,害女功者也。」以二者爲饑寒之本源矣。 然國家非為軍戎器

注**,**月選舉,目: 積,大功易舉。

其三,明選舉,日:

密。人生處世,以榮祿爲重,修身履行,以纂身爲名。曰曰然逢時旣難,失時爲易。其選 曹,不取物〔望。 若方〕州〔列〕郡,自可內除。〔三〕此外付曹銓者,〔三〕旣非機事,何足可 置之日,宜令衆心明白,然後呈奏。使功勤見知,品物稱悅。 其材有升降,其功有厚薄,禄秩所加,無容不審。即如州郡選置,猶集鄕間,况天下選 選曹賞錄勳賢,補擬官爵,必宜與衆共之,有明揚之授。使人得盡心,如覩白日。

其四,重戰伐,日:

消。 憚於病!」唯德可以庇民,非恃彊也。 持,爭行先後。若一行非當,或成彼利。 爲興動。 故昔之善戰者,先爲不可勝,以待敵之可勝。 魏祚告終,天睠在德。而高洋稱僭,先迷未敗,擁逼山東,事切肘腋。譬猶棊劫相 捷則勞兵分守,敗則所損已多。 夫力均勢敵,則進德者勝。 誠應捨小營大,先保封域,不宜貪利在邊,輕 國家雖彊,洋不受弱。 詩云:「德則不競,何 彼行暴戾,我則寬仁。彼爲刻薄,我 君子道長,則小人道

必惠化。使德澤旁流,至人思有道。然後觀釁而作,可以集事。

其五,禁奢侈,日:

廣,無不資裝婢隸,作車後容儀,服飾華美,昡曜街衢。仍使行者輟足,路人傾蓋。 練,所以率下也。季孫相三君矣,家無衣帛之妾,所以勵俗也。 其輸力公家,未若介胄之士;然其坐受優賞,自踰攻戰之人。縱令不惜功費,豈不有 虧厥德。 按禮,人有貴賤,物有等差,使用之有節,品類之有度。馬后爲天下母,而身服大 必有儲蓄之餘,孰與務恤軍士。[宗]魯莊公有云:「衣食所安,不敢愛也,必以 比來富貴之家,爲意稍

分人。」詩言:「豈曰無衣,與子同袍。」皆所以取人力也。 盡 |天下之情,而天下之情猶爲未盡。何者? 取人受言,貴在顯用。若納而不顯,是而 又陳事上議之徒,亦應不少,當有上徹天聽者。未聞是非。陛下雖念存物議,欲

不用,則言之者或寡矣。

年,岐州刺史、陳公純舉遜爲賢良。 騎大將軍、儀同三司。五年,詔魯公贇、畢公賢等,曰以東脩之禮,同受業焉。天和元 栗帛及錢等 保定二年,以訓導有方,頻加賞賜。遷遂伯中大夫,授驃騎將軍、大都督。四年,進車 授湖州刺史,封安邑縣子,邑四百戶。民多蠻左,未習儒風。 五年, 遜以年在懸車, 上表致仕, 優詔不許。 於是賜以 遜勸勵生徒,加

列

傳

以課 史,仍賜安車、衣服及奴婢等。 年,進位上儀同大將軍。大象初,進爵崇業郡公, 八十二。贈本官,加蒲、陝二州刺 進位開府儀同(三司)大將軍,[三]出爲汾陰郡守。 任數載,頻被聚錫。 試,數年之間,化洽州境。 秩滿還朝,拜皇太子諫議,復在露門教授皇子,增邑一百戶。 蠻俗生子,長大多與父母別居。 又於本郡賜田十頃。 史。 遜以老病固辭,詔許之。 增邑通前二千戶,又爲露門博士。 儒者以爲榮。隋開皇元年,卒於家,年 遜每加勸導,多革前弊。 乃改授東揚州刺 宣政元

發杜氏違,至一辭理並可觀。 學者以此稱之。 遜性柔謹,寡於交游。 所著孝經、論語、毛詩、左氏春秋序論十餘篇。 立身以忠信爲本,不自矜尚。 每在衆中, 又著春秋序義,通賈、服說, 言論未嘗爲人之先。

於時務,故有貧且賤之恥。雖通塞有命,而大抵皆然。 史臣曰:前世通六藝之士,莫不兼達政術,故云拾青紫如地芥。 近代守一經之儒,多暗

天地之貌,含五常之德,朱藍易染,薰蕕可變,固以隨鄒俗而好長纓,化齊風而貴紫服。 嘗論之曰:夫金之質也至剛,鑄之可以成器;水之性也柔弱,壅之可以壞山。 况乎肖 若

乃進趣矜尙,中庸之常情;高秩厚禮,上智之所欲。是以兩漢之朝,重經術而輕律令。[10] 近代之政,先法令而後經術。 其聰明特達者,咸勵精於專門。 則不過侍講訓胄,窮則終於弊衣簞食。 其沉默孤微者,亦篤志於章句,以先王之道,飾腐儒之姿,達 以通賢之質,挾黼藻之美,大則必至公卿,小則不失守令。 由斯言之,非兩漢棟梁之所育,近代薪樗之所產哉,

釋老之典,靡不博綜,窮其幽賾。 史臣每聞故老,稱沈重所學,非止六經而已。 故能馳聲海內,爲一代儒宗。 至於天官、律曆、陰陽、緯候,流畧所載, 雖前世徐廣、何承天之儔,

蓋好尙之道殊,遭遇之時異也。

校勘記

不足過也。

[1]字德厚 殿本考證云:「北史卷八二沈重傳云:『字子厚。』」

[l] 素篆從風 _ 册府卷九八 | l - l - l C頁 「從」作「移」。

器」作對偶,「器」應對一平聲字,疑作「圖」是。 恭惟寶闕 册府卷九八 一七〇頁「闕」作「圖」。 按「寶闕」 在這裏用不貼切,且與上句「寅奉神

29 昔申涪鮐背 張森楷云:「『申涪』字罕見,疑誤,俟考。」按申涪即魯申培公,見漢書卷八八儒林

列傳

第三十

七

校勘

記

《傳序。「涪」應作「培」。 3556卷九八二七〇頁正作「培」。

- [代]仍於露門館爲皇太子講論 北史本傳「論」下有「語」字。
- [4] 遭小司門上士楊(注)[汪]送之 張森楷云:「北史『注』作『汪』。據楊汪問禮於沈重,見隋書本傳 卷五六。 此外別無楊注其人,蓋刻誤也。」按張說是,今據改。
- 周禮義三十一卷 隋書卷三二經籍志一作「周官禮義疏四十卷」。
- ハ 九 ∪ 儀禮義三十五卷 隋志不載。 册府卷六〇六七二七二頁作「二十五卷」。
- [10] 禮記義三十卷 隋志作「禮記義疏四十卷」。
- [l]] 毛詩義二十八卷 隋志「義」下有「疏」字。
- 二 禮記音二卷 颁府卷六〇六七二七二頁作「一卷」。
- (1三) 負書從師於三河 《北史卷八二|樊深傳「三河」作「河西」。
- CIED 夜中匍匐尋母偶得相見 頁作「夜中匍匐尋覓母遇得相見」。

 北史卷八二樊深傳作「夜中匍匐尋覓母得見」,册府卷七五五八九八五
- 二吾 屬魏將韓軌長史張曜重其儒學 一般探自周書,而有「覓」字與北史同,疑本有此字。「遇」「過」「偶」皆可通。未知孰是。 北史本傳「魏」上有「東」字。按韓軌是東魏將,北齊書卷一五、

北史卷五四有傳。周書以西魏爲魏,這裏疑脫「東」字。

賜姓万紐于氏 按魏書卷一一三官氏志:「勿忸于氏後改爲于氏」,廣韵十虞引後魏書作「万忸于氏」。姚氏北朝 班姓考五四頁于氏條據碑刻證魏書官氏志作「勿」,周書和他書作「萬」,都是「万」之訛。本條 原作「萬級于氏」。張森楷云:「『級』當作『紐』,見唐瑾傳卷三三及通志氏族略。」

「萬級」二字皆誤,今逕改。

[1十] 義(經)[綱] 略論幷(月)[目] 錄三十一卷 張森楷云:「『月』疑當作『目』。」 册府卷六〇六七二七五 志一有「七經義綱二十九卷,樊文深撰」,舊唐書卷四六經籍志一、新唐書卷五七藝文志甲部作 頁、卷六〇八七二九七頁作「義綱略論并目錄三十卷」。按「月」是「目」之訛無疑。隋書卷三二經籍 後人以不可通,妄加「子」字。但也可證其書名「義綱」,非「義經」,今據改。三十卷或三十一卷, 十一卷。北史本傳末於所撰書中無此書,却接上「子義綱」三字,當是北史此傳「綱」字下殘缺, 旣不知目錄是一卷或二卷,無從斷定。 「七經義綱略論三十卷」。自卽此書。隋志不計目錄,如果加上目錄一或二卷,則也是三十或三

高祖大欽重之 本從殿本。 宋本、南本、北本、汲本「重」都作「遲」。殿本當是依北史卷八二熊安生傳改,局

禮記義疏四十卷 列 傳 第三十 北史本傳作「三十卷」。按舊唐書卷四六經籍志一、唐書卷五七藝文志甲部 校 記

都作「四十卷」。

歲責有成 宋本「責」作「貴」,南本作「貢」,百衲本據諸本修作「責」。按作「貴」亦可通。

 \subseteq 比來朝貢器服稍華 姗府卷五三○六三三八頁「貢」作「廷」。 通鑑卷一六七五一八七頁作「貴」。「貢」

乃「貴」之訛,「廷」「貴」不知孰是。

(三) 况天下選曹不取物(望若方)州(列)郡自可內除 ||宋本「物」下空四字。諸本「物」下注「以下

个據冊府卷五三○六三三八頁、通典卷一六選舉四補。通典「物望」作「人物」,通鑑卷一六

七五一八七頁亦同號於作「物望」,今從號於

闕」。

此外付曹銓者 册府卷五三〇六三三八頁「銓」下有「叙」字。通典卷一六作「此外付選曹銓叙者」。

疑「銓」下脫「叙」字。

修身履行以纂身爲名 「修身履行,以慕聲名」。 按一句內不應重出「身」字,但删府和通典也不同,今不改。

〔量〕使德澤旁流 宋本「旁」作「滂」,較長。

[三K] 孰與務恤軍士 册府卷五三〇六三三九頁「務」作「矜」。

詔魯公贇畢公賢等 帝名贇,初封魯公。 殿本當是依北史改,但改「斌」作「贇」。局本從殿本。張元濟云:「魯公後爲 宋本、南本、北本、汲本「贇」都作「與」。 北史卷八二樂遜傳作「斌」。 按宣

宣帝,故不書名。」按張說是,周史舊文如此,唐修周書因襲不改。疑本作「與」。

- 二年進位開府儀同 (三司) 大將軍 儀同三司爲開府儀同大將軍,見卷六武帝紀。「三司」二字衍,今據删。 北史卷八二樂遜傳無「三司」二字。 按建德四年十月改開府
- □元〕發杜氏違 册府卷六○六七二七五頁「違」作「微」。
- 兩漢之朝重經術而輕律令 後相應。 疑作「法」是。 |宋本、汲本「律」作「法」。按下云:「近代之政、先法令而後經術」、前

周書卷四十六

列傳第三十八

孝義

李棠 柳檜 杜叔毗 荆可 秦族 皇甫遐

張元

席,無替於晨昏;損己利物,有助於名敎。 則隆家光國,盛烈與河海爭流,授命滅親,峻節與竹(帛)[栢]俱茂。[1]其小也,則溫枕扇 惟后資於致治;義在合宜,惟人賴以成德。 夫塞天地而横四海者,其唯孝乎;奉大功而立顯名者,其唯義乎。 是以堯舜湯武居帝王之位,垂至德以敦其 上智稟自然之性,中庸有企及之美。 何則? 孝始事親, 其大也, 風;

觀其所由,在此而已矣。

間,非一族也,其出忠入孝,輕生蹈節者,則蓋寡焉。 然而淳源既往,澆風愈扇。 禮義不樹,廉讓莫脩。 積龜貝,實倉廩,居於閭巷之內,非 若乃箱銀黃,列鐘鼎,立於朝廷之

傳 第 \equiv + 八 孝 義

八二六

者,爲孝義篇云。 者可以爲多矣,古之所謂爲難者可以爲易矣。 如令明教化以救其弊,優爵賞以勸其善,布懇誠以誘其進,積歲月以求其終,則今之所謂少 家也,其悅禮敦詩,守死善道者,則又鮮焉。斯固仁人君子所以興歎,哲后賢宰所宜屬心。 故博採異聞,網羅遺逸,錄其可以垂範方來

李棠字長卿,勃海蓨人也。祖伯貴,魏宣武時官至魯郡守。 有孝行,居父喪,哀感過

禮,遂以毀卒。宣武嘉之,贈勃海相。父元胄,員外散騎侍郎。

辟衞軍府功曹參軍。太昌中,以軍功除征虜將軍,行東萊郡事。 棠幼孤,好學,有志操。年十七,屬爾朱之亂,與司空高乾兄弟,舉兵信都。魏中興初, 魏孝武西遷,棠時在凹北,

遂仕東魏。

壽興辭而不赴。 棠遂往見之曰:「君與高公,義符昆季。 今日之席,以公爲首。 豈有賓客總 委任,仲密恐其搆己,每不自安,將圖來附。時東魏又遺鎭城奚壽興典兵事,仲密但知民務 而已。旣至州,遂與漢謀執壽興以成其計。|仲密乃置酒延壽興,陰伏壯士,欲因此執之。 及高仲密爲北豫州刺史、請棠爲掾。先是,仲密與吏部郎中崔暹有隙。暹時被齊文襄

敢以此微庸,冒受天爵。」如此者再三,優詔不許。 據城,遺棠詣闕歸款。 萃,而公無事不行。將恐遠近聞之,竊有疑怪。」壽興遂與俱赴,便發伏執之。 辭曰:「臣世荷朝恩,義當奉國。而往者見拘逆命,不獲陪駕西巡。今日之來,免罪爲幸,何 太祖嘉之,拜棠衞將軍、右光祿大夫,封廣宗縣公,邑一千戶。 俄遷給事黃門侍郎,加車騎大將軍、儀同 乃帥其士衆 棠固

命諭 子敞嗣。 撝問

迥軍中委曲,

棠不對。

撝乃苦笞辱之,

冀獲其實。

棠曰:「爾亡國餘燼,不識安危。 爾,反見躓頓。 魏廢帝二年,從魏安公尉遲迥伐蜀。 我王者忠臣, 有死而已, 義不爲爾移志也。」 撝不能得其要指, 遂害之。 蜀人未即降,棠乃應募,先使諭之。 旣入成都

三司、散騎常侍。

橋,先登有功。 家奉朝請。居父喪,毀瘠骨立。 吐谷渾入寇郡境,時檜兵少,人懷憂懼。 柳檜字季華,祕書監虬之次弟也。 授都督,鎭鄯州。 八年,拜湟河郡守,三仍典軍事。 服闋,除陽城郡丞、防城都督。 性剛簡任氣,少文,善騎射,果於斷決。年十八,起 **檜撫而勉之,衆心乃安。** 大統四年,從太祖戰於河 尋加平東將軍、太中大 因率數十人先擊之,

潰亂,餘衆乘之,遂大敗而走。以功封萬年縣子,邑三百戶。時吐谷渾強盛,數侵疆場。 自

| 檜鎭鄯州, 屢戰必破之。 數年之後,不敢爲寇。 十四年,遷河州別駕,轉帥都督。 俄拜使持

節、撫軍將軍、大都督。居三載,徵還京師。

以報國恩耳。」頃之,太祖謂檜曰:「卿昔在鄯州,忠勇顯著。 則管轄羣司,股肱朝廷。 國之東鄙,當勞君守之。」遂令檜鎭九曲 時檜兄虬爲祕書丞,弟慶爲尚書左丞。 可謂榮寵矣。然而四方未靜,車書不一,檜唯當蒙矢石,履危難, ||檜嘗謂兄弟曰:「兄則職典簡牘,褒貶人倫; 弟 个西境肅清,無勞經略。 九曲

置城下,欲令膾誘說城中。恰乃大呼曰:「羣賊烏合,糧食已罄,行即退散,各宜勉之」」衆寶 中人皆爲之流涕。 大怒,乃臨檜以兵曰:「速更汝辭!不爾,便就戮矣。」檜守節不變。遂害之,棄屍水中。城 士卒僅有存者,於是力屈城陷,身被十數創,遂爲賊所獲。 心之疾也,不如先擊之。」遂圍檜郡。 結黨與,攻圍州城。〔三〕乃相謂曰:「嘗聞柳府君勇悍,其鋒不可當。今旣在外,方爲吾徒腹 斌字伯達。年十七,齊公憲召爲記室。 早卒。 尋從大將軍王雄討上津、魏興,平之,卽除魏興、華陽二郡守。 衆寶解圍之後,檜兄子止戈方收檜屍還長安。贈東梁州刺史。子斌嗣。 郡城卑下,士衆寡弱,又無守禦之備。連戰積十餘日, 旣而衆寶等進圍東梁州,乃縛檜 安康人黃衆寶謀反,連

志 竟手刃衆寶於京城。 在 複讎 斌弟雄亮,字信誠。 柱國、蔡國公廣欽其名行,引爲記室參軍。 朝野咸重其志節,高祖特恕之。 幼有志節,好學不倦。年十二,遭父艱,回幾至滅性。 由是知名。 年始弱冠,府中文筆,頗亦委之。後 大象末,位至賓部下大 終喪之後,

夫。至

杜 叔毗字子弼。其先,京兆杜陵人也,徙居襄陽。祖乾光,齊司徒右長史。父漸,梁邊

城太守。

追罪。 斬 南鄭 材略、各領部曲數百人。策等忌之、懼不同己、遂誣以謀叛、擅加害焉。循尋討策等、擒之、 城降武。 曉 大蕭循 而 叔毗早歲而孤,事母以孝聞。性慷慨有志節。勵精好學,尤善左氏春秋。仕梁,爲宜 免策。 循 叔毗 令叔毗詣闕請和。 府中直兵參軍。大統十七年,太祖令大將軍達奚武經略漢州。云明年,武圍 時叔毗兄君錫爲循中記室參軍,從子映錄事參軍,映弟斷中直兵參軍,並有文武 內 及循降,策至長安。 懷憤惋 志在復讎。 太祖見而禮之。使未反,而循中直兵參軍曹策、參軍劉曉謀以 然恐違朝憲,坐及其母,遂沉吟積時。 叔毗朝夕號泣,具申寃狀。 朝議以事在歸附之前,不可 母 知 其意,謂叔毗 循於

祖嘉其志氣,特命赦之。

母言,愈更感勵。 曰:「汝兄橫罹禍酷,痛 後遂白日手刃策於京城,斷首刳腹,解其肢體。 切骨髓。 若曹策朝死,吾以夕殁,亦所甘心。 然後面縛,請就 汝何疑焉。」叔毗拜受 戮焉。 太

田 室等為曹策所害,猶殯梁州,至是表請迎喪歸葬。 外府樂曹參軍,加授大都督,遷使持節、車騎大將軍、儀同三司,行義歸郡守。 、宅經外配者,並追還之,仍賜田二百頃。 尋拜都督、輔國將軍、中散大夫。 遭母憂,哀毀骨立,殆不勝喪。 尋除硤州刺史。[3] 高祖許之,葬事所須,韶令官給。 服闋,晉公護辟爲中 自 |君錫 在梁舊 及宗

天和二年,從衞國公直南討,軍敗,爲陳人所擒。 陳人將降之,叔毗辭色不撓,遂被害。

子廉卿。

無匱 晝夜悲哭,負土成墳。 乏。 荆可,河東猗氏 及母喪,水漿不入口三日。 人也。 蓬髮不櫛沐,菜食飲水而 性質朴,容止有異於人。 悲號擗踊,絕而 已。 復蘇者數四。 能苦身勤力, 然可家舊墓, 塋域極大, 榛蕪至深, 去 供養其母,隨時甘旨,終 葬母之後,遂廬 於墓側。

家十餘里。

而可獨宿其中,與禽獸雜處。

哀感遠近,邑里稱之。

之後,猶若居喪。大冢宰、晉公護聞可孝行,特引見焉。與可言論,時有會於護意。 至孝,其母閻氏沒於敵境,不測存亡。每見可,自傷久乖膝下。 大統中,鄉人以可孝行之至,足以勸勵風俗,乃上言焉。太祖令州縣表異之。 重可至性。 及可卒之後,護 而護亦 及服終

獨思其純孝,收<u>可妻子於京城,恆給其衣食</u>。

大統中,板雚鄜城郡守。 秦族,上郡洛川人也。 祖白、父權,並有至性,聞於閻里。 魏太和中,板白潁州刺史。

怡怡如也。尋而其母又沒,哭泣無時,唯飮水食菜而已。終喪之後,猶蔬食,不入房室二十 以母在,恆抑割哀情,以慰其母意。四時珍羞,未嘗匱乏。與弟榮先,復相友愛,閨門之中, 族性至孝,事親竭力,爲鄕里所稱。及其父喪,哀毀過禮,每一痛哭,[<] 酸感行路。旣 郷里咸歎異之。 其邑人王元達等七十餘人上其狀,有詔表其門閭。

滅性。 曰:「孝爲政本,德乃化先,旣表天經,又明地義。」榮先居喪致疾,至感過人,窮號不反,迄乎 榮先亦至孝。 遭母喪,哀慕不已,遂以毀卒。 邑里化其孝行。 世宗嘉之,[f] 乃下詔 行標當世,理鏡幽明。此而不顯,道將何述。可贈滄州刺史,以旌厥異。」

以孝聞。 競以米麵遺之。遐皆受而不食,悉以營佛齋焉。 營墓之初,乃有鴟鳥各一,徘徊悲鳴,不離墓側,若助遐者,經月餘日乃去。 總成十有二室,中間行道,可容百人。遐食粥枕塊,櫛風沐雨,形容枯顇,家人不識。 **晴霽則營墓,曉夕勤力,未嘗暫停。 積以歲年,墳高數丈,周回五十餘步。** 皇甫遐字永覽,河東扮陰人也。 保定末,又遭母喪,乃廬於墓側,負土爲墳。後於墓南作一禪窟,[10]陰雨則穿窟, 累世寒微,而鄕里稱其和睦。 郡縣表上其狀,有韶旌異之。 退性純至,少喪父,事母 遠近聞其至孝, 禪窟重臺兩匝, 當其

張元字孝始,河北芮城人也。 祖成,假平陽郡守。 父延儁,仕州郡,累爲功曹、主簿。

並以純至,爲鄕里所推。

浴。 爲覆其褻。 元固不肯從。 元性謙謹,有孝行。 阮不能褻露其體於白日之下。」 祖異而捨之。 祖謂其貪戲,乃以杖擊其頭曰:「汝何爲不肯洗浴。」元對曰:「衣以蓋形, 微涉經史,然精脩釋典。 年六歲,其祖以夏中熱甚,欲將元就井 南隣有二杏樹,杏熟,多落元園

之。」叔父感其言,遂許焉。未幾,乃有狗母銜一死兔,置元前而去。 之。其叔父怒曰:「何用此爲。」,將欲更棄之。 元對曰:「有生之類,莫不重其性命。 天殺,自然之理。 諸小兒競取而食之;元所得者,送還其主。村陌有狗子爲人所棄者,元見,即收而養 **今爲人所棄而死,非其道也。 若見而不收養,無仁心也。** 是以收而養 若天生

孝,使祖喪明。今以燈光普施法界,願祖目見明,元求代闇。」如此經七日。其夜,夢見一老 驚覺,乃遍告家人。 居三日,祖果目明。 公,以金鎞治其祖目。自己謂元曰:「勿憂悲也,三日之後,汝祖目必差。」元於夢中喜躍,遂即 盲者得視之言,遂請七僧,然七燈,七日七夜,轉藥師經行道。 及元年十六,其祖喪明三年,元恆憂泣,晝夜讀佛經,禮拜以祈福祐。 每言:「天人師乎!元為孫不 後讀藥師經,見

蘇。[三復喪其父,[三水漿不入口三日。 有詔表其門閭。 其後祖臥疾再周,元恆隨祖所食多少,衣冠不解,旦夕扶侍。 郷里咸歎異之。縣博士楊軌等二百餘人上其狀, 及祖殁,號踴,絕而復

史臣曰:李棠、柳檜並臨危不撓,視死如歸,其壯志貞情可與青松白玉比質也。 然檜思

隆加等,棠禮闕飾終,有周之政,於是乎偏矣。 孝通神明,見之於張元矣。 之訓,因心而成孝友,乘理而蹈禮節。 而不顧,雪家寃於輦轂。 觀其志節, 處死固爲易也。 如使舉世若茲,則議、農何遠之有。若乃誠感天地, 雄亮銜戴天之痛,叔毗切同氣之悲,援白刃 荆可、秦族之徒,生自隴畝,曾無師資

校勘記

- 峻節與竹(帛)[栢]俱茂 茂」,即用周書語。 按「竹帛」不能說「俱茂」,作「栢」是,今據改。 |宋本「帛」作「栢」、北史卷八五節義傳論云:「峻節所標,共竹栢而俱
- 州 拜湟河郡守 西魏廢帝二年因縣內化隆谷改爲化隆縣,屬澆河郡。」疑「湟河」當作「澆河」。 河郡,後周廢郡。」太平寰宇記卷一五五廓州廣威縣條引周地圖記云:「後魏景明三年置石城縣, 則此郡必屬鄯州。 按魏書地形志、隋書地理志皆不載此郡。本傳前云「鎭鄯州」,後又云:「自檀鎭鄯 隋書卷二九地理志上西平郡即剛化隆縣條云:「舊魏日廣威,西魏置澆
- 連結黨與攻圍州城 **艸附弟檜傳、** | 一册府卷四五〇五三三章都作「將」。 宋本「攻」作「府」。 張元濟云:「府乃『將』之訛,見北史。」按北史卷六四柳 觀下文黃衆寶等的計議,似是未發動時事,疑

當作「將」。

- ZZ W 年十二遭父艱 隋書卷四七柳機附弟雄亮傳、北史柳蚪傳附見雄亮, 云檜死時,「雄亮時年十
- 四。
- \wedge 五 位至賓部下大夫 隋書及北史本傳雄亮在周官至「內史中大夫」。
- 太祖令大將軍達奚武經略漢州 張森楷 云…「『州』當作『川』,時無漢州也。」按張說是,然也可能
- 是「漢中」之誤,今不改。
- -尋除俠州 刺史 汲本、局本及北史卷八五社叔毗傳「硤」作「陜」。
- [5]每一痛哭 宋本及北史卷八四秦族傳「痛」作「慟」。
- 九 لت 世宗嘉之 北史本傳「世宗」作「周文」。 則當作「太祖」。 然宇文泰未稱帝,下文不得稱「詔曰」,

疑北史誤。

旁, 後於墓南作 室,中間 史本傳作「禪」,殿本自是依北史改。 不成字,作「裨」作「禪」都要補綴筆畫,未必 本乃改爲『禪窟 訓附, 行 訓小。 道,可 禪窟 容百人」,規模如此巨大,絕非墓側小窟。 蓋遐於其母墓側穿 按之本傳絕無於彼習佛參禪之意。 宋本、南本、北本、汲本「禪」作「神」。 一窟室,取土培墓,己卽處於窟中,冀朝夕不離其母。 www 卷七五七九○1○頁亦作「禪」,或採北史。然原作「神」, |作「禪」定誤。 蓋『裨』『禪』形近,遂因而致誤耳。」 下文說 張元濟周書跋云:「按『神』字當從衣 且下文說遐以遠近所遺米麵營佛齋, 「禪窟重臺兩匝,總成十有二 按北 而殿

則亦未必不習佛參禪。今不改。下「禪窟重臺兩匝」同。

(二) 以金鍛治其祖目 諸本「鎞」都作「錍」。 殿本當是依北史卷八四張元傳改。 張元濟云:「『嫓』

『錍』通用。」

二二 號踴絕而復蘇 宋本及北史本傳、洲府卷七五五八九八七頁「復」作「後」。按下句即有「復」字,疑

涉下文而誤。

[1] 復喪其父 北史本傳作「隨其父」。

周書卷四十七

列傳第三十九

藝術

冀儁 蔣昇 姚僧垣子最

黎景熙

趙文深

褚該

美也。 雅、蕭吉以陰陽顯,庾季才以天官稱,史元華相術擅奇,許奭、姚僧垣方藥特妙,斯皆一時之 至若冀儁、蔣昇、趙文深之徒,雖才愧昔人,而名著當世。及剋定鄢、郢,俊異畢集。 太祖受命之始,屬天下分崩,于時戎馬交馳,而學術之士蓋寡,故曲藝末技,咸見引納。 茂雅、元華、許奭, 史失其傳。 季才、蕭吉,官成於隋。自餘紀於此篇,以備遺闕云爾。

冀儁字僧儁,太原陽邑人也。 列 傅 第三 + 九 藝 術 性沉謹,善隸書,特工模寫。 魏太昌初,爲賀拔岳墨曹參 八三七

軍。 書與費也頭,令將兵助太祖討悅。 儒依舊勅模寫,及代舍人、主書等署,與眞無異。 費也頭已曾得魏帝勅書,及見此勅,不以爲疑。遂遣步騎一千,受太祖節度。 及岳被害,太祖引爲記室。時侯莫陳悅阻兵隴右,太祖志在平之。乃令儁僞爲魏帝勅

脩之禮,謂之謝章。儁以書字所興,起自蒼頡,若同常俗,未爲合禮。遂啓太祖,釋奠蒼頡 騎常侍、車騎大將軍、儀同三司。 及先聖、先師。除黃門侍郎、本州大中正。累遷撫軍將軍、右金紫光祿大夫、都督、通直散 爲華州中正。十三年,遷襄樂郡守。尋徵教世宗及宋獻公等隸書。時俗入書學者,亦行束 <u>大統初,除丞相府城局參軍,封長安縣男,邑二百戶。從復弘農,戰沙苑,進爵爲子,出</u>

封昌樂縣伯。又進爵爲侯,增邑幷前一千六百戶。後以疾卒。 性退靜,[1]每以清約自處,前後所歷,頗有聲稱。尋加驃騎大將軍、開府儀同三司,改 世宗二年,以本官爲大使,巡歷州郡,察風俗,理寃滯。還,拜小御正。尋出爲湖州刺

屏性恬靜,少好天文玄象之學。

太祖雅信待之,常侍左右,以備顧問。

大統三年,

[三] 蔣昇字鳳起,楚國平河人也。父儁,魏南平王府從事中郎、趙興郡守。

出, 酉。 東魏將竇泰入寇,濟自風陵,頓軍潼關。太祖出師馬牧澤。 喜氣下臨, 太祖 謂昇曰:「此何祥也。」昇曰:「西南未地,主土。 必有大慶。」於是進軍與竇泰戰,擒之。自後逐降河東,剋弘農,破沙苑。 土王四季,秦之分也。今大軍旣 時西南有黃紫氣抱日,從未至 由

此愈被親禮。

|祖曰:「蔣昇罪合萬死。」太祖曰:「蔣昇固諫,云出師不利。 又在井、鬼之分,行軍非便。」太祖不從,軍遂東行。至邙山,不利而還。太師賀拔勝怒,白太 魏恭帝元年,以前後功,授車騎大將軍、儀同三司,封高城縣子,邑五百戶。保定二年, 九年,高仲密以北豫州來附。 太祖欲遣兵援之,又以問昇。 此敗也,孤自取之,非昇過也。」 昇對曰:「春王在東,熒惑

增邑 三百戶,除河東郡守。 尋入爲太史中大夫。以老請致仕,詔許之。加<u>定州</u>刺史。

家。

城侯。 姚 僧垣 父菩提, 字法衞,爲 梁高平令。 吳興武康人,吳太常信之八世孫也。 嘗嬰疾歷年,乃留心醫藥。 梁武帝性又好之,每召菩提討論方 曾祖野,宋員外散騎常侍、五

列傳第三十九 藝術

術,言多會意,

由

是

頗

べ禮之。

不留 僧垣 甚 開 候 乃令僧垣視之。 田 一禮之。 疾, 曹 無 人 1參軍 、意。」十一年,轉領太醫正,「KD」 滯。 意於章句。 何 垣 「大黄乃是快藥。 疾 四時伏 幼通 梁武帝甚奇之。 可 九年,還領殿 逃。 臘, 還,具說其狀,幷記增損時候。 時商略今古,則 股常以前代名人, 居喪盡禮。 每有賞賜。 (中醫師。回) 時武 大通六年,解褐臨川嗣王國左常侍。 然至尊年高,不宜輕用。」 年二十四,即傳家業。 為學者所稱 太清元年, 加文德主帥 多好此術,是以 陵王所生葛修華,宿患積時,方術莫効。 轉鎭 梁武 西湘東王府中記室參軍 直閣 帝弗從, 每恆留 帝歎曰:「卿用意綿密,乃至於此,以 梁武帝召入禁中,面 將 軍。 情, 遂至危 梁武帝嘗因發 大同 頗 識治體。至今聞 五 篤。 一年,除驃騎 梁簡文帝在 加 僧垣 熱, 談討試。 少好文史, 欲 廬 服 卿 僧垣 梁武 陵王 東宮, 大黄。 說,益 此 府 酬

攻戰 荷朝恩,今報之以死。 及宮城陷,百官逃散 累 及侯景圍建業, 日 ,郡城遂陷。 僧垣乃棄妻子 僧垣 僧垣假道歸,至吳興,謁郡守張(嶸)[嵊]。[刊]嵊見僧垣 君是此邦大族,又朝廷舊臣。 赴難 梁武帝嘉之,授戎昭將軍、 執。 景將侯子鑒素聞 今日得君,吾事辨矣。」俄 其名,深相器 湘東王府記 流涕日 而 景兵大至, 遇,因此獲 室 :「吾過 參 軍

免。

及梁

簡文嗣

位

了僧垣還建業,以本官兼

中

·書舍·

人。

子鑒

尋鎭

廣

陵,僧垣

又隨

至江

北

其時雖剋平大亂,而任用非才,朝

梁元帝平侯景,召僧垣赴荆州,改授晉安王府諮議。

近關 元帝從之,進湯訖,果下宿食,因而疾愈。 不可輕脫,宜用平藥,可漸宣通。 政混淆,無復綱紀。僧坦每深憂之。 聞者皆掩口竊笑。 梁元帝嘗有心腹疾,乃召諸醫議治療之方。 僧垣曰:「脉洪而實,此有宿食。非用大黃,必無差理。」梁 謂故人曰:「吾觀此形勢,禍敗不久。 梁元帝大喜。時初鑄錢,一當十,乃賜錢十萬,實 个時上策,莫若 咸謂 至尊至貴,

百萬也。

|謹勳德隆重,乃止焉。 明年,隨||謹至||長安。||武成元年,授小畿伯下大夫。 護使人求僧垣。僧垣至其營。復爲燕公于謹所召,大相禮接。太祖又遣使馳驛徵僧垣,謹 (故)[固]留不遣。[公謂使人曰:「吾年時衰暮,疹疾嬰沉。今得此人,望與之偕老。」|太祖以 及大軍剋荆州,僧垣猶侍梁元帝,不離左右。 爲軍人所止,方泣涕而去。 尋而中山公

當愈。」及至九月,遂能起行。 三縛悉除。 自持。」僧垣爲診脉,處湯三劑。 穆初服一劑,上縛即解;次服一劑,中縛復解;又服一劑, 金州刺史伊婁穆以疾還京,請僧垣省疾。乃云:「自腰至臍,似有三縛,兩脚緩縱,不復 而兩脚疼痺,猶自攣弱。更爲合散一劑,稍得屈申。僧垣曰:「終待霜降,此患

散者,其家疑未能決,乃問僧垣。僧垣曰:「意謂此患不與大散相當。 大將軍、裏樂公賀蘭隆先有氣疾,加以水腫,喘息奔急,坐臥不安。或有勸其服決命大 若欲 自服,不煩賜

列傳

第

知其可差,即爲處方,勸使急服。便即氣通,更服一劑,諸患悉愈。 問。」因而 委去。其子殷勤拜請曰:「多時抑屈,今日始來。 竟不可治,[私]意實未盡。」僧垣

利積時,而不廢朝謁。 所覺知。諸醫先視者,皆云已不可救。僧垣後至,曰:「困則困矣,終當不死。 死,當在何時。」對曰:「不出四月。」果如其言。 謹歎異之。 六年,遷遂伯中大夫。 曰:「夫患有深淺,時有剋殺。 相爲治之。」其家忻然,請受方術。 <u></u>
天和元年,加授車騎大將軍、儀同三司。大將軍、樂平公竇集暴感風疾,精神瞀亂,無 燕公謹嘗問僧垣曰:「樂平、永世俱有痼疾,若如僕意,永世差輕。」對 樂平雖困,終當保全。永世雖輕,必不免死。」謹曰:「君言必 僧垣爲合湯散,所患卽瘳。大將軍、永世公叱伏列椿苦 若專以見付,

過縣車,可停朝謁。若非別勅,不勞入見。」 於茲九載。」帝曰:「勤勞有日,朝命宜隆。」乃授驃騎大將軍、開府儀同三司。又勅曰:「公年 曰:「臣無聽聲視色之妙,特以經事已多,准之常人,竊以憂懼。」帝泣曰:「公旣決之矣,知復 **患勢不輕,諸醫並云無慮。朕人子之情,可以意得。君臣之義,言在無隱。** 何言!」尋而太后崩。其後復因召見,帝間僧垣曰:「姚公爲儀同幾年。」對曰:「臣忝荷朝恩, 建德三年,文宣太后寢疾,醫巫雜說,各有異同。高祖御內殿,引僧垣同坐,曰:「太后 公爲何如。」對

四年,高祖親戎東討,至河陰遇疾。口不能言;(臉)〔瞼〕垂覆目,〔10〕不復瞻視;一足

乃詔僧垣赴行在所。內史柳(昇)[昂]私問曰二三「至尊貶膳日久,脉候何如。」對曰:「天子 上應天心,或當非愚所及。若凡庶如此,萬無一全。」尋而帝崩。 仍詔隨入京,不令在鎭。宣政元年,表請致仕,優詔許之。 是歲,高祖行幸雲陽,遂寢疾。 得言。次又治目,目疾便愈。末乃治足,足疾亦瘳。比至華州,帝已痊復。即除華州刺史, 短縮,又不得行。僧垣以爲諸藏俱病,不可並治。軍中之要,莫先於語。乃處方進藥,帝遂

戶。册命之日,又賜以金帶及衣服等。 常從容謂僧垣曰:「常聞先帝呼公爲姚公,有之乎。」對曰:「臣曲荷殊私,實如聖旨。」帝曰: 「此是尙齒之辭,非爲貴爵之號。 朕當爲公建國開家,爲子孫永業。」乃封長壽縣公,邑一千 宣帝初在東宮,常苦心痛。乃令僧垣治之,其疾卽愈。帝甚悅。 及卽位,思禮彌隆。

而已。 恐庸短不逮,敢不盡心。」帝領之。及靜帝嗣位,遷上開府儀同大將軍。隋開皇初,進爵北 性命,唯委此人。」僧垣知帝診候危殆,江宮必不全濟。乃對曰:「臣荷恩旣重,思在効力。 大象二年,除太醫下大夫。帝尋有疾,至于大漸。僧垣宿直侍。[1三帝謂隨公曰:「今日 贈本官,加荆、湖二州 三年卒, 時年八十五。 刺史。二四 遺誡衣白帢入棺,朝服勿斂。靈上唯置香奩,每日設淸水 但

僧垣醫術高 妙, 爲當世所推。 前後効驗,不可勝記。聲譽旣盛,遠聞邊服。 至於諸蕃

外域,咸請託之。 僧垣乃搜採奇異,參校徵劾者,爲集驗方十二卷,又撰行記三卷,行於世。

長子察在江南。

隆,乃錄憲功績爲傳,送上史局。 接,賞賜隆厚。宣帝嗣位,憲以嫌疑被誅。隋文帝作相,追復官爵。最以陪遊積歲,恩顧過 聚學徒,校書於麟趾殿,最亦預爲學士。俄授齊王憲府水曹參軍,掌記室事。特爲憲所禮 次子最,字士會,幼而聰敏,及長,博通經史,尤好著述。年十九,隨僧垣入關。世宗盛

妙。每有人造請,効驗甚多。隋文帝踐極,除太子門大夫。以父憂去官,哀毀骨立。旣免 喪,襲爵北絳郡公,復爲太子門大夫。 宜深識此意,勿不存心。且天子有敕,彌須勉勵。」「三最於是始受家業。 「爾博學高才,何如王奧、庾信。王、庾名重兩國,吾視之蔑如。接待資給,非爾家比也。爾 最幼在江左, 迄于入關, 未習醫術。 天和中, 齊王憲奏高祖, 遺最習之。 憲又謂最曰: 十許年中,略盡其

帝許之。 獨曰:「凡有不法,皆最所爲,王實不知也。」搒訊數百,卒無異辭。最竟坐誅。時年六十七。 俄轉蜀王秀友。秀鎭益州,遷秀府司馬。及平陳,察至。最自以非嫡,讓封於察,隋文 秀後陰有異謀,隋文帝令公卿窮治其事。 開府慶整、郝偉等「以並推過於秀。最

有 功,賜爵容城縣男,加鷹揚將軍。 黎景熙字季明,河間(鄭)[鄭]人也,(三少以字行於世。 後爲燕郡守。 祖鎭,襲爵,爲員外散騎侍郎。父瓊,太 曾祖嶷,魏太武時,從破平凉,

和中、襲爵、歷員外郎、魏縣令,後至鄜城郡守。

與許氏 從吏部尙 寒易操。 季明 (有異。 少好讀書,性強記默識,而 .書淸河崔玄伯受字義,又從司徒崔浩學楷篆,自是家傳其法。 與范陽盧道源爲莫逆之友。 又好占玄象,頗知術數。 無應對之能。 而落魄不事生業。 其從祖廣,太武時爲尚書郎,善古學。 有書千餘卷。 季明亦傳習之,頗 雖窮居獨處,不以

飢

武 未清,欲優遊卒歲。 軍,拜行臺郞 太祖又徵之,遂 西遷, 永安中,道源勸令入仕,始爲威烈將軍。 季明乃寓居伊、洛。 中,除黎陽郡守。 入關 時王思政鎮 乃令悸明正定古今文字於東閤。 侯景徇地河外, 召季明從軍。 季明從至懸瓠,察景終不足恃,遂去之。 瀬川, 累使召。 魏孝武初,遷鎭遠將軍,尋除步兵校尉。 季明不得已,出與相見。 尋授 銀青光祿大夫,加 客於潁川,以 留於內館月餘。 中 軍將 及 世 路

將軍、右光祿大夫。 武成末,遷外史下大夫。 踐阼,加征南將軍、右金紫光祿大夫。時大司馬賀蘭祥討吐谷渾,詔季明從軍。還,除驃騎 十年不調。 **貧素居之,而無愧色。又勤於所職,著述不怠。然性尤專固,不合於時。是以一爲史官,遂** 大統末,除安西將軍,尋拜著作佐郎。於時倫輩,皆位兼常伯,車服華盛。 魏恭帝元年,進號平南將軍、右銀青光祿大夫。六官建,爲外史上士。孝閔帝 唯季明獨以

保定三年,盛營宮室。春夏大旱,韶公卿百寮,極言得失。季明上書曰:

猶未豐洽者,豈或作事不節,有違時令,舉措失中,儻邀斯旱。 方今農要之月,時雨猶愆,率土之心,有懷渴仰。陛下垂情萬類,子愛羣生,覲禮百神, 臣聞成湯遭旱,以六事自陳。宣王太甚,而珪璧斯竭。豈非遠慮元元,俯哀兆庶。

侈不恤民也。<u>僖公二十一年夏,大旱。</u>五行傳以爲時作南門,勞民興役。漢惠帝二年 功,動民興役,天輒應之以異。典籍作誠,儻或可思。上天譴告,改之則善。今若息民 長安。漢武帝元狩三年夏,大旱。五行傳以爲是歲發天下故吏穿昆明池。然則土木之 夏,大旱。 五年夏,大旱,江河水少,谿澗水絕。 五行傳以爲先是發民十四萬六千人城 動天地,可不愼乎。」。春秋莊公三十一年冬,不雨。 五行傳以爲是歲一年而三築臺,奢 <u>(秦秋)</u>,君舉必書,動爲典禮,水早陰陽,莫不應行而至。<u>孔子</u>曰:「言行,君子之所以

省役,以答天譴,庶靈澤時降,嘉穀有成,則年登可覬,子來非晚。詩云:「民亦勞止,迄 可小康。 惠此中國,以綏四方。」或恐極陽生陰,秋多雨水,江江年復不登,民將無覬。

時豪富之家,競爲奢麗。 季明又上書曰:

如又荐飢、同為慮

更甚。

時著其寒暑者,庶類資其忠信焉。是以帝王者,寬大象天地,忠信則四時。招搖東指, 不息,好問受規,天下幸甚。 天下識其春。人君布德,率土懷其惠。伏惟陛下資乾御寓,品物咸亨,時乘六龍,自強 臣聞寬大所以兼覆,慈愛所以懷衆。〔回〕故天地稱其高厚者,萬物得其容養焉。

刑清,廟稱太宗,良有以也。臣聞聖人久於其道,而天下化成。今承魏氏喪亂之後,貞 臺;後宮所幸,衣不曳地,方之今日富室之飾,曾不如婢隸之服。然而以身率下,國富 時,年穀斯稔。剋己節用,慕質惡華,此則尙矣。然而朱紫仍耀於衢路,綺穀猶侈於豪 政,齊之以刑,風俗固難以一矣。昔文帝集上書之囊,以作帷帳;惜十家之產,不造露 家;桓褐未充於細民,糟糠未厭於編戶。此則勸導之理有所未周故也。今雖導之以 時,人懷望歲。陛下爰發明詔,廣求人瘼。同馬、湯之罪己,高宋景之守正。澍雨應 自古至治之君,亦皆廣延博訪,詢採蒭薨,曰己置皷樹木,以求其過。頃年亢旱踰

信未興。 宜先「遵五美,屛四惡」,革浮華之俗,抑流競之風,察鴻都之小藝,焚雉頭之

異服,無益之貨勿重於時,虧德之器勿陳於側,則民知德矣。

遠。 其官,量能以任其用。官得其材,用當其器,六轡旣調,坐致千里。虞、舜選衆,不仁者 薪之譏。是以古之善爲治者,貫魚以次,任必以能。爵人於朝,不以私愛。簡材以授 則庶事康哉,民知其化矣。 臣又聞之,爲治之要,在於選舉。若差之毫釐,則有千里之失。後來居上,則致積

帝覽而嘉之。

禄。 知其非,是以去年十一月中,敢冒陳奏。 臣職思其憂,敢不重請。」帝納焉。 是乃廣內祕府,藏言之奧。帝王所寶,此焉攸在。自魏及周,公館不立。臣雖愚瞽,猶 時外史解字屢移,未有定所。季明又上言曰:「外史之職,漢之東觀,儀等石渠,司同天 於是廨宇方立。 將降中旨,〔三〕即遣修營。 荏苒一周, 未加功力。

|天和三年, 進車騎大將軍、儀同三司。後以疾卒。

趙文深字德本、自己南陽宛人也。父遐,以醫術進,仕魏爲尚藥典御。

男,邑二百戶。 王之則,筆勢可觀。 文深少學楷隸,年十一,獻書於魏帝。立義歸朝,除大丞相府法曹參軍。文深雅有鍾、 太祖以隸書紕繆,命文深與黎季明、沈遐等依說文及字林刋定六體,成一萬 當時碑牓,唯文深及冀儁而已。大統十年,追論立義功,行到封白石縣

餘言,行於世。

世宗令至江陵書景福寺碑,漢南人士,亦以爲工。 膀,餘人猶莫之逮。 王褒亦每推先之。宮殿樓閣,皆其迹也。遷縣伯下大夫,加儀同三司。 年,露寢等初成,文深以題膀之功,增邑二百戶,除趙興郡守。文深雖外任,每須題膀,輒復 於言色。後知好尙難反,亦攻習優書,然竟無所成,轉被譏議,謂之學步邯鄲焉。 及平江陵之後,王褒入關,貴遊等翕然並學褒書。文深之書,遂被遐棄。文深慙恨,形 後以疾卒。 梁主蕭詧觀而美之,賞遺甚厚。 天和元 至於碑

褚該字孝通,河南陽翟人也。 晉末,遷居江左。 祖長樂,齊竟陵王錄事參軍。 父義昌

梁鄱陽王中記室。

該 幼而 謹厚,有譽鄉曲。 尤善醫術, 見稱於時。 仕梁, 歷武陵王府參軍。 隨府西上。

列傳第三十九 藝術

八五〇

時論稱其長者焉。後以疾卒。子士則,至亦傳其家業。

可解。 測。 當時號爲李練。 皆敬而信之。〇〇〇 意欲 時有強練,不知何許人,亦不知其名字。 事過之後,往往有驗。 有所論說,逢人輒言。 世人以強類練,故亦呼爲練焉。 恆寄住諸佛寺,好遊行民家,兼歷造王公邸第。 若值其不欲言,縱苦加祈請,亦不相酬答。 魏時有李順興者,語默不恆,好言未然之事, 容貌長壯, 有異於人。 神精僘怳,莫之能 初聞其言,略不 所至之處,人

僕等,並令連席而坐。 逼就坐。 柱國、平高公侯伏侯龍恩早依隨護,深被任委。 晉公護未誅之前,曾手持一大瓠,到護第門外,抵而破之。 未幾而護誅,諸子並死。 諸人以逼夫人,苦辭不肯。 龍恩亦伏法,仍籍沒其家。 強練至龍恩宅,呼其妻元氏及其妾媵幷婢 強練曰:「汝等一例人耳,何有貴賤。」遂 乃大言曰:「瓠破子苦。」時

建德中,每夜上街衢邊樹,大哭釋迦牟尼佛,或至申旦,如此者累日,写言聲甚哀怜。 俄

而廢佛、道二教。

之於地。人或問之曰:「汝何爲也?」強練曰:「此亦無餘,但欲使諸人見盛空耳。」至隋開皇 大象末,又以一無底囊,歷長安市肆告乞,市人爭以米麥遺之。強練張囊投之,隨即漏

初,果移都於龍首山,長安城遂空廢。後亦莫知其所終。

及皇家受命,並有徵驗。性尤不信釋教,嘗上疏極論之。史失其事,故不爲傳。 又有蜀郡衞元嵩者,亦好言將來之事,蓋江左寶誌之流。天和中,著詩預論周、隋廢興

代,其所全濟,固亦多焉。而弘茲義方,皆爲令器,故能享眉壽,糜好爵。|老聃云「天道無 其害。誤、漕、禮、樂所失也淺,故先王重其德。方術技巧,所失也深,故往哲輕其藝。夫能 親,常與善人」,於是信矣。 通方術而不詭於俗,習技巧而必蹈於禮者,豈非大雅君子乎。姚僧垣診候精審,名冠於一 史臣曰:仁義之於敎,大矣,術藝之於用,博矣。狥於是者,不能無非,厚於利者,必有

校勘記

列傳第三十九 校勘記

- (一) 性退靜 諸本及北史卷八二冀儁傳「退靜」都作「靜退」、北史脱「性」字。殿本誤倒。但亦通,今不
- [1] 大統三年 「三」原作「二」。諸本及北史卷八九蔣昇傳、御覽卷七三三 三五 頁都作「三」。按 寶泰攻潼關,卷二文帝紀及其他紀載都說在大統三年。殿本刻誤,今逕改。
- 姚僧垣 九都作「坦」明本册府作「垣」。但册府宋本卷七九六也作「垣」。 張森楷云:「陳書姚察傳卷二七『垣』作『坦』。」按南史卷五九姚察傳及册府宋本卷八五
- 四〕還領殿中醫師 坦已除驃騎府田曹參軍,不在宮廷,所以說「追」。此字這樣用法,屢見南北史籍,宋本不誤。但 作「還」亦通,今不改。
- 頗識治體「頗」原作「願」。諸本及册府同上卷頁都作「頗」,殿本刻誤,今逕改。
- [K] 十一年轉領太醫正 「太」原作「大」。 册府卷八五九 1010三頁、北史卷九〇姚僧垣傳作「太」, 是,今逕改。又明本無府「十一年」作「十年」,宋本作「十一年」。
- フォン 謁郡守張(嶸)〔嵊〕 張森楷云:「『皪』當作『嵊』,見梁書,此作『皪』誤。」按張嵊,梁書卷四三、南 ·皮卷三一都有傳,侯景亂時正作吳興太守。 張說是,今據改。下「皪」字逕改,不出校記。

- 謹(故)[固]留不遣 册府同上卷頁、御覽卷七二三三三〇三頁「故」作「固」,較長,今據改。
- へたし 竟不可治 册府、御覽同上卷頁「可」作「下」,疑是。

(10) (臉)(瞼)垂覆目

張森楷云:「北史卷九〇本傳作『瞼』,從『目』,是也。」按張說是,今據改。

內史柳(昇)[昂] 云「武帝時爲內史中大夫」,張說是, 册府同上卷頁正作「昂」, 御覽同上卷三二〇四頁作「昂」, 乃「昂」 張森楷云:「北史『昇』作『昂』,是。此從『升』誤。」按柳昂附卷三二其父敏傳,

微誤,今據改。

疑當

有此字。

- 僧垣宿直侍 北史本傳、豐府卷八五九一〇二〇四頁、經覽卷七二三三二〇四頁「侍」下有「疾」字,
- 僧垣 知帝診候危殆 明本册府及御覽同上卷頁作「僧垣診候,知帝危殆」。 宋本册府同周書。
- 加荆 湖二州刺史 「一」原作「三」。 諸本及北史本傳都作「二」。 殿本刻誤,今逕改
- 彌須勉勵 彌須」原倒作「須彌」。 諸本及北史卷九○姚僧垣附子最傳、 册府卷八五九一〇二〇

四頁作「彌須」,是,今逕乙正。

- 二さ 開府慶整郝偉等 北史本傳「偉」作「瑋」。
- 河間(鄭)[鄭]人也 張森楷云:「『鄭』當作『鄭』,河間有『鄭』無『鄭』也。」按御覽卷四〇八一八八四

頁正作「鄭」。張說是,今據改。

秋多雨水 諸本「雨水」都倒作「水雨」。殿本當是依北史卷八二黎景熙傳改。

(1元) 如又荐飢 「荐」原作「薦」。諸本及、北史本傳都作「荐」,是,今逕改。

C103 慈愛所以懷衆 「所」原作「可」。諸本及北史本傳都作「所」。按上句云:「寬大所以兼覆」,二句

聯文,作「所」是,今逕改。

詢採蒭薨 諸本「薨」都作「微」,猶言蒭薨微末。殿本依北史本傳改。但作「薨」亦通,今不改。

○三〕將降中旨 北史本傳「將」作「特」。 按若是「將」字,則中旨尚未降,下文不能以「荏苒一周,未加

功力」爲言。疑作「特」是。

八三 趙文深字德本 金石菜編卷三七華嶽頌末署名云:「南陽趙文淵字德本奉勅書。」「文深」作「文

淵」,唐人諱「淵」作「深」。

□□□子士則 北史卷九○褚該傳無「士」字,雙名單稱。

(三六) 人皆敬而信之 汲本、局本無「人」字。

(三七) 如此者累日 諸本及北史卷八九強練傳「日」都作「月」。疑殿本刻誤。

周書卷四十八

列傳第四十

蕭詧

佛義。 旣以其昆弟不得爲嗣,常懷不平。又以梁武帝衰老,朝多秕政,有敗亡之漸,遂蓄聚貨財, 兄弟而立簡文,內常愧之,寵亞諸子,以會稽人物殷阜,一都之會,故有此授,以慰其心。譬 官宣惠將軍,知石頭戍事,琅邪、彭城二郡太守,三東揚州刺史。初,昭明卒,梁武帝舍詧 交通賓客,招募輕俠,折節下之。其勇敢者多歸附,左右遂至數千人,皆厚加資給。 蕭詧字理孫,蘭陵人也,梁武帝之孫,昭明太子統之第三子。幼而好學,善屬文,尤長 特爲梁武帝所嘉賞。梁普通六年,封曲江縣公。〔1〕中大通三年,進封岳陽郡王。

中郎將,領寧蠻校尉,雍州刺史。 中大同元年,除持節,都督雍梁東益南北秦五州、郢州之竟陵、同州之隨郡諸軍事,西 **警以襄陽形勝之地,又是梁武創基之所,時平足以樹根**

列傳第四十 蕭詧

,世亂可以圖霸功,遂克己勵節,樹恩於百姓,務修刑政,志存綏養。 乃下教曰:

以龐參卹民,蓋訪言於高逸,馬援居政,每責成於掾史,王沉爰加厚賞,呂虔功有所 昔之善爲政者,不獨師所見。藉聽衆賢,則所聞自遠; 資鑒外物,故在矚致明。是

由:故能顯美政於當年,流芳塵於後代。

豪猾多所苞藏,竝密以名聞,當加釐正。若刺史治道之要,弛張未允,循酷乖理,任用 謨,以匡弗逮。 石,想勿余隱。幷廣示鄉間,知其款意。 違才,或愛狎邪佞,或斥廢忠謇,彌思啓告,用袪未悟。鹽梅舟檝,允屬良規,苦口惡 吾以陋識,來牧盛藩。 雍州部內有不便於民,不利於政,長東貪殘,戍將愞弱,關市恣其裒刻, 每慮德不被民,政道或紊。中宵拊枕,對案忘饑,思納良

於是境內稱治。

其才望,志氣矜驕,輕譽少年,州府迎候有闕。譽深銜之。及至鎭,遂託疾不與纘相見。後 陵,與纘有舊,纘將因之以斃營兄弟。會梁元帝與譽及信州刺史、桂陽王慥各率所領,入援 聞侯景作亂,頗凌蹙纘。纘懼爲所擒,乃輕舟夜遁,將之雍部,復慮譽拒之。梁元帝時鎭江 太清二年,梁武帝以詧兄河東王譽爲湘州刺史,徙湘州刺史張纘爲雍州以代詧。纘恃

金陵。慥下峽至江津,譽次江口,梁元帝屆郢州之武成。〔〕屬侯景已請和,梁武帝詔罷援

軍。 日:「河東戴檣上水,四 欲襲江陵。 「桂陽住此,欲應譽、譽。」梁元帝信之,乃鑿船沉米,斬纜而歸。 譽自江口將旋湘鎮,慥欲待梁元帝至,謁督府,方還州。 岳陽在雍,共謀不逞。」江陵遊軍主朱榮又遣使報云 纘時在江陵,乃貽梁元帝書 至江陵,收慥殺之。令其子

方等、王僧辯等相繼攻譽於湘州。

譽又告急於譽。譽聞之大怒。

資遣纘 城拒命。 先與爲不協,潛與元帝相知,尅期襲爲。未及發,會爲以他事召方貴,方貴疑謀泄,遂據樊 出漢口。 初, · ,若將述職,而密援方貴。

纘次大隄,樊城已陷。 梁元帝將援建業,令所督諸州,並發兵下赴國難。 及將發,元帝又使諮議參軍劉穀喻譽,令自行。 **鲁遣使魏益德、杜岸等衆軍攻之。**方貴窘急,令其子遷超乞師於江陵。 元帝乃厚 **警擒方貴兄弟及黨與,並斬之。 營辭頗不順,元帝又怒。 警遣府司馬劉方貴領兵為前軍** 而方貴

當歸 弟紿 軍尹正共岸等率 山 聚 其 集 纘 、兄弟,事始於纘,將密圖之。 纘 因 ,以此義舉,事 日:「民觀岳陽 纘 進至州。 乃服 兵 婦 |營遷延不受代, 乃以西城居之, 待之以禮。 追討,並擒之。 人衣,乘青布轝,與親信十餘人出奔。 無不濟。」纘深以 殿下,勢不仰容。 纘懼,請元帝召之。元帝乃徵纘於詧,詧留不遣。 纘懼不免,因請爲沙門。 爲然,因與岸等結盟誓。 不如且 往西山 以避此禍。 引等與杜岸馳告詧。 軍民之政,猶歸於詧。 纘又要雍州 使君既得物情,遠近必 人席引 營令中兵參 杜岸兄 等於西 **詧以**

亂,天下崩離。 恩,豈應若是。 叔,逆順安在。」、層謂奧曰:「家兄無罪,累被攻圍。同氣之情,豈可坐觀成敗。 **江陵立栅,周遶郭邑,而北面未就。** ·以譽危急,乃留諮議參軍蔡大寶守襄陽,率衆二萬、騎千匹伐江陵以救之。 于時 如能退兵湘水,吾便旋斾襄陽。 汝復效尤,將欲何謂。吾蒙先(帝)[宮]愛顧, [邑]以汝兄弟見屬。 **警因攻之。元帝大懼,乃遣參軍庾奧謂譽曰:正德** 七父若顧先 今以姪伐

襄陽,器械輜重,多沒於踺水。 離 小 詧旣攻栅 其將杜岸、岸弟幼安及其兄子龕,懼譽不振,以其屬降於江陵。 不尅,退而築城。 初,譽囚張纘於軍,至是,先殺纘而後退焉 。又盡銳攻之。會大雨暴至,平地水四尺,詧軍中霑漬,衆頗 **警衆大駭**,其夜遁

門殺之。 遂奔其兄巖於廣平。 氏,登陴閉門拒戰。 杜岸之降也,請以五百騎襲襄陽。 盡 誅 語杜宗族親者,其幼稚疎屬下蠶室。 會營夜至,龔氏不知其敗,謂爲賊也,至曉見詧,乃納之。 **營遣將尹正、薛暉等攻拔之,獲嚴、岸等,幷其母妻子女,並於襄陽北** 去城三十里,城中覺之。 又發掘其墳墓,燒其骸骨,灰而揚之。 蔡大寶乃輔詧母保林龔 岸等以詧至,

世子燉爲質以請救。 閤 祭酒榮權 **|**管旣與江陵搆隙,恐不能自固,大統十五年,乃遣使稱藩,請爲附庸。 使焉。 詧大悦。 太祖又令榮權報命,仍遣開府楊忠率兵援之。十六年,楊忠擒仲禮, 是歲,梁元帝令柳仲禮率衆進圖 寒陽。 **詧懼,乃遣其妻王氏及** 太祖 令丞相府

馳還,具言其狀。 平漢東,譽乃獲安。 太祖遂令假散騎常侍鄭穆 時朝議欲令譽發喪嗣位, 督以未有璽命, 辭不敢當。 及榮權持節策命營爲梁王。「私」營乃於襄陽置 榮權時在營所,乃

由 百官,承制 「樂權,王欲見之乎。」)譽曰:「幸甚。」 太祖乃召權與譽相見。 仍謂之曰:「樂權,吉士也,寡 封拜。 十七年,營留蔡大寶居守,乃自襄陽來朝。〔七〕太祖謂譽曰:「王之來此,頗

與之從事,未嘗見其失信。」譽曰:「榮常侍通二國之言無私,故譽今者得歸誠

魏

闕耳。

妻王氏 王綸 |陵 正朔 尊 其 父 統 東 助 太宰,諡 城,資以江陵一州之地。 防。 恭帝元年,太祖令柱國于謹伐江陵,譽以兵會之。及江陵平,太祖 爲皇后,子巋爲皇太子。 至 一於爵 爲昭明皇帝,廟號高宗,統妃蔡氏爲昭德皇后。 外示 日壯武。 命其下,亦依梁氏之舊。 助詧備禦,內實 贈兄河東王譽丞 其襄陽所統, 盡歸於我。 其慶賞 兼防詧 也 一相,諡 其戎章勳級,則又兼用柱國等官。 (刑威,官方制 日武 桓。 度,並同王者。 太祖乃置江陵防主,統兵居於西城 詧乃稱皇帝 又尊其所生母龔氏爲皇太后, 唯上 於其 一疏則 國,年號大定。 又追贈叔父邵陵 稱臣,奉朝 立 追 廷

寇。 武陵、立 **詧出師禦之**, 初 南平等郡。 ,江陵滅,梁元帝將王琳據湘 純陁 五 年,王琳又遣其將雷又柔襲陷監利郡, 云太守蔡大有死之。 等退 歸夏口 州,志圖 **警之四年,譽遣其大將軍王操率兵畧取王** 匡復。 及詧立,琳乃遣其將潘純陁、侯方兒來 琳之長沙、 尋而琳與

列

傳

|陳 人相持,稱 藩乞師於詧。 **警**許之。師未出而琳軍敗,附於齊。 是歲,其太子歸來朝京師。

營之六年夏,震,其前殿崩,壓殺二百餘人。

預伏武· 此,咸 域,痛 於此。 所謂人將不食吾餘也。」〔五〕 德毅曰:「卿之此策,非不善也。 武官寮,隨即詮授。 肆其殘忍,多所誅夷,俘囚士庶,並爲軍實。 『天與不取,反受其咎,時至不行,反受其殃。』願殿下恢弘遠畧,勿懷匹夫之行。」詧不從,謂 簡可致。 廉,以取名譽。 初,江陵平,詧將尹德毅說詧曰:「臣聞人主之行,與匹夫不同。 匹夫者,飾小行,競小 謂殿下爲之。 心疾首,何日能忘!殿下方淸宇宙,紹茲鴻緒。悠悠之人,不可門到戶說。 士,因而斃之。 犒師之禮,非無故事。 然後朝服濟江, 人主者,定天下,安社稷,以成大功。 殿下旣殺人父兄,孤人子弟,人盡讐也,誰與爲國。 旣荷 分命果毅,掩其營壘,斬馘逋醜,俾無遺噍。 更生之惠,孰不忻戴聖明。 入踐皇極,纘堯復禹,萬世一時。 若殿下爲設享會,因請于謹等爲歡。 然魏人待我甚厚,未可背德。 然此等戚屬,咸在江東,念其充餌豺狼,見拘異 今魏虜貪惏,罔顧弔民伐罪之義,必欲 魏人懾息,未敢送死。 晷刻之間,大功可立。 若遽爲卿計,則鄧(新)[祁]侯 江陵百: 彼無我虞,當相 但魏之精銳,盡萃 姓,撫而安之,文 王僧辯之徒,折 其塗炭至 古人云: 率而至,

旣 而闔城長幼,被虜入關,又失寢陽之地。管乃追悔曰:「恨不用尹德毅之言,以至於

是。」又見邑居殘毀,干戈日用,恥其威畧不振,常懷憂憤。乃著愍時賦以見意。 其詞曰:

長淪。 |范之明畧,愧夷、齊之得仁。 耿耿而通晨。 嗟余命之舛薄,實賦運之逢屯。旣殷憂而彌歲,復坎壈以相隣。畫營營而 望否極而云泰,何杳杳而無津。 遂胡顏而苟免,謂小屈而或申。 悲晉璽之遷趙,痛漢鼎之移新。 豈妖沴之無已,何國步之 至晚,夜 無田、

穹之弗惠,值上帝之紆奢。 異五馬於琅邪。直受性而好善,類蓬生之在麻。 恨少生而輕弱,本無志於爪牙。 神州鞠爲茂草,赤縣遶於長虵。 謝兩章之雄勇,恧二東之英華。 冀無咎而霑慶,將保靜而蠲邪。 徒仰天而太息, 空撫衿而 豈三石於 杜鄠, 何昊

之基趾。此首賞之謬及,謂維城之足恃。 解印於稽山, 襃"時片言而見美。 望,同重耳之終焉。 惟古人之有懷,尙或感於知己。 忽值魏師入討,于彼南荆。旣車徒之赩赫,遂一鼓而陵城。 即驅傳於湘水。 望南枝而灑泣,或東顧而潺湲。 昔待罪於禹川,歷三考而無紀。獲免戾於明時,遂超隆於宗子。始 彼南陽之舊國,實天漢之嘉祉。 況託蕚於霄極,[10] 寵渥流於無已。 值諸侯之攜貳,遂留滯於樊川。 歸歟之情何極,首丘之思邈然。 旣川岳之形勝,復龍躍 同寤生之舍許,等小 或小善而 等勾踐之絕 必

白之全邢。 茲土,復朞月而無成。 昔方千而畿甸,今七里而磐縈。 寡田 伏櫪而悲鳴。 無河內之資待,同滎陽之未平。夜騷騷而擊柝,畫孑孑而揚旌。烽凌雲而迥照,日日馬 伊社稷之不泯,實有感於恩靈。 旣有懷於斯日,亦焉得而云寧。 矧吾人之固陋,迴飄薄於流萍。 邑而可賦,闕丘井而求兵。 忽沉滯於

原野。 匡,庶興周而祀夏。 彼雲夢之舊都,乃標奇於昔者。 徒揄揚於宋玉, 空稱嗟於司馬。 忽縈憂而北屈,豈年華之天假。 驗往記而瞻今,何名高而實寡。寂寥井邑,荒涼 南方卑而歎屈,長沙濕而悲賈。 余家國之一

捷於淮夷。 云擁,理惆悵而未怡。 屢征肇於殷歲,頻戰起於軒時。 加以狗盜鼠竊,蜂蠆狐狸。 在逋穢其能幾,會斬馘而搴旗。 羣圉隸而爲寇,聚臧獲而成師。 有扈興於夏典,採芑著於周詩。 彼積惡之必稔,豈天靈之我欺。 窺覦津渚,跋扈江眉。 方叔振於蠻貊,伯禽

其羣臣等葬之於平陵, 諡曰宣皇帝, 廟號

中宗。

酒,安於儉素,事其母以孝聞。 **詧少有大志,不拘** 小節。 雖多猜忌,而知人善任使,撫將士有恩,能得其死力。 又不好聲色,尤惡見婦人,雖相去數步,遙聞其臭。 經御婦 性不飲

法華、金光明義疏四十六卷、口回並行於世。 領,[1三]好爲戲論之言,以此獲譏於世。 命其太子歸嗣位,年號天保。 人之衣,不復更着。又惡見人髮,白事者必方便以避之。其在東揚州頗放誕,省覽(薄)〔簿〕 烈士暮年,壯心不已」,未嘗不盱衡扼腕,歎咤者久之。 篤好文義,所著文集十五卷, [1三] 內典華嚴、般若、 **譽疆土旣狹,居常怏怏。** 遂以憂憤發背而殂。 每誦「老馬伏櫪,志在 高祖又

其祖 后。 皇太后薨,諡曰元太后。 日韓太后日太皇太后,嫡母王皇后日皇太后,所生曹貴嬪日皇太妃。 歸字仁遠,

膋之第三子也。 九月,其太妃又薨,諡曰孝皇太妃。 二年,皇太后薨,諡曰宣靜皇 機辯有文學。 善於撫御,能得其下歡心。 其年五月,其太 嗣位之元年,尊

伐陳。 大將軍 以退敗不獨在底,然不敢違命,遂誅之。 國王操率水軍二萬,會皎於巴陵。旣而 五年,陳湘州刺史華皎、巴州刺史戴僧朔並來附。[15] 皎送其子玄響爲質於歸,仍請兵 李廣等亦爲陳人所虜,長沙、巴陵並陷於陳。 巋 上言其狀。 高祖韶衞公直督荆州總管權景宣、大將軍元定等赴之。 與陳將吳明徹等戰於沌口,直軍不利,元定遂沒。 吳明徹乘勝攻尅歸河東郡,獲其守將許孝敬。 衛公直乃歸罪於歸之柱國殷亮。 歸亦遣其柱 歸 歸 明 雖

列

操拒守。 年,明徹進寇江陵,引江水灌城。 歸馬軍主馬武、

吉徹等擊明徹,敗之。 歸出頓紀南以避其銳。 明徹退保公安。 江陵副總管高琳與其尚書僕射王 歸乃還江陵。

寇章陵之青泥。[1+]歸令其大將軍許世武赴援,大爲昭達所破。 |
歸之八年,陳又遣其司空章昭達來寇。[K] 江陵總管陸騰及歸之將士擊走之。 昭達又

於歸 美。 夏郡公。以僧朔爲車騎將軍,封吳興縣侯。 主旣失江南諸郡,民少國貧。 望借數州,以裨梁國。」直然之,乃遣使言狀高祖。 初,華皎、戴僧朔從衞公直與陳人戰敗,率其麾下數百人歸於歸。歸以皎爲司空,封江 朝廷與亡繼絕,理宜資贍,豈使齊桓、楚莊獨擅救衞復陳之 歸之十年,皎來朝。至襄陽,請衞公直曰:「梁 高祖許之, 韶以基、 平、 郡三州歸之

歔欷 鱐 命琵琶自 謂 歸 曰:「陛下旣親撫五絃,臣何敢不同百獸。」高祖大悅,賜雜繒萬段、良馬數十匹,幷賜齊後 目: 太祖拯 及 高祖平齊,巋朝於鄴。 自是大加賞異,禮遇 『彈之。 是登陴罵朕 一救之恩,幷敍二國艱虞,唇齒掎角之事。 仍謂歸曰:「當爲梁主盡歡。」歸乃起,請舞。高祖 者也。」歸曰:「長义未能輔傑,飜敢吠薨。」高祖大笑。 日隆。 高祖雖以禮接之,然未之重也。 後高 祖復與之宴,齊氏故臣吒列長义亦預焉 詞 理辯暢,因涕泗交流。 歸知之,後因宴承間,乃陳其 日:「梁主乃能爲朕 及酒酣,高祖 (<u>\</u> 高祖 亦爲之 高 舞乎。」 祖 指 又

主妓妾,及常所乘五百里駿馬以遺之。

衡之勢, 進可以盡節於周氏, 退可以席卷山南。 及 隋文帝執政,尉遲迥、王謙、司馬消難等各起兵。 歸固以 爲不可。 時歸將帥皆密請興師,與迥等爲連 俄而消難奔陳, 迥 等相次

破滅。

制其國 及還、親執其手謂之曰:「梁主久滯荆、楚、未復舊都,故鄉之念,良軫懷抱。 皇二年,隋文帝備禮納巋女爲晉王妃。 相送旋反耳。」 隋文帝旣踐極,思禮彌厚。 四年,歸 來朝長安,隋文帝甚敬待之。 遺使賜金三百兩、[lō] 銀一千兩、布帛萬段、馬五百匹。 又欲以其子陽尙蘭陵公主。 詔歸位在王公之上, 賜縑萬匹, 由是罷江陵總管,歸 股當振旅長江, 珍玩 稱是。 專 開

歸 在位二十三載,年四十四,五年五月薨。〔三〕其羣臣葬之於顯陵,諡曰孝(文)〔明〕皇

帝、「三」廟號世宗。

治。 所著文集及孝經、 | 歸孝悌慈仁,有君人之量。 周易義記及大小乘幽微, 並行於世。 四時祭享,未嘗不悲慕流涕。 隋文帝又命其太子蕭琮嗣位, 性尤儉約,御下有方,境

年號廣運。

列

琮字溫文。 性倜儻不覊,博學有文義,兼善弓馬。 初封東陽王, 尋立爲皇太子。

位,隋文帝徵琮叔父岑入朝,因留不遣。復置江陵總管以監之。

陳。 國,封莒國公。 崔弘度將兵戍江陵。軍至郜州,琮叔父嚴及弟(獻)[獻]等[三]懼弘度掩襲之,遂虜居民奔於 隋文帝於是廢梁國,曲赦江陵死罪,給民復十年。梁二主各給守墓十戶。尋拜琮爲柱

自詧初即位,歲在乙亥,至是,歲在丁未,凡三十有三歲矣。

子瓛,義興王;瑑,晉陵王;璟,臨海王;珣,南海王;瑒,義安王;瑀,新安王。 晉子潔,追諡孝惠太子;嚴,封安平王;岌,東平王;岑,河間王,後改封吳郡王。

義,宗室則蕭欣、蕭翼,民望則蕭確、謝溫、柳洋、王湜、徐岳,外戚則王凝、白司王誦、殷璉,文 儒學蒙厚禮。自餘多所獎拔,咸盡其器能。及歸纂業,親賢並用,將相則華皎、殷亮、劉忠 爲爪牙,甄玄成、劉盈、岑善方、傅准、曰司褚珪、蔡大業典衆務。張綰以舊齒處顯位,沈重以 章則劉孝勝、范迪、沈君游、君公、柳信言,政事則袁敞、柳莊、蔡延壽、甄詡、皇甫茲。故能 晉之在藩及居帝位,以<u>蔡大寶爲股肱,王操爲腹心,魏益德、尹正、薛暉、許孝敬、薛宣</u>

保其疆土,而和其民人焉

今載譽子寮等及蔡大寶以下尤著者,附於左。 其在梁、陳、隋已有傳,及歸諸子未任職

者,則不兼錄。

幼聰敏,有成人之量。 譽之爲梁主,立爲世

子。〔三〕轉病卒。及譽稱帝,追諡焉。

入陳,授平東將軍、東揚州刺史。及陳亡,百姓推巖爲主,以禦隋師。 巖字義遠,詧第五子也。 性仁厚,善於撫接。 歷侍中、荆州刺史、尚書令、太尉、 爲總管宇文述所破, 太傅。

伏法於長安。

岌,詧第六子也。 性淳和,幼而好學。 位至侍中、中衞將軍。 歸之五年,卒,贈侍中、司

空。諡日孝。

有不法,故隋文徵入朝。 拜大將軍,封懷義郡公。 性簡貴,御下嚴整。 及ぼ嗣位,自以望重屬尊,頗

陳亡、吳人推 都州,梁之百寮咸恐懼,計無所出。 爲 主以 禦隋師。 幼有令譽,能屬文,特爲歸所愛。 戰而敗,與巖同時伏法。 唯瓛建議南奔。 入陳,授侍中、安東將軍、吳州刺史。及 位至荆州刺史。 初,隋師至

列傳第四十 蕭詧

八六八

蔡大寶字敬位,濟陽考城人。 祖履,齊尚書祠部郎。 父點,梁尚書儀曹郎、 南兗州別

駕。

干僕射徐勉,大爲勉所賞異。 大寶少孤, 而篤學不倦, 善屬文。 初以明經對策第一, 解褐武陵王國左常侍。 乃令與其子遊處,所有墳籍,盡以給之。 **遂博覽羣書,學無不** 嘗以書

州刺史。 甚厚。 國之事,咸委決焉。 除中書侍郎,兼吏部,掌大選事,領襄陽太守,遷員外散騎常侍、吏部郎,俄轉吏部尙書。 元帝素知大寶,見之甚悅。乃示所制玄覽賦,令注解焉。 領長流。 **曾初出第,勉仍薦大寶爲侍讀,兼掌記室。** 大寶還白譽云:「湘東必有異圖,禍亂將作,不可下援臺城。」譽納之。及爲梁主,[宗] **弩**蒞襄陽,遷諮議參軍。 加授大將軍,遷尙書僕射,進號輔國將軍。 及梁元帝與河東王譽結隙,譽令大寶使江陵以觀之。梁 尋除尚書儀曹郎。 三日而畢。 又除使持節、宣惠將軍、確 出鎭會稽,大寶爲記室, 元帝大嗟賞之,贈遺

師將軍,領太子少傅,轉安前將軍,封安豐縣侯,邑一千戶。從購入朝,領太子少傅。[17] 歸 **層於江陵稱帝,徵爲侍中、尚書令,參掌選事,又加雲麾將軍,荆州刺史。** 進位柱 國、軍

嗣位,册授司空、中書監、中權大將軍,領吏部尙書。 **歸哭之慟,自卒及葬,三臨其喪。** 贈司徒,進虧爲公。諡曰文凱。 固讓司空,許之。 配食餐廟 加特進。歸之三年,

督推心委任,以為謀主。時人以營之有大寶獨劉先主之有孔明焉。所著文集三十卷,及尚 書義疏並行於世。 大寶性嚴整,有智謀,雅達政事,文詞贍速。營之章表書記教令詔册,並大寶專掌之。 有四子。

吏部郎、御史中丞。從琮入隋,授開府儀同三司,祕書丞。 終於成州刺史。 大寶弟大 次子延壽,有器識,博涉經籍,尤善當世之務。尚譽女宣成公主。「云」歷中書郞、尚書右

拜尙書庫部郎。陳亡入隋,授起居舍人。 紫光祿大夫。諡曰簡。有五子,〔云〕允恭最知名。 歸嗣位,遷都官尙書,除貞毅將軍、漳川太守。入爲左民尙書、太常卿。歸之七年,卒,贈金 以 西中郎府參軍隨譽之鎭。譽稱帝,歷尚書左丞、開遠將軍、監利郡守、散騎常侍、衞尉卿。 大業字敬道。有至行,父沒,居喪過禮。 性寬恕,學涉經史,有將命材,屢充使詣闕。初 起家著作佐郎、太子舍人。 梁滅入陳,

其先,太原晉陽人也。詧母龔氏之外弟也。 祖靈慶,海鹽令。 父景休,

臨川內史。

制,除尚書左丞。及稱帝,遷五兵尚書、大將軍、郢州刺史。 操性敦厚,有籌畧,博涉經史,在公恪勤。 初爲詧外兵參軍,親任亞於蔡大寶。 尋進位柱國, 封新康縣侯。 詧承 巋

嗣位,授鎭右將軍、尙書僕射。

子衡最知名。有才學,起家秘書郎。歷太子洗馬、中書、黃門侍郎。 表,何奪吾賢相之速也。」及葬,親祖於瓦官門。贈司空,進爵爲公。諡曰康節。有七子。次 損,深得當時之譽。」歸之十四年,卒。」歸舉哀於朝堂,流涕謂其羣臣曰:「天不使吾平蕩江 遷侍中、中衞將軍、尚書令、開府儀同三司,參掌選事,領荆州刺史。 操旣位居朝右,每自挹 及吳明徹爲寇,歸出頓紀南,操撫循將士,莫不用命。明徹旣退,江陵獲全,操之力也。

戶,加車騎將軍。營之二年,卒,贈司空。諡曰忠壯。進爵爲公。歸之五年,以益德配食營 益德爲其府司馬。譽承制,拜將軍。 魏益德,襄陽人也。 有才幹,膽勇過人。數從軍征討,以功累遷至郡守。 尋加大將軍。及營稱帝,進位柱國,封上黃縣侯,邑千 詧莅襄陽,以

廟。

制,以爲將軍。 三年,卒,贈開府儀同三司。 尹正,其先天水人。 營莅雍州,正爲其府中兵參軍。 尋拜大將軍。 及稱帝,除護軍將軍,進位柱國,封新野縣侯,邑千戶。 諡日剛。 |
歸之五年,以||正配食||
聲廟。 擒張纘,獲杜岸,皆正之力。 子德毅,多權畧,位至大 詧之 **警**承

將軍。

後以見疑賜死。

年,卒,贈開府儀同三司。 與尹正攻獲杜岸於南陽。 薛暉,河東人也。 有才畧。 詧承制,拜將軍。 有六子,子建、子尚知名。 身長八尺,形貌甚偉。 尋加大將軍,進位柱國,除領軍將軍。 嘗督禁旅,爲譽爪牙,當禦侮之任。 歸之二

明徹 賓客,施與不節。 所擒,遂戮於建康市。 許孝敬,吳人,小名嗣兒。〔言〕勁勇過人,爲譽驍將。 資產旣盡,鬱鬱不得志,遂謀奔陳。 贈車騎大將軍。 子世武嗣。 事覺,伏誅。 少襲父大將軍,好勇不拘行檢。 以大將軍守河東。 既無救援,爲吳 重

吳明徹 又 所擒。 有大將軍 將降之,廣辭色不屈,遂被害。 李廣,會稽人。 早事營,以敢勇聞。 贈太尉,追封建興縣公。 沌口之役,先登力戰。及華皎軍敗,爲 諡曰忠武。

誠款。 陽。 轉中記室參軍,掌書記,頗參政事。 甄玄成字敬平,中山人。 遂有得其書者, 進之於

營。

營深信佛法,常願不殺誦法華經人。

玄成素誦法華經, 博達經史,善屬文。少爲簡文所知。 。以江陵甲兵殷盛,遂懷貳心。 以錄事參軍隨餐鎮襄 密書與梁元帝,申其

歷中書舍人、尚書右丞。從琮入隋,授開府儀同三司,終於太府少卿。 吏部尚書。

譽之六年,卒,贈侍中、護軍將軍。

有文集二十卷。[三]子翮,少沈敏,閑習政事。 遂以此獲免。 營後見之,常曰:「甄公好得法華經力。」歷位中書侍郎、御史中丞、祠部尙書、

頗知名。 劉盈,彭城人,以西中郎府錄事參軍隨譽之鎭。 隋鷹擊郎將。 歷黃門郎、中書監、雍州刺史、尚書僕射。歸之七年,卒,贈本官。第三子然,于時 有器度,勤於在公。詧之軍國經謀,頗

鄓。

記室,充使詣闕。應對閑敏,深爲太祖所嘉。自此往來,凡數十反。 善方有器局,博綜經史,善於辭令。以刑獄參軍隨營至襄陽。 魏恭帝二年,授驃騎大 詧初請內附,以善方兼

慎,有當世幹能,故營委以機密。 譽之七年,卒,贈太常卿。 將軍、開府儀同三司,封長寧縣公。營之承制也,授中書舍人,遷襄陽郡守。及稱帝,徵爲 太(府)[舟]卿,[三]領中書舍人,轉太府,領舍人如故。 專遷散騎常侍、起部尚書。 善方性清 諡曰敬。所著文集十卷。

州司馬、零陵郡丞。之象掌式中士,隋文帝相府參軍事。後仕隋,歷尚書虞部員外郎、邵陵 使之功,追之利、之象入朝。授之利帥都督、代王記室參軍。後仕隋,歷安固令、郴義江三 上宜渭南邯鄲四縣令。 有七子, 並有操行。 之元、之利、之象最知名。 之元, 太子舍人, 早卒。 高祖錄善方充

西中郎參軍隨譽之鎭。官至度支尚書。歸之七年,卒,贈太常卿。 十卷。有二子,曰康曰訙,並材兼文史。康,尚書右丞。訙,中書舍人、尚書左丞。 <u>博准,北地人。祖照,金紫光禄大夫。父</u>謂,湘東王外兵參軍。<u>准有文才,善詞賦。以</u> 諡曰敬康。所著文集二

書。歸之九年,卒。如周面狹長,以法華經云 [18] 「聞經隨喜,面不狹長」,嘗戲之曰:「卿何 爲謗經。」如周踧踖,自陳不謗。譽又謂之如初。如周懼,出告蔡大寶。大寶知其旨,笑謂 宗如周,南陽人。有才學,容止詳雅。以府僚隨詧,歷黃門、散騎、列卿,後至度支尙

周乃笑曰:「命卿自責,見侮反深。」衆咸服其寬雅。 官也,乃曰:「某有屈滯,故來訴如州官。」如周曰:「爾何小人,敢呼我名」」其人慙謝曰:「祇 學,仕至中書舍人。 言如州官作如州,不知如州官名如周。早知如州官名如周,不敢喚如州官作如周。」〔15〕如 …「君當不謗餘經,政應不信法華耳。」如周乃悟。又嘗有人訴事於如周,謂爲經作如州 希華博通經術,爲荆楚儒宗。 有七子。 希顏、希華知名。 希顏有文

信言,當歸之世,俱爲一時文宗。有集三十卷。〔三〕又著梁史百卷,遭亂失本。 位,以欣襲機封。 蕭欣,梁武帝弟安成康王秀之孫,煬王機之子也。 歷侍中、中書令、尚書僕射、尚書令。 歸之二十三年,卒,贈司**空**。 幼聰警,博綜墳籍,善屬文。 詧踐

授開府儀同三司。尋卒。 拘,與汪湜俱以風範方正爲當時所重。位至吏部尚書,出爲上黃郡守。 柳洋,河東解人。 祖惔,尚書左僕射。〔章〕父昭,〔章〕中書侍郎。洋少有文學,以禮度自 梁國廢,以郡歸隋,

徐岳,東海人,尚書左僕射、開府儀同三司、簡肅公勉之少子也。少方正,博通經史。

入隋,授上開府儀同三司。終於陳州刺史。 初爲東陽王琮師。 位至度支尚書。子敬,鴻臚卿。 · 琮爲皇太子,授詹事。及嗣位,除侍中、左民尚書,俄遷尚書僕射。 子凱,祕書郎。岳兄矩,有文學,善吏事。 從琮 頗黷

年,使詣闕,卒於賓館。贈侍中、右光祿大夫。子瓘,有文詞,黃門侍郎。|沧弟湜,方雅有器 長公主。歷秘書郎、太子舍人、宣成王友、廬陵內史。詧踐位,授侍中、吏部尚書。 位至都官尚書。歸之二十年,卒。子懷,秘書郎,隋沔陽令。 |王淀,〔章〕] 琅邪[臨]沂人。祖琳,侍中、太府卿。父锡,侍中。 **旋少有令譽,尚譽妹廬陵** 歸之四

郎、尚書右丞、散騎常侍。歸之十七年,卒。有文集十卷。子康。迪弟遹,文采劣於迪,而 經術過之。位至中衞、東平王長史。 范迪,順陽人。祖縜,尚書左丞。父胥,鄱陽內史。迪少機辯,善屬文。 歷中書黃門侍

沈君游,吳興人。祖僧畟,左民尚書。父巡,東陽太守。 君游博學有詞采,位至散騎常

列傳第四十 蕭詧

巋之十二年,卒。

有文集十卷。〔言〕

官尚書爲義興王臟師。從臟奔陳,授侍中、太子詹事。 弟君公,有幹局,美風儀,文章典正,特爲歸所重。歷中書黃門侍郎、御史中丞。 隋平陳,以瓛同謀度江,伏誅。 自都

而進。 之下吏也,棄忠與義,盜有江東。今大周朝宗萬國,招攜以禮,若使梁之行人在陳人之後, 便恐彝倫失序。 袁敞,陳郡人。 還,以稱旨,遷侍中,轉左民尙書。從隊入隋,授開府儀同三司。終於譙州刺史。子 豈使臣之所望焉。」主者不能屈,遂以狀奏。 高祖善之,乃詔敞與陳使異日 祖昂,司空。父士俊,安成內史。敞少有器量,博涉文史。以吏部郎使

譬,則威略具舉;朝宗上國,則聲猷遠振。豈非繼世之令主乎。 厥自遠,享國數世,可不謂賢哉。嗣子纂承舊業,增修遺構,賞罰得衷,舉厝有方。密邇寇 貳, 擁衆自固, 稱藩內款, 終能據有全陸, 中興頹運。雖土宇殊於舊邦, 而位號同於曩日。 貽 梁主任術好謀,知賢養士,蓋有英雄之志,霸王之畧焉。及淮海版蕩,骨肉猜

校勘記

〇一〕梁普通六年封曲江縣公 公營爲岳陽郡王』,當作『曲阿』爲正。」按南史卷七梁本紀、北史卷九三僭爲蕭氏傳皆同周書作 張熠讀史舉正卷六云:「案梁武帝紀梁書卷三中大通三年六月立『曲阿

「曲江」。

- 東揚州刺史。」按南瑯琊、南彭城皆南徐州屬郡,這裏當脫「南」字。 瑯琊彭城二郡太守 梁書卷三武帝紀下大同四年七月載「以南瑯琊、彭城二郡太守岳陽王詧爲
- ヘぎ 梁元帝届郢州之武成 「城」。 城」者,常寫作「成」,今不改。 水經注卷三五江水注稱武口水「南至武城,俱入大江」。「成」應作「城」。 梁書卷三四、南史卷五六張緬附纘傳、通鑑卷一六二五〇〇六頁「成」作 但當時地名
- /^\ |23| |_____ 按通鑑卷一六二五〇二三頁亦作「戴」。 河東戴檣上水 「戴」原作「載」。 諸本都作「戴」。 張說是,今逕改。 張元濟以爲作「載」誤,云「見南史張纘傳」。
- 严 吾蒙先(帝)[宮]愛顧 託」,後人不解「先宮」之意,改「宮」爲「帝」。 宋本「帝」作「宮」。 按「先宮」指督父昭明太子統,所以說「以汝兄弟見 **今據改。**
- M 六 し 假散騎常侍鄭穆 列 傳 第 四 + 校 勘 北史蕭氏傳作「鄭孝穆」。 記 按周書卷三五有鄭孝穆傳,此雙名單稱。

C+) 十七年營留蔡大寶居守乃自襄陽來朝 通鑑卷一六三五〇四九頁大寶元年五五〇年七月辛酉,書

「梁王詧入朝於魏」,則是大統十六年。 此事不見周書卷二文帝紀下。 通鑑紀月紀日,必有所

據。

CC」王琳又遣其將雷又柔襲陷監利郡 北史蕭氏傳「又柔」作「文柔」,通鑑卷一六七五一八三頁作「文

策」。按「又」疑當作「文」。「柔」「策」不知孰是。

へたし 則鄧(前)(祁)(於謂人將不食吾餘也 北史蕭氏傳「所」作「祁」。按事見左傳莊六年,作「祁」

是,个據改。

況託夢於霄極 文苑英華卷一二九這句作「況華夢聯於霄極」,與下「寵渥流於無已」句對,疑

是。

(二) 烽凌雲而迥照 英華「凌」作「連」。「迥」原作「逈」,誤,英華作「迥」,个逕改。又疑「逈」「迥」皆

「迴」之訛。

(二) 省覽(薄)(簿)頃 宋本有異。按文義作「簿」是,今據改。 局本、百衲本「薄」作「簿」。然宗本、南本、北本、汲本都作「薄」,或百衲本所據

所著文集十五卷 隋書卷三五經籍志四有「梁岳陽王詧集十卷」。

CIBD 四十六卷 北史本傳作「三十六卷」。

張森楷云:「『五』當作『六』,見武帝紀 周書卷五及

(通) 卷一七〇、五二六六頁,非五年事也。」按武帝紀蕭詧死於保定二年五六二年,華皎之降在天和二

年五六七年。 據蕭詧傳,詧死,「高祖又命其太子巋嗣位,年號天保」,似巋嗣位即改元,不待踰年。

通鑑卷一六八五二三頁更明云:「太子巋即皇帝位,改元天保。」如果蕭巋改元在周保定二年五六

二年,則周天和二年、陳光大元年五六七年相當於蕭巋的天保六年,這裏作「五年」定誤。 但從下條

紀章昭達事和在位年數亦差一年看來,本傳又似以踰年五六三年改元爲歸之元年,則五年不誤。

巋之八年陳又遣其司**空章昭達**來寇 按卷四四李遷哲傳、陳書卷一一章昭達傳載 此 事 在周天

和五年,陳太建二年五七〇年。 如果從蕭巋嗣位那年五六三年算起,應是九年,如從踰年改元起,則

也可作「八年」。

により 昭達又寇章陵之青泥 晉以來爲安昌縣,西魏爲昌州,何故在這裏特標一廢郡之名。 北史蕭氏傳「章」作「竟」。按章陵、東漢郡名,在今棗陽。 且章昭達乃是進攻後梁。 郡已久廢,自 章陵和

江陵縣遠,地久入周,又不是陳軍攻梁所經的路線。 當時竟陵卽在江陵之東。 陳書章昭達傳 稱

陵正在其地,且周圍湖泊縱橫,便于舟艦屯聚。 太建 二年攻江陵時,「蕭巋與周軍大蕃舟艦於靑泥 北史作「竟陵」是。至方輿紀要卷七九以襄陽西 中一, 知青泥必在江陵鄰近周、梁接界處。 竟

北之青泥河當章昭達傳之青泥,更是渺不相涉。

- 吒列長义 「义」原作「乂」。、北史蕭氏傳作「叱列長义」。按「吒」「叱」音近,「义」「乂」他處也歧
- 出,作「义」是。今逕改。參卷八校記第一二條。
- [1元] 遣使賜金三百兩 、北史「三」作「五」。
- 歸在位二十三載年四十四五年五月薨 按自開皇五年五八五年逆數至保定三年五六三年得二十三

年。 然歸嗣位在保定二年二月,應爲二十四年。 知以踰年改元起算,不計嗣位之年。

- \subseteq 謚日孝(文)(明)皇帝 宋本、局本及北史蕭氏傳、隋書卷七九外戚蕭歸傳都作「明」,今據改。
- 琮叔父巖及弟(愚)[瓛]等 局本及北史蕭氏傳、隋書外戚傳「獻」作「瓛」。 按下文稱「歸子職,義
- 呈 傅准 興王」,且有附傳,諸本作「厭」誤,今據改。 北史蕭氏傳「准」作「淮」。 按下附傳亦作「准」,北史無傅氏附傳。
- 王凝 即此王凝。 北史蕭氏傳「凝」作「洋」。 但其名又有紛歧,參校記第三八條。 張元濟云:「按當作『淀』,尙廬陵長公主。」按本傳附有王淀,當
- **全**色 **詧之爲梁主立爲世子** 太子,「主」當作「王」。 北史蕭氏傳「主」作「王」。 按繁死在營稱梁王時,且云「封爲世子」,不稱
- 三公 及爲梁主 按下云「詧於江陵稱帝」,則此「主」字也應作「王」。
- [17] 領太子少傅 按上已云「領太子少傅」,這裏「少」字疑當作「太」。

- 尚晉女宣成公主 北史蕭氏傳「成」作「城」。 按「宣城」乃郡名,北史是。 但南北史籍地名「城」
- 字常寫作「成」,今不改。下「宣成王友」同。
- [元] 有五子 北史蕭氏傳「五」作「三」。
- 小名嗣兒 「嗣」原作「洞」。諸本都作「嗣」,殿本刻誤,今逕改。
- 有文集二十卷 隋書卷三五經籍志四有「梁護軍將軍甄玄成集十卷並錄」。
- 徴爲太(府)[升]卿 宋本「府」作「舟」。 張元濟以爲「府」字誤,云「下文轉『太府』可證」。 按限說
- 是。通典卷三七梁官品太舟卿在九班。今據改。
- 以法華經云 北史蕭氏傳「以」上有「詧」字。按文義應有「詧」字。
- 不敢喚如州官作如周 北史蕭氏傳作「不敢喚如周官作如州」。按文義應作「不敢喚如州 官作
- 如州」。

至至

有集三十卷

隋書卷三五經籍志四作「十卷」

- 金 祖惔尚書左僕射 梁書卷一二柳쌼傳作「右僕射」,南史卷三八柳元景附쌼傳則作「左」。
- (三十) 父昭 梁書柳惔傳「昭」作「照」,南史亦作「昭」。
- 合合 梁書卷二一王份附孫錫傳「淀」作「泛」,南史卷二三王彧附錫傳作「涉」。
- 有文集十卷 隋書卷三五經籍志四有「梁散騎常侍沈君攸集十三卷」,君攸當即君游。

周書卷四十九

列傳第四十一

異域上

稽胡 庫莫奚 高麗 百濟 蠻 獠

宕昌

鄧至

白蘭

迅

畧。 多; 周、凡存而不論,是非紛而莫辯。 欲,顚墜之釁,固不旋踵。 方朔漠,地所以限內外也。 兩儀之間,中土局而庶俗曠。求之鄒說,詭怪之迹實繁;考之山經,奇譎之詞匪 匈奴旣却,其國已虛;犬馬旣來,[1]其民亦困。是知鴈海龍堆,天所以絕夷夏也; 蓋天地之所覆載,至大矣,日月之所臨照,至廣矣。 是以先王設敎,內諸夏而外夷狄;往哲垂範,美樹德而鄙廣地。 况乎時非秦、漢,志甚嬴、劉,違天道以求其功,殫民力而從所 秦皇鞭笞天下,黷武於遐方,漢武士馬彊盛,肆志於 然則萬物之內,民人寡而禽 炎 遠 熠

列

傳第

四十

異域

上

高百代者乎。

雖馬迹之東漸 西被,不過海及流沙; 王制之自北徂南,裁稱穴居交趾。 豈非道貫三古,義

史,或有不同。斯皆錄其當時所記,以備遺闕云爾。 覃被,亦足爲弘矣。 商胡販客,填委於旗亭。雖東畧漏三吳之地,南巡阻百越之境,而國威之所肅服,風化之所 北狄;廐庫未實,則通好於西戎。 有周承喪亂之後,屬戰爭之日,定四表以武功,安三邊以權道。趙、魏尚梗,則結姻於 其四夷來朝聘者,今竝紀之於後。 由是德刑具舉,聲名遐泊。[三] 卉服氈裘,輻凑於屬國; 至於道路遠近,物產風俗,詳諸前

夫餘而臣之。 莫來裔孫璉,始通使於後魏。 |夫餘人惡而逐之。 土于||紇斗骨城,[m] 自號日||高句麗,仍以|高爲氏。 其孫||莫來漸盛,[m] 擊 高麗者,其先出於夫餘。自言始祖曰朱蒙,河伯女感日影所孕也。 朱蒙長而有材畧,

之。其外有國內城及漢城,亦別都也,復有遼東、玄菟等數十城,皆置官司,以相統攝。 西六里,南臨浿水。城內唯積倉儲器備,寇賊至日,方入固守。王則別爲宅於其側,不常居 其地,東至新羅,西渡遼水二千里,南接百濟,北隣靺鞨千餘里。治平壤城。其城,東

有

大官有大對盧,次有太大兄、大兄、小兄、意俟奢、[편] 鳥拙、太大使者、大使者、小使者、

列

羅,北接高句麗,西南俱限大海。東西四百五十里,南北九百餘里。治固麻城。其外更有 五方:中方日古沙城,東方日得安城,南方日久知下城,西方日刀先城,北方日熊津城 百濟者,其先蓋馬韓之屬國,夫餘之別種。有仇台者,始國於帶方。故其地界東極新

以達率爲之,郡將三人,[1世]以德率爲之。方統兵一千二百人以下,七百人以上。[10]城之 (李)[季]德十品,[三]青帶;對德十一品,文督十二品,皆黃帶;武督十三品,佐軍十四品, 品。左平五人,[10]一品;達率三十人,[11]二品;恩率三品;德率四品;扞率五品;[15] 內外民庶及餘小城,咸分(韓)[隸]焉。[1九] 下有萬家,分爲五部,日上部、前部、中部、下部、後部,統兵五百人。日因五方各有方領一人, 外官有司軍部、司徒部、司空部、司寇部、點口部、客部、外舍部、綢部、日官部、都市部。都 有前內部、穀部、肉部、內掠部、外掠部、馬部、刀部、功德部、藥部、木部、法部、後官部。 振武十五品,克虞十六品,[12]皆白帶。自恩率以下,官無常員,各有部司,分掌衆務。內官 柰率六品。 六品已上,冠飾銀華。 將德七品,紫帶; 施德八品,皂帶; 固德九品,赤帶; 王姓夫餘氏,號於羅瑕,民呼爲鞬吉支,夏言並王也。妻號於陸,夏言妃也。官有十六

其衣服,男子畧同於高麗。若朝拜祭祀,其冠兩廂加翅,戎事則不。拜謁之禮,以兩手

仲之月,祭天及五帝之神。又每歲四祠其始祖仇台之廟 陽五行。用宋元嘉曆,以建寅月爲歲首。亦解醫藥卜筮占相之術。 者,乃分爲兩道焉。兵有弓箭刀矟。俗重騎射,兼愛墳史。其秀異者,頗解屬文。又解陰 暖。五穀雜果菜蔬及酒醴餚饌藥品之屬,多同於內地。 婚娶之禮,畧同華俗。父母及夫死者,三年治服;餘親,則葬訖除之。 其刑罰:反叛、退軍及殺人者,斬;盜者,流,其贓兩倍徵之;婦人犯姦者,沒入夫家爲婢。 然尤尙奕棊。僧尼寺塔甚多,而無道士。賦稅以布絹絲麻及米等,量歲豐儉,差等輸之。 據地爲敬。 婦人衣(以)[似]袍,[回]而袖微大。在室者,編髮盤於首,後垂一道爲飾;出嫁 唯無馳驢騾羊鵝鴨等。 有投壺、樗蒲等雜戲, 土田下濕,氣候溫 其王以四

通使焉。隆死,子昌立。建德六年,齊滅,昌始遣使獻方物。宣政元年,又遣使來獻。 自晉、宋、齊、梁據江左,後魏宅中原,並遣使稱藩,兼受封拜。 齊氏擅東夏,其王隆亦

更相崇樹,僭稱王侯,屯據三峽,斷遏水路,荆、蜀行人,至有假道者。」太祖畧定伊、瀍,聲敎 逮魏人失馭,其暴滋甚。有冉氏、向氏、田氏者,陬落尤盛。餘則大者萬家,小者千戶。 蠻者,盤瓠之後。族類(番)〔蕃〕衍、[三]散處江、淮之間,汝、豫之郡。憑險作梗,世爲窓

傳

南被,諸蠻畏威,靡然向風矣。

蟹田魯嘉亦叛,自號豫州伯。
王雄、權景宣等前後討平之。
語在泉仲遵及景宣傳。 貢其方物。 自稱巴州刺史,[三]以州入附。 大統五年,蔡陽蠻王魯超明內屬,以爲南雍州刺史,仍世襲焉。十一年,蠻首梅勒特來 專而蠻帥田杜清及沔、漢諸<u>蠻擾動,〔三〕大將軍楊忠擊破之。</u> 朝廷因其所稱而授之。 青和後遂反,攻圍東梁州 其後蠻帥 杜青 其唐州 和

江陵,諸蠻騷動,詔豆盧寧、蔡祐等討破之。 魏廢帝初,蠻會樊舍舉落內附,以爲淮北三州諸軍事、淮州刺史、淮安郡公。 于謹等平

開府儀同三司,加季昌洛州刺史,賜爵石臺縣公。其後巴西人譙淹扇動羣蠻,以附於梁。 敦、潘招、李遷哲討破之。 語在敦及遷哲、(楊)[陽]雄等傳。[三] 文子榮復據荆州之汝陽郡,自稱仁州刺史。 幷隣州刺史蒲微亦舉兵逆命。 |帥向鎭侯、向(日)[白]彪等應之。[三]向五子王又攻陷信州。 魏恭帝二年,蠻會宜民王田興彥、北荆州刺史梅季昌等相繼款附。 田鳥度、田都唐等抄斷江路。 以興彦、季昌並爲 韶田弘、賀若

華,遂相率作亂。 武成初,文州蠻叛,州選軍討定之。尋而冉令賢、向五子王等又攻陷白帝,殺開府楊長 前後遣開府元契、趙剛等總兵出討,雖頗剪其族類,而元惡未

天和元年,韶開府陸騰督王亮、司馬裔等討之。騰水陸俱進,次于

湯口,先遣喩之。 而

數道 先取 城, 獲 以 騰 蠻 江 復資 令賢 餘 任 金 日 | 蠻帥 又密 蜑以 攻拔 帛。 隆 南 級,虜獲 金 遠結涔陽 水邏 州 帛 旣 入 糧充實,器械精 方增浚城池 剪其 伯犁 攻 冉三公等。 誘龍 總管, 其八城, 而 爲 峭 水 遣二千人銜枚夜進。 蠻 初 然後 眞云 貪 邏 等悅,遂爲 絕,非兵衆所行。 萬口 雅 毛, 蠻 利 知 經 爲 凶黨奔散。 一,若平 ,嚴設扞禦。 既深,仍請立効。 路經 然後進軍 變帥 其聲援。 0 略 騰 新 **令賢**遁走, 江 乃積其骸骨於水邏城側,爲京觀。 水邏 石壁城。 鄕 冉伯犁、 南 以 導。 水邏 一使其 我 獲賊 騰言於衆日:「 令賢 騰被 水邏 懸軍攻其嚴 遺其長子西黎、次子南王領其支屬,於江南險要之地 、冉安西 龍眞 追而 此城峻 帥 文 率 其 八代令賢 此制勝之計 乃謂 甲先登, 側又有石 冉承 獲之,幷其子弟等皆 力不能禦,遂平 精 與令賢 嶮, 騰 公幷生口三千人, 降其部 卒, 處。 量,脫 曰:「欲翻 令賢 衆軍 四面 固守水邏城。 勝城者,亦是險要。 龍眞 有隙。 也 內恃水邏金湯之險,外託 繼進 .壁立, 一。」衆皆然之。 戰不尅, 大悅,密遣其子詣騰 所據城,恐人力寡少 石勝城。 騰乃招 ,備經危阻,累月乃得舊路。〔云〕且騰 故以 斬之。 後蠻蜑望見,輙大號哭。 騰 名焉。 更成其氣。 誘伯型等,結爲父子,又多遺其 乃總 晨至 司 乃遣開 令賢 集將帥 衆一千戶。 水邏, 馬裔又別下其二十餘城 唯 有一小 使兄子龍眞據之。[日] 府 不如頓 '。」騰許以三百兵 **蠻**衆 涔陽 王亮 騰乃 謀 路, 其 大潰, 輔 /厚加 率衆渡 軍 遂 進 湯 緣 簡 車之援,兼 自此狼戾 趣。 禮接 梯 口 募 斬首萬 置 江,旬 , 先 驍 而 咸欲 立 勇, 先 賜 助 取

之心輟矣。

之北 難追討。乃令諸軍周回立栅,遏其走路。賊乃大駭。於是縱兵擊破之,擒五子王於石獸, 獲寶勝於雙城,悉斬諸向首領,生擒萬餘口。信州舊治白帝。騰更於劉備故宮城南,八陣 騰又遣王亮屯牢坪,司馬裔屯雙城以圖之。騰慮雙城孤峭,攻未易拔。賊若委城奔散,又 ,臨江岸築城,移置信州。 時向五子王據石默城,令其子寶勝據雙城。水邏平後,頻遺喩之,而五子王猶不從命。 又以巫縣、信陵、秭歸並是硤中要險,於是築城置防,以爲襟

天和六年,蠻渠冉祖喜、冉龍驤又反,詔大將軍趙誾討平之。自此羣蠻懾息,不復爲寇

矣。

語之次第稱謂 賣者號叫不服,逃竄避之,乃將買人指撝捕逐,若追亡叛,獲便縛之。 名字,所生男女,唯以長幼次第呼之。 也。 喜則羣聚,怒則相殺,雖父子兄弟,亦手刃之。 其丈夫稱阿謩、阿段,婦人阿夷、阿第之類,「云」皆其 遞相掠賣,不避親戚。被 但經被縛者,即服爲

賤隸,不敢更稱良矣。俗畏鬼神,尤尚淫祀巫祝,至有賣其昆季妻孥盡者,乃自**賣以祭**祀

焉。set往往推一會帥爲王,亦不能遠相統攝。

謂之爲壓獠焉。後有商旅往來者,亦資以爲貨,公卿逮于民庶之家,有獠口者多矣。 居者,亦頗從賦役。然天性暴亂,旋至擾動。每歲命隨近州鎭出兵討之,獲其口以充賤隸, 自江左及中州遞有巴、蜀,多恃險不賓。太祖平梁、益之後,令所在撫慰。 其與華民雜

反,抄斷江路。陸騰復攻拔其三城,虜獲三千人,降其種三萬落。語在騰傳。 魏恭帝三年,陵州木籠獠反,詔開府陸騰討破之,俘斬萬五千人。保定二年,鐵山獠又

之,歸善者撫之。善惡旣分,易爲經晷。事有變通,奈何欲遵前轍也。」文表遂以此意遍令 降走路絕,理當相率以死拒戰。如從一道,則吾得示威恩,分遣使人以理曉諭。為惡者討 兵,恐併力於我,未可制勝。」文表曰:「往者旣不能制之,今須別爲進趣。若四面遣兵,則豫 等曰:「此獠旅拒日久,部衆甚彊。討之者皆四面攻之,以分其勢。今若大軍直進,不遣奇 不悉山川,請爲鄉導。」文表謂之曰:「此路寬平,不須導引,卿但先去,好慰諭子弟也。」乃遣 至其界。獠中先有二路,一路稍平,一路極險。俄有生獠酋帥數人來見文表曰:「我恐官軍 天和三年,梁州恆稜獠叛,總管長史趙文表討之。軍次巴州,文表欲率衆徑進。軍吏 時有從軍熟獠,多與恆稜親識,即以實報之。恆稜獠相與聚議,猶豫之間,文表軍已

列傳第

域上

之,仍徵其稅租,無敢動者。後除文表爲蓬州刺史,又大得獠和。 旣失計,爭携妻子,退保險要。文表頓軍大蓬山下,示以禍福,遂相率來降。 衆自離散矣。」於是勒兵從險道進,其有不通之處,隨卽治之。乘高而望,果見其伏兵。 之。文表謂其衆曰:「向者,潦帥語吾從寬路而行,必當設伏要我。若從險路,出其不虞,潦 文表皆慰撫 獠

平地,雖屢加兵,弗可窮討。性又無知,殆同禽獸,諸夷之中,最難以道義招懷者也。 建德初,李暉爲梁州總管,諸獠亦並從附。然其種類滋蔓,保據嚴壑,依林走險,若履

妻。[10]俗無文字,但候草木榮落,以記歲時。 三年一相聚,殺牛羊以祭天。 養犛牛羊豕,以供其食。父子伯叔兄弟死者,即以其繼母、世叔母、及嫂(姊妹)〔弟婦〕等為 無法令,又無徭賦。唯征伐之時,乃相屯聚;不然,則各事生業,不相往來。皆衣裘褐,牧 地分,不相統攝。 當等,世爲邊患。其地,東接中華,西通西域,南北數千里。姓別自爲部落,各立會帥,皆有 宕昌羌者,其先蓋三苗之胤。 宕昌卽其一也。俗皆土著,居有棟字。其屋織犛牛尾及羖羊毛覆之。國 周時與庸、蜀、微、盧等八國從武王滅商。漢有先零、燒 其界自仇池以西,東西千里,

有梁(勒)[勤]者,[計]世爲酉帥,得芜豪心,乃自稱王焉。

帶)[席]水以南,[三]南北八百里。 地多山阜, 部衆二萬餘落。 勤孫彌忽,始通使於後魏。

太武因其所稱而授之。

欲招 爲岷 稱藩 孤信時鎭隴右,韶信 谷渾寇金城。 請罪。 懷 州 自 殊俗,乃 ,仍以企定爲刺 彌忽至仚定 太祖捨之,拜撫軍將軍。 大統 更以其弟彌定爲宕昌王。〔言〕 初、又 九世,每修職貢不絕。 率衆便討之。 史。 /率其種· 是歲,秦州濁水羌反,州軍討平之。 人入寇。 軍未一 四年,以仚定爲南洮州 至而仚定爲其下所殺。 詔行臺趙貴督儀同侯莫陳順等擊破之。 後見兩魏分隔,遂懷背誕。 刺 史、要安蕃王。〔三〕後改洮州 七年,企定又舉兵入寇 信進 一兵破其餘黨。 永熙末, **企定乃引吐 企定懼** 朝廷方 獨

寧、 姐、鞏廉俱和等反,大將軍豆盧寧、王勇等前後討平之。 **遂擁衆據渠林川,**[壹] 涼州 十六年,彌定宗人撩甘襲奪其位,彌定來奔。 刺 史史寧等率兵討僚甘等, 與渭州民鄭五醜扇 並擒斬之, 動諸羌, 納 彌定 先是,羌酋傍乞鐵忽等因 阻 兵逆命。 而 還。 語在貴等傳。 至是詔 大將軍宇文貴、 **企定反叛之際** 其後羌酋東念 豆盧

是歲, 保定 初,彌定 爾定又引吐谷渾寇石門成,賢復破之。至為高祖怒,韶大將軍田弘討滅之,以其地 遣使獻 方物。 三年,又遺使獻生猛獸。 四年,彌定寇洮州 ,總管李賢 擊 走

爲宕州。

風俗物產亦與宕昌畧同。 鄧至羌者,羌之別種也。 自舒治至檐桁十一世。[雪]魏恭帝元年,檐桁失國來奔,太祖令章 有像舒治者,世爲白水會帥,自稱王焉。 其地北與宕昌相接,

武公導率兵送復之。

岩昌畧同。保定元年,遣使獻犀甲鐵鎧。 白蘭者,羌之別種也。 其地東北接吐谷渾,西北至利模徒,南界那鄂,〔云〕風俗物產與

敗,其族人定又自稱王。定爲乞伏乾歸所殺。定從弟盛,代有其國。世受魏氏封拜,亦通 駒,始據仇池百頃,最爲彊族。其後漸盛,乃自稱王。至裔孫纂,爲(符)[苻]堅所滅。〔長]堅 來王」也。漢武帝滅之,以其地爲武都郡。 氏者,西夷之別種。

三代之際,蓋自有君長,而世一朝見。 自汧、渭抵於巴、蜀,種類實繁。漢末,有氐帥楊 故詩稱「自彼氏、羌,莫敢不

使於江左。 然其種落分散,叛服不恆,隴、漢之間,屢被其害。

討之,擒蓋鬧,散其餘黨。 平氐城,姜樊噲亂武階,西結宕昌羌獠甘,共推蓋鬧爲主。一般分道遣使宣示 南由,太祖遣典籤趙昶慰諭之,鼠仁等相繼歸附。 州刺史長孫澄討破之。 執紹先歸諸京師,以其地爲武興鎭。魏氏洛京未定,天下亂,紹先奔還武興,復自立 大破之。 於是以昶行南秦州事。 辟邪爲刺史。十五年,安夷氐復叛,趙昶時爲郡守,收其首逆者二十餘人斬之,餘衆乃定。 死,子辟邪立。 太祖定秦、隴,紹先稱藩,送妻子爲質。大統元年,紹先請其妻女,太祖奏魏帝還之。 盛之苗裔日集始,魏封爲武興王。 四年,南岐州氐苻安壽反,攻陷武都,自號太白王。 氐帥蓋鬧等相率作亂, 鬧據北谷, 其黨 覃洛聚洮中, 楊興德、·苻雙圍 安壽以其衆降。 興州叛氐復侵逼南岐州,刺史叱羅協遣使告急,艰率兵赴救,又 集始死,子紹先立,逐僭稱大號。 九年,清水氐曾李鼠仁據險作亂,氐帥梁道顯叛攻 語在飛傳。 十一年,於武興置東益州,以 韶大都督侯莫陳順 魏將傅豎眼滅之, 禍福,然後出兵 爲王。 紹先 與渭

與趙昶討平之。 貢不絕。 先是, 氐首楊法深據陰平自稱[王], 亦盛之苗裔也。[80] 魏孝昌中, 舉衆 廢帝元年,以法深爲黎州刺史。二年,楊辟邪據州反,羣氐復與同逆。 太祖乃以大將軍宇文貴爲大都督、六州諸軍事、興州刺史。 內附。 貴威名先著 韶 叱 自是職 羅協

列傳

各擁其衆,遞相攻討。 羣氐頗畏服之。 是歲,楊法深從尉遲迥平蜀,軍回,法深旋鎮。 趙昶時督成武沙三州諸軍事、成州刺史、四遭使和解之。 尋與其種人楊崇集、楊陳侳 法深等從

魏 恭帝末,武興氐反,圍利州。 鳳州固道氐魏天王等亦聚衆響應。 大將軍豆盧寧等討 命。

乃分其部落,更置

州郡以處之。

平之。 又據州應謙,大將軍達奚儒討平之。 討之,大破氐衆,斬姜多及苻肆王等。 渠率,二郡竝降。 往屯聚,自己與厨中相應。 厨中氐、蜀攻陷落叢郡以應之。 世宗時,興州人(段)[段]吒及下辯、栢樹二縣民反,[5] 相率破蘭皐戍。 及昶還,厨中 | 昶乃簡擇精騎,出其不意,徑入厨中。 主氏復爲寇掠。四別飛又遺儀同 趙昶率衆討平二縣,幷斬段吒。 於是羣氐並平。 及王謙舉兵,沙州氏帥開府楊 .劉崇義、宇文琦率兵入厨 至大竹坪,連破七栅,誅其 而陰平、盧北二郡氐復往 **氐**曾姜多復率 永安

中

西, 安定以東,方七八百里,居山谷間,種落繁熾。 稽胡 日步落稽,蓋匈 奴別種,劉元海五部之苗裔也。 其俗土著,亦知種田。 或云山戎赤狄之後。 地少桑蠶,多麻 自離 石以

懲罰。又兄弟死,皆納其妻。 甚。將嫁之夕,方與淫者敍離,夫氏聞之,以多爲貴。 錯居,其渠帥頗識文字。然語類夷狄,因譯乃通。 其丈夫衣服及死亡殯葬,與中夏畧同。回見婦人則多貫蜃貝以爲耳及頸飾。 雖分統郡縣,列於編戶,然輕其徭賦,有異齊民。 蹲踞無禮,貪而忍害。 旣嫁之後,頗亦防閑,有犯姦者,隨事 。俗好淫穢,處女尤 山谷阻深 又與華民

者,又未盡役屬。而凶悍恃險,數爲寇亂

以女妻鳌升太子,鳌升信之,遂遣其子詣鄴。齊神武厚爲之禮,緩以婚期。鳌升旣恃和親, 不爲之備。大統元年三月,齊神武潛師襲之。鳌升率輕騎出外徵兵,爲其北部王所殺,斬 及其弟西海王,并皇后夫人王公以下四百餘人,歸於鄴。 首送於齊神武。其衆復立墜升第三子南海王爲主,率兵拒戰。 鳌升遂分遣部衆,抄掠居民,汾、晉之間,畧無寧歲。

齊神武遷鄴後,始密圖之。

偽許 魏孝昌中,有劉鰲升者,居雲陽谷,自稱天子,立年號,署百官。屬魏氏政亂,力不能 齊神武擊滅之,獲其偽主,

郝阿保、郝狼皮 就 安撫之。回己五年,黑水部衆先叛。七年,別帥夏州刺史劉平伏又據上郡反。自是北山諸 居河 西者,多恃險不賓。時方與齊神武爭衡,未遑經畧。太祖乃遣黃門郞楊(忠)[類] 太祖前後遭李遠、于謹、侯莫陳崇、李弼等相繼討平之。武成初,延州稽胡 率其種 人附於齊氏。 阿保自署丞相,狼皮自署柱國,并與其別部劉桑德共

列

軍韓(果)[果]討之,四〇俘斬甚衆。 影響。[四]柱 國豆盧寧督諸軍與延州刺史高琳擊破之。 二年,狼皮等餘黨復叛。 詔大將

五年, 衆城 頻年逆命。 懼,乃相率供饋焉。 與突厥伐齊, 銀州 保定 開府 中,離石生胡數寇汾北,勳州刺史章孝寬於險要築城,置兵糧,以遏其路。 劉雄出綏州,巡檢北邊川路,稽胡帥喬白郎、 稽胡白郁久同、喬是羅等欲邀襲盛軍,盛並討斬之。 復韶達奚震、辛威、于寔等前後窮討,散其 稽胡等復懷旅拒,不供糧餼。 語在忠傳。 其後丹州、 綏州、銀州等部內諸胡,與蒲 忠乃詐其

首帥,

云與突厥欲回 種落。 喬素勿同等度河逆戰, 天和二年,延州總管宇文盛率 又破 其 |JI|別 別帥 兵討之。 帥 喬三勿同等。 郝三 (是) 雄復破 郎等又 脋 及楊忠 I帥等

要,掎角憲軍。 次馬邑, 欲窮其巢穴。 加 盜 慰 而 撫 有之。 建德五年,高祖敗齊師於晉州,乘勝逐北,齊人所棄甲仗,未暇收歛,稽胡 乃分道俱進。 高祖然之,乃以憲爲行軍元帥,督行軍總管趙王招、譙王儉、滕王逌等討之。 乃立蜜升孫沒鐸爲主,號聖武 齊王憲以爲種類旣多,又山谷阻絕,王師一舉,未可 憲命譙王儉攻天柱,滕王道擊穆支,並破之,斬首萬餘級。 沒鐸遣其黨天柱守河東,又遣其大帥穆支據河 皇帝,年日石平。 六年, ·盡除。 高祖定東夏, .西,[晉] 規欲分 且當剪其魁首,餘 趙王招又擒沒 乘閒竊 將討之,議 出,並 守險 憲軍

鐸,餘衆盡降。

宣政元年,汾州稽胡帥劉受羅千復反,至已越王盛督諸軍討擒之。 自是寇盜頗息。

賞。 阿會氏者,最爲豪帥,五部皆受其節度。役屬於突厥,而數與契丹相攻。 日辱紇主,二日莫賀弗,三日契箇,四日木昆,五日室得。 死者則以葦薄裹尸,懸之樹上。 大統五年, 遺使獻其方物。 庫莫奚,鮮卑之別種也。 其先爲慕容晃所破,竄於松漠之間。後種類漸多,分爲五部: 每部置俟(斥)[斤]一人。[三]有 **虜獲財畜,因而行**

弱則稽服,其揆一也。 繁熾;七戎六蠻,充牣邊鄙。 限以丹徼紫塞,隔以滄海交河,此之謂荒裔。 所通,九川爲紀,五嶽作鎭,此之謂諸夏。 史臣曰:凡民肖形天地,禀靈陰陽,愚智本於自然,剛柔繫於水土。 斯蓋天之所命,使其然乎。 雖風土殊俗,嗜欲不同,至於貪而無厭,狠而好亂,彊則 生其地者,則仁義出焉。 感其氣者,則凶德成焉。 昧谷、嵎夷 若夫九夷八狄,種落 故雨露所會,風流 孤竹、 旅拒, 北戶

第四十一 異域上 校勘記

列傳

校勘記

(一) 犬馬旣來 北史卷九四「犬」作「天」。二張皆以爲當從北史作「天」。按「天馬」見史記卷一二三

大宛傳、漢書卷九六西域傳,且漢武帝有天馬倈之歌,作「天」是。

聲名遐洎 宋本「名」作「明」。 張元濟云:「『昭其聲也』『昭其明也』 按見佐傳桓二年『聲明』 二字可

通。」

(三) 土于紇斗骨城 北史殿本卷九四高麗傳作「紇升滑城」,北史百衲本、魏書卷一〇〇高句麗傳、

通典卷一八六高句麗條、册府卷九五六一二二四二頁都作「紇升骨城」。 按「骨」「滑」同音。「升」

「斗」隸書常相混,不知孰是。

其孫莫來漸盛 魏書本傳稱「朱蒙死、閻達代立;閻達死,子如栗代立;如栗死,子莫來代立」。

隋書卷八一高麗傳亦以莫來爲閻達孫,則是朱蒙曾孫。 北史本傳百衲本、殿本缺閻達一代,則

莫來爲朱蒙孫,與問書同,而局本却又有「閻達」,疑據魏書補

(五) 意俟奢 隋書本傳作「意侯奢」、北史作「竟侯奢」。

(公)白章帶 隨書、北史本傳作「素皮帶」。

(七)其冠日骨蘇 北史本傳倒作「蘇骨」。

- 乃至同川而浴共室而寢 隋書、北史本傳「乃至」作「父子」。
- 一日登高神 北史本傳倒作「高登神」。
- (10) 左平五人 通典卷一八五百濟條「左平」作「左率」。
- 達率三十人隋書卷八一百濟傳「達」作「大」。
- 二 計率五品
- (三)(李)(季)德十品 隋書本傳殿本「扦」作「杆」,隋書百衲本、北史卷九四百濟傳作「杅」。 宋本、南本及北史本傳、通典卷一八五、册府卷九六二一三三五頁「李」都作

「季」,个據改。

- △ □ 克虞十六品 隋書、北史本傳「克」作「剋」。 册府卷九六二一二三二五頁作 克虞」,注云:「一作喪
- 二吾 後官部 北史本傳、册府卷九六二一一三一五頁「官」作「宮」、疑是。
- 二 統兵五百人 北史本傳作:「部有五巷,士庶居(馬)[焉],部統兵五百人。」按本條「統」上當有
- (1寸) 郡將三人 隨書、北史本傳上有「方有十郡」四字。 周書無此四字,語意不完,疑誤脫
- CICI 方統兵一千二百人以下七百人以上、北史本傳、册府卷九六二一三三五頁無「方」字。按無「方」

列 傳 第四十一 校 勘

記

字,則是指郡將所統兵。

- 咸分(肄)[隸]焉 北史本傳、通典卷一八五「肄」作「隸」,是,令據改。
- 婦人衣(以)(似)袍 北史本傳、通典卷一八五「以」作「似」,是,今據改。
- (三) 族類(番)(蕃)衍 宋本「番」作「蕃」。張森楷云:「『番』當作『蕃』,『番』字無義。」按張說是,今據

改。

- 尋而蠻帥田杜清及沔漢諸蠻擾動 卷一九楊忠傳作「日柱清」,卷二七庫狄昌傳作「田社清」,北 史卷九五蠻傳作「田杜青和」。 按楊忠傳「日」是「田」之訛,「柱」「社」「杜」形近,不知孰是,北史 多「和」字,乃涉下「杜青和」而衍。
- 其後蠻帥杜青和自稱巴州刺史 變。 奉叔墓誌 二者必有一誤。」按卷一九楊忠傳稱:「及東魏圍潁川,蠻帥(日)[田]柱淸據險爲亂,」應是豫州 杜青和自稱巴州刺史,攻圍東梁州,地在今陝西南部之安康、洵陽,相去甚遠。王說非。 圖版三六二「青」作「清」。王氏十七史商権卷六八云:「杜青和與上田杜青和自是一人, 汲本、局本及卷四四泉企附子仲遵傳、漢魏南北朝墓誌集釋寇
- 蠻帥向鎮侯向(日)(白)於卷二八賀若敦傳、册府卷九八四一一五五九頁「日」作「白」,北史本傳 作「向白虎」。按「日」是「白」之訛,今據改。疑本名「白虎」,避唐諱改「虎」作「彪」,北史乃後人
- (三) 語在敦及遷哲(楊)[陽]雄等傳 按楊雄乃楊紹子,附見卷二九楊紹傳,隋書卷四三有專傳,不載

迴改。

其事,且名輩也較晚。 「楊」乃「陽」之訛,事見卷四四本傳,今據改。

- 三 累月乃得舊路 北史本傳、册府卷九八四一一五五九頁「月」作「日」,疑是。
- 令賢使兄子龍眞據之 北史本傳「兄子」作「其兄」、册府卷九八四一一五五九頁作「其兄子」。
- できる 婦人阿夷阿第之類 魏書卷一〇一、北史卷九五僚傳、通典卷一八七僚條、册府卷九六〇

九四頁「第」都作「等」,疑作「第」誤。

二型 乃自賣以祭祀焉 一一二九四頁作「供祭」。 宋本「祭祀」作「祭祭」。 按文義作「供祭」較 長。 魏書、北史、通志本傳,通典卷一八七,册府卷九六〇 疑宋本誤「供」作「祭」,後人以「祭祭」不可通,改

下「祭」字作「祀」,不知誤在上「祭」字。

で言の」 父子伯叔兄弟死者卽以其繼 〇一、北史卷九六岩昌羌傳「姊妹」作「弟婦」。 母世叔母及嫂(姊妹)[弟婦]等 册府卷九六一一二三〇五頁作「卽以其繼 為妻 宋本「姊」作「弟」。 魏書卷 母、 世叔

母及兄弟婦、子婦爲妻」。今據魏書、北史改。

有梁(勒)[勤]者 宋本及通典卷一九〇「勒」作「勤」。 魏書卷一〇一、北史卷九六岩昌羌傳作

懃。

「勒」字誤,今據改。

(帶) [席] 水以南 邽縣。 按魏書卷 〇六下地形志下秦州天水郡上封縣 魏書、北史本傳「帶」作「廗」。 通典卷一九〇作「席」,注云:「席水在今天水上 即上辫, 避魏諱改下云:「有席水。」、水經注

卷一七渭水流經上邽東,有籍水入渭,當即此水。別有曾席水入藉水,乃是小水,不會在地形志

特別注出。 「廗」是「席」之訛,又訛作「帶」,今據改。

以仚定爲南洮州刺史要安蕃王 周書卷一六、北史卷六一獨孤信傳「要安」作「赤水」。

CED 乃更以其弟彌定爲宕昌王 梁書局本卷五四宕昌傳云:「彌博死,子彌泰立。大同十年,復授以

書作「弟」,梁書作「子」也不同。 通鑑卷一五八四九〇七頁亦作「彌定」,考異云:「梁帝紀作『彌書作「弟」,梁書作「子」也不同。 通鑑卷一五八四九〇七頁亦作「彌定」,考異云:「梁帝紀作『彌 父爵位。」按大同十年即西魏大統十年五四四年,則此彌博即仚定,彌泰即彌定,但名旣不同,周

泰』,今從典略。」

呈 **遂擁衆據渠林川** 卷一九字文貴傳、册府卷二九一三四二五頁「林」作「株」。

四年彌定寇洮州總管李賢擊走之是歲彌定又引吐谷渾寇石門戍賢復破之 按卷二五 李賢傳,

事在保定五年 五六五年。

[h] 自舒治至檐桁十一世 通典卷一九○鄧至條、「檐桁」作「擔術」。

西北至利模徒南界那勢 通典卷一九〇白蘭條作「西三叱利摸徒,南界那等」。北史卷九六白

蘭傳無「至」字,「模」作「摸」。

(三元) 至裔孫纂爲(符)〔苻〕堅所滅 從艸,不待辯,但局本外諸本都作「符」,故不逕改。本傳下文「符安壽」、「符雙」據局本逕改,不 局本及魏書卷一〇一、北史卷九六氐傳「符」作「苻」。按苻堅之姓

再出校記。

- 先是氐首楊法深據陰平自稱〔王〕亦盛之苗裔也 梁書卷三武帝紀大同元年十二月:「陰平王楊法深進號驃騎將軍」,是稱王之證,今據補。 宋本及北史卷九六氐傳「稱」下有「王」字。 按
- 趙昶時督成武沙三州諸軍事成別刺史 卷三三趙昶傳稱「拜武以刺史」。 1 T.

٦,

:-

興州人(殷)[段] 吒及下辯栢樹二縣民反 局本及北史卷九六氐傳「叚」作「段」,是,今據改。下

「叚吒」逕改,不出校記。

- 武都郡長松縣條。 在縣東北 而陰平盧北二郡氐復往往屯聚 按檢賽字配無「北」字五十二里,因一度蘆鎭爲名。」 楊氏考證卷二云:「舊唐志作蘆北,是。寰宇記:卷一三四文州曲水縣條『蘆北故城 北史本傳「盧北」作「葭蘆」。按盧北郡見隋書卷二九地理志上 按周書明帝紀卷四二年三月以『葭蘆郡
- [ME] 厨中主氐復爲寇掠 (北史「主」作「生」,較長。置文州」。 疑蘆北即 蔵蘆,非有二郡。」
- 品 地少桑蠶多麻布其丈夫衣服及死亡殯葬與中夏略同 條「多」下有「衣」字。 通典「其丈夫衣服及」作「其丈夫服皮」。 北史卷九六稽胡傳、 通典卷一九七稽胡
- 太祖乃遣黃門郎楊(忠)[掛]就安撫之 [楊顯傳,這裏作「楊忠」誤,今據改。 北史作「黄門侍郎楊檦」。 「檦」當作 - 「檦」。 按事見卷三

列傳第四十一 校勘記

并與其別部劉桑德共爲影響 通典卷一九七「桑」作「素」。

韶大將軍韓(果)〔果〕討之 局本及北史本傳「杲」作「果」。按事見卷二七韓果傳,令據改。

|四九| 稽胡帥喬白郎喬素勿同等度河逆戰 北史本傳但作「白郞」,無「喬」字。 按「白」也是稽胡

姓,未知孰是。

CHOJ 又遣其大帥穆支據河西 卷一三滕王道傳「支」作「友」。

汾州稽胡劉受羅千復反 班府明本卷九八四 - I 五六○頁作「劉受邏干」, 宋本册府同周書。按

羅」「邏」同音通用,「千」疑當作「干」。參卷七校記第二條。

每部置俟(斥)[斤]一人 張森楷云…各傳並作『俟斤』,疑『斥』字誤。」 按通典卷二〇〇庫莫奚

條、册府卷九五六一二二五四頁、御覽卷八〇一三五五六頁正作「俟斤」,今據改。

周書卷五十

列傳第四十二

異域下

囐噠 突厥 粟特 吐谷渾 安息 高昌 波斯 藩善 焉耆 龜茲

Щ 遂有孕焉。彼王聞此兒尙在,重遣殺之。使者見狼在側,並欲殺狼。狼遂逃于高昌國之北 年且十歲,兵人見其小,不忍殺之,乃刖其足,棄草澤中。 長大,外託妻孕,其後各有一姓,阿史那即一也。子孫蕃育,漸至數百家。 穴,臣於茹茹。 [1]山有洞穴,穴內有平壤茂草,周回數百里,四面俱山。狼匿其中,遂生十男。 突厥者、蓋匈奴之別種,姓阿史那氏。別爲部落。後爲鄰國所破、盡滅其族。有一見, 居金山之陽,爲茹茹鐵工。 金山形似兜鍪,其俗謂兜鍪爲「突厥」,遂因以爲 有牝狼以肉飼之,及長,與狼合, 經數世,相與出 十男

列傳

第四

一 十 二

異

城下

九〇七

號馬。

六設也。 誇步種類,並多寒露。大兒爲出火溫養之,咸得全濟。遂共奉大兒爲主,號爲突厥,即訥都 娶二妻,云是夏神、冬神之女也。 年幼而跳最高者,諸子遂奉以爲主,號阿賢設。 子內欲擇立一人,乃相率於大樹下,共爲約日,向樹跳躍,能最高者,即推立之。 之間,號爲契骨,其一國於處折水,其一居踐斯處折施山,〔三〕卽其大兒也。 日伊質泥師都,狼所生也。一誇步等性並愚癡,國遂被滅。 或云突厥之先出於索國,在匈奴之北。 訥都六有十妻,所生子皆以母族爲姓,阿史那是其小妻之子也。 一孕而生四男。 其部落大人日阿謗步,兄弟十七人。 〔三其一 此說雖殊,然終狼 其一變爲白鴻; 泥師都旣別感異氣,能徵召風雨。 種也。 其一 國於阿輔水、 訥都六死, 山上仍有阿 阿史那子 劒水 十母

槃陁 使來弔,贈馬二百匹。 之絕,而 **勒將伐姑姑,**土門率所部邀擊,破之,盡降其衆五萬餘落。 主阿那褒大怒,使人黑辱之曰:「爾是我鍛奴,何敢發是言也?」上門亦怒,殺其使者。 使焉。 其後日上門,部落稍盛,始至塞上市繪絮,願通中國。 求婚於我。 其國皆相慶曰:「今大國使至,我國將興也。」十二年,土門逐遣使獻方物。 太祖許之。 十七年六月,以魏長樂公主妻之。是歲,魏文帝崩,土門遣 恃其彊盛,乃求婚於茹茹。 大統十一年,太祖遣酒泉胡安諾 遂與 | 茹 時鐵

敦,亦獨古之閼氏也。 土門死,子科羅立。 餘衆復立阿那瓌叔父鄧叔子爲主。 魏廢帝元年正月、土門發兵擊茹茹,大破之於懷荒北。 土門遂自號伊利可汗, 猶古之單于也。 阿那褒自殺,其子菴羅辰奔齊, 號其妻爲可賀

萬匹。科羅死,弟俟斤立,號木汗可汗。〔《〕 科羅號乙息記可汗。「四」又破叔子於沃野北木賴山。 [第]二年三月,科羅遣使獻馬五

威服塞外諸國。其地東自遼海以西,西至西海萬里,南自沙漠以北,北至北海五六千里,皆 乃率兵擊鄧叔子,滅之。叔子以其餘燼來奔。俟斤又西破囐噠,〔<〕東走契丹,北幷契骨, 俟斤一名燕都,C+D狀貌多奇異,面廣尺餘,其色甚赤,眼若瑠璃。 性剛暴,務於征伐。

特(勒)[勤],[10]次俟利發,次吐屯發,及餘小官凡二十八等,皆世爲之。 兵器有弓矢鳴鏑甲 情瞀亂,不能詳定多少。臣下等隨其所言,以驗修短之數。大官有葉護,次(沒)〔設〕,〔丸〕次 **矟刀劍,其佩飾則兼有伏突。旗纛之上,施金狼頭。侍衞之士,謂之附離,夏言亦狼也。蓋** 乃扶令乘馬,以帛絞其頸,使纔不至絕,然後釋而急問之曰:「你能作幾年可汗?」其主旣神 猶古之匈奴也。其主初立,近侍重臣等興之以氈,隨日轉九回,每一回,臣下皆拜。拜訖, 其俗被髮左衽,穹廬氈帳,隨水草遷徙,以畜牧射獵爲務。賤老貴壯,寡廉恥,無禮義,

列傳

之;鬭傷人者,隨輕重輸物;盜馬及雜物者,各十餘倍徵之。死者,停屍於帳,子孫及諸親 本狼生,志不忘舊。其徵發兵馬,科稅雜畜,〔11〕輒刻木爲數,幷一金鏃箭,蠟封印之,以爲 其刑法: 反叛、殺人及姦人之婦、盜馬絆者,皆死;姦人女者,重責財物,即以其女妻

屬男女,各殺羊馬,陳於帳前,祭之。繞帳走馬七匝,一詣帳門,以刀務面,且哭,血淚俱流,

頭,盡懸挂於標上。 **剺面,如初死之儀。** 春夏死者,候草木黄落,秋冬死者,候華葉榮茂,然始坎而瘞之。葬之日,親屬設祭,及走馬 如此者七度,乃止。 擇日,取亡者所乘馬及經服用之物,幷屍俱焚之,收其餘灰,待時而葬。 是日也,男女咸盛服飾,會於葬所。男有悅愛於女者,歸卽遣人娉問, 葬訖,於墓所立石建標。其石多少,依平生所殺人數。 又以祭之羊馬

諸貴人,祭其先窟。又以五月中旬,集他人水,拜祭天神。於都斤四五百里,[13]有高山迥 淫。雖移徙無常,而各有地分。可汗恆處於都斤山,牙帳東開,蓋敬日之所出也。每歲率 其父母多不違也。父[兄]伯叔死者,[三]子弟及姪等妻其後母、世叔母及嫂,唯尊者不得下

出,上無草樹,謂其爲勃登凝黎,夏言地神也。其書字類胡,而不知年曆,唯以草靑爲記。

殺之於靑門外。三年,俟斤襲擊吐谷渾,破之。語在吐谷渾傳。口思明帝二年,俟斤遣使來 俟斤部衆既盛,乃遣使請誅鄧叔子等。 太祖許之。收叔子以下三千人,口即付其使者,

獻方物。保定元年,又三輩遣使貢其方物。

悔之。 未定而太祖崩。 時 至是,韶遣凉州刺史楊荐、武伯王慶等往結之。慶等至,諭以信義。 與齊人交爭,戎車歲動,故每連結之,以爲外援。 尋而俟斤又以他女許高祖,未及結納,齊人亦遣求婚,俟斤貪其幣厚,將 初,魏恭帝世,俟斤許進女於太祖 俟斤遂絕齊使

而定婚焉。仍請舉國東伐。

語在荐等傳。

乃許純等以后歸。 楊荐等往逆女。 陽以應之。 可斬也。」高祖 報 領多而無法令,何謂難制馭。正由比者使人妄道其彊盛,欲令國家厚其使者,身往重取其 月,攻齊主於晉陽,不尅。 朝廷受其虛言,將士望風畏慴。但虜態詐健,而實易與耳。 三年,韶隨公楊忠率衆一萬,與突厥伐齊。 會護戰不利,俟斤引還。五年,詔陳公純、大司徒宇文貴、神武公竇毅、南安公 不納。 天和二年,俟斤又遣使來獻。 語在皇后傳。四年,俟斤又遣使獻馬 是歲,俟斤復遣使來獻,更請東伐。詔楊忠率兵出沃野,晉公護趣洛 俟斤遂縱兵大掠而還。 陳公純等至,俟斤復貳於齊。 。忠言於高祖日:「突厥甲兵惡,爵賞輕,首 今以臣觀之,前後使人皆 會有風雷變, 明年正

繒絮錦綵十萬段。 傾府藏以給之。 <u>俟</u>斤死,弟他鉢可汗立。 他鉢彌復驕傲,至乃率其徒屬曰:「但使我在南兩箇兒孝順,何憂無物邪。」 突厥在京師者,又待以優禮,衣錦食肉者,常以千數。齊人懼其寇掠,亦 自俟斤以來,其國富彊,有凌轢中夏志。 朝廷旣與和親,歲給

列傳

第四

卷 +

建德二年,他鉢遣使獻馬。日於

寇幷州。 祖親總六軍,將北伐,會帝崩,乃班師。 是冬,他鉢復寇邊,圍酒泉,大掠而去。 之復讐。宣政元年四月,他鉢遂入寇幽州,殺畧居民。 始送紹義云。 他鉢復請和親。 及齊滅,齊定州刺史、范陽王高紹義自馬邑奔之。 大象二年,[15]始遣使奉獻,且逆公主,而紹義尙留不遣。 帝册趙王招女爲千金公主以嫁之,並遣執紹義送闕。 他鉢立紹義爲齊帝,召集所部,云爲 柱國劉雄率兵拒戰,兵敗,死之。 帝又令賀若誼往諭之, [1] 他鉢不奉韶,仍 大象元年,

俗渾怒,率其部落去之,止于枹罕,自爲君長。 遂以吐谷渾爲氏焉 吐谷渾,本遼東鮮卑慕容廆之庶兄也。 初,吐谷渾馬與廆馬鬭而廆馬傷,廆遣讓之。吐 及孫葉延,頗視書傳。 以古有王父字爲氏,

里。官有王公、僕射、尙書及郎中、將軍之號。 西十五里。 自吐谷渾至伏連籌一十四世。 雖有城郭,而不居之,恆處穹廬,隨水草畜牧。其地東西三千里,南北千餘 伏連籌死,子夸呂立,江北始自號爲可汗。 **夸呂椎髻、毦、珠,以皂爲帽,坐金師子床。** 治伏俟城,在

號其妻爲恪尊,衣織成裙,披錦大袍,辮髮於後,首戴金花。

牛,鳥多鸚鵡。 收之,[10] 馬皆有孕,所生得駒,號爲龍種,必多駿異,世傳青海(駿)[驄]者也。 同。 故其俗貧多富少。青海周回千餘里,海內有小山。 貪婪,忍於殺害。好射獵,以肉酪爲糧。 徵物,量事決杖。刑人必以氈蒙頭,持石從高擊殺之。父兄亡後,妻後母及嫂等,與突厥俗 兵器有弓刀甲矟。 至于婚姻,貧不能備財物者,輒盜女將去。 其俗丈夫衣服畧同於華夏,多以羃曪爲冠,亦以繒爲帽。 國無常賦,須則稅富室商 人以充用焉。 亦知種田,然其北界,氣候多寒,唯得蕪菁、大麥。 死者亦皆埋殯。 每冬冰合後,以良牝馬置此山,至來冬 其刑罰,殺人及盜馬者死,餘則 婦人皆貫珠束髮,以多爲貴。 其服制,葬訖則除之。 (三) 土出犛 性

解、宇文貴率兵討之。 六百頭,雜綵絲絹以萬計。魏恭帝二年,史寧又與突厥木汗可汗襲擊夸呂,至三破之,虜其 其還,率輕騎襲之於州西赤泉,獲其僕射乞伏觸扳、自己將軍翟潘密、商胡二百四十人,馳騾 祖勒大兵至姑臧,夸呂震懼,遣使貢方物。是歲,夸呂又通使於齊氏。涼州刺史史寧战知 妻子,大獲珍物及雜畜。語在史寧傳。武成初,夸呂復寇涼州,刺史是云寶戰沒。詔賀蘭 大統中,夸呂再遣使獻馬及羊牛等。 夸呂遣其廣定王、鐘留王拒戰,<a>[三] 祥等破之,廣定等遁走。 然猶寇抄不止,緣邊多被其害。魏廢帝二年,太

傳第四

其洮陽、洪和二城、置洮州以還。保定中,夸呂前後三輩遣使獻方物。 天和初,其龍涸王莫

昌率衆降,以其地爲扶州。二年五月,復遣使來獻。

而還。 建德五年,其國大亂。 明年,又再遣奉獻。 [三]宣政初,其趙王他婁屯來降。 高祖韶皇太子征之,軍渡青海,至伏俟城。 自是朝獻遂絕。 夸呂遁走, 虜其餘衆

也。 無諱,並自署爲太守。 晉以其地爲高昌郡。 立麴嘉爲王。 伯周之從子首歸,爲高車所滅。 高昌者,車師前王之故地。 嘉字靈鳳, 張軌、呂光、沮渠蒙遜據河西,皆置太守以統之。 無諱死,茹茹殺其弟安周,以闞伯周爲高昌王。 金城榆中人,本爲儒右長史。 東去長安四千九百里,漢西域長史及戊己校尉,並治於此。 次有張孟明、馬儒相繼王之,並爲國人所害。 魏太和末立。 高昌之稱王,自此始 其後有闞爽及沮渠 嘉死,子(竪)〔堅〕 乃更推

祠部、庫部、倉部、主客、禮部、民部、兵部等長史也;次有建武、威遠、陵江、殿中、伏波等將 次有公二人,皆其王子也,一爲交河公, 其地東西三百里,Clay南北五百里。國內總有城一十六。官有令尹一人,比中夏相國, 一爲田地公,次有左右衞,次有八長史,日吏部、

俗、婚姻、喪葬,與華夏小異而大同。地多石磧,氣候溫暖,穀麥再熟,宜蠶,多五果。 畧同華夏。兵器有弓箭刀楯甲矟。文字亦同華夏,兼用胡書。有經詩、論語、孝經,置學官 除。籍書之外,無久掌文桉。〔云〕官人雖有列位,並無曹府,唯每旦集於牙門評議衆事。 次有省事,專掌導引。其大事決之於王,小事則世子及二公隨狀斷決。平章錄記,事訖卽 軍;次有八司馬,長史之副也;次有侍郎、校書郎、〔云〕主簿、從事,階位相次,分掌諸事; 弟子,以相教授。雖習讀之,而皆爲胡語。賦稅則計輸銀錢,[10]無者輸脈布。 城各有戶曹、水曹、田曹。每城遣司馬、侍郎相監檢校,名爲城令。 日羊刺,其上生蜜焉 服飾,丈夫從胡法,婦人 其刑法、風 有草

地公茂嗣位。至三武成元年,其王遣使獻方物。保定初,又遣使來貢。 自嘉以來,世修蕃職於魏。大統十四年,詔以其世子玄喜爲王。 恭帝二年,又以其田

故商旅來往,多取伊吾路云。 自燉煌向其國,多沙磧,道里不可准記,唯以人畜骸骨及駞馬糞爲驗,又有魍魎怪異。

鄯善,古樓蘭國也。 東去長安五千里。所治城方一里。地多沙鹵,少水草。

堆路。

爲行旅·

之患。

魏太武 時,爲沮渠安周所攻,其王西奔且末。 西北有流沙數百里,至三夏日有熱風

風之欲至,唯老駞知之,即鳴而聚立,埋其口鼻於沙中。

人每以爲侯,亦即將

氈擁蔽鼻口 o 其風迅駛,斯須過盡。若不防者,必至危斃。

大統八年,其「王」兄鄯米率衆內附。「豐」

與婆羅 纊。 龍熙之胤。 婚姻畧同華夏。死亡者皆焚而後葬,其服制滿七日 齋戒行道焉。 俗尚 焉耆國在白山之南七十里,東去長安五千八百里。 門同。 蒲桃酒,兼愛音樂。 〔三〕所治城方二里。 俗事天神,並崇信佛法。 氣候寒,土田良沃。 南去海 部內凡有九城。 穀有稻粟菽麥。 一十餘里,有魚鹽蒲葦之饒 尤重 二月八日、四月八日。 國小民貧,無綱紀法令。 畜 則除之。 有駞馬牛羊。 其王姓龍,即前涼張軌所(封)[討] 丈夫並剪髮以爲首飾。 是日也,其國咸依 養蠶不以爲絲,唯充綿 兵有弓刀甲矟。 釋教, 文字

保定四年,其王遣使獻名馬。

將軍李廣利所屠。其南三百里有大水東流,號計戍水,即黃河也。 出細氈、麖皮、氆毺、鐃(多)〔沙〕、鹽綠、雌黃、胡粉及良馬、封牛等。〔三〕東有輪臺,即漢貳師 徵租,無田者則稅銀錢。 [hī]婚姻、喪葬、風俗、物產與焉支畧同。 [hī]唯氣候少溫爲異。 白震之後。所治城方五六里。其刑法,殺人者死,叔賊則斷其一臂,並刖一足。 龜茲國在白山之南一百七十里,東去長安六千七百里。其王姓白,至即後涼呂光所立 賦稅,准地 又

保定元年,其王遣使來獻。

於計戍。 大水北流,號樹枝水,四三即黃河也。 以西,諸國人等多深目高(昌以東)[鼻,唯]此一國,貌不甚胡,四]頗類華夏。 即昔羅漢比丘比盧旃爲其王造覆盆浮圖之所。石上有辟支佛趺處,至受雙跡猶存。 重佛法,寺塔僧尼甚衆。 五,小城數十。其刑法,殺人者死,餘罪各隨輕重懲罰之。 于闐國在葱嶺之北二百餘里,東去長安七千七百里。 王尤信向,每設齋日,必親自洒掃饋食焉。 城西十五里亦有大水,名達利水,與樹枝俱北流,同會 所治城方八九里。 自外風俗物產與龜茲畧同。 城南五十里有贊摩寺, 城東二十里有 部內有大城 自高昌 俗

建德三年,其王遣使獻名馬。

其妻戴一角帽;若有兄弟者,依其多少之數,更加帽角焉。其人兇悍,能戰鬭。 舍城也。 囐嗟國,大月氐之種類,區立在于闐之西,東去長安一萬百里。其王治拔底延城,蓋王 其城方十餘里。刑法、風俗,與突厥畧同。 其俗又兄弟共娶一妻。 夫無兄弟者, 于闐、安息

大統十二年,遣使獻其方物。 魏廢帝二年,明帝二年,並遣使來獻。 後爲突厥所破,部

落分散,職貢遂絕。

等大小二十餘國,皆役屬之。同己

栗特國在感嶺之西,蓋古之庵蔡,四一名溫那沙。 治於大澤,在康居西北。

保定四年,其王遣使獻方物。

安息國在葱嶺之西,治蔚搜城。 北與康居、西與波斯相接,東去長安一萬七百五十里。

|天和二年,其王遣使來獻。

服大衫,披大帔,四边其髮前爲髻,後被之,飾以金銀華,仍貫五色珠,絡之於膊。 物。「智力其俗:丈夫剪髮,戴白皮帽,貫頭衫,兩廂近下開之,「智力並有巾帔,緣以織成;婦女 十餘里,戶十餘萬。王姓波斯氐。「鼠立坐金羊床,戴金花冠,衣錦袍、織成帔,皆飾以珍珠寶 波斯國,大月氐之別種,治蘇利城,區立古條支國也。東去長安一萬五千三百里。城方

卑勃,掌文書及衆務。「哥」次有遏羅訶地,掌王之內事;薩波勃,掌四方兵馬。「哥」」其下皆 視之,其封內有名者,即立以爲王,餘子各出就邊任。兄弟更不相見也。 位以後,擇諸子內賢者,密書其名,封之於庫,諸子及大臣皆莫之知也。 懸諸竿上,射而殺之; 有屬官,分統其事。 妃曰防步率,CEO]王之諸子曰殺野。大官有摸胡壇,掌國內獄訟;泥忽汗,掌庫藏關禁;地 王於其國內別有小牙十餘所,猶中國之離宮也,每年四月出遊處之,十月乃還。王卽 兵器有甲矟圓排劒弩弓箭。戰並乘象,每象百人隨之。其刑法: 次則繫獄,新王立乃釋之;輕罪則劓、刖若髡,或翦半鬚,及繫排於 王死,乃衆共發書 國人號王日翳儹, 重罪

列

准地輸銀錢。 項上,至以爲恥辱;犯彊盜者,禁之終身;姦貴人妻者,男子流,婦人割其耳鼻。賦稅則

葬之事,號爲不淨人。若入城市,搖鈴自別。以六月爲歲首,尤重七月七日、〔臺〕十二月一 者,王收養之,有功勳人,即以分賜。死者多棄屍於山,一月治服。城外有人別居,唯知喪 日。其日,民庶以上,各相命召,設會作樂,以極歡娛。 又以每年正月二十日,各 祭 其 先 俗事火祆神。〔吾〕婚合亦不擇尊卑,諸夷之中,最爲醜穢矣。民女年十歲以上有姿貌

千(牛)[年]棗、[至]香附子、訶棃勒、無食子、鹽綠、雌黄等物。 錦、白疊、毼、氍毹、毵氈、ဩ也,赤麞皮,〔云〕及薰六、鬱金、蘇合、靑木等香,胡椒、蓽撥、石蜜、錦、白疊、毼、氍毹、毵氈、瓮雪,赤麞皮,〔云〕及薰六、鬱金、蘇合、靑木等香,胡椒、蓽撥、石蜜、 珊瑚、琥珀、瑠璃、馬瑙、水晶、瑟瑟、金、銀、鍮石、金剛、火齊、鑌鐵、銅、錫、朱沙、水銀、綾、 黍秫。〔kk〕土出名馬及駞,富室至有數千頭者。又出白象、師子、大鳥卵、珍珠、離珠、頗黎、 魏廢帝二年,CKOD其王遣使來獻方物。 氣候暑熱,家自藏冰。地多沙磧,引水漑灌。其五穀及禽獸等,與中夏畧同,唯無稻及

史臣曰:四夷之爲中國患也久矣,而北狄尤甚焉。 昔嚴尤、班固咸以周及秦漢未有得

其上策,雖通賢之宏議,而史臣嘗以爲疑。

於後代也。 臺、「歐」世仁壽,「然三其可得乎。 禦之,去而守之,夫然則敵有餘力,我無寧歲,將士疲於奔命,疆場苦其交侵。 歲廣;「於己至涇陽,入北地,充斥之釁日深。 夷裔之情僞,中國畢知之矣;中國之得失,夷裔備聞之矣。若乃不與約誓,不就攻伐,來而 夫步驟之來,綿自今古,澆淳之變,無隔華戎。是以反道德,棄仁義,凌(營)〔營〕之風 是知秩宗之雅旨,護軍之誠說,實有會於當時,而 爰自金行,逮乎水運,戎夏離錯,至三風俗混幷。 欲使偃伯 未允

况乎諸夏之朝,治亂之運代有;戎狄之地,彊弱之勢無恆。 征伐,因其時而制變,觀其幾而立權,則舉無遺策,謀多上算,獸心之虜,革面匪難,沙幕之 北,雲撤何遠。 然則易稱「見幾而作」,傳云「相時而動」。 安有周、秦、漢、魏優劣在其間哉。 夫時者,得失之所繫;幾者,吉凶之所由。 若使臣畜之與覊縻,和親之與

校勘記

(二)狼遂逃于高昌國之北山 「北山」,北史卷九九突厥傳作「西北山」。 按隋書卷八四突厥傳、册府

列傳

卷九五六一二五二頁、通典卷一九七突厥條都說「其山在高昌西北」。「西」字不宜省。

- (1) 兄弟十七人 , 北史本傳作「七十人」。
- 其一居踐斯處折施山 北史本傳、册府全上卷頁「踐」作「跋」。按册府此條採自北史。
- 1229 |___/ 土門死子科羅立科羅號乙息記可汗 門,逸可汗卽科羅或乙息記可汗,作「子」作「弟」不同。 隋書卷八四突厥傳云伊利「卒,弟逸可汗立」。 伊利即土
- さいた女とくころうこう こうこうもっこう
- プガリ , . 公 山 又破叔子於沃野北木賴山 號木汗可汗 隋書本傳「木汗」作「木扞」、北史本傳作「木杆」。 北史本傳無「木」字。 參卷九校記第六條。
- C+) 俟斤一名燕都 通典卷一九七「都」作「尹」。
- 囐噠 「悒怛」,都是譯音之異,今後不再出校記。 魏書卷一〇二、北史本傳、通典卷一九七「囐」作「嚈」,魏書目錄作「厭」,隋書卷八三作
- 元」次(沒)(設) 上突厥傳云:「其別部領兵者皆謂之設」,「沒」字誤,今據改。 北史本傳無此二字。 院書本傳及通典卷一九七「沒」作「設」。 「設」 按舊唐書卷一 九四
- 次特(勒)(勤) 按近人考證「特勒」皆「特勤」之訛,今改正。
- 其徵發兵馬科稅雜畜 宋本及北史本傳、通典卷一九七「兵馬」下有「及」字,北史又「科」作

「諸」。

- 二 一 父 [兄] 伯叔死者 宋本及北史本傳「父」下有「兄」字,是,今據補。
- (二三) 於都斤四五百里 北史本傳、通典卷一九七、册府卷九六一一二三一頁「四」作「西」,疑是。
- 〇〇 收叔子以下三千人 北史本傳無「三」字。
- 〇三 三年俟斤襲擊吐谷渾破之語在吐谷渾傳 按此「三年」遠承上文魏廢帝元年、二年,似爲廢帝三

年,但據同卷吐谷渾傳稱:「魏恭帝二年史寧又與突厥木汗可汗襲擊夸呂,破之」,和本條所述爲 一事。「二年」應作「三年」,而繫於恭帝却不誤。本傳記擊破吐谷渾於殺茹茹鄧叔子等之後。據

北史卷九八螺螺傳鄧叔子等奔關中已在恭帝二年,擊吐谷渾在其後,自應爲恭帝三年無疑。 此

當脫「魏恭帝」三字。

口口 建德二年他鉢遣使獻馬 卷五武帝紀上事在建德三年。

〇七〕幷遣執紹義送闕 「闕」本作「關」。諸本及北史本傳都作「闕」,殿本刻誤,今逕改

□□ 大象二年 北史本傳無「大象」二字。按前已稱「大象元年」,不應重標年號,當是衍文。

[1] 代連籌死子夸呂立 梁書卷五四河兩傳「伏連籌」作「休運籌」,誤,又云:「籌死,子回羅眞立」,

夸呂當是稱號,其名是阿羅眞。

至來多收之 北史卷九六吐谷渾傳「多」作「春」,通典卷一九〇吐谷渾條同周書。

[二] 世傳青海(駿)[驄]者也 隋書卷八三吐谷渾傳及北史、通典「駿」作「驄」,是,今據改。

列傳第四十二 校勘記

獲其僕射乞伏觸扳 宋本「扳」作「拨」,南本作「拔」,北史本傳、通鑑卷一六五五〇九九頁作「狀」。

[1]] 魏恭帝二年史寧又與突厥木汗可汗襲擊夸呂 北史本傳「二年」作「三年」,通鑑卷一六六五一五

二頁繫於梁太平元年,亦卽魏恭帝三年五五六年。本卷突厥傳也作「三年」,但失紀恭帝 參上校記第

一五條。據此,北史作「三年」是。

(IB) 夸呂遣其廣定王鐘留王拒戰 北史本傳「鐘」作「鍾」。參卷二○校記第一三條。

(三) 明年又再遣奉獻 北史本傳「遣」下有「使」字,疑周書脫去。

字分子(B)(B)立 之訛,今據改。 局本「竪」作「豎」。 北史卷九七、梁書卷五四高昌傳作「堅」。「竪」「豎」都是「堅」

[1·1] 其地東西三百里 北史本傳「三」作「二」。

(三八) 次有侍郎校書郎 郎」,乃明刻本避明諱改。 隋書卷八三及北史本傳「校書郎」作「校郎」、册府卷九六二 二二三八頁作「較 梁書本傳稱有「門下校郎、中兵校郎」,知校郎也像侍郎、郎中之類分

列省曹。 這裏疑衍「書」字。

無久掌文桉 三一八頁作「案」,今逕改。 「桉」原作「按」。。宋本作「桉」,北史本傳、通典卷一九一高昌條、册府卷九六二二

□□ 賦稅則計輸銀錢 北史本傳及通典卷一九一「計」下有「田」字,疑問書脫去。

大統十四年詔以其世子玄喜爲王恭帝二年又以其田地公茂嗣位 按上文其祖名嘉。 孫不應與祖同名,北史誤。又麴斌造寺碑陰見高昌王麴寶茂名,這裏作「茂」, 北史本傳「玄喜」作「玄嘉」。

乃雙名單稱。

在魏時「役屬鄯善」,鄯善王旣奔且末,而鄯善故土後被魏所有。 西北有流沙數百里 按以下所敍事北史卷九七入且末傳中,這句上面也有「且末」二字。 所以周書敍且末乃合於鄯善 且末

傳。但牽連敍述,頗不明晰。

大統八年其「王」兄鄯米率衆內附 按這裏所謂「其兄」,乍看好似為逃奔且末之王名比龍見北史

卷九七旦末傳 者之兄。 比龍是魏太武帝時人,到大統已及百年,豈有其兄尚存之理。 北史卷九七

一九一樓蘭條作「其王允鄯來率衆內附」,「允」字顯爲「兄」之訛。 乃知周書本傳、北史且末傳

「其」下都脫「王」字。今據補。 其人當是雙名,下一字是「那」,周書、北史單稱,去「那」字北史又衍

「善」字,上一字則「米」「来」「朱」形近而訛,未知孰是。

即前涼張軌所(封)(計)龍熙之胤 北史卷九七焉耆傳「封」作「討」。按通典卷一九二焉耆條云;

敗、「熙降於宣」。 張駿遣沙州刺史楊宣率衆經理西域,宣以部將張植爲前鋒,軍次其國馬者」,又敍龍熙爲張植所 通典此段必出魏書,今本魏書西域傳以北史補,無此紀載。 據此,北史作一計」

傳第四十二 校勘記

列

是。今據改。「張軌」當是「張駿」之誤,但恐原本卽誤,今仍之。

[三] 其王姓白 按<u>龜茲王姓,「帛」「白」互見,梁書卷五四龜茲傳作「帛」,晉書卷九七龜茲傳作「白」</u>,

而卷一二二四光載記又作「帛」,其例甚多。

賦稅准地徵租無田者則稅銀錢 宋本作「賦稅准地山之夭田者則稅銀錢」。按「夭」爲「无」之訛 無疑,「山」當是「出」之訛。。潤書原文疑作「賦稅准地出之」,「出」字訛作「山」,語不可解,後人遂

(三七) 與焉支略同 六○一一二九九頁「支」作「耆」,疑是。 宋本作「與治封天白」,不可解,且不知其誤所自。 北史卷九七龜茲傳、册府卷九

書作「鏡沙」。通典卷一九一龜茲條引西域圖云:「白山一名阿羯山,常有火及煙,即是出硐沙之 殿本作「麞」,乃後人所改。「矡毺」「氍蚝」是互見,「封」和「犎」也都不誤。周書之「鐃多」當從隋 本作「麞」;「蚝」作「毹」,無「鐃」字。按「麖」見山海經,北史百衲本作「麖」,乃誤刻,册府及北史 <u> 周書,但「虋」作「麞」,「鐃多」作「饒沙」,「雌黄」上有「雄」字,「封」作「犎」。 隋書卷八三載産物略</u> 處。」「硐」不成字,乃「硇」之訛。「硇」音「鐃」,集韵卷三爻韵云:「硇沙,藥石。」知「鐃沙」即「硇 有異同,其同者「瞿毺」作「氍蚝」,「鐃多」作「鐃沙」。、北史出于隋書,唯「麖」字百衲本作「麖」,殿

沙」,「多」乃「沙」之訛,今據改。

九六頁作「徒跣之跡」。

- 二元 石上有辟支佛趺處 北史卷九七于闐傳「趺」作「跣」,隋書卷八三于闐傳及册府卷九六〇二二
- 自高昌以西諸國人等多深目高(昌以東)[鼻唯]此一國貌不甚胡 按于闐安得云「高昌以東」,且
- 與上下文不相應,今據北史本傳、通典卷一九二删補。
- 有大水北流號樹枝水 | 三六三頁作「附枝」,「附」字誤。通典卷一九二于闡條「河源出焉」注云:「名首拔河,亦名樹拔 宋本、南本、北本、汲本「枝」都作「拔」、局本訛作「板」。 册府卷九五七一
- 河,或云即黃河也。」疑問書原作「拔」,後人據北史改。
- 大月氐之種類 ·傳「月氏王」下正義云:「『氏』音『支』。」作「氐」誤。但諸本皆同,今不改。下波斯傳大月氐條同, 北史卷九七嚈噠傳、通典卷一九三嚈噠條「氐」作「氏」。按史記卷一二三大宛
- 于闐安息等大小二十餘國皆役屬之 北史本傳作「三十許」,通典卷一九三亦作「三十餘所」。

不再出校記。

- 卷一二三大宛傳即作「奄蔡」。「奄」「庵」音通,但史籍都作「奄」。 蓋古之庵蔡 北史卷九七粟特傳「庵」作「奄」。 張森楷云:「漢書 卷九六西域傳作『奄蔡』。」按史記
- に語い 列 治蘇利城 傅 第 四 + 隋書本傳作「蘇藺」、北史本傳作「宿利」、譯音之異。 校 勘 記

- 王姓波斯氏 疑此「氐」字乃「氐」之訛。 北史卷九七波斯傳作「其王姓波氏,名斯」,通典卷一九三波斯條作「王姓波斯」,
- [62] 皆飾以珍珠寶物 「眞」。按古籍多作「眞珠」,「珍」字疑後人所改。下「珍珠」同,不再出校記。 宋本、南本及北史本傳、册府卷九六一一二三〇六頁、通典卷一九三「珍」作
- 兩廂近下開之。無府卷九六一一二三〇六頁作「兩廂延下關之」,通典卷一九三「廂」作「肩」。按舊 唐書卷一九八波斯傳云:「衣不開襟」,似作「關之」是。
- [Gt] 婦女服大衫披大帔 「披大帔」號院卷九六一一二三〇六頁作「披大帽帔」。按大帽帔即羃羅,疑
- 〔至0〕國人號王日翳囋妃日防步率 北史本傳、冊府卷九六二二三二八頁「翳」作「毉」。 通典卷一九三

本有「帽」字。

「防步率」作「陟率」。

- 至二 地卑勃掌文書及衆務 府波斯條即出北史,知北史原亦作「卑」。 北史本傳、册府卷九六二一一三一八頁無「勃」字,北史「卑」作「早」。 按册
- 皇 薩波勃掌四方兵馬 北史本傳、洲府卷九六二一三三八頁「薩」作「薛」,本一字。
- Cml 或翦半鬚及繫排於項上 北史本傳、無府卷九六一一二三〇六頁「鬚」作「鬢」,北史及舊唐書本傳

「排」作「牌」。

(音) 火欣和 「祆」原作「祆」。諸本都作「祆」,殿本刻誤,但其字實當作「祆」。 廣韻卷二先韻「祆」字

下云:「胡神,呼煙切。」今逕改。 北史本傳、通典卷一九三作「火神天神」, 册府卷九六一 一二三〇

六頁作「火天神」。

至至 尤重七月七日 册府卷九六一一二三〇七頁作「七月十七日」。

[云] 黍秫 北史本傳「秫」作「稷」。

に語り 氍毹貎覴 ·隋書本傳「毹」」作「蚝」,「毹」作「毾」,北史本傳亦作「毾」。 按三國魏志卷三〇裴注

引魏略西戎傳大秦國「織成、氍毹、毾氈皆好」,又云大秦產物有「五色毾旣、五色九色首下毾

鄧」。後漢書西域天竺傳云:「又有細布、好毾旣」,李賢注:「毾音他闔反。」其字應作「毾」,作

「貎」誤,但諸書版刻也多作「貎」,沿誤已久,今不改。

赤麞皮 隋書本傳、通典卷一九三「麞」作「纍」。參本卷校記第三八條。

(至立)千(牛)(年)寮 隋書、北史、舊唐書本傳、册府卷九六一一二三〇七頁、御覽卷九八一四三四五頁、通

,典卷一九三「牛」都作「年」,是,今據改。

KOD 魏廢帝二年 北史本傳「廢帝」作「恭帝」。

凌(營)〔營〕之風歲廣 言「凌越」,今據改。 宋本「贊」作「替」,是一字。但此字實當作「營」,「營」同「僭」,「凌贊」猶

列

[於三] 戎夏離錯 宋本「離」作「雜」。按兩通。

(禁)(歐)(歐)世仁壽 局本「歐」作「歐」。張森楷云:「作『歐』誤。」按漢書禮樂志云:「驅一世之民。

濟之仁壽之域」。「敺」同「驅」,「歐」字不可通,今據改。

周書 本紀八,列傳四十二,合五十篇。 唐令狐德棻請撰次,而詔德棻與陳叔達、庾儉

成之。

仁宗時,出太淸樓本,合史館秘閣本,又募天下獻書而取夏竦、李巽家本,下館閣是正

其文字。今旣鏤版以傳學官,而臣等始预其是正,又序其目錄一篇曰: 周之六帝,當四海分裂之時,形勢劫束。

不成。 彼君臣之相遭,非以先王之道,而猶且懇懇以誘之言,又况無所待之豪傑,可易以畜哉?夫 薄,使綽爲大誥以勸,而卒能變一時士大夫之制作。然則勢在人上而欲鼓舞其下者,奚息 帝 以德力行仁,所以爲王霸之異,而至於詘己任人,則未始不同。然而君能畜臣者,天下之至 而係之兵,庶幾得三代之遺意,能不駭人視聽以就其事,而效見於後世。 酬酢,知其果可以斷安危治亂之謀,而詘己以聽之。考於書,唯府兵之設,敛千歲已散之民 而已。文帝召蘇綽於稠人之中,始知之未盡也,臥予之言,旣當其意,遂起,幷晝夜諮諏 雖然,非文帝之智內有以得於己,而蘇綽之守外不詘於人,則未可必其能然也。 毅然有志合天下於一,而材足以有爲者,特文 文帝嘗患文章浮 以

堂,無爲以應萬幾者致其思而已矣。夫思之爲王者事,君臣一也,而君之勢則異焉。 不欺其心,內不欺其心,則外不蔽於物,然後好惡無所作,而尙何有己哉? 得己,而足以揆天下之理,知人之言,而邪正無以廋其實,尙何患乎論之不一 下國家之用者,以其粗爾;然非致其精於己,則其粗亦不能以爲 者,是豈先王爲治之序哉?彼區區之周,何足以議,徒取其能因一時君臣之致好,猶足以見 頌堯、舜之無爲,而安知夫人主自宜無爲,而思則不可一日已也。 書曰:「思曰睿。」揚雄曰: 下不以情赴上者乎?蓋虛然後能受天下之實,約然後能操天下之煩。 上,因敝以新法度,而令能者馳騖於下,有忠信之守而無傅會遷就之患,則法度有怫於民 小人忿欲之心已黜於冥冥之際, 君子樂 以 其類進而摩厲其俗, 凛然 任使之盡其方,而吾所省者以天下之耳目,而小人不能託忠以誣君子,又從而爲之勸禁,則 豐殺,法度有 (標曰:「取人以身,修身以道,修道以仁。」蓋道極於不可知之神,而人有其質,推之為天 則勞。」其不然歟。蓋夫法度善矣,非以道作其人,則不能爲之守。而民之多寡,物之 况慨然行先王之道而得大有爲之勢乎! 視時而革者,必待人而後謀,則是可不致其思乎。苟未能此而徒欲法度之革 是固不宜無論也。臣燾、臣安國、臣淸謹 人。 :(有恥。 惟能自愛其身, 垂 纓攝 能無己,始可以 哉? 君臣 衽,俯仰廟 於是賢能 . 相 與謀於 世獨 則內 而

昧死上。

